




Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.567



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CTMAGL 2.6.567



Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.0.567

PROPHETIA
APOCALYPTICA
S. JOANNIS APOSTOLI

Accuratè, breviter, & clarè
EXPLANATA:

*Mundo precipitante ad exitum, prout ex multorum;
quæ hic prophetata sunt, impletione colligere licebit.*

HUMILI INTERPRETE
HENRICO KIRCHER
EX SOCIETATE JESU.


OPUS

*Nequaquam solis Theologis,
Sed omni homine Christiano,
Prout S. Joannes omnibus scripsit,
Dignum lectu, curiosum,
jucundum cognitu, ac
facile intellectu.*

Catalogum rerum, quæ prophetantur, opportunius
dabimus in fine.

Omnia submittendo S. Catholicæ Ecclesiæ.

COLONIÆ AGRIPPINÆ,
Apud PETRUM ALSTORFF, Anno salutis 1676.
Cum Privilegio Sacræ Cæsareæ Majestatis.



REVERENDISSIMO ET ILLUSTRISSIMO
DOMINO, D.

OPICIO PALLAVICINO
ARCHIEPISCOPO EPHESINO

SSmi D. N. CLEMENTIS PP. X.

PRÆLATO DOMESTICO ET ASSISTENTI,
ejusdemque ac S. Sedis Apostolicæ ad tractum Rheni,
& alias Inferioris Germaniæ Partes, cum potestate
Legati de Latere Nuntio. Domino suo
humillimâ observantiâ colendo.

REVERENDISSIME AC ILLUSTRISSIME DOMINE, D.



*U*nquam inter omnes S. Scripturæ libros, unanimiti interpretum omnium consensione, nullus reperitur eo sublimior, obscurior atque difficilior, qui ab ipso auctore suo S. Ioanne Propheta, simulque Apostolo & Evangelista, Apocalypsis IESU Christi inscribitur, tum ob Symbolorum atque anigmatum involucra, quibus nucleus veritatis convestitur, tum ob mysteriorum altitudinem, in qua humanâ licet humilitate, ut inquit S. Cyrillus præfat. in Evangelium S. Ioannis, author provehitur, instar altivolantis Aquilæ:

Attamen (quod non leve est Patris luminum, luminisque de lumine in Ecclesiam orthodoxam influxus argumentum) nullo unquam præteritorum seculorum defuerunt scriptores pii atque eruditi, uti Pererius notat, & Cornelius in Prolegomenis demonstrat, qui Opus hoc immensæ difficultatis (quo nomine Apocalypsin indigitat Pannonius Abbas in præfatione) forti constantique animo aggredierentur, qui mare hoc magnum procellis & tempestatibus plenum, in quo omnis humana sapientia devoratur (ut verbis Riberæ nostri utar in proæmio) carinâ licet fragili, non infelicitè tamen navigarent.

Hos inter uti ætate postremus, ita virtutis doctrinæque opinione fortassis non infimus, emerfit hoc seculo decimo septimo, qui hoc anno in lucem prodit R. P. HENRICUS KIRCHERUS Societatis JESU

DEDICATIO.

Theologus, & hujus Novesienſis Collegii Inquilinus, perſpicacis vir ingenii, fide memoria, limati judicii, indefeſſi ſtudii ac laboris, quibus non tantum ſex linguarum præter maternam, nimirum, Latina, Græca, Hebræica, Italica, Hiſpanica, Gallicaque promptam expeditamque peritiâ, ſed variâ quoque multarum ſcientiarum cognitionem ſibi comparavit. Quibus inſtructus cum multos in provinciâ labores præclare exantlaſſet ſuperiorum voluntate in Septentrionem proſectus, in diverſis ſtationibus, ac demum in ipſa Dania Metropoli, omnes viri Apoſtolici partes, inter graviſſimas difficultates explevit, utque cæcas illas gentes ad verâ fidei revocaret lucem, librum, cui Stella ſeptentrionalis nomen imponere placuit, magno multorum bono gaudioque emiſit.

Præter hunc hoc nobis præſens Opus, à ſe perfectum limatumque paucis ante mortem ſeptimanis, tamquam propediem parentis ſui ſollicitudine orbandum factum commendavit, in quo **PROPHETIAM APOCALYPTICAM** accuratè, breviter, ac clarè explanare inſtituit.

Quod utrum conſecutus ſit, Tuo potiſſimum ſapientiſſimo judicio Reverendiſſime & Illuſtriſſime Domine relinquendum putavit, cujus Illuſtriſſimo nomine libri hujus frontem inſigniri unice deſideravit, relictò nobis vice ultimarum tabularum brevi ſchediaſmate, quo proſitetur ſe incredibili illa humanitate ac benevolentia tuâ, quâ ex miſſione Danica ante triennium reducem, cum ſupra dicto libro, excipere dignata fuerat Celfitudo tua, captum, hoc Opus paulo magis arduum, ad ejuſdem pedes deponere decreviſſe, eâ ſpe fretum, quòd à Gentilitiæ & ſacræ etiam dignitatis Tuae radiis, non parùm lucis, per omnes Nuntiaturæ Tuae Provincias eſſet accepturum.

Quam poſtremam viri ſapientis voluntatem intervertere nec debuiſſus, nec volumus nos ejus executores, quibus jam pridem erat in votis, extare ad poſteros exiguum ſaltem aliquod monumentum demiſſiſſimæ obſervantiæ noſtræ erga Reverendiſſimam & Illuſtriſſ. Celfitud. Tuam, quæ ſexcentas optimæ erga Provinciam univerſam, & noſtrum quoque Collegium & verè paternæ voluntatis ſignificationes jam pridem dare dignata eſt.

Nec poterat apertius cadere, quàm ut hoc ſeſe Opus eum in finem offerres. quidem magis conſentaneum Reverendiſſ. ac Illuſt. Domine, quàm ejus libri, qui ſeptem Aſiæ Angelis, id eſt ſeptem Eccleſiarum, interque eas Epheſinæ, Prælatiſ, ab ipſo authore olim inſcriptus eſt, ut patet ex cap. 1.

v. 4.

D E D I C A T I O.

v. 4. Apocal. explanationem ei humillimâ veneratione dedicare, quem S. Timothei primi Ecclesia Ephesina Angeli, dignissimum successorem merito agnoscimus & veneramur: in cuius moribus priscam: verèque Angelicam SS. Prasulum innocentiam atque integritatē expressam suspicimus & admiramur: in cuius Celsissimo munere Angelorum officia bono nostro Germani experimur, quos, dum Ephesios tuos per Barbarorum tyrannidem non potes, purgas, illuminas, perficis, non verbis tantum, sapientissimisque, utpote ab oraculo Romano acceptis consiliis, sed, quod ad imitationem efficacius est, opere ipso, dum Christi, pro quo legatione fungeris, non personam tantum exhibes, verum etiam figuram formamque exprimis?

2. Cor. 5.

Ast jam ad hoc laudum tuarum compendium Reverendissime & Illustriss. Domine erubescit modestia tua. nihil ergo ultra adjicimus; sed nostro & defuncti recenter Authoris nomine precamur humillimè Reverendiss. ac Illustrissimam Celsitud. Tuam, ut hunc orbatum nuperrimè parente suo partum, matris, id est, Collegii hujus nostri manibus humillimè oblatum, atque ad pedes Celsitud. Tuae depositum, ne repellas, sed eum in tutelam, defensionemque tuam suscipere digneris. Patere Reverendissime & Illustriss. Domine radiantem nominis tui Illustrissimi Clypeum in lucem primum egredienti pratendi, ut majori splendore egressus plurium ad se lectorum oculos animosque convertat. Suscipe denique Rever. & Illustriss. Domine hoc levidense observantia erga tuam Celsitud. nostra, gratique animi anathema, quod ad illum sapientia justitiaque tuae thronum, in quo tanquam divina voluntatis interpres & Nuntius resides, si pateris, L. M. suspendimus: Provinciamque hanc nostram, atque Collegium perge ut facis hactenus, tuo favore tueri, ardore ad Apostolicos in septentrione labores accendere, sapientiâ dirigere, nos vicissim manemus, si aptos judicas,

Revmæ & Illustrissimæ Celsitudinis Tux

Obsequentissimum Collegium Novesienſe
Societatis JESU.

PRIVI-

PRIVILEGIUM CÆSAREUM
ET FACULTAS R. P. PROVINCIALIS
Societatis JESU ad Rhenum inferiorem.

Cum Sacræ Cæsareæ Majestatis decreto, omnibus & singulis Typographis & Bibliopolis, ac aliis quaecunque librariam negotiationem exercentibus ferio prohibeatur, ne quisquam ullos libros à Societatis Jesu Patribus hactenus editos, vel impofterum edendos, intra Sacri Romani Imperii, Regnorum & Dominiorum suæ Cæsareæ Majestatis Hereditariorum fines, simili vel alio characteris genere, aut formâ, sive in toto, sive in parte recudere, vel aliò recudendos mittere, aut alibi etiam impressos adducere, vendere & distrahere, clam seu palam citra consensum, & testimonium supradictorum Patrum audeat, vel præsumat: potestate ad id mihi factâ à R. P. Nostro P. JOANNE PAULO OLIVA Societatis Jesu Præposito Generali, Ego THEODORUS BOTE ejusdem Societatis Jesu, per provinciam Rheni inferioris præpositus Provincialis, PETRO ALSTORFF Typographo & Civi Colonienfis facultatem concedo, excudendi librum, cui Titulus, PROPHETIA APOCALYPTICA S. Joannis Apostoli accuratè, breviter, & clarè explanata, à R. P. HENRICO KIRCHER Societatis nostræ Theologo conscriptum, atque à deputatis ad id Patribus revisum & approbatum. In quorum fidem hoc ei Testimonium manu propriâ subscriptum, & Sigillo nostro munitum dedi. Colonia Anno 1676. 20. die Februarii.

L.S.

Theodorus Bote mp.

PROLO-

PROLEGOMENON.

I. I.

De Utilitate explanandi Apocalypsin.

Dolendum, ne-
gligi ex-
planati-
onem.

SI flebat multum S. Joannes, ut dicitur in Capite quinto, propterea, quod Volumen Revelationum Divinarum, scriptum intus & foris, dignum sanè lectu, signatum Sigillis septem, quod Volumen est præcipuum objectum Apocalypseos, nemo posset aperire neque respicere, v. 3. & 4.

Certè dolendum, quod post tot elapsa sæcula & tot res gestas, quarum necesse est non paucas neque parvas in Apocalypsi prædictas contineri, consenscente mundo, adhuc illa jaceat sine studio singulari & curâ eam legendi atque intelligendi.

Non est
putandū
esse im-
possibi-
lem.

Non audio eos qui dicunt impossibilem explicatu: hi mihi videntur nomen evertere huic Libro inditum Revelationis: siquidem, ne impositio nominis ejusmodi & ejus inscriptio ad Ecclesias frustra sint, non est dicenda excedere captum & studium humanum, pium illud & invocato Deo ut par est ad sacras Scripturas.

Audio potiùs, tam in aditu Apocalypseos, quàm in exitu, monentem DEUM, ut verba Prophetiæ hujus legantur, ut audiantur, & ut custodiantur, cum appromissione Beatitudinis; cap. 1. v. 3. & cap. 22. v. 7.

Nam ex recentioribus Auctoribus qui postremi commentati sunt in Apocalypsin, quidam profectò insignes ad laudem, tam multa scripserunt & præclare in cæteras Scripturas, ut in hujus accuratam interpretationem non iis vacaverit singulariter incumbere: sed ad summum collegerunt opiniones variorum, & de iis judicium tulerunt; quibus nec ipsosmet videas acquiescere, contentos deinde effundi in locos communes & concionatorios. Equidem, in SS. veterum Patrum vestigiis, explicationem brevem molior & claram: atque in exponendo servabo illam methodum quam mox afferam in §. 3. Omnia DEI, & post illum DEI paræ ac S. Joannis scriptoris, auspiciis me Lectoris que adjuvantium.

Quorū-
dam in-
terpreta-
tio non
satisfa-
cit.

Quod si olim sua fuerit utilitas legendæ & expendendæ Apocalypseos juxta ea quæ citavimus verbis illius in fine: in ingressu & in fine: quantò major erit non jam dicam utilitas sed necessitas ejus intelligendæ & observandæ, ad quos post amplius sesquimillenos Christi annos censendum est pertinere multa & præcipua rerum gestarum: quæ hoc ipso quod acciderint, & verò acciderint Ecclesiis & in Asia, non est dubitandum, quin fuerint in hoc libro Prophetico præsignata. Hæc si eruantur

Utilitas
post tot
sæcula.

A

141

tur ex Apocalypsi & inveniuntur divinitus prædicta, conducent ad fines præcellentes & ad motus animorum præstantissimos: videlicet

Quinq;
utilitates
in anima
Lecto-
ris.

1. Ad agnoscendam Providentiam Dei & Agni, decernentem aut permittentem omnes, in suo pondere numero & mensura, quæcunque infestent ærumnæ Sponsam Agni Ecclesiam: & adorandum procidendo cum Senioribus & Animalibus, inter acclamantia millia millium Angelorum.

2. Ad æmulandam constantiam majorum nostrorum, qui tanta subierunt pro Christo, & in Libro Vitæ descripti nos excitât suos posteros ad perseverandû cû eo in adversis: prout etiâ perseveraturi sunt Christiani heroës in Antichristi sævissimâ persecutione.

3. Ad præmuniendum animum contra impendentem nostris sæculis tentationem, ac mala novissima, quibus tanquam aurum in fornace polientur Electi, & palea reprobæ exuretur. Quæ si minus fortè contingant nostrâ ætate, proderit meditatio Apocalypseos ad nôsmet sanctè confundēdos, quando parvæ tribulationi succumbimus.

4. Ad exultandum in Deo, per gratiarum actionem illi, ac dilectionem; tûm verò etiam per spem porrò in eodem: futurum enim, ut Ecclesiam & in ea suos electos custodiat, & faciat cum tentatione proventum; eo indubitatissimo eventu, ut quantocunque amplius premetur illa palma, fortius erigatur.

5. Ad concipiendum sanctum contemptum hujus mundi, cujus consummationi certum est nos appropinquare

post tot sæcula. Utpotè positos (ut conabimur ostendere) jam sub Væ primo de tribus: quorum secundum Væ erit tantummodò annorum trium & dimidii, de Væ tertio autem constat quod sit consummatio mundi & adventus Judicis, ut habetur libri Apocalypseos cap. xi. Ex reliqua Apocalypsi videbimus nos positos sub Bestia priore, neque expectari nisi alteram Bestiam Antichristum cum suo Regno, qui faciat potestatem prioris Bestiæ & Imaginem ei addat. Ut ut est, certissimum est ex Apocalypsi, propè abesse à nostris temporibus finem sæculi & breve Antichristi regnum. quo fit, ut magis jam sit necesse dicere illud S. Justin Martyris, in dialogo cum Tryphone, de Antichristo, ejusque tempore; ἡ δὲ ἐκὶ θύρῃς, id est, jam pro foribus assistit: & illud S. Jacobi Apostoli cap. 5. v. 9. *Ecce Judex ante januam.*

De hoc contemptu sæculi & expectatione Judicis valeat in animis nostris admonitio S. Petri, epist. 2. cap. 3. *Cum igitur hæc omnia dissolvenda sint, quales oportet vos esse in sanctis conversationibus & pietatibus, expectantes & properantes in adventum diei Domini, per quem Cæli ardentes solventur & elementa ignis ardore tabescent!*

Age, pius Lector, priusquam pergat ad cætera, eliciat hos quinque affectus: adorationis & acclamationis: magnanimitatis & perseverantiae: præmunitionis simul & demissionis sui: exultationis & fiduciæ in Deo super omnia dilecto ac fideli: neglectis mundi citò perituri; & expectationis Domini advenientis.

S. II.

*De Argumento : de phrasi: & de partitione totius
Apocalypseos.*

1. **A**pocalypsin, ut inter Scripturas Canonicas Novi Testamenti, rectè describeris Prophetiam Ecclesiasticam.

Prophe- *Argumentum* ejus est, tempora præ-
tat de nunciare militantis Ecclesiæ, id est, pe-
periculis ricula ei præostendere, spiritualia præ-
Eccle- fertim, & persecutiones spirituales ab
siaz, & de exordio prædicationis Evangelicæ, us-
præmio que in finem mundi & statum Beati-
Beatitu- tudinis in quo triumphet. Ita de Apo-
dinis. calypsi sensit magnus Doctor Augu-
stinus lib. 20. de Civ. c. 8. *per totum hoc
tempus, inquit, quod Liber iste comple-
ctitur, à primo scilicet adventu Christi,
usque in sæculi finem.* Non igitur ma-
teria Libri Apocalypseos sola, etsi est de
præcipuis, illud breve tempus quod est
Antichristi: sed in tota Apocalypsi
continetur totus status ac tempus Ec-
clesiæ; inde à Christo usque ad Judi-
cium, in quo transitus fiet ad statum
æternitatis aut Beatæ, aut reprobæ.

Tota, *Quomodo* autem statim ab exor-
inde à dio Libri omnia sint Prophetica, de-
primis clarabitur postea: & consentit id quod
Capiti- in frontispicio legitur positum divini-
bus, est tus v. 1. DEDIT IL LI DEUS PA-
Prophe- LAM FACERE SERVIS SUI
tia. QUÆ OPORTET FIERI CITO.
Unde & S. Hieronymus meminit fu-
tutorum; lib. 1. contra Jovin. cap. 9.

*scripsit Apocalypsin, ait, infinita futuro-
rum mysteria continentem.*

Quod si Joannes ab initio Eccle-
siæ & de sua coram ætate aliquid ad-
ducat, id ipsum eatenus est propheti-
cum, quod intelligatur habere suos
progressus & augmentum per reliqua
sæcula: quo sensu dicitur cap. 1. v. 19.
QUÆ SUNT ET QUÆ OPOR-
TET FIERI POST HÆC. Quem-
admodum est e. c. mysterium Equo-
rum illorum de quibus cap. 6. in quo
contra Equum album, rufus & niger,
tum & pallidus intelliguntur per sua
intervalla invalescere, furere denuò,
nec penitus desinere usque ad ultimum
tempus mundi.

2. *Phrasis* seu stylus scriptionis A-
pocalypsicæ est Hieroglyphicus rerum
futurarum; pellucens in signis
idoneis, arduis, & ad vivum præsigni-
ficantibus. Cum enim omnes Prophe-
tas maximè deceat locutio allegorica,
ut dicit S. Chrysostomus hom. 10. in
Matth. laudans Isaiam qui *hæc ipsa, in-
quit, per allegoricam significaverit figu-
ram, quod certè genus loquendi maximè
Prophetas decet:* tum verò si talis sit al-
legoria, quæ per hieroglyphica rerum
repræsentet eas ob oculos (subob-
scure quidem, quod est Prophetarum
& mysteriographorum: etenim qui

Stylus
altissimè
Prophe-
ticus.

A 2

legit,

legit, intelligat) is est modus proponendi, qui & antequam res percipiatur, totum exsuscitat animum ad attentionem: & in percipiendo facit ex auditore spectatorem: & rem perceptam imprimat tenacius memoriae. Estque sublimissimus stylus prophetandi res arcanas, quæ duo simul præconia, & arcanum & sublime, huic descriptioni tribuit S. Dionysius Areop. l. de Eccl. Hierarch. cap. 3. dum eam vocat *arcanam & mysticam omnino Visionem dilecti Discipuli, divinamque Domini IESU & altissimam Theologiam.*

Hæc methodus scribendi Prophetiam, postulat 1. Lectorem modestum, & ut S. Augustinus solet appellare mitem, ac donum in eo requirit Pietatis: qui assentiatur & laudet ea quæ intelligit, atque ea quæ non intelligit. multò potius quàm Socrates Philosophus, ut de illo narrat Aristoteles, factitabat in legendo libro Heracliti, cui cognomen *σκοτεινός*, id est obscurus: *laudo* (inquebat) *quæ intelligo, laudo etiam quæ non intelligo.* Poscit deinde Lectorem navum ac virum desideriorum, qui adhibeat sedulam disquisitionem verborum & interpretando flagitationem divini auxilii non sanè sine suo labore ac relectione identidem eorum, quæ non statim intelliguntur. Quod nonnunquam etiam de hac nostra explicatione volumus intelligi: si quando brevis in scribendo, cui studebimus, officiet lumini claritatis, & postulabit in Lectore lumen ingenii quo adjuvetur, & motam quæ comparet.

3. Partiendo Apocalypsin secundum ordinem quem Joannes servavit in scribendo; dividi debet in duas partes, quarum utralibet constet Capitibus undecim. Et quoniam S. Joannes postquam dixit se fuisse in spiritu cap. 1. v. 10. identidem utitur vocabulo VIDI, non immerito distingui utraque potest in Visiones Propheticas, quarum duæ præcedunt aperturam illius divini Libri (de quo cap. 5.) declarationi divinæ Præscientiæ de temporibus Ecclesiæ. Harum prima est, in Cap. 1. illustris apparitio Christi & dictatio Epistolarum per duo sequentia Capita: altera, in Cap. 4. & 5. sessio in Throno, cum Libro qui datur Agno aperiendus. Reliquæ comitantur refectionem ipsam, ordine per septem Sigilla; quorum singulis detegitur pars Libri: juxta quem numerum Sigillorum etiam series Visorum in divino Libro rectè dicitur esse septem Visionum, quarum aliæ breviores, aliæ longiores. nam brevitatem quatuor primarum videri possunt supplere duæ illæ proximales quæ ad illum aperiendum videndumque disponunt & referuntur. Demum illo Dei Libro sic viso per partes, ac toto devorato, finitur Pars 1. Apocalypseos, simul cum sono Tubæ septimæ quæ est ad Judicium.

Similiter quòd etiam Altera pars Apocalypseos subdividi possit in suas Visiones, dicitur, Deo favente, initio secundæ Partis.

* * *

§. III.

De methodo explicandi quam servabimus.

Explicaturus applicet eventa præterita.

Prinçipio; modus explicandi Prophetias in genere, non est alius ordinarius quàm expectate eventura & applicate eventa. Ita SS. Patres ea pauca, quæ suâ ætate cœperant experiri, applicaverunt: Unde non est mirum quòd iidem SS. Patres non plenius exposuerint quæ tunc necdum contigerant, eaque posterioribus temporibus explicanda reliquerint. prout fatetur S. Irenæus l. 4. adv. hæres. c. 4. in illud Dan. 2. signa librum. *Omnis enim, inquit, Prophetia, priusquam habeat effectum, enigmata & ambiguitates sunt hominibus: cum autem venerit tempus & evenierit quod prophetatum est, tunc prophetie habent liquidam & certam expositionem.* Ergo memoriâ repetenda sunt ea quæ maximi momenti in Ecclesia compertum est accidisse: involuta enim sunt in Apocalypsi & pio attentog; studio evolvenda.

Habeat ob oculos modum quod in Apocalypsi quædam explicantur.

Deinde; in hac particulari Prophetia Apocalyptica exponendâ respiciendum est ad eum modum, quem tenuit Auctor Apocalypseos in iis, quæ ipsemet explicata inferuit ac nobis præiit ad eruenda æquæ cætera. Sensit ac monuit hoc S. Augustinus lib. 20. de Civ. cap. 17. *In hoc quidem Libro, cuius no-*

men est Apocalypsis, obscurè multa dicuntur, ut mentem legentis exerceant: & PAUCA in eo sunt, ex quorum manifestatione indagentur cætera cum labore. Comparatè ad multa quæ obscura relinquantur, dixit manifestationem factam esse paucorum. Tale est illud Cap. 1. v. 20: septem Stellas, esse 7. Angelos seu Episcopos: 7. Candelabra, septem Ecclesias. & Cap. 5. v. 6. Cornua 7. & oculos Agni, esse septem spiritus Dei. Cap. 17. v. 8. 7. Capita, esse montes & Reges 7. & plura ejusmodi. Ex qua interpretatione manifestè docemur, hujus Libri non esse illud genuinum sensum, neque literalem appellandum, qui in primo cortice literæ apparet, sed eum, qui includitur in litera instar nuclei, Ecclesiasticum, & arcanum. Non proinde, exempli gratiâ, quatuor Equi, de quibus in Cap. 6. accipiendi sunt pro naturalibus equis: non ea, quæ de septem tubis in Cap. 8. & 9. interpretanda de naturali combustione tertiæ partis terrarum, & interitu tertiæ partis navium, de casu stellæ materialis, & obscuratio-
ne Cœli, veris locustis &c. præterquam ubi de Judicio agitur extremo; in quo constat esse propriè intelligen-

A 3 dum

dum quod dicitur de Filio hominis venturo in nube, de novissima tuba Angeli, de signis & conflagratione atque everfione mundi.

Id quod etiam verum est in ipsis Epistolis, Capite 2. & 3. quia simili sunt phrasi dictata: non esse illic sumenda pro materiali significato, Lignum paradisi, Manna, Stellam matutinam, & cetera ejusmodi: ut per se patet Lectori.

Pervetustus scriptor & magnæ estimationis in antiqua Ecclesia, sanctus Ephrem, lib. de pœnitentia, in redarguendo errore Millenariorum (ex Apocalypsis Capite 20. versibus 4. 5. & 6.) hoc ponit fundamentum sanæ sententiæ: *Si cuncta*, inquit, (hoc est, suppono quod cuncta) *per parabolam & anigma locutus est in Apocalypsi Joannes*. Urgentibus literam mille annorum instat: *Et ego abs te Candelabrum & Calculum candidum, & potionem tepidam repetam*. regerit *Mulierem esse Civitatem &c.* quæ cuncta symbolica. Et S. Hieronymus epist. 48. ad Matcellam de Libro Apocalypseos scribens: *Cum omnis*, inquit, *iste liber spiritualiter intelligendus sit*.

Advertat ad Prophetias veteres quæ subiunguntur.

Tertio, simul ad explicationem conducit attendere, ad quos se referat hæc Prophetia Libros aut sententias aliorum Prophetarum Veteris Testamenti; quibus utique censenda est consentire: præsertim Danielis, nec non Ezechielis; atque ipsius Christi, Matth. 24. de consummatione Mundi & desolatione finali: quibus adde etiam

Paulum ad Thessalonicenses de Antichristo.

Quarto; non est negandum neque obliviscendum, quod unius vocis aut signi plures esse possint sensus si eruuntur. ita, ut in expositione hujus maxime Libri valeat illa regula S. Augustini de Scriptura universa: quod in quolibet sensu atque interpretatione congruâ, modò ne contrarietur orthodoxæ fidei, benè accipiantur ea quæ dicuntur in Scripturis: tanquàm Spiritu sancto copiosè plura simul proferente. Citabo verba S. Augustini, quia fufius hoc docet, ad finem hujus §. (a)

Quod si citra periculum utamur illa Regula in aliis Scripturis explicandis: quantò magis in Apocalypsi; quæ abditissima est omnium Scripturarum & fecundissima plurium sensuum? de qua S. Hieronymus epist. 103. ad Paulinum: *Apocalypsis*, inquit, *Joannis tot habet Sacramenta quot verba: parum dixi &c. in verbis singulis multiplices latent intelligentia*.

Quinto; denique in iis, quæ necdum acciderunt, futuris novissimis, juvandi procul dubio sumus communi consensu veterum Patrum, & traditione ac sensu Ecclesiæ: nihil ut asseratur quod his fuerit contrarium.

Observandum pro hoc §. nos agere de explicatione & sensu literali Apocalypseos quem profitemur velle adducere, & dicimus esse passim oportere significatum mysticum, ut in hieroglyphicis vel parabolicis. Nam sicut hoc

Siæ periculo est sensus multiplex.

De futuris nihil præsentatur quod repugnet consensui SS. Patrum & traditioni.

Notandum nos hoc

agere de hoc omni est voci commune, ut sit
sensu li- significativa ejus quod concipit, & rei
terali. quam enūtiat is cujus est vox ita scrip-

tionis per hieroglyphica vel per sym-
bola, sicut & locutionis omnis para-
bolicæ, hoc est peculiare; quod con-
ceptus & res quæ significantur, non
sint significatio propria ipsius vocis aut
signi, sed metaphorica. Ut quando
dicit Scriptura, Brachium Dei, sensus
literals non est id quod propriè signi-
ficat Brachium, sed id quod per Bra-
chium repræsentatur, id est Virtus ope-
rativa. Vel, ex Apocalypsi septem
Candelabra; non est sensus literalis id
quod significatur propriè per vocem
Candelabrum, sed id quod significatur
figuratè, quod explicat esse Ecclesias.
Ita S. Thomas i. p. q. i. a. 10. ubi, cum
distingueret à literalis tres alios sensus spi-
ritales; docet de sensu parabolico, quod
sub literalis contineatur. nam per voces,
inquit (ad tertium) significatur aliquid
propriè & aliquid figuratè: nec est lite-
ralis sensus ipsa figura, sed quod est figura-
tum: & adducit exemplum de Brachio

Et posse modò commemoratum. Quod verò
literales etiam diximus, & valdè cupimus ob-
sensus servari, plures esse posse sensus ejusdem
esse plu- Scripturæ aut vocis: intelligi similiter

res si-
mul.
volumus de sensu literalis: quod videli-
cet Spiritus S. qui est auctor sacre Scri-
pturæ possit plura simul per & ad lite-
ram intendisse, quæ est doctrina S.
Thomæ l. c. in Corp. quia verò, inquit,
sensus literalis est is, quem Auctor inten-
dit. Auctor autem sacre Scripturæ Deus
est, qui omnia simul suo intellectu compre-
hendit; non est inconveniens, ut dicit Au-
gustinus, si etiam secundum LITERA-
LEM sensum in una litera sacre Scriptu-
ræ plures sint sensus.

Unde quod S. Hieronymus paulò
antè citatus dixit, Apocalypsin esse spi-
ritualiter intelligendam, tantundè est,
ac dixisse, quod sensus Apocalypseos &
expositio literalis debeat esse de rebus
spiritualibus. sicut & nos si quid forte
dixerimus allegoricè accipiendum in
hoc Libro, nolumus talem esse sensum
allegoricum Apocalypseos: sed alle-
goriam esse sensum ejus literalem. A-
liud est enim dicere, Scriptura illa est
de rebus spiritualibus: & aliud, ille est
spiritualis sensus illius Scripturæ, is què
S. Thomas distinguit contra literalem;
nempe allegoricus, moralis, & anago-
gicus; qui supponunt sensum literalem
& super hunc fundantur.

(a) S. Aug. lib. xi. de Civ. cap. 19. *Divini sermonis obscuritas etiam ad hoc sit uti-*
lis, quod plures sententias veritatis parit & in lucem notitia producit: dum alius eum
sic, alius sic intelligit: sive ad id quoque perveniatur quod sensit ille qui scri-
pfit: sive id quidem lateat, sed EX OCCASIONE TRACTAN-
DÆ PROFUNDÆ OBSCURITATIS alia quadam vera di-
cruntur.

Et

Et lib. 3. de doctr. Christiana cap. 27. *Quando autem ex eisdem Scripturae verbis non unum aliquid sed duo vel plura sentiuntur, etiamsi laet quid senserit ille qui scripserit, NIHIL PERICULI EST.* (addit: dummodò sententia, quam de verbis illis exsculpis, rectæ fidei non refragetur) *Ille quippe Auctor, inquit, in eisdem verbis quæ intelligere volumus, & ipsam sententiam forsitan vidit: & certè Spiritus qui per eum hæc operatus est, etiam ipsam occursum Lectori vel Auditori sine dubitatione prævidit; imò ut occurreret, quia & ipsa est veritate subnixta, providit. Nam quid in divinis eloquiis largius & uberius potuit divinitus provideri, quam ut eadem verba pluribus intelligantur modis? &c.*



APO-

APOCALYPSEOS

PARS PRIMA.

Series seu distributio Capitum primæ Partis.

Proœ- *Capite 1.* ponuntur hæc tria: Titulus & commenda-
mum. tio Apocalypseos: Dedicatio ejusdem ad Ecclesias A-
fiæ: & proœmialis illustris Visio Christi in medio Ec-
clesiarum.

Episto- *Secundum Caput & tertium* constant 7. Epistolis: quas
læ. eodem Christo dictante Joannes excipit, inscriptas Epi-
scopis illarum Ecclesiarum.

Visio *Capite 4. & 5.* describitur altera Visio, adhuc prævia
Throni; Visionibus Libri divini, & præparatoria: nempe de se-
& Libri Visionibus Libri divini, & præparatoria: nempe de se-
divini dente in Throno, & de Libro quem ex dextera ejus
obsigna- Agnus accipit.
ti.

Septem *Capite 6. & sequentibus quinque*, cernitur aperiri &
figilla: & evolvi Liber Dei: & ut erat unaquæque pars Libri clau-
totidem sa suo sigillo, sequuntur ordine septem in illo Vi-
Visio- siones.
nes.

Harum septima, quæ incipit *Capite 8.* interposito
aliquo silentio & incensatione, maximè est formidan-
da Visio 7. Angelorum cum totidem Tubis:

Quarum cantus pertingit usque ad exitum *Capitis un-
decimi*; in quo septima Tuba canitur, Judicii ex-
tremi.

B

Et

Finis Li-
bri divi-
ni.

Devora-
tur, ru-
minan-
dus ut
iterum
prophe-
tetur.

Et hunc esse finem Libri divini (non tantum Sigillo-
rum, ut quidam ingenio suo sibi excogitaverunt, nul-
lo nixum fundamento in Apocalypsi) patet ex eo,
quod, ut erat apertus usque ad umbilicum & explica-
tus ac perspectus, datur devorandus Joanni. Mone-
tur is, ut ea, quæ viderat, secum exactius ruminata pro-
phetet iterum & inculcet sub schemate aliarum Visio-
num, de quibus in 2. parte Apocalypseos: ac nomina-
tim ea quæ ruditer viderat ad Tubam quinti & sexti
Angeli. Hi duo cecinerant duo *Væ*: quorum secun-
do, quia continetur coarctatio & angustia Ecclesiæ,
tempore Antichristi regnantis, ideo *Capite undecimo* de-
vorator Libri jubetur metiri Ecclesiam ejus temporis,
& instruitur de duobus Testibus eam defensoris & am-
plificaturis.

Finis Vi-
sionum
I. partis.

Nam ad cantum septimi Angeli, quod est *Væ* ter-
tium reproborum, & superveniet citò illi secundo, *con-*
summabitur mysterium DEI (prout jurejurando asserbatur
cap. 10. v. 7. CUM primum COEPERIT TUBA CA-
NERE septimus Angelus) & erit (inquit cap. x1. v. 18.)
TEMPUS Judicii MORTUORUM ET MERCEDIS
Sanctorum.

Hactenus series I. Partis Apocalypseos.

TRACTA-

TRACTATUS I.

IN DIMIDIUM CAPITIS I. APOCALYPSEOS.

Dividamus hoc Caput in duas partes : quarum prima est Præfatio Joannis : altera est Visio proœmialis. Prima illarum partium est ab initio Capitis ad versum usque duodecesimum.

VERBA APOCALYPSEOS.

(Capit. i. Versu i.) *Apocalypsis IESV Christi, quam dedit illi DEVS, palam facere servis suis, qua oportet fieri cito: & significavit, mittens, per Angelum suum servo suo Ioanni, (v. 2.) qui testimonium perhibuit, verbo DEI, & testimonium IESV Christi quacunque vidit. (v. 3.) Beatus qui legit & audit verba prophetia huius: & servat ea, qua in ea scripta sunt: tempus enim propè est (v. 4.) Ioannes septem Ecclesiis, qua sunt in Asia. Gratia vobis & pax ab eo, qui est, & qui erat, & qui venturus est: & à septem spiritibus, qui in conspectu throni eius sunt: (v. 5.) & à IESV Christo, qui est testis fidelis, primogenitus mortuorum, & princeps regum terra: qui dilexit nos, & lavit nos à peccatis nostris, in sanguine suo, (v. 6.) & fecit nos regnum & sacerdotes Deo & Patri suo: ipsi gloria & imperium in sacula seculorum: Amen. (v. 7.) Ecce venit cum nubibus, & videbit eum omnis oculus, & qui eum pupugunt. Et plangent se super eum omnes tribus terra: Etiam: Amen. (v. 8.) Ego sum a & u, principium & finis, dicit Dominus Deus, qui est, & qui erat, & qui venturus est, omnipotens. (v. 9.) Ego Ioannes frater vester, & particeps in tribulatione, & regno, & patientia in Christo IESV, fui in insula, qua appellatur Patmos, propter verbum DEI, & testimonium IESV: (v. 10.) Fui in spiritu in Dominica die, & audi vi, post me vocem magnam tamquam tubæ, (v. 11.) dicentis: Quod vides, scribe in libro: & mitte septem Ecclesiis, qua sunt in Asia, Epheso, & Smyrna, & Pergamo, & Thyatira, & Sardis, & Philadelphia, & Laodicia.*

§. I.

Prefatio Joannis.

Primi tres Versus habent Titulum: Auctorem: materiam: auctoritatem: & utilitatem Libri.

- Titulus. 1. **T**itulus, linguâ originali scriptoris, est Apocalypsis: id est revelatio tecta. nam τὸ ἀποκαλύπτειν habet significationes duas; quarum primaria est revelare, altera tegere: ita ut sit Revelatio sed arcanis tecta hieroglyphicis.
- Auctor. 2. **A**uctor est JESUS CHRISTUS: qui accepit eam, tanquam VERBUM quod procedit à Patre, & ab illo accipit omnia. *Internuntius*, Angelus mittitur ad Joannem, ut significet esse scribendam Apocalypsin: nam & inter scribendum aderit ministerium Angelorum suis signis res repræsentantium.
- Scriptor, qui & prædicator verbi quod audivit, & rerum quas vidit, est S. Joannes, manu & linguâ totus calamus atque *instrumentum* Scribæ velociter scribentis; ejus qui Scriptor *principalis* est Spiritus sanctus, Digitus DEI.
3. **Materia**: digniora præcognitu Materia. pro servis Christi, quæ oportet fieri citò.
4. **Authoritas**, testimonium JESU CHRISTI. Autho-
ritas.
5. **Utilitas**: quòd lectio & auditio conducant ad Beatitudinem: ut diximus in Prolegomeno, §. 1. Utilitas.

§. II.

Dedicatio.

Constat his tribus: *Versus 4. & seqq. usque ad duodecimum* habent Dedicationem Ecclesiis quæ sunt in Asia. Continet Dedicatio tria: salutationem: attestationem: subscriptionem.

1. **appreciatione salutis.** **S**alutatio constat appreciatione gratiæ, ut in Novo Testamento; & Pacis, quâ formulâ omnis benedictio significatur in Scriptura. Fit hæc appreciatio ab eodem illo qui & significasse dictus est (v. 1.) & mittere Apocalypsin suam: is est JESUS CHRISTUS. & fit ab illo bifariam, prout in una ejus eademque Persona considerantur duæ forinæ distinctæ (sic eas appellat Apostolus Phil. 2. v. 6. & 7.) *Jesu Christo:* altera DEI, in qua in principio est **VER-**
- Bifariam
ab eodẽ
Jesu
Christo:

VERBUM: & altera servi, quam assump-
 sit in similitudinem hominum fa-
 ctus. Secundum has enim Formas di-
 stinguenda esse, quæ à Christo, vel de
 Christo dicuntur, multis exemplis o-
 stendit ex Evangelio S. Augustinus lib.
 1. de TRIN. cap. 11. & 13. *Ista* (inquit
 cap. 11.) *Regula intelligendum Scri-
 pturam de Filio DEI, ut distinguamus
 quid in eis sonet secundum formam DEI,
 in qua equalis est Patri: & quid secun-
 dum formam servi, quam accepit, in qua
 minor est Patre.* Hoc loquendi modo
 ac regulâ distinguendi, prima pars Sa-
 lutationis est secundum formam DEI:
 cujus essentiale nomen QUI EST
 (Exod. 3. v. 14.) ET QUI sicut in prin-
 cipio ERAT, ita & is, QUI in fine
 temporum VENTURUS EST; quod postremum attributum manife-
 ste probat Joannem loqui de Persona
 Christi: cujus adventus magnopere
 conducit ad scopum hujus Libri Apo-
 calypseos, & ad potestatem pertinet,
 quam habet ut Deus est. prout præ-
 clarè docet S. Augustinus l. 1. cap. 13.
*Secundum id, inquit, quod Deus est,
 judicat, hoc est, ex potestate divina, non
 humana.* nam quod in forma hominis
 apparebit, ideo est (quem sensum ha-
 bet quod dicitur Joan. 5. v. 27.) *ut pos-
 sit & ab impiis videri:* oportet enim ut
 sit in Judicio conspicuus & bonis &
 malis. Quapropter, ait Augustinus,
*Filius hominis iudicaturus est, nec tamen
 ex humana potestate, sed ex ea, quâ Filius
 DEI est.* Cujus adventus erit, & ipse
 dixit Luc. 9. v. 26. *In Majestate sua &
 Patris & sanctorum Angelorum,* qui
 etiam ex hoc capite aptè conjunguntur

cum adventuro ad Judicium. Nempe Quorū
 (ita pēgit Apocalypsis) illo salutante
 contutant vos Ecclesias Hierarchiæ
 Angelorum, & qui eas inter excellunt
 SEPTEM Principes: quibus cura est
 commissâ & expeditio revelationum.

Hi sunt illi septem, quos Filius DEI
 dignatur non inate Cornua (cap. 6.
 v. 6.) & oculos Capitis sui, quod est
 Divinitas: cui proinde hîc subnectun-
 tur ut instrumenta. Clarissimè S. Scri-
 ptura Tob. 12. v. 15. *Ego enim sum Ra-
 phael Angelus, unus ex septem qui astan-
 mus ante Dominum.* quod allegat S.
 Cyprianus lib. 1. contra Judæos: *An-
 geli septem, ait, qui assistunt & conver-
 santur ante faciem DEI, sicut Raphael
 Angelus in Tobia dicit.* Et prior Cy-
 priano S. Clemens Alexandr. l. 6. Stro-
 matum: *Septem quidem sunt, ait, quo-
 rum est maxima potentia, primogeniti
 Angelorum Principes.* Hi sunt Præ-
 sides constituti Ecclesiarum, & admi-
 nistri decretorum divinorum, quos ad-
 hibet assiduè IN CONSPECTU
 THRONI sui; nam ejus faciem di-
 vinam semper vident: quibus etiam
 utitur, & miti in negotio Gubernatio-
 nis in omnem terram, cap. 5. v. 6. qui si-
 militer cernuntur stantes in conspectu
 DEI, cap. 8. v. 2. & datæ illis 7. Tubæ:
 & cap. 15. v. 7. phialæ septem in illo ne-
 gotio.

Altera pars Salutationis est secun- Deinde,
 dum formam servi ab eadem Persona ut in for-
 JESU CHRISTI assumptam: huic enim ma mi-
 conveniunt omnia quæ commemo- norati
 rantur. Secundum hanc est primus ab An- gelis.
 apud homines TESTIS FIDELIS &
 locuples, qui testimonium reddidit fidum

sub Pontio Pilato, bonam confessionem 1. Tim. 6. v. 13. PRIMOGENITUS MORTUORUM, exemplar in martyrio & resurrectione: Secundum hanc habet femur, & in illo scriptum Principatum REGUM TERRÆ: Secundum hanc SANGUINE SUO LAVIT NOS: & ut est Sacerdos ac Mediator, suā pro nobis interpellatione FECIT NOS REGNUM, ET SACERDOTES DEO ET PATRI; id quod Petrus breviter dixit ep. 1. c. 2. v. 9. *Regale Sacerdotium*: & S. Aug. lib. 20. de Civ. cap. 10. *Omnes Sacerdotes, quoniam membra sunt unius Sacerdotis*. Quantum ad hanc Formam, est minor Angelis factus, ut cecinit Propheta, psal. 8. v. 6. & ut loquitur Apostolus (Hebr. 2. v. 9.) *modico quam Angeli minoratus*: ac procul dubio, ut loquitur ex eodem Apostolo Augustinus lib. 1. de TRIN. cap. 7. *Minor est seipso supra*: hoc est enim dicere, *semetipsum exinanivit Formam servi accipiens* propter servos quos redimeret.

Summa totius Salutationis completur hæc tria: 1. VOBIS, inquit Joannes, redemptis GRATIA ET PAX ab illo, qui secundum Formam DEI est naturaliter major Angelis: secundum autem Formam servi, in qua vos redemit, minoratus est ab illis propter vos, quos cupit meminisse tanti beneficii & exinanitionis. 2. Inter hæc, Consalutatio à septem Spiritibus, & administratio vestri, quam stipulantur 7. Ecclesiis DEI. 3. IPSI Redemptori vestro GLORIA ET IMPERIUM in vos æternum.

Salutationi subjungit *attestationem*, de Christo palam apparituro in NUBIBUS: Cujus qui diligunt adventum, dicunt ETIAM; quæ vox est firmissimè credentium, græcè *ωὶ*: & AMEN; quod est insuper optantium: non sine planctu adversariorum, QUI EUM PUPUGERUNT.

Claudatur Dedicatio per profectionem Christi; tanquam qui subscribit Dedicatōni aut ratam habet, principalis Auctor: v. 8. EGO SUM ET *in* Libri, VERBUM cui æternum est esse; qui sum OMNIPOTENS tā ad faciendum ea quæ prædixero, quam ad vertendum ad salutem iis qui me habent pro principio & pro fine suo.

Sequitur versu 9. & 2. sequentibus: Locus descriptionis: & dies: & mandatum scribendi:

Locus est PATMOS, insula una Sporadum in mari Asiatico: veluti specula, ex qua septem circumspicit Ecclesias: exilium Joannis, in quo PARTICEPS est TRIBULATIONIS, quæ infertur à Domitiano; ET REGNI cœlestis, cujus mercede, ET PATIENTIÆ Christianæ, quā sustinet unā vobiscum ut FRATER VESTER, ut prædicator Verbi DEI, & ut testis Jesu. Addit, se fuisse illuc *in spiritu*: quod etiam repetit Apoc. 21. v. 10. id est, tota ei revelatio facta est per spirituales imagines, quæ occurrerunt oculis mentis. Illa quippe Visio Prophetica (ita de Apocalypsi S. Augustinus lib. 3. de TRIN. cap. 6.) non est exhibita oculis corporeis per formas corporum, sed in spiritu per spirituales imagines corporum.

2. Attestatione adventus futuri.

3. Clausula dedicationis velut subscriptæ manu Christi.

Datum per Joannem: Loco:

Dies

Die: *Dies ecclaseos ejus fuit Dominica; sancta. circiter annum Christi nonagesimum septimum: annis quinque & viginti post Hierosolymam excisam: quadriennio ante suum obitum: bienio antequam scriberet Evangelium.*

Iussu: *Mandatum accipit: VOCEM MAGNAM, & POST se; quia de*

rebus magnis, & velut à tergo jam imminetibus: TANQUAM TUBÆ, quæ militantium aures meritò excitet ac perstrepat: *scribendi hanc Apocalypsin & mittendi septem Ecclesiis quæ sunt in Asia; quas nominatim audit enumerari.*

Ad singulas 7. Ecclesias rum.

§. III.

Cur ad 7. Ecclesias: & eas quæ in Asia.

Univer-
sa erudi-
tur Ec-
clesia.

1. **A**D septem Ecclesias scribitur: eò quòd harum septenario (qui numerus est absolutissimus in S. Scripturis) universa possit ac debeat accipi Ecclesia per totum orbem: ut rectè S. Chrysostomus: S. Augustinus: S. Gregorius. Et generatim loquendo, septenarius numerus multum est familiaris huic Apocalypsi, sicut & aliis Scripturis ac figuris: de quo SS. Patres passim, quòd significet Universalitatem. prout S. Gregorius hom. 33. in Euang. *quia enim 7. diebus omne tempus comprehenditur, rectè septenario numero Universalitas designatur.* & ante eum Augustinus lib. 17. de Civ. cap. 4. *agnoscentibus, inquit, septenarium numerum, quo est universa Ecclesia significata perfectio. propter quod & Joannes Apostolus ad 7. scribit Ecclesias: eo modo se ostendens ad unius plenitudinem scribere.* In promptu est ratio: Spiritus enim Jesu Christi sic dicat quibusdam Ecclesiis, ut omnibus: Mar. 13. v. 37. *quod autem vobis dico, omnibus dico.*

2. Simul eo numero insinuat, Ecclesiæ universali sanctum assistere Spiritum septem donorum, quem necesse est requiescere super totum Christi corpus, quod est Ecclesia: ex vaticinio Isaïæ cap. 11. v. 2. & 3. Et quia fieri potest, ut particularis quæcunque Ecclesia alio magis quam alio abundet horum 7. charismatum, idèd hæc parænesis earum, hæc instructio, hæc revelatio dedicatur ipsis septem.

3. Jam verò quòd eæ nominatim Ecclesiæ enumerantur **QUÆ SUNT IN ASIA**, & ad illas jubetur scribi mittique: magna prophetandi vis inest huic dedicationi: juxta id quod innuimus in prolegom. §. 2. totam ab initio Apocalypsin esse prophetiam. Prorsus, sicut Irenæus dixit lib. 4. Adv. hæ. cap. 38. *NIHIL hic vacuum neque sine signo apud eum.* neque enim vacat mysterio planè magno, quòd nominibus suis appellantur singillatim Asiaticæ: propterea quòd præcipua, quæ prædicuntur in Apocalypsi, sumpserint initium

Et ad-
mone-
tur as-
sistentis
Spiritus
septiformis.

Sed præ-
cipue ca-
vetur
Asiæ.

Ubi A-
postola-
tus Joan-

nis &
hæc scri-
ptio.

initium in Asia; & illic potissimum ge-
renda prænuntientur; & sumptura
sint finem in Asia: cujus proinde se-

ptem Ecclesiis, id est omnibus quæ
in ea sunt or dis parte, præ cæteris cave-
tur pei Apo tolum Asiæ & dedicatur.

TRACTATUS II.

IN RELIQUA CAPITIS I.

VERBA APOCALYPSEOS.

(Versu 12.) *Et conversus sum, ut viderem vocem qua loquebatur
mecum: Et conversus vidi septem candelabra aurea: (v. 13.) & in me-
dio septem candelabrorum aureorum similem filio hominis, vestitum
podere, & præcinctum ad mamillas zona aurea: (v. 14.) caput autem
ejus & capilli erant candidi tamquam lana alba, & tamquam nix, &
& oculi ejus tamquam flamma ignis: (v. 15.) & pedes ejus similes au-
richalco, sicut in camino ardenti, & vox illius tamquam vox aquarum
multarum: (v. 16.) & habebat in dextera sua stellas septem: & de ore
ejus gladius utraque parte acutus exibat: & facies ejus sicut sol lucet in
virtute sua. (v. 17.) Et cum vidissem eum, cecidi ad pedes ejus tam-
quam mortuus. Et posuit dexteram suam super me, dicens: Noli
timere: ego sum primus, & novissimus; (v. 18.) & virus, & fui
mortuus; & ecce sum vivens in sacula saculorum, & habeo cla-
ves mortis, & inferni. (v. 19.) Scribe ergo quæ vidisti, & quæ
sunt, & quæ oportet fieri post hæc. (v. 20.) Sacramentum septem
stellarum, quas vidisti in dextera mea, & septem candelabra aurea:
septem stellæ, Angeli sunt septem Ecclesiarum: & candelabra septem,
septem Ecclesiæ sunt.*

S. I.

Visio proæmialis.

Non est putandum Appariti-
onem hanc temerè factam esse
in tali effigie & non in qualibet
alia. Christus est qui apparet, formam

indutus & Ideam se ostendens Antisti-
tis: ut est summus *Episcopus animarum*
(1. Pet. 2. v. 25.) & *Princeps Pastorum*
(cap. 5. v. 4.)

1. IN

Insignia
Episco-
palia:
Christi,
summi
Sacer-
dotis.

1. IN MEDIO CANDELABRORUM, id est Ecclesiarum lucentium in hoc Mōdo, velut in caliginoso loco cuius tenebras dissipant: & AUREORUM, quia coram DEO simul in pretio sunt & in probatione tanquā aurum. Est autem Christus medium seu centrum illarum, ex quo & Ipse regit omnes Ecclesias, & in Ipsum omnes debent collineare. Sic & Episcopus quisque in medio sit suae Ecclesiae, Cleri, & plebis: ut is, cui omnium sit cura, & ad quem omnium oculi.

2. SIMILIS FILIO HOMINIS. Qui cū in forma DEI esset, sponte se exinanivit (Philipp. 2. v. 6. & 7.) *formam servi* accipiens in similitudinem hominum factus, per omnia similis excepto peccato. Sic qui pascunt gregem DEI, provideant ei spontaneè secundum DEUM (1. Pet. 5. v. 2. & 3.) neque ut dominantes in Cleris, sed *forma facti gregis ex animo*: quāto excellentiores officio, tantò suā sponte demissiores.

3. VESTITUS PODERE. quia Sacerdotio summo praeitus: quod significat *ποδῆρες*, sic dicta quod sit tunica *talaris* (Exod. 28. v. 33. quae propria erat summi Sacerdotis, cū esset aliorum sacerdotum tunica brevior *usque ad crura* ut scribit S. Hieron. ad Fabiolam ep. 128. Sic Episcopum totum decet atque ornat vestis Religionis erga DEUM & cultum divinum: & ad hunc exercendum sit accinctus promptitudine velut Zona, de qua sequitur.

4. PRÆCINCTUS AD MA-

MILLAS: alteram Misericordiae & dulcedinis, quā lactat ut mater, blandiendo: alteram Veritatis & disciplinae quā ablaet ut pater, corrigendo. Utriusque alternatio ad educationem spectat filiorum quos sacerdos generat DEO. hoc suum pectus & viscera sui cordis accincta habet quilibet. sacerdos ZONA byssinā: id est, promptitudinem habet sanctam ac simplicem in porrigendis uberibus: at Summi Sacerdotis, cum qua hīc se Christus ostendit, propria est AUREA, hoc est auro undique intertextā purissimo, charitate praeclentiore. Sic erant Paulo Episcopo (parturienti, Gal. 4. v. 19. & gignenti 1. Cor. 4. v. 15.) sic cuilibet alteri Episcopo sint haemillae Christi: circa quas & ex toto suo pectore sentiat se urgeri Zonā aureā, illā de qua 2. Cor. 5. v. 14. *Charitas Christi urget nos.*

5. CAPITE ET CAPILLIS CANDIDIS: id est, sapientiā & maturitate consiliorum: quae cū emineant in Christo, provocat suo exemplo Episcopos. Sic enim decent eos *canisensus*; & haec *etas senectutis* eorum, *vitā immaculatā*, Sap. 4. v. 8. & 9. quorum caput sit TANQUAM LANA ALBA sine ulla tincturā simulationis: in capillis verò maturitas cogitationum candorq; in suadendo reniteat TANQUAM NIX.

6. OCULI EJUS TANQUAM FLAMMA IGNIS: perspicaces ad pervidendum, & efficaces ad permovendum cum illuminatione & inflammatione divini amoris, quem spirat intuitu & afflat quacūque circumspicit.

C

Sis

Sic Episcopus à Christo constitutus ne circumferat oculos animales seu terrenos, sed qui obvios quosque accendant cœlesti igne, quem præferat vel solo aspectu oculorum.

7. PEDES EJUS, affectus quibus movetur anima, firmi per constantiam, SIMILES AURICHALCO, id est æri probatissimo; quod SICUT IN CAMINO ARDENTI, in fornace passionis aut tentationis amplius resplendet. *Sic* Episcopus speciosis pedibus, quorum similitudo sit aurichalci ardentis, (quod constat instar esse gemmæ carbunculi) progrediatur & luceat in periculis, affectu animæ nunquam fracto, fortis & constans per adversa quæ occurrunt.

8. VOX ILLIUS, seu doctrina, TANQUAM VOX AQUARUM MULTARUM: quod ipsum Ezechiel cap. 43. v. 2. de gloria DEI Israël agebat, *Vox erat ei quasi vox aquarum multarum.* In voce, spectatur unitas: in aquis, confluxus gentium: in strepitu aquarum, multitudini impressus impetus timoris divini. *Sic* est vox Episcopi, prædicatio verbi DEI (*præcipuum Episcoporum munus*; ut ait Concilium Tridentinum sess. 5. cap. 2. & sess. 24. cap. 4.) in qua voce unitas doctrinæ orthodoxæ: assiduitas Auditorum confluentium: commotio animorum; *Verba*, ut ait S. Gregor. l. 19. mor. cap. 5. *terribilia de venturo Iudicio, sonantes procella.*

9. ET HABEBAT IN DEXTERA SUA Christus ipse summus

Episcopus, in illa manu quâ dirigit omnia circa suos electos, STELLAS SEPTEM, id est Angelos Ecclesiarum de quibus infra v. 20: tanquam suos Suffraganeos & Vicarios: *dexter Deus*, inquit S. August. in psal. 7. *id est favens atque propitius.* *Sic* Episcopi habeant in dextera suos illos, & Clerum & adjuutores: faveant, dirigant, adjuvent.

10. DE ORE EJUS GLADIUS UTRAQUE PARTE ACUTUS. is est sermo DEI Christi (ad Hebr. 4. v. 12.) *efficax & penetrabilior omni alio gladio ancipiti, & pertingens usque ad divisionem animæ ac spiritus.* *Sic* ubi in ore Episcopali fuerit auctoritas & peritia sermonis DEI, & (sicut fuit in ore Præfulum Ecclesiæ antiquorum) is usus Scripturarum quo potens sit exhortari, exeret se instar gladii ancipitis; tùm ad tuendam fidem rectam in sua Ecclesia, tùm ad amputandos errores: insuper & efficacis, qui penetrat usque ad dividendum spirituale in moribus populi, procul eo, quod est animale.

11. ET FACIES EJUS, conversatio ex qua dignoscitur & præsentia radiorum ejus, splendida SICUT SOL, qui communicat lucem stellis cæteris & mundo: *Sol* enim est Christus, qui solus *lucet* IN VIRTUTE SUA primigenia, Lux mundi, & dispellit omnem potestatem tenebrarum. *Sic* & ad imitationem Christi, esse debet facies, id est præsentia & conversatio uniuscujusque Episcopi aut Prælati: cujus lux sit in vir-

virtute sua intus, ut præluceat valeat
foris.

Arche-

Talis igitur est Christi Episcopatus:

& tale se hinc visendum sistit exemplar, typon
ac speculum suorum Episcoporum Episco-
quos habet in Ecclesiis. pale.

§. II.

Adoratio per Joannem. (v. 17. Sc.)

Adora-
tio la-
triæ.

1. **A**pparuisse Christum; vel
(quod eodem recidit) Ange-
lum, qui apparuit, gessisse personam
ipsiusmet Christi, manifestum est ex
eo quod Joannes adoraverit nec pro-
hibitus fuerit. cum aliis quando non
uno in loco existimavit Christum si-
militer apparere, inhibitus sit ab An-
gelo, ne, quam hinc exhibuit, exhibe-
ret latrariam. Itaque sæpè in Scriptu-
ris *Angelus*, inquit Augustinus lib. 3.
de TRIN. cap. 11. *Dominus dici-
tur, quare? nisi quia per Angelum Do-
minus.*

Verba
Christi
ad Joan-
nem.

2. Cecidit enim AD PEDES E-
JUS, & adoravit cum timore velut
exanimis. Cui Christus, IMPO-
SITA DEXTERA SUPER eum
protectionis ergo & confortationis,
absterfo timore: EGO SUM, ait, PRI-
MUS ET NOVISSIMUS; sic di-
ctus Isai. 41. 4. & cap. 44. 5. & cap.
48. 12. Ego auctor & ego consumma-
tor rerum fidei (Heb. 12. 2.) in quem
est aspiciendum cum fiducia. qui
cum sim DEUS semper VIVUS, FUI
naturâ tenus humanâ MORTUUS,

ET ECCE secundum eandem na-
turam immortalis vitâ fruor æternum.
Penes quem ut liberatorem totius ge-
neris humani, sunt CLAVES id est po-
testas MORTIS, quam cohibui ne
sit animabus electis mortifera dein-
ceps, ET INFERNI quem claudio
& coëreco.

3. Jubet proinde Joannem scribe-
re: QUÆ jam VIDISTI, ait, ET
ea QUÆ SUNT, de præsentis statu
Ecclesiarum, de quo incipiam tibi di-
ctare ac revelare: &, quod est argu-
mentum totius Libri, ea QUÆ O-
PORTET FIERI POST HÆC;
id est ea quæ in posterum Ecclesia-
rum tempus infallibiliter sunt futura.
ubi vox oportet adducit necessitatem
vel absolutam, quando id quod
prædicatur est ex decreto DEI; vel
ex hypothesi, quando prædictio est
culpæ seu peccati; etiam hoc enim
infallibiliter prævidetur, sed in exer-
cicio ipso liberi arbitrii huma-
ni præsupposito.

Jussio
scriben-
di.

* * *

S. III.

Explicatio quâ Christus præiuit. (v. 20.)

Initium explicationis fecit Christus: qui dum exponit Sacramentum, (græcè τὸ μυστήριον) stellarum & candelabrorum, suggerit modum & dat specimen explicandi cætera: ostendit enim esse Mysteria: simul indicat quod omnia hujus Libri referenda sint ad Episcopos & Ecclesias quibus prænuntiantur eventura.

Signifi-
catio
Stellarũ.

1. SEPTEM STELLÆ, inquit, ANGELI SUNT SEPTEM ECCLESIA-
RUM: id est, Episcopi. sicut Stellæ, sic Prælatû excelsâ, sic officio & actione, sic exemplo; super omnia longè sublunaria: cœlesti specie, fulgore, & influxu præditi: digni quos ferat Christus in vola manus suæ, quos ostendat indice DEXTERA sua, & referat ac figat in Cœlo suo, futuros (Dan. 12. v. 3.) *quasi stella in perpetuas æternitates.*

Respicitur enim ad locum Danielis citatum: & ad Baruch. 3. v. 34. & 35. *Stella autem dederunt lumen in custodiis suis, & latata sunt: vocata sunt* (ex privato lumine, ex suis custodiis; in lucem publicam Vocatione divinâ) & *luxerunt ei cum jucunditate qui fecit illas* Episcopos.

Signifi-
catio
Candelabrorũ.

2. CANDELABRA SEPTEM, ait, SEPTEM ECCLESIAE SUNT. In his Candelabris respicitur ad figuram quæ in Tabernaculo veteris Legis præcesserat, in quo erat *Candela-*

brum de auro mundissimo, & in eo lucerna septem (Exod. 25. v. 31. & 37.) & ad visionem Zachariæ (cap. 4. v. 2.) *Vidi, & ecce Candelabrum aureum totum & septem lucerna super illud.* in quibus etiam Prophetæ verbis Scriptores Ecclesiastici, teste S. Hieronymo in l. c. *Candelabrum aureum de auro purissimo Ecclesiam intelligunt.*

Dicuntur CANDELABRA: propter lucernam Spiritus sancti septiformis. quam Christus accendens (Luc. 8. 16.) *supra candelabrum ponit, ut intrantes videant lumen.*

Dicuntur AUREA: tum ob pretium doctrinæ & Sacramentorum; tum ob probationem virtutis & ob charitatem; de qua S. Hieronymus l. c. *Ecclesia aurea est Charitate & doctrinâ cœlesti.*

3. Non est prætermittenda appellatio ANGELI quam dat Episcopo. Nomen Angeli: in qua respicitur ad Malachiam cap. 2. v. 7. *labia enim Sacerdotis* (hic per excellentiam, quod græcè dicitur *ἱερέων*, est Episcopus) *custodient scientiam, & legem requirent ex ore ejus, quia Angelus Domini exercituum est.* Custodient, inquit S. Hieron. scientiam ut loquantur in suo tempore dentque *confervis cibaria in tempore suo.*

Ac primùm Angelicæ est dignitatis quod est Præfectura Ecclesiæ: nam & de illis dignitatibus scribens S. Clemens Alex-
andr.

Functi-
onis: xandr. (lib. 6. Strom.) *per gentes*, ait, & *civitates sunt distributa Angelorum praefectura*. Deinde Angelicæ est functionis custodire scientiam legis & annuntiare in Ecclesiis, quod est esse & *ἀγγελος* & pro Christo (2. Cor. 5. v. 20.) *Legatione fungi*. Unde S. Hieron. in Malach. 2. *Angelus autem, id est nuntius, Sacerdos DEI verissime dicitur, quia DEI & hominum sequester est, eiusque ad populum nuntiat voluntatem*. S. Ambr. lib. de initiandis cap. 2. *Sacerdos est Angelus qui Regnum Christi & vitam æternam annuntiat*. Jam illud quàm Angelicæ est vitæ: se Episcopum profiteri: esse Angelum aliorum in terris (Matth. 18. v. 10.) simul & videre faciem Patris per obtutum in divina! Meritò S. Chrysostomus lib. 3. de sacerdotio: *aspicite Sacerdotis dignitatem: agitur in terra, sed officium cœlestibus negotiis continetur*. Accedit hoc proprium esse Angelorum superiorum, quod tradit S. Dion. Areop. de cœl. Hier. cap. 4.

Vitæ:

Hierarchiæ.

atque ex illo Patres ac Doctores: ut illuminent non tantum homines sed & inferiores Angelos: sic Episcoporum est proprium, ut non solum cæteris de plebe, sed etiam sacerdotibus & Clero impertiant luminis augmentum. Denique, ut ex hoc loco Apocalypseos constat, Ordinem Episcoporum habet Christus pro sua Hierarchia Angelica, & nomen iis imponit Angelorum!

Refert inter Episcopos ut sint Angeli boni, quibus cordi & curæ sit præesse & custodire Ecclesias. Pudet Christum Angeli prævaricatoris, dominatoris in Clero, dissipatoris in Ecclesia, & scandali sub nomine & conditione Angelica. De huiusmodi additur statim, post id quod citavimus, in Malachia, v. 8. *Vos autem (vos Sacerdotes, v. 1.) recessistis de via & scandalizastis plurimos de lege: propter quod* (inquit v. 9.) *& Ego dedi vos contemptibiles, &c.*

TRACTATUS III.

IN CAPUT II. ET III. GENERATIM.

Caput 1. & 2. sunt Epistolæ septem dictæ à Christo ad Episcopos. Distinguamus analysin earum in Tractatus breves quatuor: quorum primus sit de illis generarim seu communiter.

§. I.

Analysis Epistolarum in genere.

E Pistolis his omnibus hoc est commune, quod constent partibus tribus: exordio; quod est titulus illius qui mittit Epistolam: narratione; cuique Ecclesiæ consentaneâ: cautione; quæ postrema partim fit comminando, partim promittendo.

Partes Epistolæ.

1. *Exordium* uniuscuiusque Epistolæ fundatur in Apparitione seu Visione præcedente. ex hac enim desumitur Titulus quem dicimus esse instar exordii, & repræsentat Episcopo qualem se debeat illi suæ Ecclesiæ præbere.

Narratio est de statu præsentis suæ Ecclesiæ, quam accepit sibi commissam;

Minæ vel promissæ sunt *Peroratio* seu epilogus Epistolæ. Ubi semper illa formula promissioni annexa est: *qui vicerit*; videlicet legitime in certami-

ne contra adversa & adversaria Ecclesiarum animarumque quæ sunt vincenda.

2. Tres illæ partes epistolares habent inter se connexionem eximiam: quæ consistit in eo, ut exordium & epilogus congruant narrationi de talis Ecclesiæ statu. qui trium consensus ad exactam structuram Epistolæ pertinet.

3. Epistolæ omnes habent circa finem hoc epiphonema his iisdem verbis: **QUI** habet aurem, audiat quid Spiritus dicat Ecclesiis. per quod datur intelligi; quod scribitur Episcopo, scribi totis Ecclesiis: eò quod personam Episcopus gerat suæ Ecclesiæ, cui est præpositus (Hebr. 13. v. 17. & rationem pro ea redditurus.

Conne-
xio par-
tium in
omni E-
pistola.

Clausula
commu-
nis.

§. II.

Epistolæ diversæ pro diversitate Episcoporum.

E piscopi unâ cum suis Ecclesiis possunt septifariam se habere: quorum sicut diversa est applicatio ad gubernandam Ecclesiam, & dispositio ac status suæ Ecclesiæ diversus, ita prophetatur eorum non idem exitus. & est Revelatio de toto statu Ecclesiarum mixto reprobis: in particulari autem ostendit Aliæ Eccle-

sias grandi egere præcautione, ut dicemus §. sequente.

Episcopus ordine admonitionis primus, est qui cum labore aggreditur Episcopatum, & patientiam impendit, ac vigorem servat doctrinæ incorruptæ: sed opus & charitas prima remiserunt. quod est reprehensioni.

Secundus, cui & doctrina simul & **Cōstans**
vir-

Remis-
sio in be-
nè cœ-
ptis.

profe-
ctus in
tentati-
one.

Hæreti-
corum
miftura.

Sedu-
ctionis
impuni-
tas.

Functi-
ones ex-

virtus cum tolerantia omnium perfecutionum sibi constant. quod est laudi.

Tertius cujus Ecclesia sic est orthodoxa, ut hæreticos habeat mixtos, quos non laborat convertere. servat quidem igitur ipse fidem cum suis; sed negligit adducere alios, & sedem evertere Satanae, doctrinam scandalii. quod est reprehensioni.

Quartus, ex humano respectu aut consideratione dissimulat seductionem in verbo, vel dissolutionem in disciplina. & hoc ferè per mulieres contingit: de illis S. Hieronymus, quod pleræq; Hæresiarcharum insidiæ, mulierum operâ profecerint. hoc non corrigere, est reprehensioni.

Quintus exterius videtur fungi officio Episcopali, & opinione hominum

satisfacit; sed functiones illius non sunt plenæ coram Deo, quoniam carent spiritu & vitâ: id est, quia non coniungit exteriori officio vigilantiam & Zelum internum; unde necessariò fit ut ipso incurio moribunda multa vergant ad interitum. quod est reprehensioni.

Sextus, penes quem viget observatio doctrinæ ac virtutis, & in primis zelus reducendi errantes. quod est laudi. Huic promittit aperire ostium conversionis aliorum, & ipsummet servare à tentatione.

Septimus, cui merus est tepor: ubi inopia spiritus Episcopalis, & cæcitas intelligentiæ ad docendum, ac nuditas ab operibus. quod est reprehensioni, adeò ut Christo vomitum cieat talis Episcopus.

terna,
sine spi-
ritu.

Zelus
pro viti-
bus: &
præfer-
vatio di-
vinitus.

Tepor.

Ex his septem Epistolis digito Dei scriptis convincitur verum esse id quod S. Chrysostomus in Act. Apost. *paucos ex Episcopis salvari*. quo metu Pius V. sanctus, nostrâ propemodum ætate, cum eligeretur, expallescens ait: *Ego quamdiu fui Religiosus, bene speravi de mea salute: factus Cardinalis coepi timere: iam creatus Pontifex penè de ea despero*. Prò! tales Episcopi contremuerunt. Quid ergo ii de quibus S. Cyprianus ser. de lapsis: *Episcopi plurimi, quos & hortamento esse oportet ceteris & exemplo, divinâ procuracione contemptâ, procuratores rerum secularium fieri &c!* Quid verò ii de quibus S. Bernardus ser. 35. in Cant. *honorati incedunt de bonis Domini, qui Domino honorem non deferunt: inde is, qui quotidie videtur, meretricius nitor, histrionicus habitus, regius apparatus &c. pro huiusmodi esse volunt Ecclesiarum Præpositi, Decani, Archidiaconi, Episcopi, & Archiepiscopi!* Hæc Bernardus. Contra hos est æternum illud Væ per Ezechielem cap. 34. v. 2. *Hæc dicit Dominus Deus; Væ pastoribus Israel, qui pascebant semetipsos.*

S. III.

Simul paranetica sunt, & prophetica.

PRæmonitio per Epistolas datas ad & Ecclesias, continet parænesin simul
Aliam, hoc est ad ejus Episcopos & prophetiam.

1. In-

Paræne-
sis pro-
phetica.

1. Inculcat enim & cavet: Episco-
po & Ecclesiæ primæ, charitatem pri-
mam non relinquere: sin, fore ut mo-
veatur Candelabrum. (at reliquit hor-
rendè per schisma!)

Ecclesiæ secundæ, esse fidelē in carcere
& in tribulatione usque ad mortem:
dabo tibi, inquit, coronam vitæ. (non-
nulli Asiaticorum perstiterunt in fide.)

Ecclesiæ tertiæ, pœnitere & impen-
dere se convertendis hæreticis: sin, ei se
venturum citò.

Ecclesiæ quartæ, obistere seductori-
bus: præmunire cæteros, ut, id quod
habent, retineant usque in finem.

Ecclesiæ quintæ, surgere à mortuis: re-
minisci quo pacto acceperit & audierit,
ac vigilare: sin, veniam ad te, ait, tan-
quàm fur: commendat vestimenta pu-
ra, & de libro vitæ suadet nolle deleri.

Ecclesiæ sextæ, videtur reliquias præ-
dicere sinceræ Catholicæ: eorum qui
modicā licet potentiâ, superiores eva-
dent falsis fratribus, charitatem serva-
turi & liberi à communi tentatione,
favet nomen Philadelphicæ Ecclesiæ,
quod indicat amorem atque observan-
tiam fraternam. Veruntamen præca-
vet etiam hîc: tene quod habes, ne co-
rona transferatur in alium.

Ecclesiæ septimæ teporē exprobrat &
nauseam quam movet Christo. Hortatur
æmulari amantem, & idèò arguen-
tem miseriam; ac per pœnitentiam ape-
rire pulsanti Deo.

Cautela
prophe-
tica.

2. Quod tam patheticè compellet
unamquamq; Ecclesiarum sigillatim:
QUI HABET aurē, audiat quid Spi-
ritus dicat Ecclesiis: quid aliud est quàm

prædictio periculi Ecclesiis, his Asiæ
præsertim? utique perseverantiam se
requirere illarum, & defectioni futu-
ræ cavere.

Demum de victoria finali, septies
facta repetitio verborum, Vincenti, aut
QUI VICERIT, quid est aliud quàm
luculenta prædictio; in his certamini-
bus, verè Olympicis, non defuturos
esse orbi athletas qui vincant extrema
pericula, & contra quos diabolus
quàmlibet tandem solutus, non præ-
valeat?

3. Accedit quòd Epistolæ illæ om-
nes sunt prophetis phrasibus turgidæ
passim: de motione candelabri: de li-
gno paradisi: de diebus decem: de co-
rona: de morte secunda: de Nicolaitis
qui soli nominantur, & Antipa teste fi-
deli; sub quibus intelliguntur etiam
cæteri, & latet prophetia de hæresi-
archis multis ac martyribus: de pugna
in gladio oris sui: de manna & calculo:
de lecto Jezabeli præparato: de virga
ferrea, & stella matutina, dandis: de
vestimentis albis, & libro vitæ: de mo-
dica virtute: de Judæis iis qui non sunt:
de alio qui accipiet coronam: de co-
lumna & nominibus inscribendis: de
evomitione, de emptione, de indu-
mento, de collyrio, de pulsu ad ostium,
de cœna mutua & sessione. Ipse nume-
rus septenarius Ecclesiarum Asiæ; &
laus vix paucarum unius atque alterius
è septem (secundæ & mediocriter sex-
tæ,) & quidem cum appendice caute-
læ ad utramque istarum: &c. quan-
tam prophetiæ Apocalypticæ
conferunt energiam!

Phras-
empha-
tica.

TRACTA-

TRACTATUS IV.

ANALYSIS PRIMARUM TRIUM EPISTOLARUM.

Verba singularum præmittemus singulis deinceps §§is.

VERBA APOCALYPSEOS.

(Cap. 2. Vers. 1.) *Angelo EPHESI Ecclesia scribe: Hac dicit, qui tenet septem stellas in dextera sua, qui ambulat in medio septem candelabrorum aureorum: (v. 2.) Scio opera tua, & laborem, & patientiam tuam, & quia non potes sustinere malos: & tentasti eos, qui se dicunt Apostolos esse, & non sunt: & invenisti eos mendaces: (v. 3.) & patientiam habes, & sustinuisti propter nomen meum, & non defecisti. (v. 4.) Sed habeo adversum te, quod charitatem tuam primam reliquisti. (v. 5.) Memor esto itaque unde excideris: & age penitentiam, & prima opera fac. Sin autem, venio tibi, & movebo candelabrum tuum de loco suo, nisi penitentiam egeris. (v. 6.) Sed hoc habes, quia odisti facta Nicolaitarum, quæ & ego odi. (v. 7.) Qui habet aurem, audiat quid Spiritus dicat Ecclesiis: Vincenti dabo edere de ligno vite, quod est in Paradiso Dei mei.*

§. I.

Epistola prima.

Diximus in Tractatu præcedente, distinguere Episcopos in 7. genera: & Ecclesias cum ipsis; *sicut populus, sic Sacerdos*, Isa. 24. 2. porro tribus partibus constare singulas Epistolas, iisque aptis inter se.

Para-
phrasis
Epistolæ
primæ.

1. **A**D Episcopum, qui cum sua Ecclesia est de primo genere, scribitur hoc *Exordium*. STELLAS IN DEXTERA SUA, QUI AMBULAT IN MEDIO 7. CANDELABRORUM AUREORUM. quasi dicat: Memento esse

D

te

te unam è Stellis, quarum est lucere luce cœlesti, & dignè meâ dexterâ. memento Ecclesiam quoque tuam esse Candelabrum aureum, meo sanctum Tabernaculo: ipsum verò me præsentem in medio Candelabrorum.

Pars secunda.

2. *Narratio.* Esto, habeas OPERA ET LABOREM, aversionem à pseudoapostolis quos rectè explorasti, ET PATIENTIAM quâ SUSTINUISTI PROPTER NOMEN MEUM, neque illa patientia tua defecerit: attamen, quia CHARITAS prior, quâ cœperas, remisit, idcirco annuntio tibi necessarium esse, ut recuperes lucem primam qua luxisti ut stella, & charitatem qua arxisti. POENITENTIAM AGÈ ET PRIMA OPERA. sin pergis decrefcere in cha-

ritate, ecce ambulo, inquam, inter candelabra, sum in motu is qui possum movere CANDELABRUM TUUM DE LOCO SUO: id est, auferam & transferam Ecclesiam istam in locum & ad gentem facientem (Matt. 21. v. 43.) fructus ejus. Hoc igitur HABEO ADVERSUM TE: ceterum ea quæ geruntur ab hæreticis, rectè mecum ODISTI & iis te opponis.

3. *Epilogus.* comminationem præmissam temperat promissione: quod si VICERIS labem inconstantia, per primum vigorem charitatis, atque in eo perstiteris: præmium tuum erit EDERE DE LIGNO VITÆ in paradiso: id est, immortalitas semper vegeta in Beatitudine.

Pars tertia.

Væ Stellæ quæ remittit de sua luce; Episcopo, cum sua Ecclesia, qui excidit de prima charitate & operibus. Mirum! Episcopo tam laudabili v. 2. ab operibus, & labore, & patientiâ; ac v. 3. de zelo doctrinæ propter nomen Christi: tamen comminatur Deus de movendo propter eum toto candelabro! S. Nazianz. Episcopus in Apologet. *Vitium Antistitis: non quàm optimum esse.* M. Joannes d' Avila: *Tot tantæque sunt Pastorum obligationes, ut qui vel tertiam earum partem reipsa impleat, sanctus ab hominibus haberetur: cum tamen eo solo contentus gehennam non esset evasurus!*

VERBA APOCALYPSEOS.

(Versu 8.) *Et Angelo SMYRNÆ Ecclesie scribe: Hæc dicit primus, & novissimus, qui fuit mortuus, & vivit: (v. 9.) Scio tribulationem tuam, & paupertatem tuam, sed dives es: & blasphemaris ab his, qui se dicunt Iudeos esse, & non sunt, sed sunt synagoga satanæ. (v. 10.) Nihil horum timeas quæ passurus es. Ecce missurus est diabolus aliquos ex vobis in carcerem, ut tentemini: & habebitis tribulationem diebus decem. Esto fidelis usque ad mortem, & dabo tibi coronam vitæ. (v. 11.) Qui habet aurem, audiat quid Spiritus dicat Ecclesiis: Qui vicerit, non ledetur a morte secunda.*

§. II.

S. II.

Epistola secunda.

Para-
phras
Epistolæ
secun-
dæ.
Pars pri-
ma.

AD eum qui est de secundo ge-
nere Episcoporum : *Exor-
diū* epistolæ. HÆC DICIT PRI-
MUS ET NOVISSIMUS ; QUI
FUIT MORTUUS ET VIVUS.
quasi dicat : Ego primus in tribulatio-
ne, & novissimus tuus remunerator ac
finis quem tibi debes habere propo-
situm ; prior egometista perpeſſus, &
ab iisdem istis, ad mortem quam intu-
lerunt ; & ecce vivo, transieruntque
mea ista.

Pars se-
cunda.

2. *Narratio.* SCIO de TRIBU-
LATIONE TUA & persecutione
usque ad exspoliationem ac rapinam
bonorum tuorum istorum, cum ha-
beas tibi vera bona & DIVITIAS vir-
tutum, inter quas BLASPHEMARIS
AB HIS QUI SE DICUNT JU-
DÆOS ESSE, id est Confessores
DEI, cum sint SYNAGOGA SA-
TANÆ. NIHIL HORUM TI-
MEAS QUÆ PASSURUS ES :
adhuc enim tibi annuntio *carcerem* pro

aliquibus tuorum, & durationem tuæ
TRIBULATIONIS DIEBUS DE-
CEM, id est aliquam multo numero,
sed tamen finito. nam in ea significa-
tione solet accipi in Scriptura nume-
rus, decem : *Num. 14. v. 22. tenta-
verunt me per decem vices*, hoc est jam
sæpè. *Job. 19. v. 3. En decies confunditis
me. 1. Reg. 1. v. 8. melior tibi sum quam
decem filii*, hoc est complures. *Amos 5.
v. 3. Urbs de qua egrediebantur centum,
relinquentur in ea decem. & cap. 6. v. 9.
si fuerint decem viri ;* hoc est, numerus
qui denique finietur.

3. *Epilogus.* age porro, promissa ti-
bi est CORONA VITÆ : dummo-
dò permaneas FIDELIS USQUE
AD MORTEM. etenim QUI VI-
CERIT istas ærumnas dierum atque
adeò mortem quæ est corporis, ut om-
nibus communem, NON LAEDE-
TUR à MORTE SECUNDA quæ
est perpetua animæ & corporis, *Apoc.
20. v. 6. & cap. 21. 8. in stagno ardenti.*

Pars ter-
tia.

Benè Præfuli Ecclesiæ qui in tribulatione dierum suorum, quorum est nume-
rus & quos posuit Deus mensurabiles, alacer permanet ac fidelis usque ad
mortem, exemplo Christi ; coronandus in æternitate diebus innumeris.

VERBA APOCALYPSEOS.

(Versu 12.) Et Angelo PERGAMI Ecclesiæ scribe : Hæc dicit qui ha-
bet rhomphæam utraque parte acutam : (v. 13.) Scio ubi habitas, ubi se-
des est satanæ : & tenes nomen meum, & non negasti fidem meam. Et in
diebus

D 2

diebus illis Antipas testis meus fidelis, qui occisus est apud vos, ubi satanas habitat. (v. 14.) Sed habeo adversus te pauca: quia habes illic tenentes doctrinam Balaam, qui docebat Balac mittere scandalum coram filiis Israel, edere, & fornicari: (v. 15.) ita habes & tu tenentes doctrinam Nicolaitarum. (v. 16.) Similiter poenitentiam age: si quo minus veniam tibi cito, & pugnabo cum illis in gladio oris mei. (v. 17.) Qui habet aurem, audiat quid Spiritus dicat Ecclesiis: Vincenti dabo manna absconditum, & dabo illi calculum candidum: & in calculo nomen novum scriptum, quod nemo scit, nisi qui accipit.

§. III.

Epistola tertia.

Para-
phras
Epistolæ
tertiæ.
Pars pri-
ma.

1. **A**D Episcopum qui est in tercio genere: *Exordium.* HÆC DICIT QUI HABET RHOMPHÆAM UTRAQUE PARTE ACUTAM. Quasi dicat: ex utraque parte percutit sermo meus, gladius spiritus: & eum qui non aufert scandala cum debeat ex officio; & eos qui præbent.

Pars se-
cunda.

2. *Narratio.* Tu qui HABITAS UBI simul est SEDES, seu cathedra id est doctrina, SATANÆ, ne sufficiat tibi quodd TENEAS NOMEN MEUM ET NON NEGAVERIS FIDEM MEAM. requiritur insuper alacritas & fortitudo pugnandi gladio prædicationis: sicut fuit ante te nuper Episcopo & martyri Antipæ (ad prædicandum iis ipsis à quibus trahebatur ad vincula: injecto deinde in bovem æneum. in Martyrolog. Rom. xi. April.) Quamobrem annuntio tibi ut extirpes doctrinam hæreticam Nicolaitarum, illam quam tribuunt Diacono Nico-

lao uni è meis septem Act. 6. v. 5. quæ defendit usum promiscuum uxorum & esum idolothytorum interim vetitum Act. 15. 29. Hoc enim est ipsissimum illud SCANDALUM quo pervertit Rex Balac Israëlitas, ex DOCTRINA & consilio BALAAM Num. 24. v. 14. & cap. 25. v. 1. per illicitum filiarum Moab ad libidinem & idolothyta. Sed sicut tunc filii Israël redierunt ad poenitentiam & ad fletum, cap. 25. v. 6. SIMILITER & tu qui fuisti socius scandali, cuius reus es, non sublatus, esto socius POENITENTIÆ AGENDÆ, certus quodd ADVERSUS TE hoc HABEAM & à te repetere velim rationes illius.

3. *Epilogus.* præmittit comminationem: SI MINUS, & TIBI VENIAM CITO ad te convincendum & condemnandum; & ILLOS vel expugnabit GLADIUS ORIS MEI sermo divinus, vel damnabit, addit promissionem: si viceris hæreticos simili

Pars ter-
tia.

mili gladio, habebis pro labore prædicationis MANNA ABSCONDITUM, de quo psalmus 30. v. 20. quàm magna multitudo dulcedinis tuæ Domine quam abscondisti! saporem ac delicias cœlestes (etiam in compensationem cibi ac voluptatis quam sustuleris è medio Nicolaitarum) & CALCULUM DABO CANDI-

DUM, id est tesseram felicem & suffragium album judiciale, cum *inscriptione nominis novi*, ut filius Dei nominetur & sis, pignus æternæ hereditatis: cujus, sicut dulcedinem manna, ita pretium calculi ac nominis NEMO neque gustat neque SCIT NISI QUI ACCIPIT.

Væ Episcopo ab erroribus hæreseon non sublati. alii errant & peccant, inquit: at tu Episcopo pœnitentiam age: sin, veniam tibi; quia Episcopus es loci illius: tibi veniam, & adversus te, citò.

TRACTATUS V.

ANALYSIS TRIUM SEQUENTIUM EPISTOLARUM.

VERBA APOCALYPSEOS.

(Capitis secundi Versu 18.) *Et Angelo THYATIRÆ Ecclesiæ, scribe: Hæc dicit Filius Dei, qui habet oculos tamquam flammam ignis, & pedes ejus similes aurichalco: (v. 19.) Novi opera tua, & fidem, & charitatem tuam, & ministerium, & patientiam tuam, & opera tua, novissima plura prioribus. (v. 20.) Sed habeo adversus te pauca: quia permittitis mulierem Iezabel, quæ se dicit propheten, docere, & seducere servos meos, fornicari, & manducare de idolo thytis. (v. 21.) Et dedi illi tempus ut pœnitentiam ageret: & non vult pœnitere à fornicatione sua. (v. 22.) Ecce mittam eam in lectum: & qui mœchantur cum ea, in tribulatione maxima erunt, nisi pœnitentiam ab operibus suis egerint, (v. 23.) & filios ejus interficiam in morte, & scient omnes Ecclesiæ, quia ego sum scrutans renes & corda: & dabo unicuique vestrum secundum opera sua. Vobis autem dico, (v. 24.) & ceteris qui Thyatiræ estis: Quicumque non habent doctrinam hanc, & qui non cognoverunt altitudines satana, quemadmodum dicunt, non mittam super vos aliud pondus: (v. 25.) tamen id, quod habetis, tenete donec veniam.*

D 3

(v. 26)

, (v. 26.) *Et qui vicerit, & custodierit usque in finem opera mea, dabo illi potestatem super Gentes, (v. 27.) & reget eas in virga ferrea, & tamquam vas figuli confringentur, (v. 28.) sicut & ego accepi à Patre meo: & dabo illi stellam matutinam, (v. 29.) Qui habet aurem, audiat quid Spiritus dicat Ecclesiis.*

S. I.

Epistola quarta.

Para-
phras
Epistolæ
quartæ.
Pars pri-
ma.

Pars se-
cunda.

1. **A**D eum qui est in quarto genere Episcoporum cum sua Ecclesia: *Exordium.* HÆC DICIT FILIUS DEI, QUI HABET OCULOS TANQUAM FLAMMAM IGNIS, ET PÉDES EJUS SIMILES AURICHALCO. quasi dicat: is cui Pater est Deus, cujus oculi ardent amore Patris sui & animarum, ac pedibus tenus refert aurichalcum probatum.

2. *Narratio.* equidem NOVI quidquid est in te consentaneum filiis DEI, FIDEM, CHARITATEM, MINISTERIUM, PATIENTIAM, OPERA quæ addis PLURA PRIORIBUS: novi è contrario & ADVERSUS TE expostulo, quod permittas mulierem, velut alteram Jezabel 3. Regum 19. & 21. & 4. Reg. 9. nam sicut illa sectatrix fuit ac patrona Baal, ita ista apud vos est hæreseos Nicolaitarum, & cum sit potens, seducit alios; aliquo jam tempore quod ei ad POENITENTIAM dederam incorrecta. Annuntio tibi, quod illam quidem impudicam cum suis amasiis MITTAM in aliud genus LECTI mortalis (simile strato in quod missa

fuit illa Jezabel, de quo 3. Reg. 21. v. 23. *Canes comedent Iezabel in agro:*) ac de illa & FILIIS EJUS statuam exemplum omnibus Ecclesiis (simile illi 4. Reg. 19. v. 37. ita ut prætereuntes dicant, *Hæcne est illa Jezabel?*) nisi si ad poenitentiam fuerint adducti. Prout verò diverforum sunt RENES ET CORDA quæ SCRUTOR; ita diversa erit unicuique à me retributio operum. Sunt enim in vestra Ecclesia qui non sunt participes hujus DOCTRINÆ, noluntque nôsse illas scilicet ALTITUDINES, græcè βάθρα id est profunda mysteria, quæ admodum isti appellant, sed revera occulta SATANÆ. Et his quidem sufficiat observandum, quod acceperunt ab Apostolis meis Act. 15. 28. & 29. de quorum consilio sicut visum est nihil ultra imponere tunc oneris, ita nec modò MITTAM SUPER VOS ALIUD PONDUS. Veruntamen caveo, ut ID QUOD habent teneant usque ad meum adventum.

3. *Epilogus.* expostulationi præmissæ & cautioni, addit promissionem: QUI VICERIT respectum humanum aut rationes mundanas ex quibus

Pars ter-
tia.

quibus hæc permittuntur, DABO
ILLI POTESTATEM, in fine mun-
di hujus, consimilem ei cui cum dice-
retur psalmo secundo, Filius meus es
tu, addita est potestas judiciaria; dabo
tibi GENTES regendas in scepro

ferreo, per quod CONFRINGE-
TUR omnis vis fragilis mundana: ET
DABO ILLI STELLAM MATU-
TINAM; quod est mihi assimilari qui
sum (Apoc. 22. 16.) stella matutina, &
confieri Filium DEI.

Tanta ratio reddenda incumbit statui Episcopali: ut quamvis ipse satagat com-
mendari à fide, charitate, ministerio, patientiâ, & plura prioribus cumulet
opera; & illorum pars magna similiter faciat qui sunt de ipsius Ecclesia: ad-
huc propter alios possit habere adversantem DEUM, & reus fiat illorum quæ
cum sit Episcopus, permittit aut dissimulat!

VERBA APOCALYPSEOS.

(Caput 3. V. 1.) Et Angelo Ecclesiæ SARDIS scribe: Hæc dicit
, qui habet septem Spiritus Dei, & septem stellas: Scio opera tua, quia no-
, men habes quod vivas, & mortuus es. (v. 2.) Esso vigilans, & confir-
, ma cetera, quæ moritura erant. Non enim invenio opera tua plena coram
, Deo meo. (v. 3.) In mente ergo habe qualiter acceperis, & audieris, &
, serva, & pœnitentiam age. Si ergo non vigila veris, Veniam ad te tam-
, quam fur, & nescies qua hora veniam ad te. (v. 4.) Sed habes pauca
, nomina in Sardis, qui non inquinaverunt vestimenta sua: & ambula-
, bunt mecum in albis, quia digni sunt. (v. 5.) Qui vicerit, sic vestietur
, vestimentis albis, & non delebo nomen ejus de Libro vitæ, & confite-
, bor nomen ejus coram Patre meo, & coram Angelis ejus. (v. 6.) Qui
, habet aurem, audiat quid Spiritus dicat Ecclesiis.

I. II.

Epistola quinta.

Para- 1. **A**D Episcopum quinti generis :
phrasîs *Exordium.* HÆC DICIT
Epistolæ **QUI HABET SEPTEM SPIRI-**
quintæ. **TUS DEI ET SEPTEM STEL-**
Pars pri- **LAS.** quasi dicat: velim te excitatum,
ma. cùm Anglicorum exemplo Spiritu-

um, qui nomen geris Angeli & offi-
cium Præsidis Ecclesiarum: tùm alio-
rum consortio fervido Episcoporum
sanctorum, qui lucebant aut lucent
etiamnum.

2. *Narratio.* In somno enim es

Pars se-
cunda.

1207-

mortis, tu qui solo *vivis nomine* Pastoris. Annuntio tibi, ut exurgas à fide tua & ab Ordinatione Pastoralis mortuis, ad eò ut, VIGIL ipse ac securus vitæ, CONFIRMES eos qui tuâ ERANT incuriâ MORITURI: quod infirmum fuit consolidando, ut habet *Ezechiel* ad Pastores cap. 34. v. 4. Enimverò Episcopum dici te pateris, qui non laboras eminere virtute altiore ut Pastor, formâ gregatiorum & mediocritate vulgaris vitæ contentus. (contrâ quàm *S. Gregorius* parte 2. curæ Pastoralis cap. 1. *Tantum debet actionem populi actio transcendere Presulis, quantum distare solet à grege vita pastoris!*) Ubi sunt, OPERA TUA Pastoralia? NON ENIM INVENIO illa PLENA CORAM DEO, in cujus oculis es officio tuo velut mortuus. Exurge sis, & IN MENTEM revoca qualem obligationem ACCEPERIS in impositione manuum, & quid AUDIERIS illuc tibi commendari; hoc SERVA, ET POENITENTIAM AGE de præterito,

Ni ADVIGIL AVERIS ut ministerium tuum impleas 2. Tim. 4. 5. veniam ad te Judex horâ inexpectatâ, SICUT FUR supervenit patrifamilias. PAUCA tamen HABES NOMINA innoxiorum etiam tu in tuo catalogo (Pastoris est enim habere descriptas & nôsse nominatim oves, Joann. 10. v. 3.) QUI NON INQUINAVÉRUNT VESTIMENTA interioris hominis, quos manet vestitus gloriæ.

3. *Epilogus.* Addit comminationi Pars ter-præcedenti promissionem. si *viceris* tia. somnolentiam tuam, *vestiêris* (ut illi tui pauci, QUIA DIGNI SUNT) VESTIMENTIS ALBIS lucentibus, & NON DELEBO NOMEN tuum quod est notatum in LIBRO VITÆ: & CONFITEBOR illud egomet, non ut habeas nomen apud homines tantum, prout hucusque habuisti v. 1. sed CORAM PATRE MEO ET CORAM 7. Spiritibus DEI cæterisque ANGELIS EJUS.

Væ Episcopo oblivioso quid sit sui officii accepti: *Ezech. l. c. quod agrotum, non sanastis; quod confractum est, non alligastis; & quod abjectum est, non reduxistis; & quod perierat, non quaesistis*, &c. Prælato non vigili, sed mortuo, sed cadaveri Præsulis, sed malo odori domus DEI: coram Deo & Angelis ejus non Pastori, sed idolo inanime Pastoris, pro quo adoratur à populo & cujus nomen gerit. *Zach. 11. v. 17. O Pastor & Idolum!*

VERBA APOCALYPSEOS.

(Versu 7.) *Et Angelo PHILADELPHIÆ Ecclesiæ scribe: Hac, dicit Sanctus & Verus, qui habet clavem David: qui aperit, & nemo claudit: claudit, & nemo aperit: (v. 8.) Scio opera tua. Ecce dedi coram*

te

te ostium apertum, quod nemo potest claudere: quia modicam habes virtutem, & servasti verbum meum, & non negasti nomen meum. (v.9.) Ecce dabo de synagoga satana, qui dicunt se Iudaeos esse, & non sunt, sed mentiuntur: Ecce faciam illos ut veniant, & adorent ante pedes tuos: & scient quia ego dilexi te. (v.10.) quoniam servasti verbum patientiae meae, & ego servabo te ab hora tentationis, qua ventura est in orbem universum tentare habitantes in terra. (v.11.) Ecce venio cito: tene quod habes, ut nemo accipiat coronam tuam. (v.12.) Qui vicerit, faciam illum columnam in templo Dei mei, & foras non egredietur amplius: & scribam super eum nomen Dei mei, & nomen civitatis Dei mei novae Ierusalem, quae descendit de caelo à Deo meo, & nomen meum novum. (v.13.) Qui habet aurem, audiat quid Spiritus dicat Ecclesiis.

S. III.

Epistola sexta.

Para-
phrasis
Epistolae
sextae.
Pars prima.

1. **A**D Episcopum sexti generis: *Exordium.* HÆC DICIT SANCTUS ET VERUS, QUI HABET CLAVEM DAVID; QUI APERIT, ET NEMO CLAUDIT; CLAUDIT, ET NEMO APERIT. quasi dicat: Ego ille per essentiam Sanctus & Verus: à quo omnis est conversio ad sanctitatem & veritatem: cuius est clavis scientiae atque introitus ad Ecclesiam quae est domus David, de qua & de clave ejus *Isaias cap. 22. v. 22. dabo, inquit, clavem domus David super humerum ejus; & aperiet, & non erit qui claudat; & claudet, & non erit qui aperiat.*

Pars secunda.

2. *Narratio.* SCIO OPERA TUA, scientiam non qualicunque sed approbationis. ECCE aditum DEDI CORAM TE APERTUM (O-

STIUM ad aggregandos multos per Evangelium in Ecclesiam; *Act. 14. v. 26. 1. Cor. 16. v. 9. & 2. Cor. 2. v. 12.*) quem NEMO tibi poterit praecludere. quia non confidis in tua potentia, qui MODICAS HABES vires (*græcè δύναμις*), sed in providentia mea, cuius SERVASTI VERBUM ET NOMEN confessus es viriliter. Maeste tuâ illâ fiduciâ: nam ecce cum auxilio meo convertes obstinatissimos quosque, qui circum te sunt: falsi enim sunt Iudaei hoc est falsi Confessores & ex SYNAGOGA SATANÆ. agedum, hostu pertrahe ad Ecclesiam: hæc si quidem veris constat Judæis in abscondito & in spiritu non litera, *Rom. 2. v. 29.* FACTAM UT ANTE PEDES TUOS accidant supplices precabundi Baptisma; quo initiati AD-

E

RENT

RENT me non sine præconio tui quod
DILEXERIM TE. Præterea QUO-
NIAM SERVASTI VERBUM
PATIENTIÆ MEÆ in modico
(numerus quippe gregis tui & poten-
tiæ præ cæteris Ahiæ Ecclesiis est exi-
guus,) ego SERVABO TE vicissim
in magno, ut non prævaleat tibi defe-
ctio aliorum & HORA TENTA-
TIONIS super-VENTURA ha-
bita: oribus univrsi orbis. Veruntamen
tu quoque id QUOD HABES TE-
NE usque ad meum *adventum*: ut
CORONAM etiam TUAM NE-
MO alius præripiat.

3. *Epilogus.* Cautioni annectitur Parster-
promissio. QUI VICERIT profligando errores, servaverit ipse verbum
& adduxerit multos per ostium Eccle-
siæ ad veritatem, FACIAM ILLUM
COLUMNAM IN TEMPLO æ-
terno immobilem è loco Beatitudinis,
& celebrem: cui INSCRIBAM hos
titulos ipsimet gloriosos; confors *no-*
minis DEI; civis NOVÆ JERUSA-
LEM, ejus QUÆ origine suâ ædifi-
cationis DESCENDIT DE COE-
LO A DEO MEO; imitator &
hares *nominis mei novi*, quod est Jesu
Sancti & Veri Salvatoris animarum.

Benè huic Episcopo Sancto & Vero, qui plenus fiducia & zelo animarum servat
verbum ac propagat: servabit illum Deus suus, & aperiet ei ostium conver-
sionis multorum: eritque inter columnas Ecclesiæ nominatissimas. ita tamen
si etiam ipse teneat constanter quod habet, ut nemo accipiat coronam ejus.

TRACTATUS VI.

IN EPISTOLAM VII. ET IN COLLECTANEA HO-
RUM DUORUM CAPITUM.

VERBA APOCALYPSEOS.

(Versu 14.) Et Angelo LAODICIAE Ecclesiæ scribe: Hæc dicit:
, Amen, testis fidelis, & verus, qui est principium creaturæ Dei. (v. 15.)
, Scio opera tua, quia neque frigidus es, neque calidus: utinam frigidus
, esses, aut calidus: (v. 16.) sed quia tepidus es, & nec frigidus, nec calidus,
, incipiam te evomere ex ore meo. (v. 17.) quia dicis: Quod dives sum,
, & locupletatus, & nullius ego: & nescis quia tu es miser, & miserabilis,
, & pauper, & cæcus, & nudus. (v. 18.) Suadeo tibi emere à me aurum
, ignitum probatum, ut locuples fias, & vestimentis albis, induaris, &
, non appareat confusio nuditatis tuæ, & collyrio inunge oculos tuos, ut vi-
, deas.

deas. (v. 19.) Ego quos amo, arguo, & castigo. *Emulare ergo, & penitentiam age.* (v. 20.) Ecce sto ad ostium, & pulso: si quis audierit vocem meam, & aperuerit mihi januam, intrabo ad illum, & cenabo cum illo, & ipse mecum. (v. 21.) Qui vicerit, dabo ei sedere mecum in throno meo: sicut & ego vici, & sedicum Patre meo in throno ejus. (v. 22.) Qui habet aurem, audiat quid Spiritus dicat Ecclesiis.

S. I.

Epistola septima.

Paraphrasis
Epistolæ
septimæ.

1. **A**D Episcopum qui est de ultimo genere Episcoporum: *Exordium.* HÆC DICIT AMEN, TESTIS FIDELIS ET VERUS, QUI EST PRINCIPIMUM CREATURÆ DEI. quasi dicat: Hæc dicit Amen, id est is, qui est Veritas, & contestis ipsemet veritatis fidelissimus usque ad mortem, auctor renovationis spiritualis & principium omnis novæ creaturæ quæ sit inter electas DEI.

Pars prima.

2. *Narratio.* Annuntio tibi OPERA TUA & teporem, cum sis adscitus inter Spiritu ferventes (Rom. 12. v. 11.) cui optabilius esset frigere prorsus, id est sentire quod esses manifestè impius; fortassis enim per antiperistasin accenderetur in te scintilla reliqua fidei, & gratiâ meâ excitaberis ad calorem: jam verò sicut aqua tepida creat ori humano, sic tu mihi nauscam, vomitum, & hortorem. Jamque in statu es desperatiore: nam, ut per servum meum S. Gregorium scribam olim parte tertia curæ Pastoral. cap. 1. admonit. 35. sicut ante teporem frigus sub spe est

(qui adhuc, ait Gregorius, in peccatis est, conversionis fiduciam non amisit: ita post frigus tepor in desperatione. Quo in statu, quid palpas te quasi aliter LOCUPLETATUM & felicem. nescius triplicis miseriarum tuarum (S. Greg. 34. mor. cap. 3.) PAUPER enim es qui non comparas tibi veras divitias, quod est divitem fieri in bonis operibus, 1. Tim. 6. v. 18. ET CÆCUS, quia nec istud quidē agnoscis: ET turpiter NUDUS atq; expositus confusioni pro die Judicii & æternitate, quia non habes vestem nuptialem, nedum Episcopalem, tu qui intrasti ut discumbas inter Episcopos! MISER tibi met, com-MISERABILIS autem mihi! SUADEO adversus paupertatem tuam, ut emas A ME AURUM Sapientiæ & initium ejus Timorem Domini qui sit probatissimus tanquam IGNI. age, absque argento tuo & absq; ulla commutatione digna Isai. 55. v. 1. sed tamen eme; pretio quod tibi assigno meritum meorum (neque enim pretium, ait S. Ambr. l. de Joseph Patriarcha, quasi-vit à nobis, qui pro nobis pretium sanguinis,

E 2

nis,

nis *sui solvit.*) deinde adversus nuditatem tuam auctor sum tibi ut recuperes & **INDUARIS VESTIMENTIS ALBIS**, stolâ gratiæ, & charitate quæ operit multitudinem peccatorum 1. Pet. 4. v. 8. Denique in remedium cæcitatistuz, ut assuescas inungere te **COLLYRIO** meditationis novissimorum tuorum, quod est medicamentum contra lippitudinem; quia punget eductis lachrymis & purificabit **OCULOS** mentis, quibus **VIDEAS** periculum in quo versaris & evadas. Porro sicut **EGO** ferveo amore tui & zelo salutis ex quo te **ARGUO**, ET paternè (græcè, *πατρικῶς*) tanquàm filium **CASTIGO**: ita **ÆMULARE** tu quoque & vicissim responde meo amoris: **POENITENTIAM AGE**, incipe: imposterum autem, quod mo-

net^r Apostolus meus 1. Theff. 5. v. 15. Spiritum noli extinguere, quod fit dum intepefcis. *Ecce enim per has inspirationes PULSO ad cor; & offero me, intraturum, ad te per amicitiam meam, hospitem tuum: invitoque tanquàm ad epulas sic ad fervorem, ad alacritatem, & lætitiā intimam; cœnaturum unā mecum SI obedieris & APERUERIS, ut es liberi arbitrii, JANUAM cordis parati.*

3. *Epilogus.* Præter minas evomendi, quas initio annuntiaverat, & spem gratiæ, promittit adhuc: *qui vicerit* temporem & acediam, faciam eum requiescere à laboribus suis & *considerare ME CUM IN THRONO MEO*, sicut me *Pater, post sudorem & partam victoriam, sedere secum fecit & quiescere.*

Pars tertia.

Væ tepido qui non est Amen, id est, verus ac fidelis Ecclesiasticus, aut Præsul: qui cū ingesserit se: in Clerum, contentus locupletatione reddituum Ecclesiasticorum, inidoneus officio aut Prælaturæ demandatæ, velut nautea est in navi Clericorum, & Christo vomitus. De his S. Gregor. Nazianz. apologet. 1. *Aliorum me pudet: illis ut dici solet manibus, profanisque animis, in sanctissima mysteria sese inferunt, ac, priusquam digni sunt qui ad sacra propius accedant, sacrarium ipsum affectant: pietate miseri, dignitatis splendore infelices.* Hæc & plura Nazianzenus. Ex verbis Christi optabile fuit, talem miserum remansisse in numero Laicorum! immò & in horum serie inter frigidos! quibus remissiùs futurum est multò coram Iudice.

S. II.

Finalis admonitio in singulis Epistolis: qui habet aurem, audiat &c.

Sub finem singularum Epistolarum graphicè additur sententia,

tia, quâ tria significantur: 1. de auditu: 2. de Spiritu dicente: 3. de Ecclesiis.

Audiat: **P**rimum est de audiendo. **QUI HABET** (inquit) **AUREM, AUDIAT.** Rom. 10. v. 17. vox est Apostoli, *Fides ex auditu*: ergo cui fides est Christiana, illi datum fuit organum auditus, quod est *auris* audiendi, Matth. 13. v. 9. refert, ut anima illo utatur organo quod habet à Deo & audiat.

Quid Spiritus dicat: Alterum est de **SPIRITU**. Ostenditur quas Christus dictavit semel Epistolæ Joanni, à Spiritu sancto dicendas ac diffundendas esse longè latèq; esse illas plenas Spiritu Christi: & ad conservandum augendumque Spiritum dirigi.

Ecclesiis. Tertium est quod adjungitur: dici **ECCLESIIIS**. quo dicto significatur, statum Ecclesiæ cujusque connexum esse cum statu sui Episcopi. Ille Caput est Corporis, quod par est regi à capite, atque accipere ab illo influxum & operationes spirituum. Sponsus est desponsatæ sibi à Deo, quæ illi adhæret. Pastor est à quo grex, qui divinitus ei creditus est, ducitur. Caput, non sine corpore: Sponsus non est sine sponsa; Pastor non sine grege. Laus unius est decus alterius: Virum illius est dedecus corporis, sponsæ, gregis.

Tum quia Ecclesia est in Episcopo: Ut igitur conseatur Ecclesiis scriptis, ad hoc duxit sufficere nominatos ab se fuisse Episcopos. *Ecclesia* (ita S. Cyprianus lib. de unit. Eccl.) *est in Episcopo*. Confidit Deus fore ut corpus suum alat, sponsam regat, gregem pascat. Confidit fore ut consideret

utique quid nominis gerat, & quid loci occupet. ideo dictus est *Episcopus*, ait S. Aug. in psal. 126. *quia super-intendit, quia desuper videt: quomodo enim vinitori altior fit locus ad custodiendam vineam, sic & Episcopis altior locus factus est*. Confidit fore ut qui est Doctor Ecclesiæ, imbuat eam doctrinâ sibi dictatâ: fore ut qui est Stella, illuminet eam ac vegetet: fore ut is qui est Angelus ei assignatus, præcedat populum Israël, ita ut seipsum præbeat *exemplum bonorum operum*, Tit. 2. v. 7. & præcipiat aliis *ut irreprehensibiles sint*, 1. Tim. 5. v. 7.

Alio præterea ex capite oritur protestatio, dici Ecclesiis: & hæc provocantur ad audiendum Spiritum Dei: quia videlicet penes Ecclesias electio sit Episcoporum idoneorum. Magnus profectò & propheticus clamor cautionis inest verbis illis tantâ cum emphasi prolatis, toties repetitis, & ad Ecclesias singulas prænominatas! quarum aures est necesse velut tonitruo feriri ad illud fulmen à filio tonitruu septies editum: *qui habet aurem audiat quid Spiritus dicat Ecclesiis*. Jam enim tot sæculis quicumque audit & attendit quid his acciderit Ecclesiis vitio ac schismate Præfulum suorum, tinnunt ambæ aures ejus: tinnitū meritò majore in auribus nostratum quàm fuerit summi Sacerdotis veteris 1. Reg. 3. v. 11.

Tonet hoc in auribus Ecclesiarum, & Cleri; his enim dicitur: hos esse reos, & horum fieri incutiâ si quis eligatur

aut præficiatur haud idoneus Episcopus, is qui suæ ruinæ totam suam involvat Ecclesiam. Gemit super his Episcopis simul & Ecclesiis Archiepiscopus Cardinalis Bellarminus, nostrâ memoriâ, lib. de gemitu col. cap. 5: *Origo enim malorum est, inquit, quod Episcopi aliqui (semper enim excipio, inquit, bonos, qui nunquam in Ecclesia universalis defunt) non speculantur, vel speculantur quidem, sed agros & vineas & hortos, vel quomodo possint reditus Ecclesiasticos majores facere, vel domum suam ornare egregiâ suppellectile, vel propinquos augere divitiis, vel ascendere ipsi ad gradus altiores. quid igitur mirum est, si Ecclesia eorum tota sylvescunt! Tanti hæc res fuit ponderis & curæ universo Concilio Tridentino, ut admonuerit Clerum; unâque de omnibus & sin-*

gulis qui ad promotionem præficiendorum operam suam præstant, pronuntiaverit leff. 24. de ref. cap. 1: mortalius peccare, nisi quos DIGNIORES & Ecclesiæ MAGIS utiles ipsi iudicaverint, non quidem precibus, vel humano affectu, aut ambientium suggestionibus, sed eorum exigentibus meritis, præfici diligenter curaverint. & in fine capitis: nihil magis Ecclesiæ DEI necessarium, quàm ut BEATISSIMUS ROMANUS PONTIFEX bonos maxime atque idoneos Pastores singulis Ecclesiis præficiat: idque eò magis, quod OVIVM Christi SANGUINEM, QUÆ ex malo negligentium & sui officii immemorum Pastorum regimine PERIBUNT, Dominus noster JESUS CHRISTUS DE MANIBUS EJUS sit requiriturus!

S. III.

Colliguntur fragmenta Epistolica.

Coacervemus simul: primò vitia quæ reprehenduntur. secundò, minas. tertio, promissa quæ prophetantur.

Vitia.

1. **V**itio est primam Charitatem reliquisse: retinere eos qui palam foveant hæreses: permittere seductionem in doctrina vel moribus: obdormisse quasi mortuum; nec inveniri opera plena: etiamsi perfectus sit, non tenere quod habet: esse tepidum.

Minæ.

2. Mala auguria prævæ administrationi per Episcopos:

Cap. 2. V. 4. habeo adversum te &c. memor esto itaque unde excideris.

V. 5. veniam tibi & movebo Candelabrum tuum de loco suo.

V. 16. pœnitentiam age; si quò minus, venio tibi citò & pugnabo &c.

V. 20. habeo adversus te quia permittis.

Cap. 3: V. 3. si ergo non vigilaveris, veniam ad te tanquàm fur.

V. 16. incipiam te evomere ex ore meo.

V. 17.

Promissio.

V. 17. es miser & miserabilis, & pauper, & cæcus, & nudus. suo deo &c.

3. Promissa administrationi præclara Episcopi :

Si proficit in Charitate prima, vel eam citò recuperat per pœnitentiam : si fidelis usque ad mortem in tentatione : si extirpat hæreses : & antevertit seductionem : si custodit illud Apostoli, Tu verò vigila, opus fac Evangelistæ, ministerium tuum imple, 2. Tim. 4. v. 5. si Zelum habet observationis verbi & conversionis animarum : si est fervidus, si bonus æmulator, si pulsantis Dei vocem audit & cor totum aperit :

Manet illum merces hujus & alterius vitæ : cujus utriusque tanta est dulcedo, tantum decus & majestas, atque ubertas tanta, ut unico nomine vel conceptu humano non possit exprimi, ideo conglobantur multa :

Cap. 2. V. 7. dicitur lignum vitæ :

V. 10. Corona vitæ : *corona*, ei qui legitime certaverit : *vita* autem, non corruptibilis sed immarcescibilis gloriæ.

V. 11. immunitas à morte secunda.

V. 17. manna absconditum : calculus candidus : nomen novum.

V. 26. & 27. potestas super gentes.

V. 28. Stella matutina.

Cap. 3. V. 3. vestiri albis, & de Libro vitæ indelebilem esse.

V. 12. censer Columnam in Templo æterno.

V. 20. cœnare cum Christo :

V. 21. in throno assidere Christi, omnium Episcopi.

Haftenus de Epistolis : quarum scopus fuit cavere Præsulibus & Ecclesiæ Dei : abstrahere à vitiis, excitare ad profectum, metum & spem injicere futurorum ; maxime viciniore nunc adventu Domini & fine mundi. Ad eundem finem tota dirigitur Apocalypsis sequens. excitat enim atque incitat Sessio Dei & confessio Seniorum in throno, Agnus occisus, multimoda majestas, applausus sanctorum animalium, Angelorum, & Beatorum : gloria palmatorum Martyrum, cantantium Virginum, & damnatio reproborum &c. Huc spectatur per mulierem quæ habet sub se Lunam, & per insidias draconis devoraturi : per Bestias & persecutiones futuras, ac militiam usque in finem cum triumpho : per interitum Babylonis, pseudopropheta & draconis : per Jerusalem cælestem, nova omnia, ducatum Agni ad vitæ fontes aquarum & fluvii ac ligni vitæ gustum perpetuum.

Finis Epistolæ.

TRACTA-

TRACTATUS VII.

IN CAPUT IV.

Duo Capita, quartum & quintum, habent inter se connexionem: quia est Visio sedentis in Throno, & Libri quem Agnus accipit ex ejus dextera. Retineamus divisionem Capitum: & prosequamur per Tractatus duos connexos.

VERBA APOCALYPSEOS.

(Cap. 4. Versu 1.) *Post hæc vidi: & ecce ostium apertum in celo: & vox prima, quam audiui, tanquam tubæ loquentis mecum, dicens: Ascende huc, & ostendam tibi, quæ oportet fieri post hæc. (v. 2.) Et statim fui in spiritu: & ecce sedes posita erat in celo, & supra sedem sedens. (v. 3.) & qui sedebat, similis erat aspectui lapidis jaspidis & sardinis: & iris erat in circuitu sedis, similis visioni smaragdina. (v. 4.) Et in circuitu sedis sedilia viginti quatuor: & super thronos viginti quatuor seniores sedentes, circumamicti vestimentis albis, & in capitibus eorum corona aurea. (v. 5.) Et de throno procedebant fulgura, & voces, & tonitrua: & septem lampades ardentes ante thronum, qui sunt septem spiritus Dei. (v. 6.) Et in conspectu sedis tanquam mare vitreum simile crystallo: & in medio sedis, & in circuitu sedis, quatuor animalia plena oculis, ante & retro. (v. 7.) Et animal primum simile leoni, & secundum animal simile vitulo, & tertium animal habens faciem quasi hominis, & quartum animal simile aquilæ volanti. (v. 8.) Et quatuor animalia, singula eorum, habebant alas senas: & in circuitu, & intus plena sunt oculis: & requiem non habebant, die ac nocte, dicentia: Sanctus, Sanctus, Sanctus, Dominus Deus Omnipotens, qui erat, & qui est, & qui venturus est. (v. 9.) Et cum darent illa animalia gloriam, & honorem, & benedictionem sedenti super thronum viventi in sæcula sæculorum. (v. 10.) procidebant viginti quatuor seniores ante sedentem in throno, & adorabant viventem in sæcula sæculorum, & mittebant coronas suas ante thronum dicentes: (v. 11.) Dignus es Dominus Deus noster accipere gloriam, & honorem, & virtutem: quia tu creasti omnia, & propter voluntatem tuam erant, & creata sunt.*

S. I.

S. I.

De Throno & quæ ad illum pertinent.

Ostium
in Cælo.

Videt OSTIUM APERTUM IN COELO : per quod significatur adaperitio cœlestium mysteriorum : simul & gratia quæ offertur, ac preparatio ad cœlum patulum. Consentit cum eo quod figuratum fuit Ezech. cap. I. v. 1. *aperti sunt cœli, & vidi visiones DEI* : At Joannes ad cœlos insuper apertum videt ostiū, quod est ingressus in eosdem.

Vox tan-
quàm
tubæ.

1. Illuc intuitus, VOCEM audit PRIMAM, hoc est, eandem aut similem illi priori de qua cap. I. v. 10. **TANQUAM TUBÆ** ad se : **ASCENDE HUC, SPIRITU** tenus, ET **OSTENDAM TIBI QUÆ** in posterum & certissimò sunt eventura. Protinus, in hac nova ecstasi videt in Cælo aperto hieroglyphicon Divinæ Providentiæ ad salvandum genus humanum in Ecclesia per Evangelium; atque ad disponendum de rebus futuris.

Sedens
in thro-
no.

SEDES POSITA IN COELO significat quietem gubernationis, & altissima consilia. Is **QUI sedet, SIMILIS** est colore partim *jaspidi* qui subviridis, partim *SARDIO* qui ruber aut accensus : quò represententur Misericordia & Justitia, seu præmiū ac pœna, quibus Divina Providentia gubernat universum mundum, & suos electos promovet ac perducit. IN

Circum-
datus
Iride.

CIRCUTU SEDIŒ. habet *Iridem*:

quæ symbolum est propitiationis, pacis, ac fœderis cum hominibus. In quæ Iride, ut est diversicolor, & uno tantum appâret in hemisphærio nostro (nam in altero non est propitiatio sed niger examinis,) eminet præ cæteris color amabilis *visu* (græcè *ὁράσει*) sicut est *Smaragdus* suâ viriditate: qui color Gratia cæteris omnibus est amœnior & blandior : omnis autem *aspectus* tanquàm relucendum gemmarum, attributorum DEI.

2. Assident SENIORES Eccle- Seniores, 24.
siæ quos Deus secum participes fecit suæ gloriæ & consiliorum. in quo nomine inest dignitas, quasi dicat, Senatores DEI : multò illis 24. potiores, qui dicebantur (1. Paral. 24. v. 5.) *Principes* DEI, & habebant locum eminentiorem in Sanctuario. Hos enim dignatur adhibere Assessores in gubernatione suæ Ecclesiæ : procures duodecim veteris Testamenti, juxta numerum 12. Tribuum : & procures totidem Novi, juxta numerum Apostolorum. in *sedilibus*; cum participatione potestatis judiciariæ futuræ : in **VESTIMENTIS ALBIS**; in Beatitudine & splendore : *coronatos auro*, pro victoriis, quibus se probaverunt in hac vita exemplum facti cæterorum.

Quo numero intelligitur confessus omnium præcipuorum Antistitum aut Doctorum Ecclesiæ qui fulgeat inter

F

Bea-

Beatos. Nam duodenarius (ut SS. Patres exactè & valdè meditabundi supputant) est numerus perfectus, puta, ductus per ternarium sacrosanctum in quatuor partes mundi: similiter & numerus 24. qui est duplus. Hi sunt Consiliarii DEI, & conscii secretorum ejus. Simul hîc exhibentur pro exemplari Consiliatorum in terris Ecclesiasticorum aliorumve:

In quibus adhibendis utique *Senium* significat prudentiam: *vestis alba* sinceritatem seu candorem: *corona*, ut sit quisque illorum genio regis & incorrupto ad pronuntiandum ac procurandum ea quæ faciunt ad rectum regimen.

Fulgura, voces, & tonitrua. 3. Quod DE THRONO exeant FULGURA, VOCES, ET TONITRUA: fuit figuratum. Exod. 19. v. 16. & significat promulgationem Legis Evangelicæ: fulgorem enim ejus: voces prædicationis & annuntiationem Regni cælorum: non sine tonitruo minarum adversus transgressores: quæ omnia procedunt de Throno Legislatoris. Ac fulgor quidem primum omnium videtur oculis, qui tantus est Legis Novæ, quantum fulgur quod paret *ab Oriente in Occidentem*: Tum voces *in omnem terram* audiuntur: denique Tonitrua *confringentia cedros*, simulac Deus *Majestatis intonuit*.

7. Lampades. ANTE eundem THRONUM SEPTEM LAMPADES, figuratæ per 7. Lucernas Candelabri veteris coram Deo. His significantur, inquit, SEPTEM SPIRITUS DEI: ardentibus zelo pro prædicatione Evangelii:

cooperaturi ad illuminandum & inflammandum mundum: iidem qui & Præsides Ecclesiarum cap. 1. v. 4. ad quas scribebatur.

Cominus IN CONSPECTU Throni TANQUAM MARE: *congregatio aquarum* Gen. 1. v. 10. id est populorum & gentium & linguarum Apoc. 17. v. 15. Natura fluxum ut aquæ: fragile sicut vitrum; conflatum à Deo per inspirationem, unanimitate doctrinæ quam suscipere cœperunt populi & linguæ ex omni natione quæ sub Cælo est; consistens sub Imperio DEI: induratum cœlitus eâ fortitudine quâ crystallus, ac peræquè pellucidum. *Simile vitreum: Mare vitreum: crystallo.* causa lucis est collustratio hinc Lampadum ardentium quarum illuminatur propinquitate; illinc Animalium (de quibus in §. sequente) calor & Evangelii splendor quo circumfulget; atque omnium præcipuè copia divinorum radiorum qui de Throno citra intermissionem incidunt in hoc mare; qui etiam faciunt illud conspicuum ac visu pervium cœlestibus. Dicitur is qui sedet in Throno habere illud in perpetuo suo conspectu & providentia. Per quod Mare signatur hieroglyphicè Ecclesia DEI, quæ instar maris diffusit totum ambit orbem terrarum: prout ipsa est in hoc tempore fluido & labili mortalium quo dilabimur omnes quasi aquæ in terram, 2. Reg. 14. v. 14.

Observat S. Augustinus lib. 20. de Civ. cap. 16. non esse hoc loco dictum *proprie Mare, sed tanquam Mare*. Ergo tanquam mare: quia simillimum huic sæculo, & ejusdem cum illo naturæ & ortus

ortus ac speciei externæ. Tanquàm mare: quia Gentium (*aqua enim populi sunt & gentes* Apoc. l.c.) divinitus congregatarum sub Cælo; suâ naturâ fluentium & refluentium. Mare, ubi sicut urinatores & piscatores hominum, ita pisces homines: Mare, in quo adhuc rete trahitur Evangelicum: Mare, in quo boni interim & mali pisces: Mare, in quo gazæ in profundo, pretiosa virtutum in abdito recondita: Mare, quod putrefacta cadavera & inutilem algam respuere nititur in arenas: Mare, in quo negotiatio margaritarum pretiosarum, conchæ & corallia quæ progenerat.

Tanquã vitreum. VITREUM duas ob causas, quas modò innuebamur: primùm quia elementum per se molle, tenerum, & labile, & omne quod in eo Natura produxit caducum est ac vile; quidquid Gratia supra naturam non gignit atque elaborat: hæc est Sol divinus & hic influxus à Throno qui in illo Mari exercet vim suam. Deinde Vitreum: quia concretum aquarum cum aquis, uni-

formitate & consistentia doctrinæ; conflatum (sicut vitrum) calore, artificio, ac Spiritu Dei incubante super aquas.

SIMILE CRYSTALLO tribus de causis, quas item indicavimus: tum quia contra procellas & ventos, qui nunquam non incumbunt, roboratur & indurefcit: tum quia in pretio est Deo, quemadmodum crystallus in numero est gemmarum (Plin. lib. 57. nat. hist. cap. 2.) tum præsertim quia perspicuum eidem, & dilucida omnia, sedenti in Throno & aspicienti consideranti; suam Ecclesiam in hoc mundo circumdantem terras, atque illuminanti eam: sicut elementum maris, quando fulget Solis radiis, refert speciem Chrysolithi generis: cui etiam ipsi color est maris, & nomen apud gemmarios *Lapis maris*.

Simile mari aliquid obtulit se Prophetæ Ezechieli videndum in curru DEI, Cap. i. v. 16. *aspectus, inquit, quasi Visio maris.*

Tanquã crystallinum.

I. II.

De Animalibus.

Restant animalia: in quorum descriptione occurrunt novem potissimùm consideranda.

Anima-
lia quid. 1. ANIMALIA sunt Hieroglyphica quæ repræsentant 4. Evangelia, sive, ut S. Irenæus loquitur, *quadri forme Evangelium*. qui est communis sensus Ecclesiæ, & Traditio Pa-

trum de his animalibus. Nec refert, neque incongruum est, quòd Joannes in hac prophetia suummet Evangelium ab se (biennio post) scribendum videat & connumeret.

F 2

1. Dispos

Locusa-
nimaliū
in Visio-
ne.

Cur ap-
pellen-
tur ani-
malia.

2. Dispositio eorum IN MEDIO
SEDIS ET IN CIRCUITU SE-
DIS. id est, in medio spatio quod est
ē regione Throni, & circa illum il-
liusque latera: inter Thronum & mare
vitreum.

3. Dicuntur animalia, id est anima-
ta tota & in motu. sic enim visa sunt
eadem Ezechiel cap. i. in cuius versum
11. & 12. S. Hieronymus: *Inter se sibi
sunt, ait, Evangelia, herēntque mutuo, &
in toto orbe volitantia huc illucque discun-
runt: nec habent finem volatus, nec ali-
quando superantur & recedunt, sed sem-
per ad ulteriora procedunt.* De quibus
idem S. Hieronymus in proœmio Com-
mentarii in Matthæum: *Hæc igitur 4.
Evangelia, multo antè prædicta, Ezechie-
lis quoque Volun. en probat; in quo prima
Visio ita contextitur: Et in medio simili-
tudo 4. Animalium &c.* Et in Ezech.
Cap. i. pleniusque, ait, in Apocalypsi Jo-
annis horum Animantium species ac nomi-
na referuntur ad 4. Evangelia. Vidit
ea Ezechiel in forma Cherubinorum,
quo etiam nomine appellat Cap. 10. v.
20. Intellexi, ait, quia Cherubim essent:
ob scientiam omnium sublimissimam.
Unde S. Hieron. ep. ad Paulinum:
*Matthæus, Marcus, Lucas & Joannes
quadriga Domini & verum Cherubim,
quod interpretatur Scientia multitudo &c.*
Hoc discrimine inter Ezechielem &
Joannem: quod ille ut ex vetere Te-
stamento velut à longè ea prævideat
& confusa, perindeque ac si unicuique
sint quatuor facies (tamen etiam Eze-
chiel primaria facies singulorum ap-
pareat humana) Joannes autem ut

propius conspecta distinguat, ita ut sit
cuique Animalia sua.

Hæc sunt illa Animalia quæ Cap. 6.
Joannem evocant, & ei ostendunt 4.
Equos: quorum quartus ostenditur ab
Aquila, id est ab Evangelio quod Jo-
annes erat adjuncturus.

4. Omnino QUATUOR recen- Numero
sentur Animalia. de quo numero S. quater-
Irenæus lib. 3. adv. hæret. cap. 11. na.
*Neque autem plura numero quàm hæc sint, neq;
rursus pauciora capit esse Evangelia. con-
gruere enim, ut sicut 4. regiones mun-
di sunt per quas Ecclesia, & 4. princi-
pales (inquit) spiritus seu venti illarum
regionum, ita 4. sint columnæ ejus, &
4. sint spiritus vitæ, Evangelia quibus
illæ regiones vivificentur. Etenim, ait,
cum omnia composita & apta Deus fe-
cerit, oportebat & speciem Evangelii (nu-
mero & proportionem tenens) bene com-
positam & bene compaginatam esse. Et S.
Hieronymus proœmio in Matth. Qui-
bus cunctis perspicue ostenditur, quatuor
tantum debere Evangelia suscipi.*

5. PLENA dicuntur OCULIS. Plena o-
cui simile est illud Ezechielis, Cap. i. v. culis:
18. *totum corpus oculis plenum in circui-
tu.* vel, ut LXX. verterunt: *& dorsa
plena oculis.* quem in locum S. Hiero-
nymus interpres: *Totumque corpus &
dorsa erant plena luminis in circui-
tu: ut nullum membrorum aspiceret quod ocu-
los luminis non haberet: qualemque de-
scribunt fabula poetarum Argum fuisse
centoculum sive multorum oculorum.* Et
paulò post: *Totum autem corpus & dor-
sa plena oculis approbabit, qui viderit ni-
hil esse in Evangelis quod non luceat, &
splen-*

*splendore suo mundum illuminet: ut etiam
que parva putantur & vilia, Spiritus san-
cti fulgeant maiestate.*

Antè &
retrò.

Nam quod Apocalypsis dicit ocu-
lata esse ANTE ET RETRO: hanc
addit significationem, quòd Evange-
liorum perspicax sit acies & intuitus in
ea quæ prædicta aut gesta fuerunt in
veteri Testamento: & in Novum Te-
stamentum, quod est antrosum ac
tempus quo figuræ implentur.

Dissemi-
litudi-
faciei.

6. Erant formæ Cherubinæ quæ re-
ferret hominem: voce humanâ arti-
culatâ, ut patet infra Cap. 6. dissemi-
lia tamen inter se facie teus; & in
ipsum trium aspectu seu facie aliquid
ab humana diversum. Nam primum
animal imitabatur vultum Leonis: se-
cundum Vituli; tertium non nisi ho-
minis: quartum Aquilæ. Breviter: ap-
parere visa sunt illa 4. Animalia velut
Cherubim in humana forma & voce,
trium ex illis alio nonnihil & commu-
tato vultu in leoninum, vitulinum, a-
quilinum.

Facies,
quid.

Obvia est expositio SS. Patrum, qui
hanc diversitatem in hunc facillimum
sensum acceperunt: Facies illa, est no-
titia sanctorum quatuor Evangelio-
rum; id est, initium & frons Evange-
lii ex qua unumquodque discernitur:
nam in cætero corpore Evangelico est
in re ipsa consensus omnium. Evan-
gelium igitur Marci incipit à voce Jo-
annis præcursoris in deserto, ceu rugi-
tu Leonis: Evangelium Lucæ à Vitulo,
id est veteri sacerdotio Zachariæ: E-
vangelium Matthæi ab humana gene-
ratione Christi: Evangelium Joannis

à divinitate VERBI quòd ut Aquila se
librat ad volandum, fixo obtutu in ejus
contemplationem. Facies, inquit S.
Hieronymus (in Ezech. cap. i. vers. 10.)
principia dicunt Evangeliorum.

7. In hac dissimilitudine primi aspe-
ctus commune omnium est Anima-
lium significatum, unus & idem Chri-
stus qui representatur: is qui & homo
& leo & vitulus & aquila. Ita S. Am-
brosius suo ævo plerosque existimare;
sic enim scribit proœmio in S. Lucam;
*plerique tamen hinc putant ipsum Domi-
num nostrum in quatuor Evangelii libris,
quatuor formis animalium figurari, quòd
idem homo, idem leo, idem vitulus, idem
aquila: homo, quia natus ex MARIA
est; leo, quia fortior; vitulus, quia hostia;
aquila, quia resurrectio est. Vel, ex S.
Hieronymo brevius: qui in Incarnâ-
tione homo, in passione vitulus, in re-
surrectione leo, in ascensione aquila.*
Juvat his Patribus antiquiorem adde-
re S. Irenæum lib. 3. cap. xi. *Omni-
um, inquit, artifex VERBUM, qui sedet super
Cherubim & continet omnia, declaratus
hominibus dedit nobis quadriforme E-
vangelium quod in uno Spiritu contine-
tur. Citat psalmum 79. v. 2. David, in-
quit Irenæus, postulans ejus adventum
ait, qui sedes super Cherubim, appàre.*
*Etenim Cherubim quadriformia, & for-
mæ ipsorum, Imagines sunt dispositionis
Filii DEI. Primum enim Animal simile
Leoni, efficabile ejus & principale & Re-
gale significans: secundum verò simile
Vitulo, sacrificalem & sacerdotalem ordi-
nationem significans: tertium verò habens
faciem quasi humanam, eum qui est se-
cundum Hominem adventum, eis mani-*

Mutua
unitas;
ejusdem
signifi-
cati.

festè describens: quartum verò simile Aquila volutantis, Spiritus in Ecclesiam ad-
volutantis gratiam manifestans. Et E-
vangelia his consonantia: in quibus infi-
det Dominus Jesus &c. Denique idem
Irenæus exactè: Qualis igitur, ait, dispo-
sicio Filii DEI, talis & Animalium for-
ma: & qualis Animalium forma, talis
& character Evangelii.

Currus
Evange-
licus,

Sensus Patrum est, quòd hæc inter
se connexa pennatæque Animalia de-
clarent Oeconomiam & dispositionem
æternam VERBI incarnati: cujus in-
fertur cognitio per 4. mundi partes,
velut sedente Ipso super Cherubim, id
est quatuor Evangelii provehentibus
famam ejus & characterem quadru-
plicem unde dignoscitur: videlicet,
quòd verus Homo, quòd Doctor salu-
tis, quòd Sacerdos, quòd æternus Fi-
lius DEI. hanc quaternam de eo noti-
tiam præferunt primâ facie, seu intuitu
sui ostentant illa Animalia: Homo
incarnationem, Leo doctrinam, Vitu-
lus immolationem, Aquila divinitatem
ascendentis & provocantis ad Cælum:
quæ sunt 4. Stemmata Redemptoris.
& in omnibus 4. Evangelii est manus
hominis, quia est opus liberationis
humanæ. De illa quadruplici facie &
de hoc opere Sedulius presbyter (anno
Christi 430.)

Arma
Christi
natalitia:
effigies
4. Ani-
malium,
cum ma-
nu ho-
minis.

Hoc Matthæus agens hominem ge-
neraliter implet:

Marcus ut alta fremit vox per de-
serta leonis:

Jura sacerdotii Lucas tenet ore ju-
venci:

More volans aquila VERBO tenet
astra Joannes.

8. Singulorum Animalium sex ala Alæ se-
sunt: sicut illæ summorum Angelorum næ.

Isa. 6. v. 2. quarum duabus, ut addit
Isaias, obtegebant faciem, duabus pe-
des, & duabus exprimebant volatum.
quâ ceremoniâ profitentur quàm sint
intellectu incomprehensibilia mysteria
quæ in his Evangelii: quàm affectus,
velut pedum, impar erga illa: & quòd
cordi sit executio volandi atque Evan-
gelio implendi orbem terrarum. S.
Irenæus l.c. monstratam nobis esse do-
cet volutilem & pennatam Imaginem
Evangelii.

9. ET IN CIRCUITU ET Extra a-
INTUS PLENA SUNT OCULI las & sub
LIS. sicut enim v. 6. antè & retrò, alis ocu-
lis. sic v. 8. extrinsecus in circuitu ala-
rum, & intra seu sub alis. Nimi-
rum Evangelium Christi quadruplex
totus est oculus & lumen hominibus:
& ut S. Hieron. ep. supra citata ad
Paulinum: Matthæus, Marcus, Lu-
cas, & Joannes (id est Evangelia eo-
rum) per totum corpus oculati sunt.
Subdit Hieronymus: terga pennata
& ubique volutantia tenent se mutuo:
sibi que perplexi sunt, & quasi rota in ro-
ta volvuntur: & pergunt quocunque
eos flatus Spiritus sancti
perduxerit.

Trisagi-
on Ani-
malium

Confel-
lio Se-
morum.

S. III.

De acclamatione Animalium & Seniorum: cum brevi repetitione ordinis in Visione.

Trifagi-
on Ani-
malium,

1. **V**Ox Animalium eadem est quæ Seraphinorum apud Isaiam cap. 6. Canunt sine requie, DIE AC NOCTE, SANCTUS, SANCTUS, SANCTUS; tribus Personis uni *Omnipotenti*: QUI ERAT, inquit, ab æterno, ET QUI EST immutabiliter, ET QUI VENTURUS EST in ea Persona quæ operante totâ TRINITATE induta est naturâ humanâ; in qua Persona simul est ventura tota & necessariò TRINITAS per circum-înfessionem conjunctissima. Rectè Animalia monent *venturum*: quia Evangelia præparant hominum genus ad expectationem adventus illius & Judicii.

2. Dum illa Animalia trifagion suum canunt sedenti in Throno, & ut sunt tota animata Spiritu vitæ illius, reddunt GLORIAM, HONOREM ET BENEDICTIONEM VIVENTI IN SÆCULA æterna: protinus etiam SENIORES cum illis *prociidunt* præ reverentiâ; *adorant* ex Zelo; & CORONAS ei suas assignant cum sub-*missione* & gratitudine.

Atque hæc est vox procidentium: DIGNUS ES DOMINE DEUS NOSTER ACCIPERE GLORIAM, ET HONOREM, ET VIRTUTEM (quod est Trifagion Seniorum & depressio sui in triplex ni-

hilum suipforum; naturæ, gratiæ, beatitudinis:) QUIA TU CREAMUS OMNIA: ET PROPTER VOLUNTATEM TUAM ERANT: ET CREATA SUNT. Id est: Tibi, inquit, omnia reddimus accepta: Creatori enim; ideas divinæ mentis Tuæ, effectrices rerum omnium, & per decretum *voluntatis Tuæ*: ibi in ideis illis tuis sempiternis atque in illo tuo decreto *erant* ab æterno: jamque in tempore *creata sunt*, ex nihilo suimet Te auctore, ad quem solum est referendum omne esse earum naturale & supra naturam.

3. Addamus Anacephaleos in hujus Capitis; & ordinem totius Visionis; qui sic habet.

Sessio DEI in Throno:

Ordo
Vforū.

Circa eum sedilia, seu throni minores juxta positi, super quæ Seniores 24.

De Throno sicut in Sinai Vox Majestatis, Nova Lex Christianorum, & Evangelica.

Ante Thronum 7. Lampades, hieroglyphicæ septem Spirituum Præsidum, ardentium charitate DEI & mundi inferioris de quo agitur illuminando per Ecclesias.

E regione in conspectu Sedis Mare vitreum.

Circum in medio, inter Sedem & Mare

Mare vitreum, spatium pro Animalibus quæ nullum faciunt finem deprædicandi: sicut nec Seniores ferendi accepta Deo sua ipsorum merita, ex suo nihilo in quod procidunt & ex quo dicunt esse omnia.

Procidamus & nos coram Throno, qui hæc legimus, & prostrati dicamus Trisagium cum Animalium tum Seniorum: prostrati in triplex nihilum nostrum, nihilum naturæ, nihilum gratiæ, nihilum beatitudinis.

TRACTATUS VIII.

IN CAPUT V.

Continuatur Visio Capitis præcedentis.

VERBA APOCALYPSEOS.

(Cap. 5. Vers. 1.) *Et vidi in dextera sedentis supra thronum, librum scriptum intus & foris, signatum sigillis septem. (v. 2.) Et vidi Angelum fortem, prædicantem voce magna: Quis est dignus aperire librum, & solvere signacula ejus? (v. 3.) Et nemo poterat, neque in cælo, neque in terra, neque subtus terram, aperire librum, neque respicere illum: (v. 4.) Et ego flebam multum, quoniam nemo dignus inventus est aperire librum, nec videre eum. (v. 5.) Et unus de senioribus dixit mihi: ne fleveris: ecce vicit Leo de tribu Iuda, radix David, aperire librum, & solvere septem signacula ejus. (v. 6.) Et vidi: & ecce in medio throni, & quatuor animalium, & in medio seniorum, agnum stantem tanquam occisum, habentem cornua septem, & oculos septem: qui sunt septem spiritus Dei, missi in omnem terram; (v. 7.) Et venit, & accepit de dextera sedentis in throno librum. (v. 8.) Et cum aperisset librum, quatuor animalia, & viginti quatuor seniores ceciderunt coram agno, habentes singuli citharas, & phialas aureas plenas odoramentorum, quæ sunt orationes sanctorum: (v. 9) & cantabant canticum novum, dicentes: Dignus es Domine accipere librum, & aperire signacula ejus: quoniam occisus es, & redemisti nos Deo in sanguine tuo, ex omni tribu, & lingua, & populo, & natione: (v. 10.) Et fecisti nos Deo nostro regnum, & sacerdotes: & regnabimus super terram. (v. 11.)*

(v. 11.) Et vidi, & audiui vocem Angelorum multorum in circuitu throni, & animalium & seniorum: & erat numerus eorum millia millium, (v. 12.) dicentium voce magna: Dignus est Agnus, qui occisus est, accipere virtutem, & divinitatem, & sapientiam, & fortitudinem, & honorem, & gloriam, & benedictionem. (v. 13.) Et omnem creaturam, quæ in celo est, & super terram & sub terra, & quæ sunt in mari, & quæ in eo, omnes audiui dicentes: Sedenti in throno, & Agno, benedictio, & honor, & gloria, & potestas in sæcula sæculorum. (v. 14.) & quatuor animalia dicebant: Amen. Et viginti quatuor seniores ceciderunt in facies suas: & adoraverunt viventem in sæcula sæculorum.

§. I.

De Libro clauso.

Videt IN manu DEXTERA, quod est felix omen (8c favor gratia, ait Augustinus in psal. 17.) SEDENTIS in Throno, LIBRUM: SCRIPTUM INTUS ET FORIS: quod idem dicebatur de Libro quem vidit Ezechiel cap. 2. v. 9. epistolographum, id est plenum characteribus non solum interius sed & à tergo: an priscorum more convolutus fuerit ut ille Ezechielis, an aliter, nihil refert: SIGNATUM SIGILLIS SEPTEM, id est universè in omnibus Libri partibus arcanum. *Erit vobis, inquit Isaias cap. 29. v. 11. Visio omnium sicut verba Libri signati.*

Is Liber, in manu DEI, sunt mysteria Apocalypseos quæ in DEI præscientia & providentia sunt descripta: verbo, Diphthera futurorum; scripta *intus* pro electis, *foris* de reprobis. Et ejus ob- sunt Libro partes septem: cujus unesignatæ, quoque sigillo soluto inspicitur & se-

gitur sua mysteriorum Libri pars. (nam alia contineri sub Sigillis septem usque ad Caput undecimum Apocalypseos, & ab illo capite incipere Librum, putum est commentum.) Propterea, ut quæque sigilla aperiuntur, ita pars Diphtheræ foris & intus scriptæ patefit: erat enim in 7. partibus distinctis sigillatus Liber, ut nulla ejus pars legi posset non aperto ejus partis sigillo.

Ubi, ut pro captu literæ & imaginatione adjuvanda illud obiter monemus, non est concipiendum quasi 7. Sigilla simul & semel exterius obfignent totum Librum, prout proclive est concipere tanquam in nostrate hodierno libro: sed fuit Liber in unaquaque sui parte seu tomo scriptus undique, & clausa unaquaque pars suo sigillo: quo proinde artificiosè sublato, id quod nemo poterat alius quam Agnus, apparebat scriptura intus & foris, patebatque legenti.

Præco
Ange-
lus.

2. Sequitur vox præconis, *Angeli fortis*: quo nomine ostendit se querere fortem ad aperiendum; & fortitudinem illam consistere in promeritis: **QUIS** enim, ait, **EST DIGNUS APERIRE LIBRUM ET SOLVERE SIGNACULA EJUS?** quem **NEMO POTERAT NEQUE cælestium, NEQUE terrestrium, neque infernorum APERIRE**, nedum ad ea quæ scripta erant **RESPICERE**.

3. Donec **MULTUM** idcirco *senti* Joanni **UNUS DE SENIORIBUS: NE FLEVERIS, ECCE VICIT LEO DE TRIBU JUDA, RADIX DAVID, APERIRE** eum. *Vicit*, ut potens meritorum & dignus: ortus est *de tribu Juda*, cujus insigne leo, Gen. 49. 9. *Catulus leonis Iuda*-accubusisti *Leo*: radix *David*, id est, stirpis Davidicæ; ita ut ipse radix, portet stirpem, familiam Davidis.

Apertu-
rus Li-
brum
Leo.

§. II.

De Agno qui aperit.

Qui &
Agnus.

1. **DE** Leone audierat: & ecce videt **AGNUM: STANTEM, IN MEDIO THRONI ET ANIMALIUM ET SENIORUM**, de quo S. Augustinus ser. 50. de verb. Domini: *idem Agnus & Leo*. & S. Bernardus ser. 1. de Pasch. *Ut & Agnus maneat, & Leo sit*. In medio est Throni, ipse proximus Throno medius inter Thronum & Seniores & Animalia, utpote Mediator Dei & hominum assertus in Evangeliiis. Dicitur **TANQUAM OCCISUS**; quia talis fuit, & tanquam victus ab interfecto-ribus: at nunc surrexisse dicitur, *vixisse*, ac stare ad representandam suam passionem ac meritum mortis. de quo S. Augustinus in quaestionibus Novi Testamenti q. 88. *stat ante Thronum Dei, quasi Advocatus interpellans*. In illum intendebant Seniores; & Animalia, velut cingentia tam Agnum quam Thronum è quatuor lateribus.

Poterat mirari navus Lector, in Capite præcedente omissam esse visionem Agni: & querere de illo, num ad apparitionem pertineat illius Capit-
tis. Responsio promitur ex situ Agni qui describitur in hoc Capite 5. v. 6. *stetisse in medio Throni & 4. Animalium & in medio Seniorum*. Dicitur in medio Throni & 4. Animalium: quia ipsa Animalia Capite præcedenti v. 6. erant *in medio Sedis*. Dicitur & in medio Seniorum: quia de iisdem Animalibus & de sedilibus Seniorum dicebatur, utraque esse *in circuitu Sedis*. Prorsus igitur aderat Agnus in Visione Capit-
tis præcedentis: contegebatur autem complexu Animalium stantium, & objectu alarum quarum senæ singulis.

2. Cernitur habere Agnus **CORNUA SEPTEM ET OCULOS SEPTEM**: quæ utraque *sunt*, inquit, **SEPTEM SPIRITUS DEI, MISSI IN**

Agni
cornua
& oculi.

IN OMNEM TERRAM. Dicuntur *Cornua* ambientia Caput Agni, quæ est ejus Divinitas, de qua participant excellentiam roboris quo se impendant ad ministerium Capitis pro Corpore ejus imbecillo in terris. Dicuntur & *Oculi*: propter vigilantiam congruam tanto Capiti, quam exhibent pro eodem Corpore ejus quod est Ecclesia (Col. i. v. 24.) quam non desinunt illuminare. Itaque & Cornua & Oculi: eò quòd robustissimi sint ad tutandam Ecclesiam Agni contra incursum malignorum Spirituum: atque ita vigiles Spiritus ut videantur esse meri Oculi.

Missi, ait, in omnem terram: quod etiam dixit Zacharias cap. 4. v. 10. *Septem*, inquit, *istæ Oculi sunt, Domini, qui discurrunt in universam terram.* Utique Spiritus sunt, potentissimi cæterorum;

& Spiritus Agni, quos sic habet tantumquam Cornua & Oculos suos missiles, quibus utitur ad propugnandum & advigilandum Corpori Capitis sui. Non est ergo mirum quòd Agnus habeat Cornua & Oculos qui sunt missiles in omnem terram, quandoquidem Corpus suum illud, cui tuendo sunt & Cornua & Oculi, habet diffusum in

OMNIA TERRA.

3. VENIT Agnus, ET DE manu DEXTERA SEDENTIS APERIT LIBRUM, cæpitque aperire. Quòd ex *dextera* accipiat, significat felicem eventum & victoriosum: pro eo ac dicebatur; Vicit Leo: pro se & tribu Juda & familia sua Davidis: pro merito suæ mortis in qua omnis ejus fortitudo eminebat & victoria & potestas Mysteriorum aperiendorum,

Aperit Librum,

S. III.

De applausu qui editur.

Adoratio.

1. Simulatque Agnus aperit Librum, 4. ANIMALIA representantia Evangelium quadriforme procedunt coram eo: & cum illis SENIORES VIGINTI QUATUOR, qui suis *citharis* edunt symphoniam, in qua pro ratione sui cujusque meriti ac virtutum suus est chordarum sonus singulis, qui communem efficit concentum. Ea citharizatio Seniorum significat concordiam mutuam in Dei laude, cum summa suavitatem & beato suo gaudio; quod præ-

libabat Psalter (ps. 42. v. 4.) *Constitutebimur tibi in cithara.*

Habent autem & PHIALAS, PLENAS ODORAMENTORUM, phialarum. *que sunt,* inquit, *ORATIONES SANCTORUM;* figuratæ per Thymiama veteris Legis (Exod. 30. v. 34.) id est, supplicationes justorum in militante adhuc Ecclesia, quæ ascendunt ad Thronum è mari vitreo: has Beati isti intercipiunt & offerunt, *odorem,* Deo: offerunt autem in *phialis AUREIS,* hoc est, inclusas pretiosis suis

Odores phialarum.

Canti-
cum no-
vum.

suis Beatorum meritis ac precibus.

2. CANTICUM quod citharis suis canunt *Agno*, est NOVUM: utpote super Redemptione per Incarnationem & mortem Agni quæ nova: & ipsi Cantores novi. de qua novitate cantici S. Augustinus in psal. 149. *Vetus homo, vetus canticum; novus homo, novum canticum: Vetus Testamentum, (æstimantium terrena beneficia;) Novum Testamentum, novum canticum (æstimantium æterna.)* Et Rupertus Abbas in Apocalypsin lib.

4. *Novum*, inquit, *cantabant Canticum: nam & cantores omnes ipsi novi sunt, omnes veterem hominem deposuerunt, & nova in Christo creatura sunt. Tota nimirum Cantici materia nova erat: quia noviter Agnus occisus &c.* Hujus novæ laudis canitur meritum, dum dicitur: DIGNUS ES, DOMINE, ACCIPERE LIBRUM QUONIAM OCCISUS ES ET REDEMISTI NOS DEO &c. Addunt in Cantico: ET FECISTI NOS DEO NOSTRO REGNUM ET SACERDOTES: quod S. Petrus dicit (1. Pet. 2. v. 9.) ut retulimus cap. 1. v. 6. Regale sacerdotium. *Regnum* quidem, quia quicumque comparatur simul cum Agno, contregnabimus & cum eo: adjunguntque, SUPER TERRAM, hic enim incipit Regnum cæleste; neque tamen ajunt Reges fore terræ, sed superiores omni terreno. *Sacerdotes* autem; quia veri omnes Christiani monentur quotidie offerre spirituales hostias, ac nominatim corpora sua *hostiam sanctam* (Rom. 12. v. 1.) exemplo summi Regis &

Sacerdotis à quo sumus consecrati.

Observandum quòd hic plausus Seniorum fiat coram Throno, & inde reflectatur usque in Mare vitreum: ut unde acceperant ascensum odoramentorum, eò vicissim remittant exemplum reddendi laudem Agno, & ostendant modum; qui est, continere ore, pulsare manus, litare thymiamate. Idèd autem CORAM AGNO hæc omnia: quia omnes orationes Sanctorum suum odorem, quo placeat Deo, & meritum acceperunt ab illo & acceptæ ei referuntur atque offeruntur. Et omnes Angeli, de quibus jam sequitur, omnisque creatura dant honorem, sicut in fine Capitis præcedentis Creatori nominatim, sic in hoc Capite Redemptori generis humani.

3. Etenim IN CIRCUITU THRONI ET ANIMALIUM ET SENIORUM, cernere fuit MULTORUM millia ANGELORUM: quorum omnium una est vox extolentium merita eadem Agni. nempe ei, QUI OCCISUS est, attribuentium VIRTUTEM, græcè δόξαν; id est potentiam; ET DIVINITATEM, græcè πλῆτον; id est divitias, puta Deitatis inhabitantis in eo corporaliter; ET SAPIENTIAM, ET FORTITUDINEM, ET HONOREM; ET GLORIAM; ET BENEDICTIONEM. de quibus septem præconiis dicunt: DIGNUS est, hoc est, meruit ACCIPERE ab universo mundo dilatationem cultus, & famam potentie ac divinitatis.

Denique CREATURA omnino Plausus OMNIS

creatu-
rarum
omniū.

OMNIS audita est exultare suo modo, ac dare laudem SEDENTI IN THRONO ET AGNO: utpote ad hunc finem condita, ut serviat Beatitudini hominis redempti. immò & ipsa secundum se simul omnis reformanda in melius, Adventu ejus qui expectatur: juxta Apostolum Rom. 8. v. 21. *quia & ipsa creatura liberabitur à servitute corruptionis in libertatem gloriæ filiorum DEI.* Proinde hic omnis creaturæ communis est velut clamor hor-

tantis: ut dicatur laus (hæc est enim vis nominis, BENEDICTIO,) exhibeatur HONOR, suspiciatur GLORIA, ET agnoscat POTESTAS, cui subdi par sit æternum, *Sedentis in Throno & Agno.*

Quod Jubilum omnis creaturæ, gratulationem, & vota confirmant quatuor Animalia, assertionem AMEN, id est, verè juxta sancta 4. Evangelia: & Seniores concludunt adoratione.

Liceat hic mihi convenire Lectorem Revelationum, quas aperit Agnus beneficio suæ mortis. ad quem Librum videndum antequam admittare, Lector Christiane, procide cum Animalibus & Senioribus: dic una cum his Canticum novum: contribue de Thymiamate pro phialis eorum & odore bono Christi: lauda inter Angelorum millia: tripudia cum omni creatura, quæ subiecta est Agno, in spe, exultabundâ dum nostram reparationem appellat pariter suam: & exili ad encomia illius.

TRACTATUS IX.

IN CAPUT VI.

Pervenimus ad Diphtheram inspiciendam: cujus quinque prima sigilla & pars sexti referantur in hoc Capite.

VERBA APOCALYPSEOS.

(Cap. 6. Versu 1.) *Et vidi quod aperuisset Agnus unum de septem sigillis, & audiivi unum de quatuor animalibus, dicens tanquam vocem tonitruui: Veni, & vide. (v. 2.) Et vidi: & ecce equus albus, & qui sedebat super illum habebat arcum, & data est ei corona, & exivit vincens ut vinceret. (v. 3.) Et cum aperuisset sigillum secundum, audiivi secundum animal, dicens: veni & vide. (v. 4.) Et exivit alius equus*

G 3

rufus:

, rufus: & qui sedebat super illum, datum est ei ut sumeret pacem de terra, & ut invicem se interficiant, & datus est ei gladius magnus. (v. 5.)
 , Et cum aperuisset sigillum tertium, audiui tertium animal, dicens: Veni, & vide. Et ecce equus niger: & qui sedebat super illum, habebat stateram in manu sua. (v. 6.) Et audiui tanquam vocem in medio quatuor animalium dicentium: Bilibris tritici denario & tres bilibres hordei denario, & vinum & oleum ne leseris. (v. 7.) Et cum aperuisset sigillum quartum, audiui vocem quarti animalis dicentis: veni, & vide. (v. 8.) Et ecce equus pallidus: & qui sedebat super eum, nomen illi Mors, & infernus sequebatur eum, & data est illi potestas super quatuor partes terræ, interficere gladio, fame, & morte, & bestiis terræ. (v. 9.) Et cum aperuisset sigillum quintum, vidi subtus altare animas interfectorum, propter verbum Dei, & propter testimonium, quod habebant, (v. 10.) & clamabant voce magna, dicentes: usquequo Domine (Sanctus, & Verus) non iudicas, & non vindicas sanguinem nostrum, de iis, qui habitant in terra? (v. 11.) Et data sunt illis singule stolæ albae: & dictum est illis ut requiescerent adhuc tempus modicum, donec compleantur conservi eorum, & fratres eorum, qui interficiendi sunt sicut & illi. (v. 12.) Et vidi cum aperuisset sigillum sextum: & ecce terra motus magnus factus est, & sol factus est niger tanquam sacculus cilicinus: & luna tota facta est sicut sanguis: (v. 13.) Et stellæ de cælo ceciderunt super terram, sicut ficus emittit grossos suos, cum à vento magno moveatur, (v. 14.) & cælum recessit sicut liber involutus: & omnis mons, & insula de locis suis mota sunt: (v. 15.) Et Reges terræ, & Principes, & tribuni, & divites, & fortes, & omnis servus, & liber, absconderunt se in speluncis, & in petris montium: (v. 16.) Et dicunt montibus, & petris: Cadite super nos, & abscondite nos à facie sedentis super thronum, & ab ira Agni: (v. 17.) quoniam venit dies magnus iræ ipsorum: & quis poterit stare?

§. I.

Equi quatuor.

Dum aperiuntur ordine quatuor prima Sigilla & hæ Libri partes inspiciendæ, ostenduntur Joanni eodem ordine 4. Equi: ad quorum singulos videndos hortantur singula ex 4. Animalibus.

Sigillum 1.
primum.
Canitur
bellicū.

ET est VOX primi Animalis TANQUAM tonus TONITRUI; VENI ET VI-
DE. sicut enim tonitruum est vice classici: sic EQUUS symbolum est bel-
li, martiale animal: usque eò, ut & apud veteres Ethnicos sacer fuerit Marti: & sancta vetus Scriptura, ad quam hoc loco respicitur, apud *Zachariam* cap. 6. v. 2. bellum Regnorum repræsentans produxerit *Equos rufos, nigros, albos, varios.*

Albus:

Cæterum hîc quatuor invicem succedunt: quorum primus cernitur ALBUS; quod est præsagium victoriæ, salutis, & felicitatis. sic enim pro signo triumphi præcessit Machabæos de cælo missus *Eques albus* 2. *Machab.* 11. v. 8. & Poëta (l. 3. *Æn.*) ex equis albis omen sumpsit fausti belli. Immo de hoc Equo Apocalyptico S. Ambrosius (in psalm. 40.) asserit, præcessisse figuram illius in secundo Machab. cap. 3. ubi Heliodoro priores calces fuerunt elisæ. *Hic itaque Equus, ait, in figura & ante est demonstratus tempore Machabæorum: super quem sedebat Dux ille militiæ cælestis &c.*

Significat hic Equus noster Religio- Religio-
nem Christianam illiusque Doctores Christi
Apostolos & successores: de quibus militans,
dicere licet illud Zach. 10. v. 3. *posui eos trium-*
(Dominus) *quasi Equum gloriæ suæ in phatura.*
bello. Insector ipse est Christus & re-
ctor: cui *Equus* & exercitus equorum
albus, ut expressè dicitur Apoc. 19. v. 11.
& 14. & nomen ejus ibidem VERBUM
DEI, v. 13. *Arcus* ei suus est Prædica-
tio; ex quo emittuntur quot verba tot
sagittæ acutæ: *verba*, inquit S. Aug. in
psal. 44. v. 6. *cor transfigentia, amorem*
excitantia. & in psalmum 119. v. 4. *sā-*
gitta potentis acuta verba DEI sunt: ecce
iaciuntur & transfigunt corda; sed, cum
transfixa fuerint corda sagittis verbi
DEI, amor excitatur; non interitus com-
paratur. salutare enim iis quos sternit,
sicut Saulum, & sibi subdit in bello suo
sacro: in quo integri populi sub eo ca-
dunt; *exeunte, ut obequiter totū mun-*
dum & identidem vincendo, vincat
contrarias potestates ac persecutiones
quæ insequuntur hunc Equitem. cui
DATA EST, inquit, CORONA: Et coro-
na.
quia subiecturus sibi est orbem & tri-
umphaturus de hostibus.

Sessoris
arcus.

Nam

Nam in apertura Sigillorum trium sequentium tres apparent Equi, id est, exercitus triplex persecutorum: qui ad hoc inhiant toti & procurrant, ut prædicationem Christi struant & animas perdant (has præcipuè) persequendo.

Merito primum Animal, quod Leonino est vultu, contemplandum esse monuit hunc Equitem, felicem & prævaliturum; de quo & dictum est, *Leo de tribu Juda.*

Sigillum secundum.
Equis rufus, Synagoga.

Aufer-
tur pax.

Gladius magnus.

Sigillum tertium.
Equis

2. ANIMAL SECUNDUM vocat ad intuendum eum qui erit EQUUS RUFUS. Hæc est Synagoga Judæorum, populus rufus sanguine Prophetarum & Christi: super quem *omnis sanguis iustus à sanguine Abel iusti*, Matth. 23. v. 35. tinctus sanguine Filii Dei undique *super se & super filios* Matth. 27. v. 25. Huic Equiti, Judæorum Principibus & Pontificibus, DATUM EST, id est permissum, UT auferat PACEM DE TERRA sua cui nomen à possessione fuit & visione pacis: ET UT INVICEM SE INTERFICIANT, Judæi Judæos tribules suos conversos ad Christianismum. ET DATUS EST EI GLADIUS MAGNUS: *persecutio magna*, Act. 8. v. 1. gladius dividens à Messia, & interficiens animas & corpora, qui sævit & tunc, & deinceps: compressusque in vaginam, educetur iterum ac sæviet tempore Antichristi qui ex Judæis.

Ostenditur hic Equus ab Animali quod gerit frontem Vituli, veteris sacrificii Judaici.

3. TERTIUM ANIMAL, humanâ effigie, ostendit eum qui prodit EQUUS NIGER. Is est Hæreseon,

quæ ab humano sunt ingenio & illusionem proprii iudicii. hic niger est, hunc tu (Orthodoxe) Romane caverito. *niger, Hæreses.*

Fertur intentio persequentium hæreticorum, ad invehendam atram *famem* sinceri verbi (Amos 8. v. 11.) & nutrimenti pro vita animarum. Eques hypocrita, quilibet Hæresiarcha, STATERAM jactat, simulatam expositionem Scripturæ divinæ, tanquam bilancem.

Sed enim resistit quadriga Evangelica: quam obrem IN MEDIO 4. ANIMALIUM, id est Evangeliorum, vox toto orbe diffusa (quæ concordia significat Conciliorum & doctrinæ contra hæreticos) inhæbet, atque obtinet, ne pereat semen verum & salubre frugum: ita quidem, ut TRITICI, quod est frumentum Novæ Legis, integra BILIBRIS (græcè *χοῖνιξ*; mensura quæ sufficit pani quotidiano) haberi possit DENARIO: ac pro rata, ut solet triticum esse triplo & melius & pretiosius, TRES chænicæ, HORDEI, quod est annona Prophetarum & veteris Legis, eodem uno prostent DENARIO avitæ fidei. VINUM quoque ET OLEUM, id est, vera Sacramenta ne lendantur aut celsent in Ecclesia Catholica. portæ inferi, (hæ sunt hæreses S. Gregorio) nigrae invidiâ, quantavis moliantur inducere caritatem alimoniarum, & esto aliubi inducant, non prævalebunt quia ea suppediter toto orbe terrarum.

4. QUARTI ANIMALIS, aquilinâ facie, vocem consequitur EQUUS PALLIDUS. Is est Ethnicus Imperatorum orbis, quorum *semper*

Vox de medio Animalium.

Sigillum quartum.
Equis pallidus,

Imperatores
Ethnici.
Mors.

Infer-
nus.

potestas.

semper hieroglyphicum Aquila: paratorum ad delendam Religionem Christianam. Sessor præfert nomen mortis: quoniam eam intentant & profitentur inferendam hi Tyranni: & quia MORS animæ primariò quæritur, idèò illam *sequitur* INFERNIUS. Huic Equiti DATA EST POTESTAS SUPER 4. PARTES TERRÆ, in quas dominabantur latè Cæsares Romani antiquitus: ad *interficiendum* GLADIO, FAME, ET MORTE, ET BESTIIS TERRÆ. Neque enim illis Imperatoribus quieuit gladius: & enecti sunt fame in carcere: & cruciati morte longâ: & nihil communius quàm ut Christianus *ad bestias*. Idque tot sæculis quot duravit ethnicismus Imperatorum, nec non quasi ethnicismus quorundam subinde Tyrannorum Apostatarum vel Arianorum.

Obser-
vanda
de his
Equis.

1. Rela-
tio Ani-
malium
ad E-
quos.

In descriptione horum Equorum dignum est observatu: 1. Quàm acutè in Apocalypsi à singulis Animalibus ostenduntur singuli Equi! Primum Animal Leo, intendit in Christum, secundum Vitulus, in sacrificia vetera. tertium Homo, in humanum dogma *propria interpretatione, & humana voluntate* assertum 2. Pet. 1. v. 20. & 21. quartum Aquila in Imperatores. Per ostensionem significatur relatio aliqua ostendentis ad rem ostensam: id est, vel sympathia; ut in primo Animal,

leonis ad leonem Christum: vel antipathia; ut in cæteris, Vituli sancti ad Vitulum jam profanum & sacrificia, Hominis ad homines, Aquilæ ad aquilam.

2. Quàm arcanè Apocalypsis hos tres Equites postremos vestivit & oculuit schemate trium Flagellorum Dei, quibus probat & castigat suos electos! dicitur enim, datus fuisse gladius, data potestas. De his flagellis sæpè Scriptura: 2. Reg. 24. v. 13. Jer. 14. v. 12. Ezech. 6. v. 11.

3. Quàm deinde ordine accurato recensentur ex diphthera: eodem quo cæperunt persequi nomen Christi ac fidem! primus enim statim à prædicatione Apostolorum Equus rufus: tum illo adhuc sæviente accessit Equus niger; initio ducto à Simone Mago & assclis ejus atque imitatoribus variis Hæresiarchis, prius etiam quàm se moveret furor Gentilium Imperatorum.

4. Quàm etiam prophetice subteritur interitus illorum Equorum! neque enim dicitur Equos hos tres fuisse abditos, etsi ad tempus inhibita sit eorum vis aut sopita persecutio: sed quamdiu Eques albus exit vincendo, tamdiu isti Equi tres Judaismus & Hæresis & Infidelitas durant: donec hæc omnia simul monstra convenient ac transformentur in unam & eandem Bestiam sub Antichristo; & sit de illis victoria finalis penes exercitum album Apoc. 19. v. 17. & seqq.

Age, Lector, acclamemus exeunti ut vincens vincat. Sessori coronato, Equiti albo. Regi: dicamus illud psalmi 44. v. 5. *Intende, prosperè procede, & regna*: gratulemur arcu quo configit corda inimicorum Regis: apprecemur sagittis; *Sagitta salus Domini, salutis æternæ*; figurata 4. Reg. 13. v. 17.

H

§. II.

Clamor SS. Martyrum.

Vidimus 4. Sigilla, & invicem consecutos Equos: brevitate Visionis proportionatâ velocitati profilientium Equorum.

*Sigillum
quintū.*

*Animæ
sub Al-
tari.*

Sigillo quinto referato videt Joannes ANIMAS Martyrum modò INTERFECTORUM à persecutoribus Equi albi. Narrat 1. visas esse SUBTUS ALTARE. quia sunt totidem hostiæ immolatæ: & quia membra sunt Corporis Christi quod in altari immolatur. quam causam allêgat S. Aug. ser. 11. de Sanctis: *Rectè sub altari iustorum anima requiescunt, quia super altare Corpus Domini offertur.* & subdit quòd propter consortium mortis Domini cum morte Martyrum: *Convenienter igitur, inquit, & quasi pro consortio ibi Martyribus sepultura decreta est, ubi mors Domini quotidie celebratur.* Et S. Ambrosius ep. 54. ad Marcellinam, distinctius exprimit cur etiam sub Altari: *succedunt, ait, victima triumphales in locum ubi Christus hostia est: sed ille super Altare qui pro omnibus passus est; isti sub Altari qui illius redempti sunt passione.* Nimirum hic mos fuit Christianis, condi corpora Martyrum sub altari: unde passim altaria, cryptæ, ac deinceps templa nominata sunt, *Martyria, & Memoria Martyrum* prout videre est in S. Aug. post ceteros Patres.

Ex illo igitur more apud Christianos recepto rectè dicuntur commo-

rari sub altari eatenus ipsæ animæ, & quodammodo celebrare sepulturam corporum suorum, quatenus eorum unionem naturaliter & essentialiter, nec sine incessabili amore (dicitur enim ibi esse anima ubi amat) atque expectatione appetunt.

2. Auditiæ sunt *inclamare* genus *vindictæ à sancto & vero Iudice*: præcipuè ac primò illam sibi salutarem ac piè debitam, ut reddantur sibi corpora sua interfecta & sanguis effusus restituantur. de hac petitione vindictæ, seu liberationis, S. Greg. lib. 2. mor. cap. 4. *quid est animas vindictæ petitionem dicere, nisi diem extremum iudicii & resurrectionem extinctorum corporum desiderare?* quod autem dicitur in Apocalypsi CLAMABANT VOCE MAGNA, idem S. Doctor exponit, & addit acceptam esse voluntati divinæ: *Magnus quippe clamor, ait, magnum est desiderium; etiam de Ipso accipiunt ut ab Ipso petant quod eum facere velle noverunt.*

Nec hoc solum tamen orant: sed inclamant simul everti persecutionem interim regnantem, quod est destitui Regnum peccati, converti salvari que persecutores, & pacem redhiberi Ecclesiæ. de quo genere sanctæ vindictæ inter

Clamor.

inter sermones S. Aug. de temp. serm. 51. *quæritur quomodo huic præcepto, quo nobis iubetur orare pro persequentibus & calumniantibus vos, illud non est contrarium quod in Apocalypsi legitur, Martyres orare Deum ut vindicentur? & respondetur: ipsa est sincera & plena iustitia, Misericordia, vindicta Martyrum, ut evertatur Regnum peccati, quo regnante tanta perpeffi sunt.*

In hunc, inquam, duplicem sensum clamant v. 10. USQUEQUO, DOMINE, qui SANCTUS es ET VERUS, id est, qui sanctè permittis & verè fideliterque retribuis, NON JUDICAS ET NON VINDICAS? quorum alterum est cognitionis causæ, alterum executionis sententiæ pro qua clamant.

Respon-
sum.

3. Pro responso iustæ sunt illæ animæ, tempore adhuc modico, acquiescere stolis albis singulis, id est Beatitudini

(talís erat stola candida in qua Angelus, Mar. 16. v. 5.) solius animæ, DONEC compleatur numerus futurorum porro Martyrum: quando in communi resurrectione recipient stolam alteram gloriæ etiam corporum suorum. De stolis his S. Aug. ser. 11. de Sanctis: *optabant vixisse diem extremum iudicii, & resurrectionem suorum corporum præstolantur. habent ergo ante resurrectionem singuli stolas albas, quia in sola anima adhuc æternis Beatitudinibus perfruuntur &c.* De responso autem (quid sit quod illis cœlitus detur respondendo) audiant, S. Gregorius lib. 2. mor. cap. 4. *respondere ergo eis est, ut collectionem fratrum expectare debeant; eorum mentibus libenter expectandi moras infundere, ut cum carnis resurrectionem appetunt, etiam ex colligendorum fratrum augmento gratulentur.*

S. III.

Trepidatio persecutorum.

Sigilli
sexti pars.

1. **P**ROtinus ubi apertum est Sigillum sextum, post offensam requiem Beatarum animarum, sequitur & prophetatur persecutorum reproborum trepidatio, illis ventura in hora mortis ipsorum pessimæ (psal. 33. v. 22.) in qua obscurabitur omne gaudium impiorum: & in generali iudicio; quod describitur TERRÆ MOTU, mutatione SOLIS ac LUNÆ, & lapsu STELLARUM, immaturo casu id est inexpectato SICUT GROSSO-

RUM in turbine decussorum, RECESSU temporis & motus primi mobilis, complicatione COELI SICUT LIBRI (cujus cum sit finis, pliacatur & involvitur) atque emotione MONTIUM ET INSULARUM. Similia prædixit Isaias cap. 34. v. 4. *complicabuntur, inquit, sicut liber cœli, & omnis militia eorum (quæ sunt stellæ) defluet, sicut defluit folium de vinea & de ficu.*

2. Tum verò ecce omnis persecutor
H 2 & re-

Dies ul-
tionis.

& reprobis; seu qui iusserunt, ut REGES ET PRINCIPES ET TRIBUNI; seu qui procurarunt & extimulaverunt ad persecutionem, ut DIVITES ET FORTES; seu qui executi eam sunt, OMNIS SERVUS ET LIBER; quærent se abscondere IN SPELUNCIS *petrarum*. (quod prædixit & figuravit *Isaias* cap. 2.v.19.) AB IRA AGNI qui estis quem fuerunt persecuti: & dicent illud *Oseæ* 10.v.8. *montibus operite nos, & collibus cadite super nos.* quod & repetiit Christus *Luc.* 23.v.30. quæ omnia partim in figura præcesserunt in excidio Israëlitarum, partim ac manifestè prædicuntur de trepidatione quæ futura est impiis in hora iudicii: cum particularis, in quo unicuique reprobo suis Sol & mundus verissimè describuntur: occidere & usus ei omnis ac motus astrorum interire; tùm universalis consecuturi & conformis iudicio particulari singulorum. Rectè S. Chrysostomus *hom.* 10. in *Matth. generalem illum mundi finem, uniuscuiusque nostrum vitæ finis imitatur.* Et S. Hieronymus in caput 2. Joëlis: *Diem autem Domini, diem intellige iudicii: sive diem exitus uniuscuiusque de corpore: Quod enim in die iudicii futurum est omnibus, hoc in singulis die moris impletur.*

Conversio hujus sigilli. 3. Vidisti, Lector, egregiam connexionem in his duobus Sigillis, quibus ostensa sunt Joanni, hinc copiosus,

Martyrum sanguis & clamor: illinc cū quinquies subsequens obitus ac damnatio horrenda eorum qui hunc sanguinem fuderunt. Et sicut animæ piæ defunctorum, ut primùm decesserint, expectant cum spe & multa consolatione (in §. præcedente) Beatam in iudicio universali resurrectionem etiam corporum: sic animæ reproborum à primo momento exitus ex corpore concutiuntur (in hoc §.) horrore terribili iudicii universalis & condemnationis: quam se vident manere etiam corpore tenus.

Ceterùm ea quæ hucusque visa sunt in Diphthera, cadere jam cœperant in ætatem S. Joannis: quo superflite ex parte fiebant. prophetantur autem (prout admonuimus in Prolegomeno) ut generalia omnium ætatum reliquarum: talis enim est persecutio sive à Judæis, sive ab Hæreticis, sive ab Infidelibus: quæ nunquam penitus cessabit adversus Christi fideles usque ad ultima tempora, minore aut ampliore clade animarum; Deo moderante omnia ad salutem electorum. Perinde ut solent esse bella, fames, & lues omnibus communia ætatibus flagra Dei, strages corporum,

TRACTA-

TRACTATUS X.

IN CAPUT VII.

Offensus fuit clamor animarum sanctarum: & differri Iudicium generale impiorum persecutorum. adhuc enim prorogatur tempus persecutionum, & continuantur pericula; quorum non statim finis: sed augetur magna turba prædestinatorum Martyrum & conservorum. de quibus proinde sequitur in Cap. septimo.

VERBA APOCALYPSEOS.

(Cap. 7. Vers. 1.) *Post hac vidi quatuor Angelos stantes super quatuor angulos terræ, tenentes quatuor Ventos terræ, ne flarent super terram, neque super mare, neque in ullam arborem. (v. 2.) Et vidi alterum Angelum ascendentem ab ortu solis, habentem signum Dei vivi: & clamavit voce magna quatuor Angelis, quibus datum est nocere terræ, & mari, (v. 3.) dicens: Nolite nocere terræ, & mari, neque arboribus, quoad usque signemus servos Dei nostri in frontibus eorum. (v. 4.) Et audiui numerum signatorum, centum quadraginta quatuor millia signati, ex omni tribu filiorum Israel. (v. 5.) Ex tribu Iuda duodecim millia signati: Ex tribu Ruben duodecim millia signati: Ex tribu Gad duodecim millia signati: (v. 6.) Ex tribu Aser duodecim millia signati: Ex tribu Nephtali duodecim millia signati: Ex tribu Manasse duodecim millia signati: (v. 7.) Ex tribu Simeon duodecim millia signati: Ex tribu Levi duodecim millia signati: Ex tribu Issachar duodecim millia signati: (v. 8.) Ex tribu Zabulon duodecim millia signati: Ex tribu Ioseph duodecim millia signati: Ex tribu Benjamin duodecim millia signati: (v. 9.) Post hac vidi turbam magnam, quam dinumerare nemo poterat, ex omnibus gentibus, & tribubus, & populis, & linguis: stantes ante thronum, & in conspectu Agni, amicti stolis albis, & palma in manibus eorum: (v. 10.) Et clamabant voce magna dicentes: Salus Deo nostro, qui sedet super thronum, & Agno. (v. 11.) Et omnes*

H. 3;

Angel!

, Angeli stabant in circuitu throni, & seniorum, & quatuor animalium:
 , & ceciderunt in conspectu throni in facies suas, & adoraverunt Deum,
 , (v. 12.) dicentes, Amen. Benedictio, & claritas, & sapientia, & gra-
 , tiarum actio, honor, & virtus, & fortitudo Deo nostro, in sæcula, sæcu-
 , lorum, Amen. (v. 13.) Et respondit unus de senioribus & dixit mihi: Hi,
 , qui amicti sunt stolis albis, qui sunt? & unde venerunt? (v. 14.) Et dixi
 , illi: Domine mi, tu scis: & dixit mihi: Hi sunt, qui venerunt de tri-
 , bulatione magna, & laverunt stolas suas, & dealbaverunt eas in san-
 , guine agni: (v. 15.) ideo sunt ante thronum Dei, & serviunt ei die ac
 , nocte in templo ejus: & qui sedet in throno, habitabit super illos.
 , (v. 16.) Non esurient, neque subient amplius, nec cadet super illos sol,
 , neque ullus estus: (v. 17.) Quoniam Agnus, qui in medio throni est,
 , reget illos, & deducet eos ad vitæ fontes aquarum, & absterget Deus
 , omnem lachrymam ab oculis eorum.

S. I.

Quatuor Angeli tenent Ventos.

Sigilli
 sexti
 Parsal-
 tera.

Tempe-
 stas à 4.
 Ventis:

1. **V**ersamur in ea parte Libri
 quæ claudabatur Sigillo sex-
 to. Major hîc quàm exactis
 retrò annis numerus Christianorum
 preparatur ad Martyrium, vel ad con-
 fessionem non multum imparem mar-
 tyrio. Toto enim orbe terrarum im-
 minet motus, & laxandi erunt VEN-
 TI ac permittendi furere ex 4. AN-
 GULIS TERRÆ, ac procella exci-
 randa omnium hucusque atrocissima
 inter gentiles, sub Imperatoribus simul
 binis Diocletiano & Maximiano: quæ
 persecutio digna profectò fuit nomi-
 natim innui in Apocalypsi & describi
 per impetum 4. Ventorum undique ir-
 ruentium ut flando sternant. quando
 hi duo præcipui hostes Christianorum,
 immani per orbem conspiratione, to-

tos vi & astu se impenderunt ad excin-
 dendam Religionem Christianam, &
 ad Christianos terrâ marique extin-
 guendos. Nihil propemodum, aut
 parum admodum, singulæ persecutio-
 nes præcedentes ad hanc furiosissi-
 mam: numeratos fuisse in singulos
 menses decies & septies millenos Mar-
 tyres, ut narrat Eusebius de solo Dio-
 cletiano! non remisisse sed crevisse ra-
 biem persequendi, decennio toto Im-
 perii, per Occidentem atque Orien-
 tem.

2. Sed non prius hæc tam atrox
 tempestas, & flatus ventorum, quàm
 signaculum peculiare & præmunitio
 electorum Martyrum & Confesso-
 rum. nam eum in finem coercere
 (quod græcè habetur, *κατακλινε*) ac
 DE-

DETINENT hos ventos ANGELI QUATUOR : laxaturi : nō sifterentur à potiore ANGELO, misso AB ORIENTE (qui ORIENS est Christus: Zach. 3. v. 8. Luc. 1. v. 78.) à quo Angelo SIGNUM exhibetur DEI VIVI.

Non laxandis
antē
quā si-
gnentur
servi
DEI:

Hic injicit moram illis 4. Angelis, quoadusque præcautum fuerit de cœlo servis DEI prædestinatis, qui signabuntur, nolint proinde promiscuè nocere: & verò nōlle optant, ut Angeli salutares; libenter enim detinent ac differunt statum id est irruptionem ac turbinem venturum cum *nocumento* TERRÆ, MARIS, ET ARBORUM.

Nominantur hæc tria: quia dispersa erat multitudo innumera seniorum DEI in locis mediterraneis; in maritimis, in arboribus & sylvis, (quas incolabat anachoretarum maxima cōpia,) seminariis Martyrum & Confessorum, prout mentio est in Conciliis & in Actis illorum temporum. Cū igitur his omnibus ex locis extrahendi essent & abripiendi cumulatim servi DEI, & ad apostasiam cogendi omni genere artificiorum ac suppliciorum: congruum erat, ut fidelis Deus, qui salvos illos vellet, præsignaret eos, armaret, firmarētque adversus persecutionem omnium nominatissimam & periculosissimam.

Et moderato-
ribus 4.
Angelis.

3. Providentia DEI est, quod ille motus & laxatio ventorum ac procella commissa sit moderanda 4. Angelis Præsidibus 4. cardinum orbis ac proinde primariorum ventorum. hoc enim significant verba, QUIBUS DA-

TUM EST NOCERE: illā videlicet conditione, lege, & fine qui intenditur divinitus. insinuat namque his verbis conditio sub qua datum est, & quo limite ac fine datum: & quid eos faciat expectare detinendo ventos; nempe ut signentur contra tempestatem & roborentur electi: ac demum quo fine postea permittere debeant & cujusmodi nocumentum terræ & maris, ut jam dicemus. Nam & S. Hieronymus in Dan. c. 7. quatuor *Angelicas intellexit potestates quibus principalia Regna commissa inquit sunt*: & ad hoc significandum adduxit locum Deut. 32. v. 8. (ex 70.) *juxta illud, quod in Deuteronomio legimus: quando dividebat Altissimus gentes, quando separabat filios Adam, constituit terminos populorum juxta numerum Angelorum DEI.*

Ad hos Angelos is qui ascendit missus ab ortu Solis: NOLITE, inquit, v. 3. & c. QUOADUSQUE SIGNEMUS. quæ est invitatio illorum quatuor ut unā juvent prius in signandis electis per suos omnes angulos terræ. sic enim habet Arabicus textus: *quoadusque signetis*. nempe istā restrictione datum vobis est nocere, eaque cautione atque exitu permittere laxationem tempestatis, ut benè sit Signatis, & magno animarum bono quæ præmuniuntur ad certamen. hac signatione factā concitetur sanè orbis in Christianos terrā marique: Christianorum sanguine fundendo simul sæviatur adhuc, simul extinguatur idololatriæ vis: profeminetur illo semine fides Christi per 4. partes orbis, & in-contumacia repro-

reproborum probentur propagenturque electi. proveniat ex his motibus bonum ingens, o Angeli Signatores & administri simul Justitiæ & consiliorum DEI; quod est Christianæ Religionis dilatio & profectus, Cœli ac Beatitudinis amplificatio & splendor, ac Beatæ multitudinis accumulatio.

Hæc enim verè contigerunt, seminatusest & propagatus Christianismus persecutione.

Donec deferbuit illa persecutio, in quatuor jam partibus disseminatâ fide: secutâque est pax, quod est Silentium de quo infra initio Capitis sequentis.

I. II.

Signati.

Signatura.

I. **F**igura fuit hujus Consignationis illa apud Ezechielem cap. 9. v. 4. facta in frontibus virorum per signum Thau salutare, quod formam habebat Crucis in antiquis literis Hebraicis. Immo & illa multò antè in Exodo cap. 12. v. 22. quâ in postibus Hebræorum exiturientium ex Ægypto signatum fuit illud idem signum: juxta S. Hieron. qui sic scribit in Isai. 66. *Ponet in eis signum (v. 12.) quod in Ezechiele, principio sub Thau litera Hebraica interpretatione monstratur: quo signo qui fuerit impressus, manus percutientis effugiet. Hoc est postes domorum in Ægypto signabantur, quando pereuntes Ægypto solus Israël mansit illæsus.* Addit de Achaz, noluisse illum accipere hoc signum Isai. 7. v. 12. Prophetam hoc precari, *fac me-*

cum signum in bonum, psal. 85. v. 17. & ps. 59. v. 6. denique hoc nobis Dominum in frontibus nostris posuisse, *ut liberè*, inquit, *diceremus, signatum est super nos lumen vultus tui Domine.* Hæc Hieronymus.

Hoc signum generosæ libertatis impressum electis fertur in fronte, quæ sedes esse solet verecundiæ: & significat *καὶ ὁμολογίαν* & confessionem apertam non erubescens Evangelium, & in illo crucifixum: quæ cum sit supernaturalis, affertur de cælo, ab eo cui nomen est Oriens ex alto; gratiâ illius, & operâ præsentium Angelorum roborante nos in fide & dilectione Christi quæ fortior est morte atque omnibus tormentis.

Imprimat fortius nostræ fronti, o Lector, sanctus DEI Angelus Orientalis hoc signum! & constanter meminerimus nos consignatos, ut servos Christi: 2. Cor. 1. v. 21. *qui signavit nos.* Eph. 1. v. 13, & cap. 4. v. 30. *signati estis.*

2. Hac occasione præmonstrantur Joanni & recensentur eadem operâ

omnium simul persecutionum Signati: quorum duæ sunt turmæ. Prima est

Turma
12. Tribuum
recensita-
tarum.

est eorum qui ex Circumcisione con-
versi sunt ad Christum: quorum cata-
logus recensitorum, ex singulis Tribu-
bus DUODECIM MILLIA: qui uterque tam duodenarius quam mille-
narius cum sit numerus plenus in Scri-
pturis, idè ducto duodenario milliū,
seu multiplicato, in duodecim Tribus,
prodit summa connumerorum ple-
nissima, CENTUM QUADRA-
GINTA QUATUOR MILLIA:
quo numero exprimitur series Judæo-
rum tribulium Christi secundum car-
nem. fuitque ab horum numeratione
incipiendum, quia *salus ex Judæis est.*

Turma
Gentiū
Signata-
rum.

Altera turma est ex Gentibus: utiq;
etiam Signatorum. nam commune est
utrisque signari: sicut vicissim stolæ,
palinæ, canticum communia sunt illis
qui ex Judæis.

Discrimen est in numero. quod ii,
qui ex ISRAEL secundum originem
simul carnis, sint numerabiles: cæteri,
qui secundum solam promissionem,
sint sicut stellæ Cæli, de quibus dicitur
Gen. 13. v. 5. *numera stellas si potes*, quod
de *promissa posteritate cælesti* exponit S.
Aug. lib. 16. de civ. cap. 23. Hæc TUR-
BA dicitur innumerabilis homini:
QUAM DINUMERARE, inquit,
homo NEMO POTERAT (nam
DEO non solum illi sed & capilli eorum
numerati sunt.) Ait collectam esse
EX OMNIBUS GENTIBUS, &
gentium TRIBUBUS (distributione
gentium à filiis Noë Gen. 10. v. 32.) ET
tribuum POPULIS, ET populorum
LINGUIS. Meminit hujus loci S.
Cyprianus in lib. de exhort. Mart. cap.
11. *Numerari non possunt Martyres Chri-*

*stiani, restante Apocalypsi & dicente: Post
hæc vidi urbem magnam &c. Conclu-
dit aureâ exhortatione ad omnes nos:
Quod si rarius ostenditur & probatur
Christianorum Martyrum populus, ne-
mo difficile vel arduum putet esse Marty-
rem fieri, quando videat Martyrum po-
pulum non posse numerari.*

3. Dignum est ponderatione, quod
in prima Turma, in recensitione duo-
decim Tribuum signatarum filetur de
Tribu Dan, & ejus loco reponitur Tri-
bus LEVI. non alio notiore mysterio
quàm, ut isto suo silentio Apocalyp-
tico det indicium occultum nascituri Anti-
christi ex patre de tribu Dan: juxta va-
ticinium Jacob Gen. 49. v. 17. *Fiat Dan
coluber in via, cerastes in semita, mor-
dens ungulas equi: ut cadat assessor ejus
retro.* quod esto dixerit Jacob ad lite-
ram de Samsonem, cui convenit meta-
phora serpentis & reguli obsidentis
vias populantium equitum, prout in
Traditionibus Hebraicis in Gen. expo-
nit S. Hieronymus, spirituali tamen
eoque præcipuo in sensu prædictum
esse de Antichristo sentiunt SS. Patres.
Enimverò Patriarcham Jacobum re-
spexisse ad utrumque, ad Samsonem &
ad Antichristum eodem oraculo, nil
est novum in Prophetis: cœpisse au-
tem à Samsonem, & prævisio ex eadem
tribu Antichristo transisse atque aver-
tisse se cum protestatione Christi (quæ
expectabo, inquit v. 18.) non hinc oritu-
ri. Sic Jacobum introducit Hierony-
mus loquentem in hæc VERBA, l. c.
*Videns ergo tam fortem Nazareum
tuum &c. putavi, o Deus, ipsum esse
Christum Filium tuum: verum aliter*
mibi

mibi Salvator mundi & mei generis præstolandus est. Absolutissime S. Ambrosius lib. de benedict. Patriarcharum cap. 6. postquam prælocutus esset de Samfone: *non hunc*, inquit, *Prophetia significat, sed Antichristum, qui futurus est in tribu Dan.* & in psal. 40. *sed alter hic significatur futurus, Antichristus ille qui sedebit in Templo tanquam sit Deus* &c. ubi de illo explicat Scripturam citatam Gen. 49. v. 17. S. Augustinus lib. 6. in Heptateuchum quæst. 22. (Jacob) *taliam dixit de isto Dan, ut de ipsa tribu existimeretur exurrectorum Antichristus.* S. Greg. lib. 31. mor. cap. 10. *Antichristi adventus asseritur: & quia Judea erroris sui laqueis capta pro Christo Antichristum expectat; bene Jacob (avertens se,) Salutare tuum expectabo Domine, id est, non sicut infideles Antichristum.* explicat etiam ipse locum Genes. de Antichristo: & inter cætera; *Ungulas quippe equi mordero, est extrema sæculi feriendo contingere.*

Sanè hanc prætermissionem Tribus Dan, inter Signatos hoc loco Apocalypseos, factam esse in detestationem Antichristi gignendi ex Tribu Dan, docent magno consensu SS. Patres. S. Hieron. lib. 1. cont. Jovin. S. Ambros. S. Augustin. & S. Gregor.

modò citati. quibus omnibus antiquior S. Irenæus lib. 5. adv. hæres. cap. 30. cum Antichristum dixisset oriturum ex Tribu Dan: *Et propter hoc*, inquit, *non annumeratur Tribus hæc in Apocalypsicum his quæ salvantur.*

Propter eandem causam Tribui filiorum Dan, etsi majori natu quam Nephthali, neque minori numero quam cæteræ, tamen (ut habetur Josue 19. v. 40.) *egressa est fors septima*, ultimo videlicet loco: ut de qua Jacob infausta præviderat.

Neque tamen hinc, ex hoc silentio S. Joannis sequitur, neminem signandum salvandumve de Tribu Dan. sed neque Tribum hanc eo maxime nomine adhæsuram Antichristo quòd hinc originem sit habiturus: siquidem dicemus inferius in Tract. 24. fore ut apud Judæos dissimulet Antichristus hanc suam Tribum & procreationem ex incerto patre Danita: cum eum paritura sit mulier meretrix de Tribu Juda, adeoque gesturus sit se progenitum de femore Judæ, inde enim expectant legitimum Messiam & sceptrum, Gen. 49. v. 10.

Omnino congruè clandestina nati-
vitas indicata silentio est: insuper & infanda.

S. III.

Habitus & præmium Signatorum.

Signa-
torum
situs:

1. **P**RÆVIDENTUR STARE ANTE
THRNUM: cujus & loci &
situs energiam dat S. Augustinus ser. 11.

de Sanctis: *Stant enim modò ante Thronum DEI, coronati, qui quondam ante thronum Judicium terrenorum jacebant pœnis*

poenis astricti. ET IN CONSPPECTU AGNI: de quo conspectu idem S. Doctor ibidem; *Stant in conspectu Agni, nullâ ratione illic à contemplanda eius gloria separandi, à cuius hic amore nec per supplicia poterant separari.*

Amictus:

AMICTI STOLIS ALBIS. *Per stolas albas, ait S. Aug. debemus intelligere mercedem Baptismi, premium Martyrii, mercedem eternorum & gaudium celestis patriæ.* ET PALMÆ IN MANIBUS EORUM. Et has & illas explicat breviter idem S. Aug. *Palmæ in manibus habent, quia premia in operibus.* Et de palmis S. Ambros. ser. 98. de temp. *per palmam dextera Martyris honoratur: premium enim quoddam est palma Martyri: quæ confitenti lingue dulcem fructum tribuit, & victrici dextera gloriosum præstat ornatum. Et planè palma Martyribus suis ad cibum, umbrosa ad requiem, honorabilis ad triumphum: semper vivens, semper vestita foliis, semper parata victoriæ. Atque ideo non marcescit palma, quia Martyrum victoria non marcescit.*

Clamor:

ET CLAMABANT VOCE MAGNA; SALUS DEO nostro qui SEDET SUPER THRONUM ET AGNO. Etiam hunc clamorem, & quid sit clamor salutis DEO, exponit S. Aug. l. c. *Magnâ voce salutem DEO decantant, qui magnâ gratiarum actione recolunt, non, sua, se virtute, sed ipso auxiliante tribulationum impugnantium superasse certamina.*

Doxologia Angelica:

2. Hic OMNES ANGELI, IN & cum toto CIRCUITU THRONI, qui est SENIORUM ET QUATUOR

ANIMALIUM, prociderunt & adoraverunt; cum hac clausula, AMEN: & cum formula sequente quæ continet 7. elogia erga DEUM.

1. BENEDICTIO: (græcè ἡ εὐλογία) quæ de DEO benè omnia dicantur. Ipsi attribuitur omnis perfectio illimitata: & Ipse dicatur esse in se & ad intra, quæ phrasis est Scholarum Theologicarum, *omne bonum*: sibi met omnia & αὐτάρκης quantumlibet benè de eo dixeris, minùs dixeris quàm est: Eccli. 43. v. 29. *multa dicemus & deficiemus &c.*

Formula illius,

2. CLARITAS: illi unde omne lumen est ad Extra & esse creaturarum: sine quo meræ tenebræ & non esse.

3. SAPIENTIA: ei qui est idea & artifex omnium rerum: quoniam in sapientia sua fecit illas (psal. 103. v. 24.) eaque disponuntur omnia & ordinantur.

4. GRATIARUM ACTIO omnium largitori beneficiorum.

5. HONOR tanquàm supremo dominatori omnium, & fini universorum ad quem & propter cuius honorem cuncta sint dirigenda. 1. Tim. 1. v. 17. *soli DEO honor.*

6. VIRTUS (græcè ἡ δύναμις) quia Ipse est de quo Apostolus 2. Cor. 3. v. 5. *omnis sufficientia nostra ex DEO est, omne posse, & omnes vires nostræ ad operandum, naturaliter, super-naturaliter, sine quo aut cuius gratia & auxilio possumus nihil,* Joan. 15. v. 5.

7. FORTITUDO (græcè ἡ ἰσχύς) id est robur ad perseverandum

I 2

& per-

& perfringendum omnia aduersa per quæ pertingitur.

Ita, ut sit Ipse sibi omnia : Ipse Lux aliis : omnia in Ipso : ab Ipso : ad & propter Ipsum : cum Ipso & per Ipsum.

Claudunt formulam : Cuncta hæc pertinere & attribui debere DEO tam NOSTRO : & IN SÆCULA infinita, de quibus scriptum est psal. 83. v. 5. in sæcula SÆCULORUM laudabunt te. AMEN.

Hi Signati unde venerint. 3. UNUS DE SENIORIBUS vellicat Joannem super his Signatis : QUI SUNT ET UNDE VENERUNT ? ac desideranti audire, ipse respondet : venisse DE TRIBULATIONE MAGNA (græcè, illâ magnâ,) persecutione animæ & tormentis corporis : lavisse STOLAS SUAS & dealbasse IN SANGUINE AGNI. quod duplicem habet sensum : primò de illo sanguine Agni, qui pro ipsis prior fusus fuit, in hoc enim & in meritis illius lotæ sunt stolæ eorum ; atque idèò dealbatæ, quia in sanguine Agni novelli, sanguine lacteo, ait S. Bernardus ser. 1. de Paschate. Alter sensus est, de proprio suo sanguine quem effuderunt. sanguis enim, eorum fusus ex corporibus, ita sanguis est Agni, sicut corpora eorum membra Agni, & Agnus de semet queritur, Act. 9. v. 4. Saule, Saule, quid me persequeris ? in hoc ergo suo sanguine laverunt stolas, & reddiderunt eas albas ac lucidas : contra quam tortoribus visi sunt deformari sanguine, Martyres. quem postremum sensum suggestit S. Augustinus l. c. Stolas quippe, inquit, Martyres

in sanguine Agni laverunt, dum membra sua quæ oculis insipientium visa sunt pœnarum squalore fœdari, sic potius fuso pro Christo sanguine ab omnibus mundatè contagiis, in super & beatâ immortalitatis luce digna reddidère.

Hæc ille Senior, undenam isti venerint : quò autem pervenerint, addit : IDEO, ait, SUNT ANTE THRONUM DEI : ET IN TEMPLO EJUS sancto atque augusto SERVIUNT EI, quod est regnare : DIE AC NOCTE, id est perpetuò, prout S. Augustinus in hunc locum : Dies quippe, ait, & nox non vicissitudinem temporis, propriè : sed perpetuitatem, tropicè, significat : nox enim non erit illi sed dies una (dies perpetua, illa una psal. 83. v. 11.) melior in atriis Christi super millia. Pergit, fore domesticos DEI, qui HABITABIT SUPER ILLOS, tutos enim sub illo : fore, (quod iisdem verbis dixit Isaïas cap. 49. v. 10.) ut NON ESURIANT NEQUE SITIENT, sine adustione SOLIS aut ÆSTU sint, id est, immunes ab omnibus incommodis vitæ mortalis. QUONIAM REGET ILLOS AGNUS, (græcè ποιμαίνω in loco pascuæ) ac DEDUCET AD VITÆ FONTES AQUARUM : addit Isaïas, ad fontes aquarum potabit eos : fontes, de quibus ipse Agnus Joan. 4. v. 14. quòd saliant in vitam æternam. In illa igitur vitâ fore, ut ABSTERGAT DEUS æternum OMNEM LACHRYMARUM AB OCULIS : quæ est consolatio ac Beatitudo quam promissit Agnus Matth. 5. v. 5.

Ecce

CAPUT VIII.

69

Ecce tibi fructus persecutionum: ad
Cælum deductæ amplissimæ colo-
niæ: in terris verò propagatio fidei per
totum mundum, dum sanguis Marty-
rum, qui seminatus est, fuit (ut supra
diximus cum Patribus) ubique semen
Christianorum. Neque tamen soli
Martyres sunt inter Signatos, tametsi
nomina, eminent inter illos; de quibus dictum

fuit cap. 6. v. 11. quod interficiendi e-
rant: sed & Confessores atque omnes
id temporis piè defuncti: etiam hi e-
nim participes sunt tribulationis, &
stolarum albarum, quas lavasse in san-
guine Agni est communicasse tum
meritis illius, tum persecutioni & pas-
sionibus ejusdem.

tio sit a
potiore;

Qua tanta in turba Signatorum, & cum illa, in circuitu Throni etiam nos:
Signati prosternamur, & proni accinamus illam formulam Beatorum, cum
suis 7. elogiis Deo & Agno: Benedictio, & claritas & sapientia &c:

TRACTATUS XI.

IN CAPUT VIII.

Diximus, in reſeratione ſex Sigillorum, oſtenſa eſſe ea quo-
rum pleraque initio & aliquâ parte ſui cœperant tunc con-
tingere, mundo atque experienciâ teſte: atque ejuſmodi, ut
ſint generalia omnium temporum. ob quas duas cauſas
ſatis fuit has partes Diphtheræ percurri videndo & enarrari
ſolis duobus Capitibus. Deinceps autem Viſio & ſcriptio
prolixior eorum, quæ & particularia magis, & inceptura
eo tempore quod eſt inter ætatem S. Joannis & reliquum
finem mundi: de quibus in apertura ſeptimi Sigilli, per 4.
Capita ſequentia.

VERBA APOCALYPSEOS.

(Cap. 8. Verſu 1.) Et cum aperuiſſet ſigillum ſeptimum, factum eſt
ſilentium in cælo, quaſi media hora. (v. 2.) Et vidi ſeptem Angelos ſtan-
tes in conſpectu Dei: & data ſunt illis ſeptem tubæ. (v. 3.) Et alius An-
gelus venit, & ſtetit ante altare habens thuribulum aureum; & data
ſunt illi incenſa multa, ut daret de orationibus Sanctorum omnium ſu-
per.

I 3

, per altare aureum quod est ante thronum Dei. (v. 4.) Et ascendit fumus
 , incensorum de orationibus Sanctorum de manu Angeli coram Deo.
 , (v. 5.) Et accepit Angelus thuribulum, & implevit illud de igne alta-
 , ris, & misit in terram, & facta sunt tonitrua, & voces, & fulgura, &
 , terra motus magnus. (v. 6.) Et septem Angeli, qui habebant septem
 , tubas, preparaverunt se, ut tuba canerent. (v. 7.) Et primus Angelus
 , tuba cecinit, & facta est grando, & ignis, mista in sanguine, & missum
 , est in terram, & tertia pars terræ combusta est, & tertia pars arborum
 , concremata est, & omne fœnum viride combustum est. (v. 8.) Et secun-
 , dus Angelus tuba cecinit; & tanquam mons magnus igne ardens mis-
 , sus est in mare, & facta est tertia pars maris sanguis. (v. 9.) & mor-
 , tua est tertia pars creaturæ eorum quæ habebant animas in mari, & ter-
 , tia pars navium interiiit. (v. 10.) Et tertius Angelus tuba cecinit: &
 , cecidit de cælo stella magna ardens tanquam facula; & cecidit in ter-
 , tiam partem fluminum, & in fontes aquarum. (v. 11.) Et nomen stel-
 , lae dicitur absinthium; & facta est tertia pars aquarum in absinthium:
 , & multi hominum mortui sunt de aquis, quia amara facta sunt. (v. 12.)
 , Et quartus Angelus tuba cecinit: & percussa est tertia pars solis, & tertia
 , pars lune, & tertia pars stellarum, ita ut obscuraretur tertia pars eorum,
 , & dici non luceret pars tertia, & noctis similiter. (v. 13.) Et vidi, &
 , audiui vocem unius aquilæ volantis per medium cæli, dicentis voce mag-
 , na: *Væ, Væ, Væ* habitantibus in terra, de cæteris vocibus trium An-
 , gelorum, qui erant tuba canituri.

§. I.

Silentium: & quæ in illo.

*Septimū
 Sigillum.*

APERTO septimo Sigillo FA-
 CTUM EST SILEN-
 TIUM & quies à perfec-
 tione illa continuata & horrida tot
 consequenter Imperatorum ethnico-
 rum: simul & ab idololatria, quæ visa
 est suffocari vel extingui per sanguinem
Silentiū. Martyrum. Dicitur hoc Silentium

IN COELO factum esse, atque à
 Deo cæli profectum. præterquam
 quod etiam Cælum Ecclesia militans
 illo sibi facto gratulata est, magnâ &
 beatâ cum exultatione suorum San-
 ctorum in terris de repressa supersti-
 tione idolorum, & fortiter expugnato
 Satana, opulantis Angelis sanctis;
 prout

In Cæ-
 lo.

prout de hoc Silentio canit Ecclesia in publicis precibus: *Factum est silentium in Cælo, dum Draco committeret bellum; & Michael (Præses Ecclesiæ, ac dominator idololatriæ) pugnaret cum eo & fecit victoriam.*

Mediâ
horâ,

Factum est autem, QUASI MEDIA HORA. græcè *ἡμέρα* est tempus: unde S. August. ep. 80. ad Hefychium de S. Joanne in Apoc. *convenientius ille Apostolus creditur horam posuisse pro tempore.* Dicitur autem media: quia intervallo temporis medio inter persecutiones ethnicas præcedentes, & inter nova alia pericula, quæ impendent Ecclesiæ: quorum præcipua per sex primas Tubas denuntiabuntur, præmonentibus Angelis ut caveantur. In græco textu est *ἡμέρα*, id est dimidia hora: neque enim diu; nec integrè quies omnis, sed mediâ ex parte.

Incensafio multa.

2. Interea in hoc Silentio, & Ecclesiâ pacata, THURIBULUM ET INCENSA MULTA, in templis Christianorum publicè constructis toto terrarum orbe: ORATIONES SANCTORUM: vigor & flos divini cultus id temporis in omnibus Ecclesiis (nec minus eximius in Asiaticis:) ætas aurea in qua plerique maximi Doctores Ecclesiæ ac plurimi simul, effloruerunt: & plena omnia hymnis ac laudibus eucharisticis pro repressione diaboli, tranquillitate, incremento ac dilatatione Religionis Christianæ. Offert eas preces ANGELUS DEI SUPER ALTARE, ex thuribulo aureo: *ascendente FUMO odorifero & pretioso CORAM DEO.*

Præpara-

Dum interim hâc obortâ quiete so-

liciti statim Ecclesiæ ANGELI, illi vigiles Præsides SEPTEM, *stantes in conspectu DEI* (cap. 1. v. 4. & cap. 5. v. 6.) PRÆPARAVERUNT SE ad denuntianda alia gravissima pericula secutura in Ecclesiis cum cæteris, tum præsertim Asiaticis ad quas sermo & cautio valdè particularis in Apocalypsi.

Præparatio illorum sita est in eo: primum ut excitent terrestres Angelos Ecclesiarum, Episcopos, ad proclamandum ea quæ sunt prædicta in Evangelio & præcavendum: Athanasios, Hilarios, Basilios, Nazianzenos, Epiphanius, Hieronymos, Chrysostomos, & ex aliis deinceps alios. deinde, ut his adjutores suscitentur Fundatores Ordinum, vitæ cælibis Angelicæ, & prædicationis Evangelicæ: qui circa illa tempora cæperunt ex instituto S. Basilii, Hieronymi & in posterum sequentium. qui Ordines velut Tuba insonuerunt per universam Ecclesiam, successione mutuâ, & numero septennatio id est universo, usque in diem mundi extremum: & multum profuerunt præmuniendæ Ecclesiæ servandæque in his turbis. De hujusmodi significatione horum 7. Tubarum S. Hieronymus suggerit breviter his verbis (commentario in Joëlem cap. 2.) *In Apocalypsi quoque Joannis legimus 7. Angelos accepisse Tubas singulas; quibus per ordinem canentibus facta sunt quæ Scriptura describit. Præcipitur ergo nunc Sacerdotibus & Magistris, ut exaltent quasi Tuba vocem suam ut canant Tuba in Sion, id est in Ecclesia qua interpretatur specula atque sublimitas.* Talis hîc est

ratio tubarum.

Quid significet ea præparatio.

Et præ-
nuntia-
tio quo
finis

est præparatio Tubarum; & semper
is est finis cur Deus prænuntiet im-
pendentia mala, ut evitentur: etiam
quando talia dicitur per se subſe An-
gelos immiſſurus aut permiſſurus, ut
reſtè S. Chryſoſtomus hom. 61. in
Matth. *hæc minatus eſt, ne hæc accidunt.*
& hom. 10. *plagam minatur; non ut eam*
in nos inducat, ſed ut nos ad ſe potius ad-
ducat. & alibi: quare quæ facturus es
mala prædicis? ut non faciam quæ præ-
dico. Et S. Hieron. *Deus neminem pun-*
nire deſiderans, quod facturus eſt commi-
natur. & patet Jonæ 3. v. 10. miſertus
eſt Deus ſuper malitiam quam locu-

tus erat ut faceret eis, & Non fecit.

3. Poſtremò, poſt multa incenſa
memorable illud accidit, ut ex ſuo
Thuribulo, DE IGNE ALTARIS
miſeret Angelus IN TERRAM!
ſignificans, ex ipſo Altari & iis ipſis
qui ei deſerviunt Eccleſiaſticis oritura
mala: unde exiſtant TONITRUA
everſura pacem Eccleſiaſticam: VO-
CES & lites Episcoporum: FUL-
GURA, excommunicationes contra
invicem: ET TERRÆ magnus
MOTUS, id eſt, mutatio Eccleſia-
rum tremenda; ut jam videbimus,

Ignis de
Altarii.

Et omi-
na.

S. II.

Tubæ 4. primæ.

7. Tubæ;

IN numero 7. Tubarum reſpicitur
ad SEPTEM TUBAS, *quarum*
uſus in Jubileo, qui eſt annus remiſſio-
nis pro electis: & ad 7. *buccinas*, cum
quarum *clangore circumitur* Jericho
civitas & populus reproborum: Joſ. 6.
v. 4. Ad ſingulas Tubas prædicuntur
mala: & quidem ſemper auctiora vel
incurabiliora uſque ad ultimum *Væ*,
quod eſt Tubæ ſeptimæ.

De his malis Apocalypſicis, præno-
tavimus in Prolegomeno §. 2. & 3. non
eſſe grandinem, locuſtas, tenebras &
cæteras plagas vel hujus Capitis vel
Capitis 16. intelligendas literaliter. ne-
quaquam iſta eſt phraſis Apocalypſeos,
neque hæc mens ſcribentis myſteria
Eccleſiaſtica ad Eccleſias Aſiæ. Per

plagas IRÆ DEI debent præcipue
intelligi plagæ Eccleſiaſtica: tales quæ
referantur ad culpam; quod eſt obje-
ctum iræ divinæ: & univerſe per ten-
tationem, quæ prædicatur, tam timen-
dam & ultimam debet intelligi perſe-
cutio potiffimum ea quæ fit animabus,
& ſeductio: juxta illud Chriſti, non ad-
modum aut minus timendum eſſe
(Luc. 12. v. 4.) *ab his qui occidunt corpus.*
atque adeò plus timendus eſt Antichri-
ſtus ſuâ impoſturâ & prodigiis, ac po-
teſtate quæ Draconis eſt propria, ſedu-
cendi animas: fingendo ſe Meſſiam &
adverſando extollendoque ſe ſuper
omnem Deitatem. nam iis, quas etiam
exercebit, atrociffimis pœnis, quibus
coget corpora tanquam Tyrannus
vicio.

violentus & Cornu Bestiale; isto, inquam, genere persecutionis etiam primis sæculis, nondum tunc soluto Dia-

bolo, & quidem crudelissimè sæviturum fuit.

Quarum est proclamare.

His positis sicut non potest vocari in dubium salvâ fide Catholicâ, quin hic liber sit Apocalypsis, id est, prophetia futurorum, & eorum maxime quæ de confiniis Asiæ, & quæ pertinent ad illas Ecclesias: ita nulla est admittenda dubitatio, quin prædixerit hæreses & schisma. Hæreses primariæ illæ duæ sunt: Ariana; & ea quæ biceps à Nestorio & Eutychete. harum enim duarum cæteræ surculi, & cum iis connexæ & hæ duæ pestilentissimè propagatæ. Schisma verò etiam crevit, adultum usque hodie: & illa duo genera hæreseon nondum extincta usque ad nostra tempora. De his futuris, tantum abest, ut existimandum sit Apocalypsin tacuisse ut etiam Tubis duxerit proclamanda: sed phrasi hieroglyphicâ sibi solenni; quam juvante DEO explicemus.

I. Tuba præcatur turbas Ariarum.

I. *Ad primam Tubam* prædicuntur turbæ Ariarum in Ecclesia: quorum integra & frequentia Concilia (intellige, Conciliabula.) Ibi FACTA EST GRANDIO, quæ significat obstinationem: ET IGNIS, id est Zelus emulationis quasi pro DEO: MISTA SANGUINE, id est peccato blasphemiarum: malum MISSUM IN TERRAM, permissum cælitus.

Hieroglyphicum: combustio mediterranea.

Describitur, per simile grandinis & incendii terrestris & sanguinis: quorum iste est pro contaminanda terra & inficienda contagio; grando pro sternendis arboribus; ignis pro omni viridi depascendo. CONCREMATA est enim inter grandinem & sanguinem zelo illo ac dogmatis eorum TERTIA PARS TERRÆ, ubi civitates & populi: TERTIA PARS ARBORUM, ubi Cænobitæ & Anachoretæ; etiam ipsi secuti partem Ariarum: FOENUM autem VIRIDE OMNE (græcè πᾶς χόρος

χλωρός, id est, omne germen virens) quod protulerant Ecclesiæ paulò antè in fertili statu, COMBUSTUM EST.

Duravit hoc malum non modò sæculis totis; nec non, cum persecutione per Imperatores aliquos Arianos & ejectione Episcoporum orthodoxorum; neque sine varia etiam direptione, vastitate, incendiis terrarum usque in Italiam & extremum Occidentem, per Reges Arianos Gothos, seu Ostrogotos seu Visigothos, est per Vandalos æquè Arianos ad meridiem; verum etiam usque ad hodierna nostra (dum hæc in Apocalypsin scribimus) tempora cernitur in suis scintillis. Atque inde ab initio traxit post se alias Hæreses affines: quarum Macedoniana, Eunomiana, & similes blasphemæ contra Sanctissimam TRINITATEM: Dux & incentivum etiam sequentium dissensionum; de quibus jam jam ad Tubam secundam.

Malum diuturnum & crudele.

Veruntamen excitati ad TUBAM
K

Profuit cantus Oecum. Tubæ.

Oecumenici Nicæni aliorumq; Conciliorum laboraverunt in extinguendo incendio Doctores atque Episcopi orthodoxi : & salvârunt duas partes Ecclesiæ, tertiâ parte amissâ.

Secunda Tuba Ecclesia novæ : uno eodémque tempore, Nestorianorum simul & Euty-
præcinit chianorum : quorum Auctores do-
tumul- ctrinâ conspicui & sublimes authori-
tum in- tate, alter Patriarcha, alter Abbas in-
ter se fulatus, uterque Constantinopolita-
Nesto- nus, veluti MONS MAGNUS, EX-
rian. & ARSERUNT contra invicem, &
Euty- ARSERUNT præcipites *Missi* turbaverunt MARE

Hiero- Totum Constantinopoleos : ita ut
glyphi- TERTIA PARS illius MARIS
cum: FACTA sit SANGUIS duarum sce-
ardor leratissimarum hæresum inter se pug-
montis nantium : & TERTIA PARS eâ
in mari- peste MORTUA sit ANIMARUM,
simis. quæ IN MARI atque in insulis Archipelagi : & oris cæteris longè latè-
que : ET interierit TERTIA PARS
NAVIUM & negotiationis transma-
rina; illius tam celebris navigationis
& commercii per Formatas seu Com-
municatorias ut appellabant, cum
Ecclesia matrice orthodoxa. Huc
spectat illud S. Augustini in Psal. 142.
Tales montes, jam sæpè diximus vobis,
significant magnas quasdam animas sed
malas. Non fecerunt hæreses, nisi magni
homines, sed quantum MAGNI tan-
tum mali MONTES.

Malum Describitur hoc naufragium Eccle-
perma- siarum & insularum Asiæ, per simile
nens tempestatis matitiam. Duravit diu-
præ, om- tissimè, & durat etiamnum (dum hæc
scribimus, inquam) apud Asiaticos, uti

adhuc tertia pars eorum qui nomen nibus
Christi utcumque retinent, sunt alii hæresi-
Nestoriani, alii Euty-chiani: utrique bus.
impiissimè reilæsa Majestatis in Chri-
sto seu unius personæ, seu duarum na-
turarum.

Contra quos, ad sonum TUBÆ in Profuit
Conciliis Ephesino & Chalcedonen- cantus
si, insurrexerunt Patres ac præcones Tubæ.
orthodoxi, & servaverunt etiam ibi
duas partes Ecclesiarum tunc ab inte-
ritu. Neque aliæ Hæreses similes in
Asia visæ tam primariæ & noxiæ, quàm
illa Arii; & hæc Nestorii cum Euty-
chete; cujus postremi, soboles Mono-
thelitæ.

3. Ad Tertiam Tubam latè serpens Tertia
malum & valdè perniciosum Orien- Tubæ
talibus, incepit à lapsu DE COELO, præfagit
quod est Ecclesia, STELLÆ MAG- ianmi-
NÆ, Sedis Patriarchalis Constanti- nens
nopolitanæ, in schisma præ superbia Schis-
Photii schismatici, appetentis sibi ma Ec-
primatum, ac dejecti de Cælo per clesia-
Universale Concilium. Quod schis- rum.
ma invidiosè ARDENS, TAN-
QUAM FACULA parva, incidit
in FONTES AQUARUM, id est
in cæteros Patriarchatus & primarios
Episcopos, qui etiam ipsi pro Photio
celebrârunt sua Concilia : ET IN
FLUMINUM, Prædicatorum qui
ex illis fontibus suum fluxum recipiunt,
PARTEM TERTIAM. Nomen Hiero-
Schismati ABSYNTHIUM : quod glyphy-
vitiavit aquam dulcem uniformis gu- cum:
stus & unionis inter Ecclesias. Vitiati
ut TERTIA PARS AQUARUM fontes
versa sit in amaritudinem ac maligni- à lapsu
tatem : ET HOMINUM MULTI, Stellæ,
qui

qui inde potabantur, MORTUI SINT fide sua Schismatica sine operibus & nexu charitatis.

Describitur hæc noxa per corruptionem fontium ex ruina Stellæ. Respicitur etiam ad simile fontium & porus aquarum amarissimi, Exod. 15. v. 23. *Nec poterant bibere aquas de Mara eo quod essent amara.*

Profuit
cantus
Tubæ.

Quando etiam tunc sonuerunt TUBA, & hominum cæteris aquam dulcem propinârunt Doctores tenaces Catholicæ unitatis. Sed ex partibus fontium & fluminum non fuit exhaustum malum, quin perduraret sapor amaritudinis.

Quarta
Tuba
denun-
tiat de-
fectio-
nem
horren-
dam.

Hiero-
glyphi-
con: de-
fectio
Solis &
lunæ.

4. Donec *Ad quartam Tubam* non solum corrupta schismate, quod ab hinc duobus ferè cæperat sæculis, jam demum apertissimo & communi; verum etiam prolapsione interim in errores, jamque in pertinacem defensionem falsorum dogmatum, ut solet diuturnum schisma degenerate in hæresin, (Blasphemiam de Spiritu Sancto &c. saltem in modo loquendi sentiendique vulgari) iusto DEI iudicio PERCUSSA EST caligine atque *obscurata* defecit TERTIA PARS SOLIS qui est Fides seu Doctrina vera Christiana: ET TERTIA PARS LUNÆ, quæ est Ecclesia legitima: ET TERTIA PARS STELLARUM qui sunt Episcopi, *Multi* (ait S. Augustinus de stellis in Ep. 80. ad Hefychium) *qui gratiâ fulgere videbantur & cæteris præfulgere,*

quomodo enim non multi, cum una cum Patriarcha Constantinopolitano desciverint etiam alii Patriarchatus fundati ab Apostolis, Alexandrinus, & Antiochenus, & qui accesserat Hierosolymitanus: ita ut defectio facta sit lucis seu Veritatis penè omnium Asiaticarum Ecclesiarum, quæ tertia pars fuit, neque ignobilis quidem pars Ecclesiæ universalis: adeo ut NON LUCERET illa PARS TERTIA DIEI, id est Solis; ET NOCTIS id est Lunæ Stellarumque SIMILITER, habitantibus in umbra mortis. *Ecclesia enim est* (inquit I. I. S. Augustinus) *Sol & Luna & stella, cui dictum est* (Cant. 6. v. 9.) *Speciosa ut Luna, electa ut Sol: quæ non apparuit* (Vox est S. Augustini) in illa sui parte, id est in particularibus illis Ecclesiis.

In his Tubis servatus est ordo Hieroglyphicorum mundi materialis. Nam post combustos mediterraneos, merfos maritimos, fluviatiles insectos; quæ sunt tres Tubæ præcedentes, hæc quarta calamitas describitur per similitudinem defectionis in sole, stellis, & luce aëris. Durat magna ex parte usque in præsens: inter dehortationes & sonitum continuum TUBÆ, qui in reliqua Ecclesia conservavit lumen, &

aliquando in illis aliquid restituit
tunc quando cecinit Tuba
Concilii Floren-
tini.

Profuit
cantus
Tubæ.

* *

S. III.

Clamor Aquila : Væ.

Aquila: **I.** **C**Langit VOCE MAGNA, Symbolum Imperii, AQUILA Constantinopolitana, Romani Orientalis Imperii Regia, inde à Constantino Magno celeberrimi sacris Christianis & Doctoribus. Pavet, malè ominabunda super impendente omnimoda ruina Religionis & dominationis Christianæ in Oriente! Syriaca versio addit: Aquilam habuisse *in medio cauda sanguinem*: Omen finis exitialis propter peccata, quæ significantur sanguine in Scripturis.

Vox ejus **2.** *Volat* vox ejus, id est fama ejus, volantis: **PER MEDIUM COELI**; quacumque patet Ecclesia DEI, Orientem inter & Occidentem: malè metuentibus, illi Imperio & Christianæ Imperiali Sedi, omnibus populis ad illam famam. Injiciebant hunc metum & augebant hunc clangorem aquilinum progressus ingentes circumquaque Saracenorum infidelium, auctore ab hinc aliquot sæculis Mahomete Arabe, cujus posterigrassabantur in Oriente; & imminabant Imperio & Christianitati tremendum in modum.

Piget meminisse interpretum quorundam, exponentium Aquilam esse vel Prophetam qui per mediam terram

percurrere proclamat sequentes plagas: vel etiam Angelum aquilæ formæ assumptæ pervolantem undique. Quid hoc postremum literale aliud est quam desperare & deferere interpretationem literæ Apocalypseos?

3. Superest & incumbit triplex Væ Væ, Væ
triste **HABITANTIBUS IN TERRA**, præcipuè Asiaticis: quod incutietur ad cantum trium reliquarum Tubarum; de quibus in Capitibus tribus sequentibus. Advertit S. Ambrosius, super hunc locum Apocal. ex lib. 2. de Abraham cap. 7. non illud Væ:
væ dici hominibus omnibus; distinguit enim inter **INHABITATORES** terræ, id est homines *terrena conversationis*, & inter accolæ qui sunt homines *in terris positi quorum conversatio in cælis est*. Ergo, inquit, non habitatores, sed accolæ sumus terræ hujus: accola enim temporalis diversorii spem gerit: habitator autem omnem spem atque usum suæ illic substantiæ locare videtur ubi habitandum putaverit. Quem Ambrosius accolam, S. Petrus advenam nominavit & peregrinum qui se abstinent à carnalibus desideris. 1. Pet. 2. v. 11.

Habitantibus in terra.

Satagat pius Lector eximere se hujusmodi Væ quod dicitur habitatoribus terræ; & illud sibi applicet sancti Ambrosii quod subjunxit post citata verba: *Itaque qui est terra a cola, habitator Cæli est; qui autem habitator terræ, possessor est mortis.*

Et

Et illud Ruperti Abbatis in Apocalypsin hic: quibus *vet qualibus vā? habitantibus, inquit, in terra: id est, eis quos omnino ne sursum afficiant detrahāt terra, detinet affectio terrena.*

TRACTATUS XII.

IN CAPITIS IX.

TUBAM QUINTAM.

Ventum est ad *quintam Tubam*, quæ annuntiat illud quod est *Primum Væ* de tribus: nam postea secundum *væ* ad cantum *Tubæ sextæ*. In quibus duobus *væ* inferitur non soli vastitas illi Aquilæ, sed Asiæ & mundo universo: atque omnium maxima pericula Christianis inhabitatoribus orbis terrarum.

Tuba sexta præmiatur abolitionem Imperii Christiani, Constantinopolis.

VERBA APOCALYPSEOS.

(Cap. 9. Vers. 1.) *Et quintus Angelus Tuba cecinit: & vidi stellam, de cælo cecidisse in terram, & data est ei clavis putei abyssi. (v. 2.) Et aperuit puteum abyssi: & ascendit fumus putei, sicut fumus fornacis magnæ: & obscuratus est sol & aer de fumo putei: (v. 3.) Et de fumo putei exierunt locustæ in terram, & data est illis potestas, sicut habent potestatem scorpiones terra: (v. 4.) Et præceptum est illis ne laderent fœnum terræ, neque omne viride, neque omnem arborem: Nisi tantum homines, qui non habent signum Dei in frontibus suis: (v. 5.) Et datum est illis ne occiderent eos, sed ut cruciarent mensibus quinque: & cruciatus eorum, ut cruciatus scorpionum percutit hominem. (v. 6.) Et in diebus illis quærent homines mortem, & non invenient eam: Et desiderabunt mori, & fugiet mors ab eis. (v. 7.) Et similitudines locustarum similes equis paratis in prælium: & super capita earum tanquam coronæ similes auro: Et facies earum tanquam facies hominum. (v. 8.) Et habebant capillos sicut capillos mulierum: & dentes earum, sicut dentes leonum, erant: (v. 9.) Et habebant loricas sicut loricae ferreas, & vox earum*

1. 3

earum

, earum sicut vox curruum equorum multorum currentium in bellum:
 (v. 10.) Et habebant caudas similes scorpionum, & aculei erant in caudis
 , earum: Et potestas earum nocere hominibus mensibus quinque; & ha-
 , bebant super se. (v. 11.) Regem Angelum abyssi, cui nomen hebraicè
 , Abaddon, græcè autem Apollyon, latinè habens nomen Exterminans.
 (v. 12.) *Va* unum abiit, & ecce veniunt adhuc duo *va* post hæc.

§. I.

Putei reseratio & fumus.

Stella. i. **S**Tella quæ DE COELO ceciderat in Tuba tertia, videt esse datam clavem PUTEI ABYS-

SI: Qui si aperiat, egredietur fumus SICUT FORNACIS MAGNÆ qui obscuritatem densiorem minatur soli & aëri. STELLA est Patriarchatus Constantino-politanus cum sua urbe, quæ, ut vidimus Cap. præcedente v. 10. inciderat in schisma, & pro eo quod fuerat in Cælo collocata, jacebat collapsa in inum terræ, contermina puteo abyssi. Erat secta Saracena *puteus abyssi*, quem foderat Arabs impostor, receptaculum profundum in quo collectæ superstitiones ac blasphemix progeneratæ ex inferno. Coaluerat (horrendum dictum!) & intumuerat propemodum octo sæculis, sed tanquam puteus opertus: qui nondum inundaverat Ecclesias quas Joannes nominavit. Quamobrem in Apocalypsi alia ferè commemoratio illius necdum fuit opus: præterquam ea quæ præcessit per medium Cæli (Cap. præced. v. 13.) vociferationis, & impendentis *Va* atque horroris diu ac sæpius à Saracenis incussæ & appropin-

quantis. Adhuc FUMUS ejus, qui doctrinam illam significat infernalem, coercitus intra illam suam nationem Saracenorum & Sectam interim atinebatur ne ascenderet aut superfunderetur Imperio & culmini Christianorum.

2. Donec hunc puteum sibi APERUIT Constantinopolis schismatica & contumax in oblocutione adversus originem ac personam Spiritus sancti. Nam hujus Divinitate vindice DATA EST EI CLAVIS, id est facultas aperiendi permixta: postquam Schisma sex sæculorum & errores sponte assumpti præparaverant illam potestatem & illum aditum execrandum ex profundo superstitionum.

Diximus *fumum* significare doctrinam sectæ Saracenæ: is quasi ex FORNACE MAGNA sic ex inferno eum afflante fuerat progenitus: & in illo puteo, in illa sua Secta, conclusus interea tenebatur.

3. Nam ipse ille quidem puteus intra se fumabat jam per sæcula complura: & in illo agmen locustarum, quod natum erat in profundo abyssi, pascebatur

Apertura putei.

Locustæ.

Fumus
putei.

batur illo suo fumo doctrinae superstitiosae. Dudum hic fumus ejus infernalis, impatiens coarctationis & angustii spatii concutiebatur terram, erupturiens usque ad & subter Constantinopolim: sed hac adhuc inaccessa reprimebatur intra statutos terminos, longâ dissimulatione DEI circa illam tantam urbem, & coërcitione putei, hoc est, Seclæ ex abyssu collectæ. Quoad sub-

lato repagulo, aperiens obstinatissimo Schismate tot jam sæculorum inveterato unâ cum pertinacia in temerariis dogmatis, diffusus est fumus atque intromissus in sedem olim Regiam Imperiis & Religionis Christianæ: cuius omnem reliquam sustulit lucem; & offudit tenebras Soli & aëri illi tantas, ut impediverit accessum & spem omnis illustrationis supernæ.

Obscu-
ratio.

S. II.

*Locustæ ex fumo.*Locu-
stæ.

i. Simul cum illo suo FUMO repleverant LOCUSTÆ putei urbem ac ditionem atque Imperium Constantinopolitanum, permixtæ & emissæ ad potiundum illo & ad Religionem conculcandam: additâ illis POTESTATE simili SCORPIONUM. Quæ, & omnia quæ hic narrantur, manifestè cadunt in irruptionem Turcarum Constantinopolim: quando eâ potitus est Mahometes ejus nominis Imperator primus, everfor Orientalis Imperii anno Christiano 1453. Et, quod est vix primum, transiit urbs & orbis Ecclesiæ Orientalis ad Turcas.

Hi sunt enim posteri & successores Saracenorum; progenies & indoles Tartarorum ex quibus prodierunt. Plinius lib. 6. nat. hist. cap. 7. meminit Turcarum jam tum circa Mæotidem paludem. Multitudine sunt sicut locustæ; virulenti sicut scorpiones.

2. His locustis non est negotium

devorandi FOENUM TERRÆ & quod in illa VIRIDE & quidquid pomorum in arboribus; prout refertur de locustis in Ægypto, quæ fuerunt figura vel umbra harum, Gen. 10. v. 15. Quasi dicat S. Joannes: non esse de genere locustarum brutarum; sed esse homines, quod apertè (v. 7.) subjicit ex FACIE dignoscendum. Quapropter in hunc versum quartum Apocalypseos, rectè ait Rupertus Abbas Comment. lib. 5. *Perpicue ostendit quia non per proprietatem sed per similitudinem Locustas de fumo illo exisse dicit: dum, quod locustæ est facere, hoc illis interdictum esse scribit: locustarum namque est ledere fœnum terræ, & omne viride, omnemque arborem, quemadmodum inter plagas Ægypti scriptum est. Istitis autem, ne quid talium, sed tantum homines laderent: quia videlicet & ipsi homines erant qui hic Locustæ dicti sunt. Homines igitur cum sint, PRÆCEPTUM EST ILLIS TANTUM HOMI-*

Potestas
data:

Limitata
præcep-
to;Tripli-
citer,

HOMINES cruciare, eosque schismaticos quorum superficiem terræ operuerunt; nam hi sunt QUI NON HABENT SIGNUM DEI quod habere deberent à Spiritu sancto legitimum coram DEO & Ecclesia IN FRONTIBUS SUIS. Immo neque hæ locustæ ad interficienda corpora schismaticorum incolarum sunt propriè destinatæ, sed ad *cruciandum*, id est affligendum captivitate & servitute ejuscemodi præ qua *mors* sit *optabilior*, ut dicitur v. 6.

Atque hoc est primum, quod *præcepto*, id est providentiâ divinâ, hæc dicitur caveri. Accedit illud quoque alterum (nam uno eodémque verbo Apocalypseos dicuntur simul plura) quod itidem cautum fuit divino eodem consilio & decreto, ne illis etiam in tetrīs absumerent *omne germen* Christianismi, neque *omnem virorem* pietatis erga Christum ac venerationis, neque ut inter *arboreta*, officerent habitationi eremicolarum aut cœnobitarum. Etenim notorium est de Turcis, quod patiantur fidem & cultum Christi, dummodò semel illas terras sibi subjecerint gladio & habeant subjugatas: Tolerant enim in Græcia, in Natolia seu Asia minore, in Syria, ipsis Hierosolymis templa: monasteria: quatuor Patriarchatus veteres qualescunque: peregrinationes undique visitantium loca sancta & sepulchrum Christi: adeo ut non solum permittant sed etiam committant custodiæ Christianorum habere illis hospitia sua & asceteria religiosa. Habet Constantinopolis Galatam seu Peram oppi-

dum, solo disjunctum Sinu, latitudinis triginta passuum: in quo plerique incolæ Christiani, ac præcipuè mercatores. Habet urbs Græcum Patriarcham, cui Monasterii sui ædes nobilis: Græcis cæteris ædes sacræ, etsi obscuriores, septuaginta censentur ab iis qui viderunt: Armenorum septem: Francorum decem circiter. Quem numerum aliis examinandum relinquimus. Quid quod perniciosissimâ simulatione suæ doctrinæ, ac velut incrustatione suæ Scripturæ (hanc enim Arabicum nomen sonat Alcoranus,) nec damnent quidem ita Christianos, quin concedant posse salvari: quos sicubi cogant abnegare Christum, id neque est illis generale; neque per se intentum (eâ violentiâ), id est, non propter abnegationem ipsam, sed ut securè utantur iis in bello, quos Renegatos vocant & omnes applicant ad arma. Denique illud etiam est tertium eorum quæ caventur præcepto, id est, dispositione divinâ: ut cum servitus & jugum illorum sit intolerabile in schismate his, qui, non signati, destituuntur gratiâ & DEI auxilio supernaturali, veris quidem servis DEI & signatis electis cedant omnia in bonum & ad salutem. Quod spectavit cantus TUBÆ.

3. Tempus CRUCIATUS definitur MENSIBUS QUINQUE: neque enim temerè in hoc loco nominantur menses. Rupertus quidem Abbas in Apoc. lib. 5. comment. *Quare autem mensium potius quàm annorum nomine vel numero illa servitutis tempora* (Loquitur de Israëlitarum mutatione servitutis) *Designantur? videlicet,*

Profuit
cantus
Tubæ.Crucia-
tus men-
sibus
quin-
que.

delicet, quia in mensibus secundum Lunam, quos solos Hebraei, de quibus sermo est, noverunt vel computant, mutabilitas crementi vel decrementi est; quæ & stultorum mutabilitatem significat, dicente Scriptura, Stultus ut Luna mutatur. Et infra: Potestas eorum nocere hominibus, mensibus quinque: id est servitutes eas subicere per vices quinque. Ita ille.

Sed enim multò aliud Mysterium & evidenter aperitur in his mensibus: Et quidem duplici ex capite & sensu. Primò: constat eos Lunati circuitu effici: Et Lunationes esse Turcarum proprias, qui habent Lunam pro insigni, pro tutela, pro ornamento; & incrementa ejus ac decrementa pro superstitioso augurio: urbes ipsæ signantur Lunâ in mappis geographicis, & datur intelligi eas esse in ditione Turcarum. Lunationes autem quinque significant totidem mutationes (Eccl. 27. v. 12. *Ut Lunamutatur*) quæ acciderint in Imperio Turcarum inde à primâ regni hujus origine: & est numerus Lunationum quinarius, id est

imperfectus in serie numerorum, utpote dimidius denarii qui est numerus perfectus. Computet peritus revolutionum Turcicarum mutationes quæ intervenerunt usque ad nostra tempora: & divinet quid restet ab accompletionem quinati; speretque prope abesse casum illius Jericho. Secundò: meritò Schismatici subiecti sunt Lunæ Mohometicæ: quia elegerunt mutari per schisinata: & patiuntur vices stultitiæ sui ipsorum. In quos cadit illa expositio Ruperti in hunc locum (quam ille applicat variæ servituti Israëlitarum:) *Quod ergo dictum est; sed ut cruciarentur mensibus quinque; idem est ac si diceretur: sed ut quinquies in stultitiam mutati in servitutem redigerentur per vices quinque.* Videtur Apocalypsis hoc numero inundationis Locustarum respexisse ad inundationem quasi diluvii Asiatici; nam illa in Genesi obtinuit terram *diebus centum quinquaginta*, qui sunt menses quinque; cap. 7. v. 24.

§. III.

Descriptio Locustarum.

Jam quod ad Locustas attinet, hæ aptissimè referunt Turcas.

Locusta, i. **E**st locustæ materiali apud Italos nomen Cavaleta, quod sonat parvum Equum: eò quod speciem gerat equi cataphracti, animal lorica- tum. Habet pinnas pro aculeis: va-

stat agros ac devorat: inquietum & vagum: agmen earum impudens quod omnia percurrit saltu ac volatu: sordidum quod omnia inquinat quantumvis munda aut regia. Ipse cum sint vi-

L

les

Impe-
rium
Turca-
rum.

les & exigua, totas provincias depascuntur & abliguriunt.

2. Sequitur in Apocalypsi descriptio Turcici Imperii ad vivum. SIMILES, inquit, EQUIS PARATIS IN PRÆLIUM: ob audaciam armorum & professionem atque ardorem belli in quo ponunt omnia.

SUPER CAPITA EARUM TANQUAM CORONÆ SIMILES AÛRO. Habent verò, habent capita coronata velut auro: coronam in Syria ubi Damascus sedes est Regni: in Palæstina, ubi Hierosolyma: in Africa, Tuneti: in Thracia, Constantinopoli: in Asia minore, Trapezuntii quæ est civitas Cappadociæ: ut omittam Reges & Principes tributarios in Bulgaria, Servia, &c.

FACIES EARUM TANQUAM FACIES HOMINUM. Quò manifestissimè ostendat non esse alios quàm homines: immò & præ se ferre ac servare certas leges humanitatis ac politia, cum erga externos, tum inter se præsertim.

HABEBANT CAPILLOS SICUT MULIERUM: Agathias lib. 1. scribit fuisse *intonfos, sordidos, implexos, squalidos*. Hodieque alunt cirrum aut crinem pendulum ex occipite; mulierum autem appellatione notatur eorum polygamia & mulierositas.

DENTES EARUM SICUT DENTES LEONUM. Ea est feritas in comminuendo quod ceperint; retinendoque mordicus, tanquam dentibus: Barbara & arrogans in rapiendo & subjugando, tanquam Leonum. Est & dentium leonis, naturalem af-

ferre putorem; infami mancipatu destinere. HABEBANT LORICAS SICUT LORICAS FERREAS. Pectus ac præcordia indurata, bellicosâ, ferrea.

VOX ALARUM EARUM SICUT VOX CURRUUM EQUORUM MULTORUM CURRENTIUM IN BELLUM. Quis nescit eos pollere multitudine qua se effundunt in bellum: ac maximè equitatu valere, ac velut alatorum currum sono perstreperere atque horrendâ cum vociferatione additâ procurrare in aciem?

HABEBANT CAUDAS SIMILES SCORPIONUM, ET ACULEI ERANT IN CAUDIS EARUM: Vulnerant etiam animas, & aculeum infigunt apostasiam: non velut à fronte & aperte, ita ut velint extorres omnes Christianos; sed fraudulenter; implicando velut caudâ quâ alliciunt, aut pertrahendo captivitate quâ feriunt & premunt. Rupertus Abbas Com. lib. 5. *Scorpium*, inquit, *præ capite blanditur; & post caudâ feriens mortifera venena diffundit.* POTESTAS EARUM NOCERE HOMINIBUS: Violenta; & infidiosa: genio ac formâ compositâ (pro ut hîc describitur) non ex solis locustis, sed commixta ex homine, leone, scorpio, & equo: præparatione belli ut equorum armatorum; facie, ut hominum; dentibus, ut leonum: caudis & aculeo tenus, scorpionum: multitudine, inquietudine, vexatione, ac vastatione locustarum. MENSIBUS QUINQUE: Circulo Lunati; de quo diximus §. præcedente. || 3. ET

Rexlo-
culta-
rum.

3. ET HABEBANT SUPER SE
REGEM &c. Cum locustæ mate-
riales *Regem non habeant*, ut dicitur
Prov. 30. 27. At hæc habent, quia ho-
mines sunt. *Regi* NOMEN est *Ex-*
terminator; talem enim se profitetur
gladio & sectâ: videlicet, Regnorum
Christianorum everforem per vim &
apertum Martem; Religionis autem
etiam per insidias caudæ & aculeum
captivitatis, morte durioris. Hoc no-
men posuit Latinus interpres: nam in
autographo Joannis non est nisi no-
men Hebræum ABADDON &

Cur ei
nomen
Hebra-
icè &
Græcè.

Græcum APOLLYON: quæ duo
nomina in his duobus idiomatis sola
ponuntur expressa in Apocalypsi; prop-
terea quod in his maximè linguis dua-
bus & terris processerit exterminatio.
Quam exercendo meritò appellatur
ANGELUS ABYSSI: tam is qui ca-
dit sub aspectum & præest puteo abyssi,
ac sceptrum tenet sectæ; quam is à
quo ille regitur & qui præsidet super-
stitioni, Angelus inferni.

Angelus
abyssi.

Hactenus primum Væ, & Exter-
minationis Orientalis viva repræsen-
tatio.

Aperi, Lector, viscera misericordiæ Christianæ: & compatere terris celeberrimis, olim populo illustri à doctrina & fide, seminario SS. Patrum & Docto-
rum: obruto nunc ignorantia & cæcitate partim adhuc manifestarum hære-
seon veterum à Conciliis & antecessoribus illiusmet populi damnatarum,
quas commemoravimus ex Apocalypsi ad Tubam primam & secundam; par-
tim Schismatis Ecclesiastici, ac defectionis in chaos errorum, ad Tubam ter-
tiam & quartam: Jamque ad Tubam quintam vastitate, proculcatione ac
jugo intolerando Turcarum & superstitione, quibus succubuit. Sit exem-
plo cæteris Ecclesiis particularibus, ut ne deserant unitatem ejus Ecclesiæ
in qua semper Apostolica cathedra viguit principatus (Aug. Ep. 162. ad Elorium:) &
ut exhorreant occasionem schismatis, lernam tantorum malorum.
Comedat nos zelus Domus DEI, parietum ejus (heu parietinarum!) Ori-
entalium: commoveat splendor sublatus Orientis & salus populorum ac re-
ductio à schismate quod fuit illis fons exitii.

TRACTATUS XIII.

IN RELIQUA CAPITIS IX.

Tuba
sexta:
nuntia
Imperii
Anti-
christia-
ni.

Incipit cantus *sextæ Tuba*, & *Va secundum*.

VERBA APOCALYPSEOS.

(Cap. 9. Vers. 13.) *Et sextus Angelus Tubâ cecinit; & audi vi vo-*
cem unam ex quatuor cornibus altaris aurei, quod est ante oculos Dei.
(v. 14.) Dicentem sexto Angelo, qui habebat tubam, Solve quatuor
Angelos, qui alligati sunt in flumine magno Euphrate. (v. 15.) Et soluti
sunt quatuor Angeli, qui parati erant in horam, & diem, & mensem,
& annum ut occiderent tertiam partem hominum. (v. 16.) Et numerus
equestris exercitus vicies millies dena millia. Et audi vi numerum eorum.
(v. 17.) Et ita vidi equos in visione: & qui sedebant super eos, habe-
bant loricas igneas & hyacinthinas & sulphureas, & capita equorum
erant tanquam capita leonum: & de ore eorum procedit ignis, & fu-
mus, & sulphur. (v. 18.) Et ab his tribus plagis occisa est tertia pars ho-
minum, de igne, & de fumo, & sulphure, quæ procedebant de ore ipso-
rum. (v. 19.) Potestas enim equorum in ore eorum est, & in caudis eo-
rum, nam cauda eorum similes serpentibus habentes capita: & in his
nocent; (v. 20.) Et ceteri homines qui non sunt occisi in his plagis, ne-
que pœnitentiam egerunt de operibus manuum suarum, ut non adorarent
dæmonia, & simulacra aurea, & argentea, & area, & lapidea, &
lignea, quæ neque videre possunt neque audire, neque ambulare. (v. 21.)
Et non egerunt pœnitentiam ab homicidiis suis, neque à veneficiis suis,
neque à fornicatione sua, neque à furtis suis.

§. I.

Dæmones ad Euphraten.

1. **M**Onitu *sextæ TUBÆ* pro- manis persecutio imminens Anti-
mulgatur & cavetur im- christiana. Ea prædicitur hoc modo:
Jace-

Vox ex
altari au-
reo.

Jacebat ab locustis profanatum diu
ANTE OCULOS DEI *altare au-
reum*, vacuum cultu legitimo, & suo
incenso quod Capite octavo v. 3.
ostendebantur esse orationes sancto-
rum: quamobrem illarum loco audir-
etur ex altari contempto VOX mina-
rum & annuntians pœnas DEI viden-
tis. UNA est eadem vox EX QUA-
TUOR CORNIBUS ALTARIS:
quæ versus quatuor partes terræ se dif-
fundit ut audiat per eam totam.

Angeli
alligati:
qui?

2. Ea vox est ad Angelum tubici-
nem sextum: SOLVE, inquit,
QUATUOR ANGELOS QUI
ALLIGATI SUNT IN FLUMI-
NE MAGNO EUPHRATE.
Ligantur non nisi mali Angeli: quo-
rum hi 4. Archidæmones, præfides im-
pietatis ac nominati, Apostasie Ju-
daicæ stabilendæ: alligati fuerunt vi-
fortioris armati, quando Christus mo-
riens illis iniecit vincula, id est restrin-
xit potentiam nocendi: juxta illud Col.
2. v. 15. *Exstolians principatus & pote-
states traduxit illos confidenter palam
triumphans illos.* Horum Principum

Cur in
Euphra-
te?

& harum Potestatum (earum quæ
præfunt in primis pseudo-Judaismo)
carcer ab eo tempore fuit designatus
vastum flumen Euphratis, quod per-
luit Babylonem; quæ est habitatio
præcipua perfidorum, ut nunc sunt
inter Infideles, Judæorum. Eadem
est locus natalis Antichristi, ut infra
dicemus; atque in omnibus Scripturis
& apud omnes SS. Patres typus est ac
sedes Regni Diaboli & manifestè im-
piorum: intra quos limites continetur
eorum voluntas evagandi. At ubi so-

luti fuerint, vix toti mundo quantum-
vis plororum, quoniam seductio erit
tanta & tam potens, *ut in errorem in-
ducantur, si fieri potest, etiam electi*,
Matth. 24. v. 24. Quod autem sol-
ventur, id fit iuxta DEI vindictâ ad
implendam mensuram supplicii Ju-
dæorum: DEO permittente ut recipi-
ant Antichristum, qui noluerant Chri-
stum: qui est sensus Apostoli 2. Thess.
2. ubi cum diceret v. 9. Adventum
Antichristi esse *secundum operationem
Satanae &c.* In omni seductione: red-
dit causam v. 10. in pœnam gentis Ju-
daicæ: Eò quod, inquit, *Charitatem
veritatis (Christum) non receperunt,
ideo mittet illis DEUS operationem
erroris (Antichristum): neque enim
tam operator quam operatio ipsa)*
ut credant mendacio. Quæ erit iis ulti-
ma pœnarum; seu obstinatis ad dam-
nationem; seu convertendis, ad resi-
piscenciam. Nam in hac etiam ira sua
(Psal. 76. v. 10.) *Non continebit miseri-
cordias suas*, ut videbimus suo loco;
atque in Caput 20. Apocalypsis v. 7.
&c. Ubi plura de alligatione Draco-
nis & solutione.

Cur sol-
vendi?

3. Mirum in modum hi quatuor Qua-
tuo: in hiant solutioni. Propterea QUA-
TUOR, quia in tot se dividunt partes
mundi, quarum nulla erit immunis:
PARATI, inquit, IN HORAM Expe-
ET DIEM ET MENSEM ET ctabun-
ANNUM; qui modus loquendi sig- di.
nificat illorum desiderium impatien-
tissimum, quæ numerant primum ho-
ras, dein dies, tum menses atque an-
nos futuræ solutionis & licentiæ.
Stant præparati toti & anhelant ad

L 3

con-

conceptum facinus exequendum, quod est *occidere* animâ tenus omnes Christi fideles ejus temporis: & revera

TERTIAM PARTEM occident

Tertiam animarum: ut, sicut tertia pars stellarum cesserat Draconi Deum oppugnantem in Cælo; sic, operâ Draconis, Antichristo tunc pugnantem pars cedat tertia militantium Deo in Ecclesia. Intendunt & velleat omnes prorsus ad unum necare occisione æternâ: cadit

enim in unumquemque ex illis quatuor valentissimis dæmonum illud Job. 40. v. 18. *Habet fiduciam quod insinuat Iordanis in os ejus.* Quod si necem animæ desperaverint procurare ullis imposturis, machinabuntur illam per necem corporum & persecutionem tantam, ut vel sic tertiam partem integram mortalium eliminent & vel Cælo vel ex oculis hominum auferant.

§. II.

Equitatus.

Soluti **1.** **E**T ecce *Equitatus*, qui à solutis Archidæmonibus eum in finem cogitur, propugnatorum Antichristi Regis ac Messiae; **VICIES MILLIES DENA MILLIA** (græcè, duæ myriades myriadum, est enim myrias decem millia) id est ducenti milliones. Nemini videatur incredibilis hic numerus: quando Nicolaus Trigautius testis locuples soli regno Chinæ attribuit ducentos quinquaginta milliones animarum; libro de expeditione Sinenfi. Multò igitur plures Antichristianæ erunt copiae, ut erit amplitudo Regni ejus maxima: & ab eo conscriptæ per totum orbem diffundentur ad seducendum ac pertrahendum.

Quorum temporum prophetiam uberius reservavit S. Joannes secundæ parti Apocalypseos, ut suo loco proprio: ita tamen ut hîc eam attingat obiter ob sextam Tubam.

2. Hi sunt Equites rufi contra album: impulsore ac direttore Diabolo: turmæ Judæorum per totum mundum disperforum, & quotquot illis se adjungunt cum Antichristo Rege Judæorum facturi. Ex his erunt, Rabbinorum multitudo, prætoriarum cohortes in exercitu Gog & Magog. (de quo Cap. 20. v. 7.) ducibus dæmonibus, buccinatores ac Prædicatores Antichristi per totum mundum. Admonet enim S. Augustinus lib. 26. de civ. cap. 10. (Cujus verba citabimus Apoc. 20. Gog & Magog non esse gentem in aliqua certa parte mundi, sed in omnibus gentibus; perinde ut Ecclesia & fideles Christi non ad unum congregandi sunt locum, sed erunt diffusi per omnes gentes. Nihil autem tam dispersum in mundo quam Judæi, psal. 58. 12. nihil tam expectandum ejus quem nos vocamus Antichristum: nihil tam effusum

Equitatus quis.

sum ad eum recipiendum & prædicandum.

Et de numero quidem EQUETRIS EXERCITUS Joannes testatur se illum audisse: apparuisse autem IN VISIONE Infessores Equorum & Rectores munitos lorice igneis & hyacinthinis & sulphureis. Ignitæ erunt, propter zelum quo ardebunt toto pectore contra Christianos, oppressores suos tot sæculis: hyacinthinæ, propter speciem & colorem cælestem, prætextu divinæ legis restituendæ: sulphuræ, propter promptitudinem accendendi doctrinam infernalem de pseudomessia. His lorice armantur & proteguntur à Diabolis jam solutis.

Equi, Synagogæ Judæorum, visi sunt capitibus TANQUAM LEONUM, præferocia & arrogantia quâ insultabant Christianis. Ac DE ORE Equorum tria hæc, IGNIS ET FUMUS ET SULPHUR: primum quidem, quia pro se ipsismet hinnient ad Principis mundi promissa terrena, omne id quod est in mundo, concupiscentias tres, carnis, honorum, ac divitiarum, quorum abundantiam Doctores Judæi expectari jubent cum adventu sui Messia & vi promissionis in Lege repositâ in totum orbem. Deinde, quia contra Christianos spirabunt quicquid habet infernus mina-

rum; concitati ab afflatu ejusdem Principis mundi: videlicet ignem, fumum, & sulphur, quo sint sævituri in eos qui restiterint suo Regi aut Messia. Atque AB HIS TRIBUS PLAGIS, ex ore equorum, inquit Joannes, OCCISA EST TERTIA PARS HOMINUM: Per pollicitationes terrenas, & suppliciorum interminationem. Quæ vis oris ac POSTESTAS nocendi etiam adjuvabitur à CAUDIS eorundem Equorum: erunt enim Antichristi sectatoribus & ministris venenatissimæ SIMILES SERPENTIBUS; qui erit dolus eorum ad pelliciendum: & in caudis CAPITA, blandiloqua prædicando suadendoque, adspirantium occultè virus diabolicum.

Certè cum per hunc Equitatum Magnus Doctor Gregorius intellexerit sui temporis Prædicatores sectarum hæreticarum: multò magis hujus omnium perniciosissimæ & novissimæ sectæ de novo Messia. Et ori quidem ille persuasionem, caudis verò temporalem quam post se trahunt potentiam tribuit: *Hic igitur, inquit, Equus, id est nequissimis prædicatoribus, in ore & caudâ potestas est: quia ipsi quidem perversa, suadendo, prædicant, sed temporalibus potestatibus fulti per ea quæ retrò sunt se exaltant.*

Caudæ
similes
serpentibus.

Habentes
capita.

S. III.

Obstinatio Impiorum.

Seductio.

1. Istorum, ut diximus, partim arte
Ita deceptione persuasi, partim vi

& coactione compulsi, tertia illa pars
fidelium à Christo abstracti sunt.

2. Nam

Idolo-
latria.

2. Nam CÆTERI vel sicubi erunt adhuc idololatræ usque ad illud sæculum : vel cultores illius magni *Simulachri*, quod instar obtinet omnium aliorum; id est, falsi Messiae : vel denique homines profanæ vitæ, quorum Deus *aurum, argentum, æs, lapides & ligna* pretiosa; quæ cupiditas & avaritiâ etiam ipsa est ac nominatur *dolorum servitus*, Eph. 5. v. 5. & Eph. 3. v. 5. Sponte sequuntur Diaboli partes.

3. Hi tantum abest ut resipuerint ad agendam pœnitentiam, ut obstinationes sint effecti cum in suo quisque genere idololatriæ : tum in aliis vitiis quæ

inundabunt terram; *homicidia, veneficia, luxuria, furta*, & omne genus injustitiæ, quorum pattatores computantur cum idololatriis.

Sclera.

Quod attulimus de cultu magni Idoli qui sit Antichristus, præsentit & recensuit hanc idololatriam S. Irenæus lib. 5. cap. 25. ubi de Antichristo sic ait : *Idola quidem seponens ad suadendum quod ipse sit DEUS, se autem extollens UNUM IDOLUM, habens, in semetipso reliquorum idolorum varium errorem : ut hi qui per multas abominationes adorant Diabolum, per hoc unum Idolum serviant ipsi.*

TRACTATUS XIV.

IN CAPUT X.

Immoramur iis, quæ pertinent ad TUBAM SEXTAM. Et est Summa Capitis, hujus & sequentis finem imponere Diphtheræ ac Tempori.

VERBA APOCALYPSEOS.

(Cap. 10. Versu 1.) *Et vidi alium Angelum fortem descendentem de cælo amictum nube, & iris in capite ejus, Et facies ejus erat ut sol, & pedes ejus tanquam columnæ ignis. (v. 2.) Et habebat in manu sua librum apertum : Et posuit pedem suum dextrum super mare, sinistrum autem super terram. (v. 3.) Et clamavit voce magna; quemadmodum cum leo rugit : Et cum clamasset, locuta sunt septem tonitrua voces suas. (v. 4.) Et cum locuta fuissent septem tonitrua voces suas, ego scripturus eram : & audiui vocem de cælo dicentem mihi : Signa quæ locuta sunt septem tonitrua, & noli ea scribere, (v. 5.) Et Angelus, quem vidi stan-*
tem

tem super mare, & super terram, levavit manum suam ad cælum. (v. 6.)
 Et iuravit per viventem in sæcula sæculorum, qui creavit cælum, & ea
 quæ in eo sunt, & terram, & ea quæ in ea sunt, & mare, & ea quæ in eo
 sunt: Quia tempus non erit amplius: (v. 7.) sed in diebus vocis septimi
 Angeli, cum cæperit tuba canere, consummabitur mysterium Dei, sicut
 evangelizavit per servos suos Prophetas. (v. 8.) Et audiui vocem de
 cælo iterum loquentem mecum & dicentem: Vade & accipe librum
 apertum de manu Angeli stantis super mare, & super terram. (v. 9.)
 Et alii ad Angelum, dicens ei, ut daret mihi librum. Et dixit mihi: Ac-
 cipe librum & devora illum, & faciet amaricari ventrem tuum, sed in
 ore tuo erit dulce tanquam mel. (v. 10.) Et accepi librum de manu An-
 geli, & devoravi illum: & erat in ore meo tanquam mel dulce: & cum
 devorasssem eum, amaricatus est venter meus: (v. 11.) Et dixit mihi:
 Oportet te iterum prophetare gentibus, & populis, & linguis, & regi-
 bus multis.

§. I.

Apparitio Angeli.

Fortis :
 descen-
 dens, in
 nube.

1. **J**Am ex Libro Diphtheræ osten-
 sæ solus restat umbilicus: & tem-
 pus mundi ante iudicium breve.
 Ad hoc significandum apparet
Angelus fortis, tali in habitu in quo re-
 præsentat imminentem Judicem:
FORTEM enim ad ulciscendum se
 de inimicis suis: **DESCENDEN-**
TEM DE COELO, sic enim ve-
 niet quemadmodum visus ascendere,
Act. 1. v. 11. AMICTUM NUBE,
 quia in illa veniet **Luc. 21. v. 27.**

Iris ca-
 pitis.

2. **IRIS IN CAPITE EJUS:**

quia memor pacti quod inuit, & pro-
 missi quod fecit servis suis quos venit
 muneraturus. **FACIES EJUS UT**
SOL: transfiguratus enim & clarifica-
 tus, ac Judex nunc qui fuerat olim de-
 spectus ac judicatus.

3. Sicut autem in capite Iris proe-
 lectis: ita **PEDES** sunt **TAN-**
QUAM COLUMNÆ IGNIS na ignis,
 ad conculcandos & ad exu-
 rendos reprobos.

Pedes,
 colum-
 næ ignis.

M

§. II.

§. II.

Libellus in manu.

Libellus.

1. **D**icitur Angelus, qui illum representat, ostendisse IN MANU SUA LIBELLUM APERTUM; eundem illum, quem antea promulgaverat clausum, cap. 5. v. 2; sciscitatus quisnam mereretur aperire. Ubi illud observatu dignum, quod cum in toto illo quinto capite dicatur Liber, hic jam dicatur *Libellus*: immo in græco textu originali, βιβλαρίδιον id est Libellulus, quo nomine Joannes utitur toto hoc jam in capite, versibus 2. 8. 9. & 10. quater appellans Libellulum. Causa est, quod ejus Libri qui antea scriptus intus & foris, cum primum aperiretur, erat copiosior, brevis admodum adhuc restet lectio.

2. Ea est reliquum illud ex diphthera aperta, quod ultimò pertinet ad sextam Tubam; videlicet, status rerum proximè & sub tempus Antichristi: deproperante mundo ad exitum & exitum. sanè libellulus, id est materia brevissimi temporis, extrema pars Diphtheræ: quàm difficilis postea digestionis, tam devoratu antea facilis.

3. Latinus quidem interpres postquam appellasset Libellum, deinceps utitur nomine LIBRI: quoniam utique ita est Libellulus mole, ut virtute rerum quæ continentur ac pondere sit instar Libri.

Materia libelli.

Et libellus & liber.

§. III.

Reliqua de Angelo & Libro.

Pedes super mare & terram.

1. **S**equitur in Apocalypsi de illo forti Angelo: POSUIT PEDEM SUUM DEXTRUM SUPER MARE, SINISTRUM AUTEM SUPER TERRAM: Utrumque ignitum. Quo significatur, quod per adventum Domini, ut loquitur S. Petrus ep. 2. cap. 3. v. 12. *elementa ignis ardore tabescent*, & habitatio mortalium, terra & mare, exuretur. Et quia mare in Evangelio

solet accipi pro sæculo iniquo, terræ autem bona est promissio quædam, & possessio sancta (ut Matth. 5. v. 4.) Idè potest dici quod mare pede igneo prius & fortius prematur; ut maritumorum fiat combustio, terra verò ut excoquatur igni.

Eo igitur situ dum præmonstraret futurum Judicium, CLAMAVIT VOCE MAGNA, QUEMADMODUM CUM LEO RUGIT: illius

Clamar.

CAPUT X.

91

illius prænuntius magnæ vocis de qua prophetatum est Amos 3. v. 8. *Leo rignat, quis non timebit?*

7. Tonitrua:

2. Simulac Angelus clamasset, LOCUTA SUNT SEPTEM TONITRUA VOCES SUAS. Præsignificatur his tonitruis sententia Tonantis in extremo illo tribunali contra impios: & audiuntur septena; tum quia universale iudicium est, quod significat septenarius; tum quia universus Ordo impiorum sic ferietur, ut sit contra unumquodque genus vitiosorum suum proprium tonitru Judicis, pro diversitate septem scelerum capitalium.

Obfig-
nata.

Sed has voces SCRIPTURUS Joannes inhiabitur imperio vocis alius DE COELO, *σπαργισαν*; id est obfigna, QUÆ LOCUTA SUNT SEPTEM TONITRUA, ET NOLI EA SCRIBERE: secretum est enim quidquid in illa die pro iudicio revelabitur, & tunc pro tonitruo audietur ab omnibus.

Juramē-
tum de
Tuba se-
ptima.

His gestis, eodem suo manens Angelus in situ pedum super mare & terram, levat MANUM (quod simul est comminantis:) ac jurat PER VENTEM IN SÆCULA, Creatorem Cœli, terræ, maris & omnium quæ in eis sunt, condita in usus humanos: ut primum COEPERIT audiri TUBA SEPTIMI ANGELI, TEMPUS NON fore AMPLIUS; neque enim Cœlo motum, neque hominibus spatium operandi suam salutem: sed incipiente, inquit, illo sono tubæ CONSUMMABITUR

MYSTERIUM regni DEI; toto eo quod prædictum fuit in Evangelio & in Prophetis impleto. Respicitur ad Caput 12. Danielis, v. 7. ubi vir inductus lineis similiter jurat per viventem in æternum; quia in tempus & tempora & dimidium temporis; & addit, complebuntur universa hæc.

3. Audierat S. Joannes vocem è Devoratio Libræ. Cœlo de signandis tonitruis nec scribendis. Audit ITERUM ex eodem COELO VOCEM, quæ jubente vadit & accipit DE MANU ANGELI Librum, qui modò dicebatur libellus, APERTUM: atque eo exhortante devorat. ad eum modum quo Prophetæ Ezechieli porrectus est liber comedendus, simili effectui. Visus est IN S. Joannis, sicut & in S. Ezechielis, ORE Liber dulcis TANQUAM MEL, at in ventre deprehensus est amarus: quia omnis per seipsa cognitio futurorum, Deo præsertim revelante, dulcis & sapida est, quamvis adversorum: at res cognita & ruminata creat amaritudinem ruminanti.

Denique citò devorabatur ut libellus: at ruminatus in ventre non secus erit ac Liber; materia integra ITERUM prophetandi, simul & eructatu amarissima: nec jam tantummodò de Asia, neque ad illam potissimum solam, sed de omnibus GENTIBUS & ad illas; ad populos omnium linguarum, & ad Reges quorum toto orbe res agetur.

M 2

TRACTA-

TRACTATUS XV.

IN CAPUT XI.

Materia iterum prophetandi (quod fuerat iussus) congesta perstringitur summam, pertinens ad Tubam sextam, & finiens in Tuba septima.

VERBA APOCALYPSEOS.

(Cap. 11. Vers. 1.) Et datus est mihi calamus similis virgæ & dictum est mihi: surge & metire templum Dei, & altare, & adorantes in eo. (v. 2.) atrium autem, quod est foris templum, ejice foras, & ne metiaris illud: quoniam datum est gentibus, & Civitatem sanctam calcabunt mensibus quadraginta duobus: (v. 3.) & dabo duobus testibus meis, & prophetabunt diebus mille ducentis sexaginta, amicti saccis. (v. 4.) Hi sunt duæ Olive, & duo candelabra, in conspectu Domini terra stantes. (v. 5.) Et si quis voluerit eos nocere, ignis exiet de ore eorum, & devorabit inimicos eorum: & si quis voluerit eos ledere, sic oportet eum occidi. (v. 6.) Hi habent potestatem claudendi cælum, ne pluat diebus prophetarum ipsorum: & potestatem habent super aquas convertendi eas in sanguinem, & percutere terram omni plaga quotiescunque voluerint. (v. 7.) Et cum finierint testimonium suum, bestia quæ ascendit de abyssu, faciet adversus eos bellum, & vincet eos, & occidet eos. (v. 8.) Et corpora eorum jacebunt in plateis Civitatis magnæ, quæ vocatur spiritualiter Sodoma, & Ægyptus, ubi & dominus eorum crucifixus est. (v. 9.) Et videbunt de tribubus, & populis, & linguis, & gentibus corpora eorum per tres dies & dimidium: & corpora eorum non sinent poni in monumentis. (v. 10.) Et inhabitantes terram gaudebunt super illos, & jucundabuntur: & munera mittent invicem, quoniam hi duo Prophetæ cruciaverunt eos, qui habitabant super terram. (v. 11.) Et post dies tres & dimidium, spiritus vitæ à Deo intravit in eos: Et steterunt super pedes suos, & timor magnus cecidit super eos, qui viderunt eos. (v. 12.) Et audierunt vocem magnam de cælo, dicentem eis: Ascendite huc.

, huc. Et ascenderunt in cælum in nube, & viderunt eos inimici eorum.
 , (v. 13.) Et in illa hora factus est terræ motus magnus, & decima pars
 , Civitatis cecidit: & occisa sunt in terra motu nomina hominum septem
 , millia: & reliqui in timorem sunt missi, & dederunt gloriam Deo cæli.
 , (v. 14.) Væ secundum abiit: & ecce Væ tertium veniet cito. (v. 15.) Et
 , septimus Angelus tuba cecinit: & facta sunt voces magna in cælo di-
 , centes: factum est Regnum huius mundi, Domini nostri & Christi ejus,
 , & regnabit in sæcula sæculorum; Amen. (v. 16.) Et viginti quatuor
 , seniores, qui in conspectu Dei sedent in sedibus suis, ceciderunt in facies
 , suas, & adoraverunt Deum dicentes: (v. 17.) Gratias agimus tibi Do-
 , mine Deus Omnipotens, quies, & qui eras, & qui venturus es: quia ac-
 , cepisti virtutem tuam magnam, & regnasti. (v. 18.) Et irata sunt
 , Gentes, & advenit ira tua, & tempus mortuorum judicari, & redde-
 , re mercedem servis tuis Prophetis, & sanctis, & timentibus nomen
 , tuum pusillis & magnis, & exterminandi eos qui corruperunt terram.
 , (v. 19.) & apertum est templum Dei in cælo, & visa est arca testamenti
 , ejus in templo ejus, & facta sunt fulgura, & voces, & terræ motus, &
 , grando magna.

§. I.

Templi angustia, & calcatio sanctæ Civitatis.

Cala-
mus:

1. **D**atur Joanni CALAMUS seu arundo mensoria: hanc definit Ezechiel cap. 40. v. 5. sex cubitorum & palmi: ad quem locum Ezechielis respicitur, in quo Angelus metitur calamo ædificium Templi, ubi S. Hieronymus: *calamus mensura in manu ejus, designat gratiam Prophetalem*. Dicitur S. Joanni: SURGE à ruminatione Libri, ET METIRE TEMPLUM DEI, ET ALTARE, ET ADORANTES IN EO. Dimensio hæc indicat in novissimo temporum fore Templum Dei angustum

Metien-
do Tem-
plo.

quod facile sit illimet metiri: id est, Ex-
 ercitiū Religionis, publicum præ-
 fertim, arctius: cultum altaris curtum
 & sine consueta majestate: veros etiam
 adoratores paucos: Clerum & popu-
 lum Dei in probatione constantiæ &
 in angustia. Nam ATRIUM Gen-
 tium, illud vastum, jubetur non metiri,
 sed ejicere foras: id est, amplitudinem
 impiorum; qui aut circum Ecclesiam
 degunt, at extra illam; aut vitam co-
 ram Deo profanam agunt & instar
 Gentium. Merito dicitur calamus, is
 qui datus est, SIMILIS esse VIRGÆ:

Similis
virgæ.

M 3

quæ

quæ significat primò Justitiam vſitan-
tis in virga (ps. 88. v. 33.) ſecundò re-
ſtitutionem Dei (ps. 44. v. 7.) virgam
directionis, qua omnia metitur: tertio
providentiam, qua omnia moderatur;
eſt enim etiam virga ſceptrum in Scri-
pturis (ps. 109. v. 2. Eſth. 5. v. 2. &c.

Calcatio
civitatis.

2. Audit *calcatum* iri SANCTAM
CIVITATEM, Eccleſiam Dei, per
Antichriſtianos, MENSIBUS QUA-
DRAGINTA DUOBUS: quod
eſt ſpatium trium annorum & dimidii:
ut habet communis SS. Patrum tradi-
tio, fundata in conſenſu Danielis cum
Anni 37. Apocalypſi. Nam & in prophetia Da-
nielis cap. 7. v. 25. ſic legitur; *uſque ad*
tempus & tempora & dimidium tempo-
ris: & Apocalypſis conſtanter triplici
diverſo calculo eundem exprimit ac-
curatè numerum: bis quidem men-
ſium, qui ſunt 42. (hoc cap. 11. v. 3. &
Cap. 13. v. 5.) bis item dierum, qui ſunt
1260. (hic v. 4. & Cap. 12. v. 6.) ita, ut
cuique menſi aſſignentur dies 30. ex
more tam Hebræorum & Chaldæo-
rum quàm Græcorum. ſemel verò
temporum (cap. 12. v. 14.) id eſt anno-
rum, ipſiſmet verbis Danielis. In
hanc interpretationem de regno An-
tichriſti conſpirant omnes SS. Docto-
res: ut meritò credatur ab ipſis Apo-
ſtolis eſſe derivata. Ita enim vetuſtiſſi-
mus S. Irenæus lib. 5. cap. 25. Sanctos
Aliiſſimi conteret, & cogitabit demutare
tempora & legem: & dabitur in manu
eius uſque ad tempus temporum & dimi-
dium tempus, hoc eſt, triennium & ſex
menſes in quibus veniens regnabit ſuper
terram. & cap. 30. cùm vaſta verit An-
tichriſtus hic omniam hoc mundo, reg-

gnans annis tribus & menſibus ſex, &
ſederit in Templo Hieroſolymis: tunc ve-
niet Dominus de Cælis in nubibus. ita
ille. Et S. Hieronymus, is qui teſte S.
Auguſtino omnes penè ſcriptores le-
gerat, in caput Danielis ſeptimum, v.
25. Et tradetur, ait, in manu eius uſque
ad tempus & tempora & dimidium tem-
poris. tempus annum ſignificat: tempora
juxta Hebræi ſermonis proprietatem,
nam & ipſi dualem numerum habent,
duos annos præfigurant: dimidium autem
temporis ſex menſes. Et S. Auguſtinus
lib. 20. de Civ. cap. 8. tribus annis &
menſibus ſex legitur totis ſuis ſuorumque
viribus ſerviturus. Et cap. 23. tempus
quippe & tempora & dimidium tempo-
ris, annum eſſe, & duos & dimidium;
ac per hoc tres annos & ſemiſſem; etiam
numero dierum poſteriori poſito diluceſcit:
aliquando in Scripturis & numero men-
ſium declaratur. addit: ſic ergo dicta ſunt
tempora, tanquàm dicerentur duo tem-
pora. Hæc Auguſtinus.

Numeratur enim hîc Antichriſti
non ætas omnis & quies ſubdola, ſed
illud tempus quo is aſcendet ad ſum-
mum potentia, oſtentabitque ſe Chri-
ſtum, ac perſecutionem inſtituet om-
nino omnium quotquot fuerunt aper-
tiſſimam ac pernicioſiſſimam anima-
bus ſeducendiſ. ferè ſicut Chriſti Do-
mini (quem æmulatur Diabolus in o-
mnibus) prædicatio & doctrina ſo-
lemnis, quâ ſe geſſit pro Meſſia, dura-
vit annis tribus & dimidio.

3. Quod autem initium hoc nume-
rationis in Apocalypſi fiat à menſibus
priuſquàm per dies & tempora: nec
id quidem putamus carere myſterio, de
quo

Com-
putus
menſium.

quo diximus Tractatu 12. §. 2. tūc quia tempus hoc Antichristi concurret connecteturque cum Luna Mahometana: tūc quia ipsummet erit obnoxium variis mutationibus, pro vario ingenio & identidem novis technis ac machinationibus Antichristi; qui mutabit susque deque res omnes in mundo: *putabit*, ait Daniel cap. 7. v. 25.

quod possit mutare tempora & leges, quæ mutationes erunt & atrocitate & numero longè superiores quàm illæ proximè præcedentes in Imperio Turcico sibi interea relicto (id est, nondum possessio per Antichristum:) tamen brevitate & multò inferiores duratione, quàm Imperium Turcarum.

§. II.

Duo Testes.

Testes:

Audit præterea in illa tam extraordinaria tentatione *daturum* esse fidelem DEUM ut adsint extraordinarii duo Testes, restituri prophetiâ suâ & prædicatione. Vocantur TESTES per antonomasiam: quoniam hi ducunt agmen eorum qui dicent testimonium pro vero Christo, voce primū, dein sanguine.

Duo:

Congruum erit, esse omnino DUOS: ob tres causas. primò quia juxta legem Judæorum, ad quos sic extraordinem mittuntur; *in ore duorum aut trium testimonium stabit omne verbum*, Deut. 19. v. 15. quod etiam citat Christus Joan. 8. v. 17. *in lege vestra scriptum est quia duorum hominum testimonium verum est*. Deinde, duo ad eisdem Judæos, qui recipiunt utramque Legem: naturæ, cujus meminit Moyses in tota Genesi; & scriptam, ab eodem Moysè & à Prophetis: & utrobique legunt de illis duobus raptis à DEO. Tertio, duo ad omnes gentes: ut accedente duplici hoc testimonio ad te-

stimonium Evangelii, ex omni sit statu hominum, ante, in, & post legem, attestatio evidens de Cælo trium, quod est omnium, de stirpe humana.

Venient AMICTI SACCIS; ut *Amicti saccis*. hortatores ad pœnitentiam & ad luctum: is enim passim agi describitur à Scriptura, in saccis: 2. Reg. 3. v. 31. à Davide super funere Abneris; *Accingimini saccis & plangite*. 2. Esd. 9. v. 1. de filiis Israël; *in jejuniis & in saccis*. Esthier. 4. v. 1. de Mardocheo; *indutus est sacco*. Isa. 37. v. 1. de Ezechia; *obvolutus est sacco*. Baruch. 4. v. 20, *indui autem me sacco*. Daniel cap. 9. v. 3. de semet; *in jejuniis, sacco, & cinere*. Jonæ 3. v. 5. de Ninivitis; *vestiti sunt saccis*. & v. 6. de Rege; *indutus est sacco*. &c. Quantò magis illà tempestate luctus Ecclesiæ, & prædicatione pœnitentiæ universalis?

In horum duorum Testium tam Calculi celebri prædicatione præfertur calculus *dierum*: propterea quia nullo non rum. die continuata erit, & cum expectatione

tionem quotidianā & præparationem sui
suorumque in dies ad subeundum
martyrium.

Duæ o-
livæ &
candela-
bra.

HI SUNT DUÆ OLIVÆ. fru-
ctiferi pacis æternæ (ut est oliva sym-
bolum pacis) quam nuntiant futuram
post persecutionem exantlatam: ET
DUO CANDELABRA Ecclesiæ
in sustinenda luce veræ doctrinæ. Ara-
bica versio sic habet v. 5. *Hi sunt duæ
radices olivarum.* Septuaginta inter-
pretes: *rami olearum.* Zacharias pro-
pheta cap. 4. v. 11. *duæ olivæ:* & v. 14.
isti sunt duo filii olei; sic dicti sunt à pin-
guedine spiritus & gratiæ. vel ut ex A-
quila interprete addit S. Hieronymus,
filii splendoris & claritatis: quia prælu-
cebunt Judæis luce doctrinæ & ex-
empli.

Stant:

IN CONSPECTU inquit Apo-
calypsis, DOMINI TER RÆ
STANTES: quod Zacharias l. c. di-
xit: *qui assistunt Dominatori universæ
terre.* Dicuntur antequam appareant,
stare, in magna expectatione suæ Le-
gationis in universam terram, & altā
interim contemplatione in conspectu
Domini terra: neque enim adhuc in
conspectu Beatifico Domini Cæli: si-
quidem ita rapuit utrumque à terra
dominator Deus, ut ad eam remittan-
tur in fine sæculi.

In con-
spectu
Domini
natoris
terre.

Thau-
maturgi
ambo.

Quinam
illi?

Erunt & patratores miraculorum,
cum POTESTATE cœlii accē-
ptā: oppositi potentiæ Antichristi &
signis ac prodigiis illius. Atque alter
quidem illorum quisnam sit, apertè in-
sinuatur: dum fit mentio (v. 5.) IGNIS
exeuntis EX ORE id est ad verbum
illius, prout dicitur Eccli. 48. v. 1.

verbum ipsius quasi facula ardebat; &
devorantis advertatios; 4. Reg. 1. v. 10.
& 12. itēque oclusi Cæli NE
PLUAT, 3. Reg. 17. v. 1. quæ est de-
scriptio Eliæ. de illo enim expresse
Scriptura, Malach. 4. v. 5. & 6. *Ecce*
ego mitam vobis Eliam prophetam, an-
tequam veniat dies Domini magnus &
horribilis: Et convertet cor patrum ad
filios, & cor filiorum ad patres eorum. Et
Eccli. 48. v. 9. *qui receptus est in turbine*
ignis, in currum equorum igneorum: qui
scriptus est in iudiciis temporum lenire ira-
cundiam Domini, conciliare cor patris ad
filium, & restituere tribus Jacob. Fuis-
seque eam apud Judæos traditionem
ostendit interrogatio, ex Joanne, Le-
gatorum; illa Hierosolymis, Joan. 1.
postquam confessus esset se non esse
Christum: v. 21. *Elias est tu?* Cui etiam
assentitur Christus Matth. 17. v. 11.
Elias quidem venturus est, & restituet
omnia: præcursor Adventus mei secun-
di, sicut Joannes Baptista est primi.

De altero communior est sensus
Ecclesiæ & omnino retinendus: fore
Enochum. quoniam æquè translatus
est ac Elias: sicut enim scribitur Gen. 5.
v. 24. *Ambulavitque cum DEO & non*
apparuit: quia tulit eum Deus. Nam
quod Moyse fuerit data potestas de
qua hîc fit mentio, CONVERTEN-
DI AQUAS IN SANGUINEM,
& percutiendi PLAGA pro libitu;
non pugnat quin similis potestas dan-
da sit Enocho & Eliæ: ac sufficit ipsum
Moysem dedisse testimonium Enocho
quod transfulerit illum Deus (l. c.) de
Moyse autem expressum esse in Scri-
ptura quod obierit diem suum; Deut.

34. v. 5.

34. v. 5. & in ep. S. Judæ: v. 8. Adeo ut nulla restet iusta suspicio de Moysæ. Multo minus de Joanne Evangelista valet conjectura ex verbis Christi Joan. 21. v. 22. quia eo ipso in loco v. 23. refutatur, dicente Evangelista, non fuisse eum Christi sensum: & aliunde constat eum obiisse Ephesi. Denique Sacra Scriptura clarissime affert causam translationis Enoch, Eccli. 44. v. 16. *Henoch placuit Deo, inquit, & translatus est in paradysum, ut dei gentibus poenitentiam.*

Ex Patribus. Accedunt Patres antiqui: Tertullianus lib. de anima, cap. 28. *translatus est Enoch & Elias, nec mors eorum recepta est, dilata scilicet: ceterum morituri reservantur ut Antichristum sanguine suo extinguant.* & lib. de resurr. carnis (ante finem libri:) *Enoch & Elias de orbe translati, & hoc ipso jam eternitatis candidati.* Auctor Tractatus de montibus Sina & Sion (inter opera S. Cypriani:) *Henoch translatus est ad confundendum & revincendum Antichristum.* S. Ambrosius in 1. Cor. 4. v. 9. *passuri sunt Enoch & Elias, qui ultimo tempore futuri sunt Apostoli: mitti enim habent ante Christum, ad præparandum populum Dei & muniendas omnes Ecclesias ad resistendum Antichristo.* S. Hieronymus ep. 148. ad Marcellam: *de Henoch autem & Elia quos venturos Apocalypsis refert & esse morituros.* S. Aug. lib. 9. de Gen. ad lit. cap. 6. *creduntur redituri ad hanc vitam, & quodamdiu dilatum est, morituri.* S. Greg. lib. 9. mor. cap. 3. *Hinc est quod duo illi predicatorum eximii dilata morte subtrahi sunt, ut ad præ-*

dications usum in fine revocentur. Claudat agmen S. Doctor Angelicus 3. p. q. 49. a. 5. ad 2. *Elias sublevatus est in Cælum ærium, non autem in Cælum empyreum qui est locus Sanctorum: & similiter etiam Enoch raptus est in paradysum terrestrem: ubi cum Elia simul creditur vivere usque ad adventum Antichristi.*

3. Sequitur in revelatione facta Joanni: fore ut Bestia hos duos, à quibus fuerit sermone ac miraculis convicta, bello id est latrocinio corporum vincat, post expletum prædicationis ipsorum tempus, & occidat Hierosolymis. Ipsa est enim civitas UBI DOMINUS CRUCIFIXUS EST: quæ vocatur SPIRITUALITER SODOMA ob clamorem impietatis, ET ÆGYPTUS ob persecutionem verorum Israëlitarum id est Christianorum: sedes Regia pseudo-Christi, in qua magnificentissime instaurata, & in Templo Dei, illo (per ampliatiorem; ut loquimur) quod fuit Dei, omnium celebratissimo, residebit ostendens se tanquam sit Deus 2. Thess. 2. v. 4. In cujus civitatis plateis jacebunt corpora utriusque insepulta, tanquam sepulchro sint indigni, abjecta feris: tripudiantibus impiis & invicem gratulantibus quod liberati sint eorum invisâ prædicatione, minis, & miris quæ contemnent ut prætigiis.

Hic est interfector duorum Testium & pseudo-Christus Rex, à quo procalcabitur sancta Civitas Ecclesia, ut dixerat v. 3. cujus Imperii sub nomine Bestiæ prima sit hic & obiter mentio,

N

non

Occidetur à Bestia.

non nisi hoc brevissimo verbo ; BESTIA, inquit, QUÆ ASCENDIT DE ABYSSO. Sed huic nomini ac Visioni Bestiæ, hujusque descriptioni reservatur locus cap. 13. v. 11. & seqq.

Redivi-
vi ascen-
dent.

Ad Extremum prophetatur fore, ut post TRES ET DIMIDIUM DIES hi duo testes & Archimartyres ab illa nece suscitantur divinitus v. 11. SPIRITUS VITÆ, inquit, id est anima vivificans, INTRAVIT IN EOS. simul erigent sese in PEDES, & stabunt in magna sua constantia Sap. 5. v. 1. cum timore cernentium. Protinus, evocati voce DE COELO, ascendent IN NUBE, palam oculis adversariorum : calumniante Antichristo hanc vocem & ascensum ut præstigiosum. IN ILLA HORA, id est circa idem tempus (quod significat græcum ὥρα,) molietur Antichristus suum ascensum solemnem ; de quo infra Tract. 24. & deicietur inter fulmina. Fient hæc cum TERRÆMOTU magno, concussione animarum inprimis, quo motu cadet DECIMA PARS CIVITATIS id est collectionis ac reip. Antichristianæ & labefactabitur Regnum Antichristi. Succumbent in illo insperato tremore salubriter OCCISA (ut dicitur Cap. 20.) gladio spiritus atque igne de Cælo SEPTEM MILLIA NOMINA HOMINUM : hoc est, nominatissimi quique & illustres ex æcclesiis Antichristi, primoribus Judæorum ac, sicut Saulus olim, in centonibus persecutio-

Terræ-
motus.

nis. Unà cum commotione universæ terræ rationalis, & mutatione reliquorum ad TIMOREM DEI ac reverentia à falso suo Messia ad Christum : juxta illud Scripturarum vaticinium, & ut exclamans cum admiratione Apostolus appellat, mysterium, Rom. 11. v. 26. & seqq. ut sic omnis Israel salvus fieret ! & addit hoc vaticinatum esse de Judæis Isaiam cap. 59. v. 20. eis qui redierunt ab iniquitate in Jacob. Simile quid accidit repentinum in terræmotu in morte Christi : quando omnis turba eorum qui simul aderant ad spectaculum istud, percutientes pectora sua reverterebantur Luc. 23. v. 48.

Valuerunt ad hanc conversionem prodigiosam triennalis prædicatio duorum testium, & post illam in omnium oculis ascensus gloriosus : atque è contrario ille tragicus Antichristi quo illis insultaturus efferetur à demonibus. illicò ut pervenerit usque ad summitem montis inclyti, Dan. 11. v. 45. jussu Christi destitueretur omni auxilio, & fulmine percussus, à terra dehiscente absorberetur : unà deletis æcclesiis qui pertinaces interibunt in sua infidelitate. Tunc enim plenissimè verum erit quod hic v. 13. dicitur ; RELIQUI IN TIMOREM SUNT MISSI, ET DEDERUNT GLORIAM DEO COELI : quod intenderat Angelus tubicen sextus.

At de his tam breviter dictis, ac velut devoratis, fusiùs & clariùs in secunda Parte Apocalypseos sequente.

Profuit
Cantus
Tubæ.

§. III.

§. III.

Tuba septima quod est Væ tertium.

1. **A**Tque hic est finis Væ secundi; quod erat de Regno Antichristi & per illum seductione: de quo Joannes; VÆ, inquit, SECUNDUM ABIIT: & quod superest, subjungit; VÆ TERTIUM VENIET CITO, quod erit cantus TUBÆ SEPTIMI ANGELI ad Judicium.

Væ citò. Dum dicit venturum citò: insinuat superfore, post conversionem Judæorum & mortem Antichristi, spatium adhuc temporis Deo soli cognitum: nam de die illo & hora nemo scit, neque Angeli Cælorum, Matth. 24. v. 36. Quo etiam tempore intermedio ante illam ultimam Tubam; dilatato ædificio Ecclesiæ & amplificato ac stabilito simul utroque pariete, Judæorum iterum & Gentium, sensim refrigescet fervor pietatis atque irrepet dissolutio morum & impietas: usque eò, ut quod prædixit Dominus in Evangelio l. c. v. 38. & 39. futuri sint sicut in diebus Noë comedentes & bibentes, nubentes & nuptui tradentes &c. ita erit, inquit, & adventus Filii hominis. & Luc. 17. v. 28. sicut factum est in diebus Lot: edebant & bibabant, emebant & vendebant, plantabant & ædificabant &c. secundum hæc erit quâ die Filius hominis revelabitur, quæ erit ingens oblivio salutis operandæ: quam oblivionem tribuit Christus inopiæ fidei Luc. 18. v. 8. Filius hominis veniens, putas, inveniet

fidem in terra? neque enim eam quam quærit (quæ per charitatem operetur Gal. 5. v. 6.) & sine qua nihil est omne quod invenit. ET ECCE, id est ex improvviso, inquit Apocalypsis, Væ tertium: *repentina dies illa, tanquam latuens*; Luc. 21. v. 34. & 35.

2. Etenim hoc jam tertium Væ sine ulla dubitatione fore diem ultimum mundi & horam Judicii extremi, juratus asseveravit Angelus fortis Cap. præcedente v. 6. & 7. *tempus, ait, non erit amplius, sed in diebus vocis septimi Angeli*, CUM COEPERIT tubâ canere, consummabitur &c. De quo Tubæ cantu Apostolus 1. Thess. 4. v. 15. *in voce Archangeli & in Tuba Dei descendet de Cælo Judex*; & 1. Cor. 15. v. 52. *in novissima Tuba; canet enim tubâ & mortui resurgent.*

ET FACTÆ SUNT, inquit, VOCES MAGNÆ IN COELO: de quibus Matth. 24. v. 31. *mittet Angelos suos cum tuba & voce magna, & congregabunt electos ejus à quatuor ventis.* Inter has voces magnas ista quam audivit Joannes de Cælo: FACTUM EST REGNUM HUIUS MUNDI, DOMINI NOSTRI ET CHRISTI EJUS; id est, actum est de Regno Principis mundi ET REGNABIT Christus IN SÆCULA SÆCULORUM: quod est votum & applausus Cæli resonantis; AMEN.

N 2

Et

Et adoratio 24. SENIORUM, cum gratiarum actione erga Omnipotentem, qui est & qui erat & qui venturus est, quod accepta virtute sua magnâ regnet. Et quia inquit, sicut antea IRATÆ SUNT GENTES juxta psal. 2. v. 1. quare fremuerunt gentes? ita nunc ADVENIT è contrario IRA TUA & ultio, ET TEMPUS MORTUORUM resurrectionis ac iudicii, ad reddendam MERCEDEM SERVIS TUIS & ad exterminandos velut diluvio universali EOS QUI CORRUPERUNT TERRAM. Respicitur enim eâ phrasi ad Gen. cap. 6. v. 11. corrupta est terra coram Deo & repleta est iniquitate.

Facies
Judicis :

3. Simul his vocibus terrentur aures impiorum; simul oculi deliniuntur eorum ad quos dicitur Luc. 21. v. 28. respicite & levate capita vestra.

Magna & beata tranquillitas electorum in illa trepidatione Universi! APERTUM EST enim, inquit, IN COELO quasi TEMPLUM DEI: & in eo VISA EST sacrosancta Humanitas Christi quasi ARCA TESTAMENTI ejus, propitiationi & fœderi suis electis; Inter FULGURA quibus conflaturus jam jam est orbis; & VOCES quarum exitiales illæ ululantium ad montes & colles præ timore Judicis; & emotionem terræ; & grandinem quâ comminuentur omnia terrena. Enimverò horrendus erit MOTUS reproborum & TERRÆ illis dehiscens: eritque sententia quæ illos dejiciet ad inferos & conteret,

Placida
electis:


Horren-
da re-
probis.

GRANDO MAGNA :
qui est finis mundi &

FINIS PRIMÆ PARTIS APOCALYPSEOS.








APOCALYPSEOS

PARS SECUNDA.

Accuratè, breviter, & clarè
EXPLANATA.



APOCALYPSEOS

PARS SECUNDA.

Prophe-
tatur ite-
rum.

DUO iussus erat S. Jo-
annes: Apocalypseos
cap. 10. in fine: pri-
mum, v. 9. *devorare Li-*
bellum, & in ventre memo-
riae suae ruminare quae in eo
scripta supererant; nimirum
de Antichristo & de novissi-
mis temporibus illi proximis.
Alterum, v. 11: *devorata eru-*
ctare ac palam mundo prophe-
tare. Et addita fuit particula,
iterum; quae significabatur, in
hac secunda parte Apocalyp-
seos iterare oportere illa quae
ex praecedentibus egent
repetitione: tum de Anti-
christo ipso: tum quia perdu-
raverint usque ad Antichri-
stum, & ut constet in quo sta-
tu ille inventurus sit Eccle-
siam: tum ut enucleatius in-
culcentur & distinctius prae-
signentur. Quod cum alio
fiat modo, & variatis quibus-
dam additisve circumstantiis,
& per alia nova hierogly-
phyca praedoceantur bis ea-
dem in tanti momenti mate-

ria; suam affert copiosam u-
tilitatem, eamque triplicem.
Primo, valet ad majorem
confirmationem & persuasio-
nem rei. solenne est enim S.
Scripturae in rebus magnis &
arcanis eandem rem praefigu-
rari aut prophetari per plura
& diversa emblemata. Ex-
empli causa, in Visione gema-
na quae oblata est Pharaoni
septem boum, & septem spi-
carum, Gen. 41. quam cum
edisseruisset Joseph Patriar-
cha, subjungit v. 32. *quod au-*
tem vidisti secundo ad eandem
rem pertinens somnium, firmita-
tis indicium est, eo quod fiat sermo
DEI & velocius impleatur.

Utilitas
prophe-
tiae itera-
tae:

Secundo, quoniam in ea-
dem re occurrunt plures pro-
prietates vel adjuncta obser-
vanda; ita ut una similitudo
seu imago proposita non ex-
hauriat totam rei veritatem;
valet plurimum, ad expres-
sius atque explicatius reprae-
sentandum, plures afferri hu-
jusmodi comparationes.

A 3 quod

quod maximè locum habet in Apocalypsi in qua eadem proponuntur cum additis aliis circumstantiis.

Hujus
præfer-
tim.

Tertiò, id quod proprium est Apocalypsi: ut ea, quæ dum & in genere prædixerat, applicet novissimis temporibus, quasi novam prophetiam de omnium ultimis & gravissimis periculis.

Vidit hoc S. Augustinus lib. 20. de Civ. cap. 17. cùm enim dixisset, esse multa in Apocalypsi quæ mentem legentis exerceant, addit: *Maximè, quia sic EADEM multis modis REPETIT, ut alia atque alia dicere videatur, cùm ALITER atque aliter HÆC IPSA dicere vestigetur.*

Supereft (quod proœmii loco dixerim navo Lectori) ut nos etiam excitemur ad iterum iterumque versanda & revolvenda quæ sequuntur: quamvis cognitu grata devoranti, at amara ruminanti ac digerenti. Locum habeat in hac præcipuè relectione Apocalypseos id quod in genere monuit auditores suos S. Augustinus in psal. 141. *admonemus charitatem vestram, ut ea quæ audiendo, tanquàm ventre, memoriâ conditis, rursus revolvendo & cogitando quodammodo ruminetis.* Etenim ex mente S. Scripturæ, quam citavit, breviter dictum esse: *Sapiens ruminat, stultus non ruminat. neque enim propter aliud in Lege munda ea dicta sunt animalia quæ ruminant, immunda quæ non ruminant.*

Series

Series seu distributio Capitum II^{da} Partis.

Visiones
septem,
hujus se-
cundæ
Partis.

Sicut divisimus primam partem Apocalypseos in suas Visiones, eò quòd S. Joannes ingeminet ubique vocem illam, *Vidi*: sic hanc secundam partem, eandem ob rationem, dividamus in septem Visiones primarias: quarum sex hujus sunt mundi aut temporis; suntq; ejusmodi ut suam singulæ materiam exhauriant integrè: id quod sedulò est observandum; & in quo posita est hujus 2^{da} Partis, ordinatissima est enim, dispositio & artificium. nempe in eo quòd in unaqua; Visionum, præterquàm quòd I. & II. invicè succedant & connectantur, absolvitur ista materia pervidendo usq; ad finem qui est dies Judicii. quibus accedit VII. Visio Beatitudinis post Judiciũ in æternitate.

Materia
Visionũ:
Primæ,
antipa-
thia inter
Mulierẽ
& Dra-
conem.
Secundę
item in-
ter duas
Bestias
& servos
DEI.

Quòd si quis maluerit plures pauciorẽsve hujus Partis numerare Visiones, dividat prout libuerit: dummodò ne incipiat aliter quàm à Cap. 12. nam cum Tuba septimã finiri I^{ma}nam Partem & illius Visiones demonstratissimũ est.

Ergo I. Visio de Ecclesia est militante; per hieroglyphicon Mulieris: & de persecutione Draconis.

Hanc Visionẽ excipit II. de suscitatione duarum Bestiarum contra Ecclesiam & contra patientiam Sanctorum ejus. Hæ duæ Visiones cohærent inter se, & continuantur videndo usq; ad tempus Judicii. absolvuntur Capitibus tribus; 12. 13. & 14. quorum in primo, de Muliere & Dracone; in altero, de Bestiis; in tertio, de patientia Electorum.

III. est Visio de 7. Angelis habentibus 7. plagas iræ DEI, quã effundunt ex suis phialis: quarum septima est dies novissimus Judicii. Capitibus 15. & 16.

IV.

4. Mulier infidens Bestiæ. IV. Visio est de Babylone Civitate, quæ infidet Bestiæ: & de damnatione ac Væ novissimo ejus Civitatis: per hieroglyphicon Mulieris meretricis, Capitibus 17. & 18.

5. Sponsus victor. V. Visio est de præparatione Sponsæ nuptæ: & de ultima victoria Sponsi contra Bestiam & exercitus congregatos: quando Bestia & Pseudopropheta mittuntur in stagnum ignis. Capite 19.

6. Draconis cum exercitu suo claudes. VI. Visio integra de Dracone. quod abhinc mille annos ligatus: quod solutus seducat gentes & congreget Gog ac Magog per quatuor oras terræ. Exercitus, qui obsidet Civitatem dilectam, devoratur igne de Cælo: & Diabolus in illud idem mittitur stagnum in quo Bestia & Pseudopropheta æternum. Atq; hic est omnium pugnarum finis, dies Judicii. Capite 20.

7. Jerusalem Beata, Sponsa Agni. Coronidis loco additur VII. Visio de Ecclesia triumphante: in schemate Jerusalem Civitatis Beata, Sponsæ seu Uxoris Agni. Capitibus 21. & 22.

Capite 22. v. 12. Epilogus qui est prosopopœia JESU. & v. 18. contestatio S. Joannis: imploratio adventus Christi; & gratiæ ejus.

Concinnitas ordinis in Apocalypsi. In hac distributione Apocalypseos nullum ὁσιον πρότερον, seu nullæ inveniuntur hystero-logiæ, quas affinxerunt huic Libro: sed est ordo accuratus & admirabiliter concinna dispositio: digna Christo qui est auctor, Angelis qui administri Visionum, pondere ipso rerum quæ visæ, Joanne cui ostensæ, Ecclesiis ad quas scriptæ. Nam in prima quidem Parte servatur ordo rerum gerendarum: in hac secunda ordo Visionum, quarum unaquæque suam tractet absolvatque materiam.

Et hætenus series secundæ Partis Apocalypseos.

TRACTA;

TRACTATUS XVI.

IN PARTEM PRIMAM CAPITIS XII.

Assignemus duos Tractatus huic Capiti: & dividamus illud in duas Partes. quarum prima de Muliere parturiente: de Dracone: de raptu filii & prælio connexo. Sequenti Capitis parte & Tractatu de alis quæ dantur mulieri: de volatu à facie serpentis: de flumine post mulierem, & de nova ira Draconis meditatâ.

VERBA APOCALYPSEOS.

(Cap. 12. Versu 1.) *Et signum magnum apparuit in cælo: mulier a-*
micta sole, & luna sub pedibus ejus, & in capite corona stellarum duo-
decim: (v. 2.) Et in utero habens, clamabat parturiens, & cruciaba-
tur, ut pariat. (v. 3.) Et visum est aliud signum in cælo: & ecce draco
magnus rufus, habens capita septem, & cornua decem, & in capitibus
ejus diademata septem: (v. 4.) & cauda ejus trahebat tertiam par-
tem stellarum cæli, & misit eas in terram: & draco stetit ante mulie-
rem, quæ erat paritura, ut cum peperisset, filium ejus devoraret. (v. 5.)
Et peperit filium masculum, qui recturus erat omnes Gentes in virga
ferrea: & raptus est filius ejus ad Deum, & ad thronum ejus? (v. 6.)
Et mulier fugit in solitudinem, ubi habebat locum paratum à Deo, ut ibi
pascant eam diebus mille ducentis sexaginta. (v. 7.) Et factum est præ-
lium magnum in Cælo: Michaël & Angeli ejus præliabantur cum dra-
cone, & draco pugnabat, & Angeli ejus. (v. 8.) Et non valuerunt, ne-
que locus inventus est eorum amplius in cælo. (v. 9.) Et projectus est
draco ille magnus, serpens antiquus, qui vocatur diabolus, & satanas,
qui seducit universum orbem: & projectus est in terram, & Angeli e-
jus cum illo missi sunt. (v. 10.) Et audiui vocem magnam in cælo di-
centem: Nunc facta est salus, & virtus, & regnum Dei nostri, & pote-
stas Christi ejus, quia projectus est accusator fratrum nostrorum, qui
accusabat illos ante conspectum Dei nostri die ac nocte. (v. 11.) Et ipsi

Pars II,

B

vicerunt

vicerunt eum propter sanguinem agni, & propter Verbum Testimoniū
sui, & non dilexerunt animas suas usque ad mortem. (v. 12.) Propte-
rea letamini Cœli, & qui habitatis in eis. Væ terra, & Mari, quia de-
scendit Diabolus ad vos, habens iram magnam, sciens quod modicum
tempus habet. (v. 13.) Et postquam vidit draco, quod projectus esset in
terram, persecutus est mulierem, quæ peperit masculum.

S. I.

Mulier parturiens.

Signum
magnum:

SIGNUM MAGNUM; id est: magnæ significationis hiero-
glyphicon: à quo hæc secunda
Pars Apocalypseos incipit idcirco; quia
sicut in prima Parte omnia dirigeban-
tur ad sponsum Agnum, sic omnia hu-
jus IIæ Partis ad Mulierem Sponsam
Agni: à qua exorditur & in quam de-
finit scriptio hujus Partis.

Exordiū
& Sco-
pus Par-
tis IIæ.

Mulier:

Hæc MULIER est Ecclesia: præ-
videtur IN COELO, quia illæ præ-
destinatur ut sit uxor Agni: AMICTA
SOLE justitiæ de quo Malachiæ 4.
v. 2. calcet Lunam (symbolum incon-
stantiæ & mutabilitatis) cum omnibus
sublunaribus rebus; puta, divitiis, de-
litiis, honore terrenis: CAPITE &
frontere CORONAM præfert DUO-
DECIM Apostolorum, qui sunt luci-
dissimi ac primæ magnitudinis astro-
rum, id est Episcoporum, ut expressè
explicantur Stellæ Apoc. 1. v. 20. ac
velut Zodiacus in firmamento Eccle-
siastico.

Parturit:

Ipsa fecunda à Spiritu S. & PAR-
TURIENS, per Evangelium, prolem
Christianam electam. illam prolem

ad quam Apostolus Gal. 4. v. 26. quæ
sursum est Jerusalem libera est, quæ est
mater nostra: illam prolem de qua ibid.
v. 19. quos iterum parturio, donec for-
metur Christus in vobis: illam de qua
S. Augustinus in psal. 142. (de hac lo-
quens Muliere Apocalypica quam
appellat Civitatem DEI, & de partu
ejus) postquam se fundasset in doctri-
na Apostoli de membris Christi & Ca-
pite tanquam de uno, ex epist. ad Gal.
3. v. 16. sic concludit: si & nos semen
Abrahæ, ergo & nos Christus: quomodo
unum corpus (sumus) multa membra,
ita (sumus) & Christus; ex 1. Cor. 12.
v. 12. Et, quotquot in Christo baptizati
estis, Christum induistis; Gal. 3. v. 27.
Et in psalmum 122. ex eodem Apo-
stolo, ibid. cap. 4. v. 7. FILIUS sumus,
quia sic MULTI sumus, ut in illo U-
NUS sumus.

Christum
in suis
mem-
bris.

Hanc sobolem dum parturit, CHRI- Clamar:
stum in membris suis novis CLA- præ cru-
MAT in CRUCIATU & persecu- ciatu.
tione, orando ut feliciter pariat. Parit
enim, ait S. Aug. (in psal. 126.) Eccle-
sia filios conjunx Christi; & si parit, par-
turit.

CAPUT XII.

aurit. Et in Tomo 9. S. Augustini Auditor homiliarum in Apocalypsin hom. 9. *semper enim in cruciatibus parit Ecclesia Christum per membra: semper & Draco querit devorare nascentem.* de quo jam sequitur.

2. Ex adverso Mulieris, & sub ea, **VISUM EST ALIUD SIGNUM,** infauste significationis meteoron, **IN COELO** aërio, Draco. Nam quod **In Cælo.** Cælum aërium, id est, regio aëris, revera habitetur à demonibus, sententia est Patrum: de qua S. Hieronymus in epistolam ad Ephes. cap. 6. v. 12. *Hæc autem omnium,* ait, *Doctorum opinio est quod aër iste qui Cælum & terram medius dividens inane appellatur, plenus sit contrariis fortitudinibus.* Et fundatur à Patribus in Apostolo, Ephes. 2. v. 2. *est nobis colluctatio contra spiritualia nequitie in cælestibus;* id est, ut S. Hieronymus l. c. exponit, *in eo qui supra nos est aère, unde & aves qua volitant per aërem volucres cæli dicuntur esse: nam & in alio loco, de demonibus, quod in aère isto vagantur, Apostolus ait.* Hæc Hieron. Cui consentit S. Augustinus lib. 11. de Civ. cap. 13. ubi dividit inter duas Angelicas societates: *illam,* inquit, *in Cælis habitantem; istam inde dejectam, in hoc infimo aërio Cælo tumultuantem.* Et lib. 3. de Trin. cap. 7.

Devoraturus. 3. Draco igitur iste se opposuit Mulieri, & STETIT ANTE eam, **UT DEVORARET** Christianissimum nascentem & in sua velut infantia tenerum adhuc, atque opinione Draconis imbellem. Sed divinâ protectione secus accidit: editus est enim in lucem partus Mulieris, primitiæ Mar-

tyrum & Confessorum; ille **MASCULUS,** idoneus ad hæreditatem adeundam Regni æterni: & robustus inde ab utero, id est à primordiis Ecclesiæ, ad subjugandum inimicos Christi; cum appromissione regendi **OMNES cæteras GENTES, IN VIRGA FERREA** qua comminuat omnem potentiam contrariam: quod sicut prædictum est ad Christum, qui est Caput, psalmo 2. v. 9. *reges eas in virga ferrea,* sic & ad Sanctos cohæredes ac membra Christi pertinet, ex ejusdem promissione quam asseruit Apoc. 2. v. 26. & 27. quem in finem **RAPTUS EST** per medias persecutiones **AD DEUM ET AD THRONUM EJUS.**

Potest dici, quod hæc Visio æquivaleat 4. simul Sigillis primis Capitis sexti, ubi Eques albus & contra eum persecutiones cernantur, ante & inter quas procedit Eques, **VERBUM** Agnus, ut vincat. Equivalere autem, id est rem eandem indicari, manifestum est ex eo: quod Draco moveat persecutionem; & qui est ejus effectus, expressè subjiciatur, mentio Martyrum hîc v. 11. perinde ut in Parte prima cap. 6. v. 7. in Sigillo quinto, & cap. 7. in Sigillo sexto.

Diximus Mulierem esse Ecclesiam: cujus quia præcipuum est membrum & excellentissimum Beatissima Virgo **MARIA,** idè apud SS. Patres (inter quos S. Aug. lib. 4. de Symbolo, cap. 1. & S. Bern. fusè in serm. de Apoc.) encomia hæc attribuuntur **DEIPARÆ,** ad quam etiam respexisse censendus est S. Joannes: eò maxime, quod hujus

Masculum.

B 2 partus

partus fuerit quem primariò cupivit Draco devorare, & de qua Gen. 3. v. 15. *inimicitias ponam inter te & mulierem*. Optimè convenit inter Mulierem hanc & illam. Nam quod in exordio mundi de Virgine DEIPARÆ fuit prædictum & de Semine illius, *Ipsa*

conteret caput tuum: hoc idem in exordio Romanæ Ecclesiæ oraculum fuit Apostoli scribentis ad Rom. 16. v. 20. *DEUS autem pacis conterat Satanam sub pedibus vestris velociter*. Amen.

§. II.

Effigies Draconis.

Draco magnus: 1. Dicitur 1. DRACO: ut & in aliis Scripturis: quia cùm esset conditus à DEO *principium viarum DEI*, Job. 40. v. 14. *perfectus decore*, Ezech. 28. v. 13. &c. rebellionem suam contra Conditorum, mutatus fuit in Draconem, ipse & Angeli ejus. Appellatur cognomento MAGNUS: quia de illo, Job. 40. v. 12. *stringit caudam suam sicut cedrum*: v. 18. *absorbebit fluvium*; & non mirabitur. cap. 41. 24. *non est super terram potestas qua comparetur ei*. v. 25. *ipse est Rex super universos filios superbiae*. Hunc adumbravit is cui dicitur à DEO Ezech. 29. v. 3. *Ego ad te Pharaon Rex Aegypti, Draco magnus*.

Rufus: 2. Dicitur 2. RUFUS. hic maxime in Apocalypsi eadem in effigie: tùm quia incepit ab Equo rufo suas persecutiones contra Ecclesiam à Judæis; ut vidimus in prima Parte: tùm quia posteaquam ex prioribus periculis per gloriosam fugam erepta fuit protectaque à DEO, jam in hac secunda Parte Apocalypseos omnes simul persecutiones convenient in novissimam

rufam iterum, id est Judaicam, concitatore pseudo-Messia Antichristo: non sine angustiis Mulieris per breve tempus, prout prædicitur v. 6. & 14.

Prodit cum suis solennibus *Capitibus* 7. & *Cornibus* 10. quæ sunt insignia Principatus mundi hujus. descripti sibi enim & designavit in eo 7. Regna ethnica quibus effert se ut Capitibus; & solenne est ei habere suos decem Reges insignitè impios pro instrumentis & Cornibus. Sanè per 10. Reges in Apocalypsi Universitatem Regum (impiorum) intelligi posse sensit Augustinus lib. 20. de Civ. cap. 23; ubi loquitur de Antichristo: *quid enim, inquit, si numero isto denario Universitas Regum significata est, post quos ille venturus est?*

3. Dicitur 3. ille idem Draco, qui Et pro caudâ suâ & persuasione secum olim symmate in ruinam traxit TERTIAM PARTEM STELLARUM COELI; sunt Stellæ cœli. Angelos (Job. 4. v. 18. & cap. 25. v. 5.) illic deciduos, multò antè quàm staret contra hanc Mulierem. Arcessitur à capite eadem narratio: simul & perstringitur

tur prophetia hostilitatis quam machinatur; cuius hæc est summa. Sicut in Cælo empyreo (ad quam pugnam egregiè respicitur, & fit comparatio) in quo conditus fuit, pugnando victus

est à S. Michaële: ita & in Cælo mystico, pugnans adversus Ecclesiam Christi vincetur, præside Ecclesiæ Dei eodem S. Michaële; cuius conflictus occasio & initium est ut sequitur.

Adversario S. Michaële.

§. III.

Prælium.

Præliū:

1. **V**Indicabat sibi Satanas principatum mundi, sumptâ denominatione à potiore mundi parte, factus seductor illius per Ethnicismum eousque, & in vasor ac domitor generis humani: Cùm ecce ei qui possidebat cum custodia suum atrium in pace, Luc. II. v. 21. ingens simulas & odium oritur contra Ecclesiam Christi; illam quæ incipit parturire conversionem Ethnicorum & salutem; illam recens ædificatam Mulierem ex latere novi Adæ obdormientis; illam militante in Cælo; illam quæ præsidium suum habet in Cælo, ut hîc docemur, S. Michaëlem & Angelos ejus.

Magnū:

FACTUM EST ergo, inquit, **PRÆLIUM** utrimque **MAGNUM**: dum hinc commoventur per Draconem persecutiones magnæ; vis asserendi animas, ac retrahendi, per intimationem corporibus tormentorum omnis generis: at illæ ei resistitur magnâ constantiâ animi ac tolerantia corporis.

In Cælo.

Dicitur committi hoc prælium **IN COELO**: tùm quòd de Cælo adjuvetur Ecclesia: tùm quia ipsa est Cæ-

lum mysticum, ut modò insinuavimus: tùm quia prælium geritur contra Martyres qui præripiunt Cælum ingenti agmine; utpote qui simul occisi, simul in Beata immortalitate visuntur & in possessione Cæli.

2. In eo prælio **NON PRÆVALUERUNT DRACO ET ANGELI EJUS: NEQUE LOCUS INVENTUS EST EORUM AMPLIUS IN COELO**. Sicut olim in Emphyreo, sic neque in Ecclesia ille eorum locus amplius universæ seductioni Gentilium: propterea quòd in Gentibus inceperit oriri Christus & efflorescere semen Ecclesiæ, tanto jam initio dato propagandi Christianismum, & agi cæpto triumpho de Satana per animas Martyrum victrices & præmissas ad Beatitudinem. Procul his animabus sanctis (v. 9.) **PROJECTUS EST DRACO, ET ANGELI EJUS CUM ILLO**, velut de sublimi possessione **IN TERRAM**: id est, ut explicant S. Aug. & alii Patres, in eos qui perstiterint terrena sapere, nec nisi terram spectare ac diligere, cùm fuerit Cælum ipsis annuntiatum, atque adeò

Locus Draconis, terra.

terra nominari & esse, juxta illud S. Augustini tract. 2. in ep. S. Joannis: *talis est quisque, qualis ejus dilectio est; terram diligis! terra eris.*

Locus
Marty-
rum,
Cælum.

Super hac victoria fit applausus utriusque *Cæli*, triumphantis & militantis (v. 10. & c.) voce magnâ gratulantium de *Regno & potestate CHRISTI*, de projici cœpto seductore communi eodemque *accusatore* atque imprope- ratore in faciem Deo Christo line in- termissione: ac de triumpho Chri- stianorum parto per SANGUINEM AGNI, ET per SUUM martyrium seu TESTIMONIUM, USQUE AD odium sanctum animarum sua- rum in hoc mundo, & ad MORTEM pro fide in Deum perpeſſam. Magna materia plausus: quod postquàm se- duxisset Diabolus multis retrò sæculis universum orbem, ostensum sit posse eum vinci ab his qui nolint esse terra: moveaturque ille quidem prælia, sed de- belletur à cohortibus Martyrum.

Draco-
nis ira.

3. Qui ut vidit se repulsum in ter- ram, ac longè ab animabus raptis ad Deum & jam cœlestibus incolis, de- scendere coactum: adhuc contra mor- tales spirat IRAM MAGNAM & VÆ, quod impendet TERRÆ ET MARI: idèò, quia sperat se posse sar- cire damnum, & obtinere saltem cæ-

teros quos inveniet faciétve habitato- res in terreno & immerſos in mari hu- jus sæculi. *Væ terra & mari*, ait Auctor homiliarum suprà citatus, *id est qui Cæ- lum non estis.*

Tum verò hoc maximè solatur sese ac nititur, quòd etiam post vires dimi- nutas & injecta sibi suisque vincula quibus ligatam sentit potestatem no- cendi: *sed* tamen repositum se divinitus *habere MODICUM TEMPUS* li- bertatis amplioris ac potestatis ultimæ sibi indultæ: certus eâ saltem extre- mâ suâ caudâ non minùs ex Ecclesia detrahere quàm è cœlo quondam par- tem Stellarum.

Sed dum illud interim tempus non- dum advénit, nequaquam interea ces- saturus ab ira, *persequitur MULIE- REM* aliis viis: irritatissimus quòd pepererit masculum raptum in Cælos. Veruntamen dum talia molitur Dra- co, Mulier curæ est Deo: à quo pro- tegitur & fortitudo ei datur avolandi, prout jam dicetur.

* * *

TRACTA-

TRACTATUS XVII.

IN RELIQUA CAPITIS XII.

Visionem inceptam de Muliere, sanctâ & forti, prosequitur Joannes in reliquo Capite. cujus uno in versu 14. multa & involutè dicuntur, ac diligenter evolvenda sunt in proximis duobus §§. de alis Mulieris & volatu : de loco deserto ubi alitur : & de tempore decretorio certorum annorum. Cæteri quatuor Versus Capitis absolventur in §. 3.

VERBA APOCALYPSEOS.

(Capit. 12. Versus 14.) *Et data sunt mulieri alæ duæ aquilæ magnæ, ut volaret in desertum in locum suum, ubi alitur per tempus & tempora & dimidium temporis, à facie serpentis. (v. 15.) Et misit serpens ex ore suo post mulierem, aquam tanquam flumen, ut eam faceret trahi à flumine. (v. 16.) Et adjuvit terra mulierem, & aperuit terra os suum, & absorbit flumen, quod misit draco de ore suo. (v. 17.) Et iratus est draco in Mulierem, & abiit facere prælium cum reliquis de semine ejus, qui custodiunt mandata Dei, & habent testimonium Iesu Christi. (v. 18.) Et stetit super arenam maris.*

§. I.

De alis & volatu Mulieris.

Extollamus DEUM & demus gloriam ei, quia prophetavit ea quæ implerantur : & id quod restat expectemus implendum.

Aquila
magna.

I. **M**anifestum est in Scripturis, Aquilam significare Imperium : & alas dilationem. Ita Daniel cap. 7. in Visione quatuor Bestiarum, quæ sunt totidem Imperia mundi seu Monarchiæ, de prima quæ fuit Chaldæorum sub Nabuchodonosore v. 4. *alas, inquit, habebat*

bebat ut *Aquila*: afficiebam donec evulsa sunt ala eius. Ezech. 17. de Rege Babylonis dicitur v. 3. *Aquila grandis, magnarum alarum*. Et de Rege Ægypti, v. 7. *Aquila altera grandis, magnis alis*. Jer. 48. de vastatione Moabitarum per Regem Babylonis, v. 40. *quasi Aquila volabit & extendet alas suas ad Moab*.

2. Ecce quâ formâ prævidit S. Joannes Mulierem Ecclesiam, & in quo statu tranquillitatis in quem effugit liberata & superior facta persecutione quam & Judæi dudum & Gentes moverunt.

duæ alæ: DATÆ SUNT, inquit, MULIERI ALÆ DUE, AQUILÆ MAGNÆ. Magna Aquila & biceps est Imperium Romanum: cujus ambas alas prædicit Joannes datum iri Ecclesiæ militanti, quam Draco persequitur. Duæ alæ sunt Imperium Occidentale & Orientale: quorum alterius est sedes Vetus Roma, alterius Nova Roma seu Constantinopolis.

Data ut volaret: 3. Alæ illæ duæ datæ sunt, ad *volandum*: excelsio & felici volatu qui est exaltatio ac propagatio Religionis Christi-

stianæ. quæ acceptis alis, sibi datis a DEO ut esset expeditior à persecutione, provolat & penetrat ulterius IN DESERTUM, id est in nationem Gentilium de qua Isaïas fusè sub similitudine deserti, cap. 35. v. 1. & 2. *La-* In deser-
tabitur DESERTA & invia, & exulta- tum:
bit SOLITUDO, & florebit quasi lilium:
germinans germinabit, & exultabit le-
tabunda & laudans gloria, inquit, *Li-*
bani data est ei, decus Carmeli & Saron:
ipsi (Gentiles) *videbunt gloriam Dom-*
mini (lucem fidei Christianæ) *& deco-*
rem DEI nostri.

Hoc illud est desertum, & hæc Solitudo, in quam fugit Mulier id est evasit à persecutione: quando ipsa potius occupavit Gentes & amplexa est sub alis suis. Quippe adventu Mulieris effloruit illa Solitudo: & gloria, quæ fuerat Libani ac decor qui fuerat Carmeli, eò ex Judæa translata sunt cum sceptro ac Majestate Imperii Christiani.

Et dici potest, hanc evasionem æquivalere Silentio illi seu quieti, de qua in prima Parte Apocalypsis initio Capitis octavi.

S. II.

De loco in quo pascitur à facie Serpentis: & ad quæ usque tempora.

In locū suū: **D**icitur hoc desertum esse LOCUS Mulieri SUUS, in quem debuit evolare. Quoniam is ei

proprius locus, assignatus est à Prophetis, jamque preparatus per martyria & prædicationem inceptam: locus Neo-

Neophytarum Gentium, quæ fuerant omnino infideles & desertæ à fide ac desolatæ à Deo.

Ubi ali-
eni:

In eo loco tam suo & vasto est futura tutior Ecclesia cum his alis: & remotior, tanquam volatu sublimiore, A EACIE SERPENTIS dejecti in terram. Ubi, quæ Dei est providentia, non tantum secuta præcedentes effugit persecutiones: sed oportet eam ali & vegetari atque excrefcere: depassâ passim superstitione, & idolis demolitis in Oriente & Occidente: quoad humanum genus totum imbutum sit famâ Evangelii; penetraturâ usque ad Indias procul & propediem in novum orbem.

Per tem-
pus &c.

2. Jam quod additur, PER TEMPUS ET TEMPORA ET DIMIDIUM TEMPORIS, hoc præsignificat perseverantiam Mulieris usque ad extrema tempora, de quibus præpotens & præ omni alio tempore fuit commemoranda protectio futura: & quod aletur etiam tunc, per illam usque exodum temporum. Absit enim opinio, quasi tunc primum ei data fiat alæ, vel ut pro novissimo tantum trium & dimidii annorum, aut eo fine ut lateat: immò non potest latere Mulier illa (civitas *supra montem*, & lucerna *non sub modio*, Matth. 5. v. 14. & 15.) nec istâ quidem morâ temporis ultimâ & exiguâ: quando namque persecutio futura est toto orbe, quomodo non toto etiam orbe Mulier? & verò aletur patiendo. Quamobrem nequaquam ille est sensus, & causa alarum ista, & usus tam humilis ac brevis alarum tantarum, utpote aquilæ magnæ,

Part. II.

& duarum celebrium: sed est sensus quem jam dicemus.

3. Exprimuntur hoc tam fecundo versu 14. & paucis perstringuntur hæc tria: primò, alæ datæ duæ, Orientem versus & Occidentem. Secundò, ad quem locum & in quem terminum volatus ejus: videlicet, quâ patet desertum qui est locus Mulieris ut inibi alatur & illum impleat. Tertiò, ad quod usque tempus perseveratura sit, ac perrecturus illam alere Deus: videlicet, per totum illud spatium temporum, quæ secutura sunt, usque ad novissima & specialiter per hanc Apocalypsin prophetata tria tempora & dimidium, illa tam brevem quàm ardua: Nec solum, uti diximus, usque ad illa; sed etiam, uti dicit Apocalypsis, PER illa prorsus, & eventu optato ac victorioso adversus Serpentem.

Juxta quam expositionem facile est Lectori significationem pervidere particulæ UT in hoc loco Apocalypseos tum in hoc Versu 14. quo dicitur: UT VOLARET IN DESERTUM IN LOCUM SUUM UBI ALITUR &c. tum in v. 6. sup. in quo dicitur Mulier fugisse IN SOLITUDINEM UBI HABEBAT LOCUM PARATUM A DEO, UT IBI PASCANT EAM &c. Nempe rō UT habet plenissimum suum significatum: nam præterquàm quod indicet causam propter quam alatur, significat præterea & præmonstrat eventum futurum, illum memorabilem in novissimo temporum. quasi dicat: Continget tandem, & eum demum exitum habebit opera & effectus ali-

Expositio
inter
gra ver-
sus 14.

Et parti-
culæ
UT;

Cui du-
plex si-
gnifica-
tum;

monia

monia impertita: & pascuis exhibiti
hicerit fructus; etiam in illa postrema
persecutione (celebri & brevi trium ac
dimidii annorum) perseverare Mulie-
rem, & inveniri vegetam conforta-
tamque spiritu ac numero fortissimo
Martyrum, & praevalere. Nam quod
Ob quē finem; & particula **UT** recipiat hunc sensum in
Scripturis, & habeat pro sua germana
interpretatione non solum causam fi-
nalem, quem simul sensum hic retinet;
sed eventum futurum: nimium quan-
tum patet in exemplis ei qui vel modi-
cè versatus est in sacris paginis.

(Maldonatus in illud S. Lucae cap.
2. v. 35. **UT** revelentur &c. *particulam,*
inquit, *UT, non causam sed eventum*
& consequentiam significare, innumeris
jam locis ostendimus.)

Summa sensus est, quam diximus:
data sunt Mulieri alæ hunc in finem à
DEO, ut expedita esset ad pervolandam
nationem Gentilium, locum sibi præ-
paratum & præostensum: Eousque &

in hunc finem alæ & officium illarum.
Ibi in illo loco suo proprio, tantopere
sub Judæis deserto & tam his procul,
pascetur & vegetabitur toto illo spatio
quo implebuntur tempora nationum
& prædicatio ac salus Gentibus: quan-
do superventura sunt illa nominatissi-
ma tempus & tempora & dimidium
temporis, qui erit periodi rerum exitus,
à quo propè tunc aberit consummatio
mundi. Dicamus sine omni ænigma-
te: Ecclesia liberabitur à persecutione
Imperatorum, & evehetur in Impe-
rium orbis Romani per Orientem &
Occidentem: qui est finis alarum. Cu-
ræ autem erit DEO, & proficiet in Gen-
tibus totâ illâ duratione cui præfinitus
terminus erit tempus & tempora &
dimidium temporis, celeberrima à persecu-
tione novissima prædictâ, & à reversio-
ne Judæorum, & à consummatione
vicinâ temporum omnium futuro-
rum: qui est eventus Apocalypseos ex-
tremus.

§. III.

*De flumine quod post illam expuitur: & de nova
ira Draconis.*

R Ingi Satanas interim, quod
viderit avolantem Mulierem,
quæ modo jam dicto effugerit vim &
se dilataverit: ipse verò cogatur expe-
riri se debilitatum projectione factâ &
serpere super terram, quod non valeat
eam deprimere. Ergo frustratur spe
devorandi partum ejus dudum, & il-
lam nunc assequendi, expuit instar ceti

(sic enim appellatur Isa. 27. v. 1.) **EX**
ORE SUO POST MULIEREM Flumen
AQUAM; populos hæreticos, & spu- ex ore
mam oris Diaboli seductores Hæresi- Draco-
archas, alios ex aliis, successione **TAN-** nis:
QUAM FLUMEN, cujus rapiditate
ac vi faciat retrò **TRAHI** Mulierem
& mergi.

Sed enim **ADJUVIT TERRA**
MU-

Abfor-
betur à
terra.

S. Augu-
stino flu-
men sunt
hærefes:
apud
quæ &

apud S.
Prospe-
rum ab-
forben-
tur à ter-
ra.
Conatus

MULIEREM : quia pleræque Hæ-
refes ex toto catalogo earum quas re-
censuerunt in primis sæculis Epipha-
nius, Philastrius, Augustinus (quorum
hic enumerat 88.) fuerunt parvæ dura-
tionis ; nam ut erat brevis vitæ seu Hæ-
refiarcha quisque seu protectores hæ-
refum, mox ut APERUIT tellus OS
SUUM sepulturæ istorum, ABSOR-
BUIT ET FLUMEN ; adeo ut hæ-
refes ipsæ vel defecerint vel certè po-
tentia earum exaruerit. sicut scitè S.
Augustinus in illud psalmi 57. v. 8. tan-
quàm aqua decurrens : *Non vos ter-
reant, ait, fratres, quidam fluvii qui di-
cuntur torrentes, decurrunt aqua, ad tem-
pus perstrept, mox cessabit : dum stare non
possunt. Multæ hærefes jam emortuæ
sunt : cucurrerunt in rivis suis quantum
potuerunt, decurrerunt : siccati sunt rivus,
vix eorum memoria reperitur. Tali
sepulturâ absorptæ Hærefi Pelagia-
næ, quæ nata fuerat ex Nestoriana,
posuit Epitaphium S. Prosper inquit :
sepulchrum,
*Intrat & inferni, carceris ima subit.**

2. Dum hæc non sat ex voto mo-

litur, irasci Draco magis magisque in
Mulierem : & abire ad antiqua confi-
lia : reparare velle Imperium pristi-
num, & in eo seductionem simul &
persecutionem adversus reliquos DE
SEMINE EJUS : deleturus omne
semen Christianorum propediem, &
redukturus Infidelitatem æmulam Pa-
ganismo veteri, ab illo diversam aut illo
etiam potiore.

3. Eâ intentione, reducendæ in
mundum Infidelitatis & Imperii
ethnici, figit pedem ad mare : unde
ascendere faciet Bestiam, illam è dua-
bus in Apocalypsi priorem.

STETIT igitur, inquit, SU-
PRA ARENAM MARIS, quod super lit-
tus est Ponti & Propontidis : & tus ma-
in illis maris faucibus sibi designavit
Sedem novam belli & Imperii ; de quo
Capite sequente.

Ac proinde secunda Visio (quæ
Capitis erit 13. & 14.) velut conti-
nuatio est quædam aut connexio pri-
mæ Visionis : utpote de persecutione
Draconis contra semen Mulieris
quam frustra conatus fuit extinguere.

TRACTATUS XVIII.

IN PARTEM PRIMAM CAPITIS XIII.

Hoc Caput est de duabus Bestiis : quarum altera non sine
causa nominatur prior v. 12. De hac in prima parte Capitis,
& in hoc Tractatu. Hæc ascendit *de mari*, & est multò prior
tempore : altera posterior ascendit *de terra*, & in fine sæculo-
rum conjungit se priori. & sicut olim conveniet inter am-
bas, ita conjunguntur in unum hoc Caput Apocalypsis.

C 2

VERBA

VERBA APOCALYPSEOS.

(Cap. 13. Vers. 1.) *Et vidi de mari bestiam ascendentem, habentem
capita septem, & cornua decem & super cornua ejus decem diademata,
& super capita ejus nomina blasphemia. (v. 2.) Et bestia quam vidi, si-
milis erat pardo, & pedes ejus sicut pedes ursi, & os ejus sicut os leonis.
& Et dedit illi Draco virtutem suam, & potestatem magnam. (v. 3.) Et
vidi unum de capitibus suis quasi occisum in mortem: & plaga mortis
ejus curata est, & admirata est universa terra post bestiam. (v. 4.) Et
adoraverunt draconem, qui dedit potestatem bestie: & adoraverunt
bestiam, dicentes: Quis similis bestie? & quis poterit pugnare cum ea?
(v. 5.) Et datum est ei os loquens magna, & blasphemias: & data est ei
potestas facere menses quadraginta duos. (v. 6.) Et aperuit os suum in
blasphemias ad Deum, blasphemare nomen ejus, & tabernaculum ejus,
& eos qui in cælo habitant. (v. 7.) Et est datum illi bellum facere cum
sanctis, & vincere eos: Et data est illi potestas in omnem tribum, &
populum, & linguam, & gentem: (v. 8.) Et adoraverunt eam omnes,
qui inhabitant terram: quorum non sunt scripta nomina in libro vite
agni, qui occisus est ab origine mundi. (v. 9.) Si quis habet aurem, au-
diat: (v. 10.) qui in captivitatem duxerit, in captivitatem vadet: qui
in gladio occiderit, oportet eum gladio occidi. hic est patientia, & fides
Sanctorum.*

S. I.

De Bestia priore.

Impossibile est, ut S. Joannes revelationem scribens motuum
futurorum in Ecclesia, & nominatim in Ecclesiis Asiaticis,
non meminerit tantæ mutationis ibi factæ, mahometani
Imperii: immò ut non graphicè illud depinxerit. fecit ve-
rò, ut apparebit luculenter ex hoc Capite.

S. Augu-
stini sen-
tentia de
Bestia.

Magni faciamus auctorita-
tem S. Augustini, & liben-
ter audiamus interpreta-

tionem ejus quam affert in proposita
materia, libro 20. de Civ. cap. 9. ubi ex
professo agit de Apocalypsi & tractat
de

de hoc Capite 13. Apocalypseos. *Qua sit porro, inquit, ista BESTIA, quamvis sit diligentius inquirendum; non tamen abhorret à recta fide, ut ipsa impia Civitas intelligatur & populus infidelium, contrarius populo fideli & Civitati DEI.* Addit de Imagine ejus, de qua postea videbimus, hæc verba: *IMAGO verò ejus, simulatio ejus mihi videtur, in eis videlicet hominibus qui velut fidem profitentur & infideliter vivunt: fingunt enim se esse quod non sunt, vocanturque non veraci effigie sed fallaci imagine Christiani.* Ita visum est illi tanto Doctori & interpreti cujus explicationem sic videremus & accipiamus in genere datam: ut meminerimus admonitionis quam inseruit illis verbis; quod sit diligentius inquirendum in particularia seu Bestiæ infidelis, seu Imaginis, id est, Simulationis: & addamus, ad illam ejus expositionem elucidandam, ea quæ verosimiliter fuerat additurus Augustinus si vixisset usque ad nostra sæcula; cum obierit anno Christi 433. sed ante omnia ponamus fundamentum ex S. Scriptura.

Bestia
est Im-
perium
infide-
lium:

In libris sanctis prophetis nomine Bestiæ significari constat Imperium infidele: ut videre est maxime in Daniele; ad cujus prophetiam peculiariter respicit hinc Apocalypsis: apud quem Bestiæ quatuor significant Imperia totidem ethnica usque ad Christum & Imperium Christianum. Sic enim habet Dan. 7. v. 3. *quatuor Bestiæ grandes ascendeant de mari, diversa inter se.* Auditque interpretationem v. 17. *Ha quatuor Bestiæ magnæ 4. sunt Regna (Imperialia) quæ consurgent de terra: &*

sunt bruta; quia sine cultu veri DEI; ideo Bestiæ. Ergo similiter & in Apocalypsi nostrâ: *VIDI, ait, DE MA- RI BESTIAM ASCENDENTEM,* id est Imperium brutum, infidele novum, exortum horribili mutatione quæ facta est Constantinopoli, sede Imperiali celeberrimâ: nempe Mahometanum: cujus Secta est omnis retrò infidelitatis colluvies & erroris Paganorum. Vidit illud ascendisse: quia ex humili emerferat & excreverat sensim in Saracenorum aliquod dominium & Regnum: at processu sæculorum in Imperium Constantinopolitanum quod est novæ Romæ sita: ad mare: cæptum in Mahomete ejus nominis Ildo. qui primus Imperator, anno Christi 1453. Valet hæc annotatio S. Hieronymi in Dan. cap. 7. *Notandum inquit, quod Regnorum feritas, atque crudelitas, Bestiarum nomine demonstratur.*

2. Vidit Bestiam habere CAPITA SEPTEM: quia de illo etiam Imperio verum est id quod S. Hieronymus Dan. 7. agnoscebat in Romano Gentili: *in uno, ait, Imperio Romanorum (ethnico) omnia simul Regna cognoscimus quæ prius fuerant separata.* Similiter dicamus: in uno Imperio Mahometano sunt omnia simul Imperia infidelium collecta. Quæ sunt numero septem: Assyrium, quod fuit primum; & adhæret sectæ jam & sceptro Mahometano: Chaldaeorum seu Babylo-niorum, quod secundum; Medorum, quod tertium; Persarum, quod attrahitis ad se Medis est quartum; nam etiam illud est ejusdem sectæ, sibi jus ad

Septi-
ceps.

illud vendicat idem Imperator: Græcorum, quod fuit quintum ordine: Romanorum ethnicum, quod sextum: & jam ipsum Mahometanum, quod septimum. En Imperium Gentile, in quo omnia simul Regna Imperialia, quæ prius fuerant separata.

Decem cornu. Vidit esse Bestiæ CORNUA DECIM ET SUPER CORNUA EJUS DECIM DIADEMATA.

Retineamus interpretationem quam S. Hieronymus vetustissimâ tradit auctoritate pollere, dum sic scribit in Caput citatum Danielis: *Dicamus quod omnes Scriptores Ecclesiastici tradiderunt, in consummatione mundi, quando Regnū destruendum est Romanorum, decem futuros Reges qui orbem Romanum inter se dividant.* At Orientale Romanum Imperium, & in Asia, penitus est destructum: ita ut vix nomen sit super; sicut superest adhuc nomen Occidentalis Imperii qualecunque: nec dubiū, quin propius absit, quàm olim, Consummatio mundi. Neque difficile est numerare decem Reges ac diademata in quæ divisum sit jam nunc Imperium Orientis, quondam Christiani & Romani: quorum sit subjectio & supremus dominatus penes sceptrum Mahometanum. E. C. Africa, ubi Tunetum sedes Regni: Arabia: Libya, Ægyptus, & pars Æthiopiæ: Mesopotamia: Media: Syria ubi sedes Regni Damascus: Armenia: Asia minor, ubi Imperium Trapezuntinum: Macedonia: unâ cum Thracia & vicinis regionibus Europæis: Insulæ Rhodus, Cyprus, & nuper Creta seu Candia. Sed pergat S. Hieronymus cætera, de

illa Traditione Doctorum Ecclesiasticorum, quam continuat his verbis: *Et undecimum surrecturum esse Regem parvulum, qui tres Reges de decem Regibus superaturus sit, id est Ægyptiorum Regem, & Africa (hoc est, ut alibi ait, Libya,) & Æthiopia, quibus interfecit etiam septem alii Reges victori colla submittent.* Ita S. Hieronymus testis antiquæ interpretationis. Nam quæ adjecit de undecimo Rege surrecturo, pertinent ad eam, quam etiam surrecturam subijcit Apocalypsis, Bestiam secundam de qua postea.

Cornua igitur Bestiæ Mahometanæ sunt decem Regna seu vasalli Reges, cum suis diadematis illi Monarchiæ & Imperio Mahometano insertis. Dicuntur Cornua: quia his impetit, & in his robur ejus quod more S. Scripturæ dicitur cornu: & speciatim vult S. Hieronymus in Commentario in Zachariam (cap. i. v. 19.) per cornua in Scriptura significari regna. verba S. Hieron. l. c. sunt hæc: *relictissime pro Regnis cornua posuit; hanc habente Scripturâ sanctâ consuetudinem, ut regnum semper interpretetur in cornibus: ut est illud, Et exaltavit cornu Christi sui (1. Reg. 2. v. 10.) Et in alio loco; Et crexit cornu salutis nobis in domo David pueri sui (Luc. 1. v. 69.) Et (quod est proprium hujus loci,) decem cornua in ultimoregnatura idem Daniel prophetate statur (Dan. 7. v. 24.) cornua decem ipsius Regni, decem Reges erant.)*

Addit Apocalypsis: ET SUPER CAPITA EJUS NOMINA BLASPHEMIÆ; contra divinitatem Christi, & fidem divinam.

Cornuū significatione in Scriptura.

3. Vifa

Corpus,
pedes, os
Bestiæ.

3. Vifa est Bestia SIMILIS esse PARDO : ET PEDES EJUS SICUT PEDES URSI, ET OS EJUS SICUT OS LEONIS. Quis neget hæc convenire Mahometano Imperio? cujus Secta est varia ut pardus: habet enim à Judæis Circumcisionem; à Christianis Baptismum, et si frequentem singulorum; à Paganis alia & diversa. Pedibus refert usum: quia sacra omnia, immò & profana procaleat. Præfert os leonis, efferum super omnes feras & Regna quotquot fuerunt aut sunt. Præter illa quæ S. Hieron. Dan. 7. confiderat in Urso &

Pardo: De illo: *ob duritiam*, ait, & *ferocitatem Urso comparatur*. De isto: *Pardo, Bestia velocissima & oppugnatrix comparatur quæ præceps fertur ad sanguinem, & saltu in mortem ruit*. Ita Turcæ ex institutione suæ Sectæ ruunt in mortem quæ in bello appetitur tantum beatam.

ET DEDIT, inquit, ILLI DRACO VIRTUTEM SUAM, quantum interim potuit ligatus, ET POSTESTATEM MAGNAM Diabolicam: denique affixit ei tota sua stemmata seu insignia quæ vidimus in effigie Draconis Capite præcedente v. 3.

Draco-
nis in-
signia.

§. II.

De Capite quasi occiso: & de potestate novissima Bestiæ.

Caput
unum
quasi oc-
cisum.

1. **P**ergit Apocalypsis de illa Bestia priore: ET VIDI, ait, UNUM DE CAPITIBUS SUIS QUASI OCCISUM IN MORTEM: ET PLAGA MORTIS EJUS CURATA EST. unde sequitur: ET ADMIRATA EST UNIVERSA TERRA POST BESTIAM. Septem Capita ejus recensuimus in §. præcedente: horum *unum quasi occisum*, id est Imperium ubi bis Romæ Gentile, quod postquam crederetur penitus extinctum, revixit in Mahometano: nempe Orientale novæ Romæ; quam occuparunt Mahometani. Hujus tanti Capitis in Bestia, quæ est Imperium infidele, *plaga mortis curata ra-*

puit universam terram in admirationem quâ persecuti sunt, & in deditio- nem qua trahi se passi sunt *post Bestiam*, superbientem nova successione suscitationeque Romani Imperii post Christianismum redivivi in infidelitate: jamque Sede conspicuâ novâ, quam olim fundasset Imperator Christianus occisor ethnicissimi Romanorum imperitantis: atque in undecim sæcula tenuissent Imperatores Romani!

In his quæ diximus de Bestia, sumusque dicturi, semper sit ob oculos expositio quam initio hujus §. amplexi sumus ex S. Augustino. Nam hæc quidem Bestia in particulari, de qua agimus in hoc loco, est Imperium Ma- home-

Rivi-
vū Con-
stanti-
nopolis:

hometanum : at Bestiam generatim & hac antiquiorem audiimus à Magno Augustino esse populum infidelium : in cuius sententiam ivimus generalem ; testati nos addituros ea quæ sunt particularia & posteriora ætate S. Augustini.

Ubi Se-
des Ro-
manorū
Impera-
torum.

Cæterum Orientales eos, qui resederunt Constantinopoli fuisse cognominatos Romanos Imperatores, proditum est omnibus annalibus, & indubitatum : adeò ut anno Christi post nongentesimum octavo & sexagesimo Nicephorus Imperator Orientalis unà cum aula sua fuerit offensus inscriptione literarum & Legatione Ottonis Imperatoris Occidentalis (quod ipse narrat Legatus, Luitprandus Episcopus Cremonensis) tanquàm vili: eò quòd inscripsisset Otto, insuper & Papa qui addiderat epistolam quàm commendabat Ottonem; Nicephoro Imperatori Græcorum: scribere enim debuisset; *Imperatori Romano*: enim verò se insigniri illo titulo, reputarique Romanos, ac præcipuè; ad quos Româ Constantinus Magnus, palàm Christianorum Imperatorum primus, transtulerit insignia Imperii Romani, & omnem nobilitatem ac militiam, Constantinopolim; Romæ verò tantum fœcemplibus reliquerit. Ira ille. Immo recentior Solimannus Turcarum Imperator mordicus se Romani Imperii gessit successorem: adeò, ut de illo scribatur in Chronico Turcico ad annum 1566. (per Jo. Rosinum) *sapius dicere solitum, Romæ ac totius Occidentis Imperium ad se pertinere, propterea quòd ipse Imperatoris Constantini, qui Impe-*

rium Byzantium transtulit, successor sit.

ET ADORAUERUNT, inquit Apocalypsis, DRACONEM QUI DEDIT POTESTATEM BESTIÆ, ET ADORAUERUNT BESTIAM; simul dum adoratur Bestia, adoratur Draco, qui, ut etiam dicebatur v. 2. *dedit illi virtutem suam & potestatem*: ac dum hanc exaltant, magnificant & Draconem, dicendo: QUIS SIMILIS BESTIÆ, ET QUIS POTERIT PUGNARE CUM EA!

2. ET DATUM EST EI OS LOQUENS MAGNA ET BLASPHEMIAS; ET DATA EST EI POTESTAS FACERE MENSES QUADRAGINTA DUOS &c. Dictum fuerat jam supra v. 1. quòd super Capita Bestiæ sunt nomina blasphemiarum: quid sibi vult igitur quòd hic dicitur esse datum ei os magniloquum & blasphemum: & connectitur cum mensibus quadraginta duobus potestas blasphemandi nomen DEI & Tabernaculum ejus Ecclesiam sanctam & Cœlites: ac faciendi bellum cum sanctis eòsque vincendi: & potestas in omnem tribum, populum, linguam, & gentem: & adoraturus eam omnes, qui inhabitant terram, non inscriptos in libro Agni? Quid hoc aliud est quàm prophetia novæ potestatis quæ superaddetur huic Bestiæ? continger enim illam quam esse diximus Imperium & superstitionem infidelium, & ut nunc est Mahometanorum, evehi ad majus culmen infidelitatis ac potentie ad tempus quadraginta mensium.

Novissi-
ma po-
testas
danda
Bestiæ.

Hoc

Hoc jam eget explicatione; quam accipe: Paganismus & Secta quæ nunc est Imperii Asiatici ac Sedem suam habet Imperialem Constantinopoli, accipiet successorem Antichristum & usurpatorem urbis ac ditionum atque Imperii quibus nunc potiuntur Mahometani, transibit tota gens ac Secta Turcarum ad Antichristum, & retinebitur coram DEO forma Bestiæ præcedentis, id est infidelis populi (prout Bestiam appellavit S. Augustinus:) veruntamen cum augmento infidelitatis novo quod persuadebunt Antichristi eloquentia & stupenda signa: quasi verò ipse sit qui ulterius evehat Imperium Asiaticum ac magnificentius reddat additione sui sceptri & Regni quod significatur per Bestiam posteriorem. ita, ut prior Bestia, Imperium illud infidele, maneat porro: & accedat conjungaturque ei Bestia posterior, quæ conciliet priori maiorem auctoritatem & testimonium præbeat illius defecti-
oni iuxta à Christo. Insuper addet adversus Christum implacabile odium & execrationes illius nominis: cum novissima & omnium retrò efficacissima persecutione Christianorum ever-
sione orbis Christiani. Atque hoc est quod Joannes dixit v. 7. de potestate data IN OMNEM TRIBUM ET POPULUM ET LINGUAM ET GENTEM: nempe, de consensu eorum qui se Imperio subjiciunt Asiatico & doctrinæ ac testimonio Antichristiano, quod accumulabit Infidelitatem Bestiæ prioris ac Majestatem atque adorationem.

Menses
42.

3: Hæc accessio & hoc culmen po-
PARA II.

testatis ad Bestiam priorem, majorisq; magniloquentiæ, & blasphemiarum novi odii ac seductionis differtur usque ad tempus continuationis cum posteriore Bestia.

Dicitur hæc EI tunc POTESTAS DATA, id est præfinita & permilla, ita ut sit circumscribenda certo spatio mensium: *facere*, inquit, quidquid suggeret fraus & tyrannis infidelis, *mensēs quadraginta duos*, ultra quos non proficiet: hoc est tribus & dimidio annis, ut retulimus supra in Caput xi. ex communi Traditione. S. Thomas Doctor Angelicus pro figura istorum 42. mensium accipit 42. mansiones Israëitarum, de quibus Num. 33. *Sicut*, inquit, *populus Israël per 42. mansiones pervenit ad terram promissionis, & illis mansionibus multa mala prius sustinuit ab hostibus: ita Ecclesia per persecutiones, quas in istis 42. mensibus sustinebit, perveniet ad terram viventium: omnia enim in figura contigerunt illis.*

Cur autem hoc loco numeretur illud spatium temporis per menses potius quàm aliter, est inde quòd S. Joannes locutus fuerit de Imperio Mahometano: constat autem quòd Mahometani habeant in veneratione Lunam, quæ describit menses; sicut Sol describit annos: ut diximus in prima Parte Apocalypseos cap. 9. de cruceiati locustarum: quo etiam calculo Lunari utetur Antichristus Judaizans. Veruntamen, quod etiam monuimus in Caput undecimum Tract. 15. §. 1. abbreviata erit Lunatio Antichristiana 42. mensium computi communis:
D & bre-

& brevior quàm erat quinaris Luna-
tionum Imperii Turcici (cap. 9. v. 5.)

qui erat alterius ordinis & secretioris
computi.

§. III.

De præmonitione cautela.

Hic Apocalypsis factura tran-
situm ad alteram Bestiam, &
connexura utramque: patheticè, ut de
re gravissima, præmittit admonitio-
nem: **SI QUIS**, inquit, **HABET**
AUREM, **AUDIAT**. Præmonet
autem audienda hæc duo; *Captivita-
tem, & gladium*. Et captivitas ponitur
primo loco: quis enim nesciat Maho-
metano Imperio proprium esse, quòd
abducatur in captivitatem Christianos?
finit enim eos, dummodò ut captivos,
ut tributarios, & ut sub jugum suum
missos, vivere. Gladius verò qui secun-
do loco ponitur, id est trucidatio Chri-
stianorum longè latèque, ut nemini
parcatur nisi abneganti fidem in Chri-
stum, & illa horrenda persecutio dif-
fertur in definitum tempus triennii &
anni dimidii: quo tempore in ascensu
posterioris simul Bestiæ sæviet non
jam captivitas sed gladius Imperii Asia-
tici quæsiturus ad necem per totum
orbem vel animas Christianas vel cer-
tè corpora.

De ca-
ptivitate.

De gla-
dio.

2. Et utrique quidem Bestiæ non
futurum impune, prædicat his verbis:
**QUI IN CAPTIVITATEM DU-
XERIT, IN CAPTIVITATEM**
VADET: QUI IN GLADIO
OCCIDERIT, OPORTET EUM
GLADIO OCCIDI. id est: finis
Imperii Turcici, & captivitatis quam

inferunt, erit ipsorummet abductio
sub Antichristo successore, qui ad se ra-
piet gentem illam totam, & auferet Se-
dem Constantinopoli Hierosolymam:
finis autem Imperii Antichristiani gla-
dius Domini quo & interficietur ipse
& Regnum ejus corruet.

3. Cui prædictioni additur ad Chri-
stianos etiam cautela: ut præmuniant
se ac præparent tum ad exhibendam
patientiam, tum ad fidem constanter
confitendam: **HIC EST**, inquit, **PA-
TIENTIA, ET FIDES SANCTO-
RUM**. juxta illud Christi de patientia,
Matth. 10. v. 28. *nolite timere eos qui oc-
cidunt corpus, animam autem non possunt*
occidere: sed potius timere eum qui potest
et animam et corpus perdere in gehem-
nam. De Confessione autem fidei 1. c.
v. 32. *Omnis ergo qui confitebitur me*
coram hominibus, confitebor et ego eum
coram Patre meo qui in Caelis est: qui au-
tem negaverit me coram hominibus, ne-
gabo et ego eum coram Patre meo.

De pati-
entia &
fide.

Hanc triplicem præmonitionem is
qui habet aurem (est enim fides ex audi-
tu, Rom. 10. v. 17. ex Isai. 53. v. 1.) audiat
tempori, & præparet animam suam ad
tentationem (Eccli. 2. v. 1. Superventu-
ram orbi Christiano. quasi dicat: Cave-
te ô Christiani captivitatem potius sub
Diabolo: & illum gladium qui perse-
cutores sequetur æternus.

Quid sit
habere
aurem.

TRA-

TRACTATUS XIX.

IN CAPITIS XIII. VERSUM XI.

Anti-
christus
proprie
dictus.

Cohæret Visioni Bestiæ prædictæ narratio de Bestia posteriore: quæ crescenti atque invalescenti Mahometano Imperio tandem succedet: ipsa Imperium omnium brutissimum & bestialissimum Antichristianum. Loquitur autem de Antichristo prout dicitur proprie eo nomine ac velut substantivo: nam adjectivè & appellativè dicuntur multi: quæ utraque acceptio nominis habetur 1. Joan. 2. v. 18.

VERBA APOCALYPSEOS.

(Cap. 13. Vers. 11.) *Et vidi aliam Bestiam ascendentem de terra: & habebat cornua duo similia Agni: & loquebatur sicut Draco.*

JEcimus fundamentum ex Scriptura in Tractatu præcedente, §. 1. quòd per Bestias significetur Imperium infidele, vel Imperator utpote qui repræsentat Imperium: ad eum modum quo in Visione Statuæ ethnicæ grandis, Dan. 2. Regnum Nabuchodonosoris & ipse Nabuchodonosor pro eodem explicatur; ut videre est v. 37. de Capite aureo statuæ seu primo ex illis Regnis. sicigitur, & Antichristianum Regnum, appellatur Bestia hæc secunda, & ipse Antichristus, apud SS. Patres.

Alia Be- Dicitur Bestia ALIA: quia diver-

sa est à priore, & illi superventura. itia ipse,
Ergo hæc jam posterior Bestia, id est cum suo
Antichristus cum suo Imperio, ascen- Imperio.
det DE TERRA: nam prior Be-
stia *de mari*. Dicamus de hujus Be-
stiæ posterioris descriptione, juxta
prophetiam hujus versus undecimi;
super quo tria erunt dicenda: Primò,
ex qua terra ascendat. Secundò, quid
commune habeat cum Dracone:
siquidem loquetur sicut Draco. Ter-
tiò, quæ sint cornua quæ ha-
biturus est similia
Agni.

D 2

S. I.

S. I.

Ex qua terra ascendat.

Cū simus dicturi Antichristum exoriturum in terra Babylo-
niæ inter Judæos: supponamus illam præcipuè regionem &
circumvicinas à Judæis inhabitari.

Judæi
dispetfi.

Quâ di-
vinâ
provi-
dentiâ.

I. **C**onstat eos, ex prophetia psal-
mi 58. esse *dispersos* per univer-
sum mundum: quod eo consilio fa-
ctum est, ut Christianæ veritatis sint
testes vel invit; dum Codices prophe-
ticos; ex quibus probamus Christum,
evidenter nobis præferunt. Unde il-
los sæpè nominat S. Augustinus Chri-
stianorum librarios, capfarios, latura-
rios: *quomodo solent*, inquit, *servi post*
Dominos, Codices ferre (adeò) *ut illi*
portando deficient, illi legendo proficiant.
in psalmum 56. Vide eundem in psal.
40. 58. & alibi.

Cum quo etiam S. Doctore illud
rectè perpendimus, fuisse divinæ pro-
videntiæ, non solum non occidi eos; hoc
enim habet psalmus: sed neque ita di-
spergi in alias nationes, ut desinant suis
legibus vivere. *Judæi sunt*, ait, (in psal.
85. v. 12.) *nec destituerunt esse quod erant;*
id est. gens ista non ita cessit in iura Roma-
norum (aliorumve à quibus sunt ab-
ducti) *ut omiserint formam Judæorum.*
Dispersio hæc tam fuit procul Hiero-
solyinis, ut, teste Eusebio lib. 4. histor.
Eccl. cap. 6. sub Hadriano Imperatore
prohibiti sint non modò pedem eò re-
ferre, sed ne vel ex edito loco paternum
solum oculis aliquando aspicerent. De

his Christus Luc. 21. v. 24. *Captivi du-*
centur in omnes gentes, & Jerusalem cal-
cabitur à Gentibus, donec impleantur
tempora nationum.

De eadem dispersione Josephus
scriptor rerum Judaicarum sub Vespasi-
ano, lib. 7. de bello Judaico cap. 21. sic
scribit: *Judæorum namque gens multum*
quidem totius orbis indigenis asseminata
est. & lib. undecimo antiquit. Judaï-
carum cap. quinto, originem dispersio-
nis repetit à captivitate Babylonica: de
qua finiente cum memori esset Esdram
adeptis ab Rege literis libertatis (quas
etiam recitat Esdras lib. 1. cap. 17.)
convocasse filios Israël *qui apud Baby-*
lonem degebant, atque insuper exem-
plar epistolæ Regiæ misisse in Mediam,
ad omnes suæ gentis homines, unde exciti
multi cum ipso reverterint Jerosoly-
mam: adjungit: *reliqua Israëlitarum*
multitudo assuetum jam domicilium no-
luit relinquere. narrat inhabitasse illæ
diversas urbes, Babylonem, Seleuciam,
Ctesiphontem, (prout est legere in lib.
18. antiq. Jud. cap. 12.) ac præcipuè
Neardam & Nisibim, de quibus initio
ejusdem Capituli: *Nearda dicitur urbs*
Babylonia frequens populo & agro fertili,
qui tantam multitudinem possit alere;
cinēta

Judæo-
rū præci-
pua ha-
bitatio:

*linela fluentis Euphratis & firmissimis
mœnibus: eidem flumini est & Nisibis ap-
posita. Hæc Josephus, & S. Hierony-
mus meminit disperforum ex Judæis
incolarum in montibus passim & urbi-
bus Medorum. in Ezech. cap. 23. id
quod sæpè alibi repetit (in Ezechielis
caput 16. & 37. & in Joëlis caput ter-
tium.*

Acade-
miæ:

Est illius Neardæ multa mentio in
Thalmud Babylonico, quod illà in ur-
be conflatum est annis circiter quin-
gentis post Christum: & cognomina-
tur urbs, à Rabbinis, fluvius scientiæ
ob Academiæ scientiarum Judaica-
rum: quarum, non quidem ille flos
Academiæ, sed tamen doctrina
conservatur etiamnum in Babylonia
& vicinis latè regionibus. in quibus se
propagant bonâ Regum Babylonio-
rum veniâ, quam magno pretio e-
munt: & de quorum indulgentia re-
tinent illuc speciem Reip. & successio-
nem ejus quem vocant suum Princi-
pem aut Caput, ex familia, quod pu-
tant, Davidis, de quo Origines lib. 4.
Patriarchon cap. 1. Dicunt, inquit, per-
manere adhuc Principem ex genere Juda,
istum videlicet qui est gentis eorum Prin-
ceps, quem nominant Patriarcham: nec
deficere posse de semine ejus qui perma-
neat usque ad adventum Christi quem
sibi ipsi describunt: quos refutat ibidem
Origines ex illo Osee 3. v. 4. dies multos
sedebunt filii Israel sine Rege, sine Prin-
cipe. Extant in Jure Civili rescripta
Imperatorum Constantini, Theodo-
sii & Valentiniiani, quæ meminerant
istius Patriarchæ seu Principis. Co-
dice: de Judæis (is est Titulus no-

nus) l. tertiâ & decimâ septimâ.

Cæterum Josephus lib. 11. cap. 5.
eos qui per Romanas ditiones sunt di-
spersi, ut qui ex duabus tantum tribu-
bus fuerunt abducti Hierosolymâ,
paucos ait esse comparatè ad eos qui
habitant apud Babylonē. *Dua, inquit,
tantum Tribus per Asiam & Europam
sub Romano degunt Imperio: decem au-
tem Tribus nunc quoque ultra Euphra-
tem sunt, infinita hominum millia quæ
vix est numero comprehendere.*

2. Atque hæc ideo sint comme-
morata, ut superstrui possit ista in re-
gione Babyloniæ nativitas aut educatio
Antichristi. Ita habet communis sen-
tentia, nasciturum in Babylonia: de
qua S. Hieronymus in Danielis caput
undecimum: *Nostri autem, ait, hæc o-
mnia (à versu Danielis 21.) de Anti-
christo prophetari arbitrantur &c. qui
nasciturus est de populo Judæorum & de
Babylone venturus. Et convenit ad-
mirabiliter cum illa Visione Zachariæ
cap. 5. v. 7. & seqq. Ecce talentum plum-
bi portabatur; & ecce Mulier una sedens
in medio amphoræ; & dixit, Hæc est im-
pietas. & ecce duæ mulieres egredientes,
& spiritus in alis earum, & habebant a-
las quasi alas milvi, & levaverunt am-
phoram inter terram & Cælum. Et dixi
ad Angelum qui loquebatur in me: quò
ista deferunt amphoram. Et dixit ad
me: ut aedificetur ei domus in terra Sen-
naar & stabiliatur & ponatur ibi super
basem suam. Sensus historicus & pro-
phetia est, Judam & Israëlẽm duas
mulieres deferre Impietatem in ter-
ram Sennaar (ibi est urbs Babylon,
Gen. 11. v. 2.) & aedificare domum*

Ad Eu-
phratẽ,
infinita
millia,

Ibi pa-
tria An-
tichristi.

D 3 suam

suam in confusione, atque habere illic basem habitationis suæ usque ad consummationem mundi. Audi S. Hieronymum in hunc locum Zachariæ: *Due enim Mulieres, quæ egrediuntur, band dubium quin de terra Judæa, accipiendæ sunt decem & due tribus.* Ac postquam dixisset in aliis earum fuisse spiritum, id est potestatem Diaboli, adjungit reliqua hujus prophetiæ: *Convenit, inquit, istis mulieribus Judæa & Israël, quæ propter peccata potentia traditæ sunt demonum potestati & ab eis ductæ sunt in captivitatem. Tuleruntque amphoram sive mensuram in qua clausa tenebatur Impietas, massâ plumbi desuper posita ne possit exire; & pondus gravissimum omnium peccatorum, per aërem inter terram & Cælum elevantes.* Observat interrogationem Prophetæ: non interrogat quæ sint istæ Mulieres; patebat enim spiritui prophetali: nec quid portent; de quo supra fuerat eruditus: sed quod portent. Qui respondit: ut edificetur ei domus in terra Sennaar: pro quo LXX. transtulerunt, in terra Babylonis. Sennaar enim campus est Chaldaorum: in quo hi qui moverant ab Oriente pedes suos, & in DEI servitute stare non poterant, edificaverunt turrim superbia: unde & civitas ipsa appellata est Babylon, id est Confusio. Impietas ergo desertur ab istis Mulieribus in Babylonem: ut ibi edificetur domus ejus, & stabiliatur, & ponatur super basem suam, & aternâ statione requiescat. Verè enim in Babylone SEDES EST IMPIETATIS, & juxta historiam, & juxta mysticos intellectus.

3. Summa: S. Joannes vidit ascendentem Bestiam de terra inter Judæos

qui frequentissimi in regione atque in conterminis Babylonis: immò, præter suos ritus ac formam vivendi, retinent illic Magistratus emptitios & distinctionem Tribuum.

Nascetur autem, verisimiliter, ex Ex qua matre quæ de tribuerit Judæ; ut inde Tribu, sibi arroget sceptrum: & ex occulto patre Danita (fornicario, ut expressè inter alios sentit & bis eodem loco asserit S. Damascenus, lib. 4. de orth. fide cap. 27.) Quo pacto conciliari arbitramur utramque sententiam: & eam quæ oriturum docet Babylone; & eam quæ nasciturum de Tribu Dan, de qua pluribus diximus in Caput Apocalypsis septimum: nec non famam ortus ejus de Tribu Judæ, quânam veritate illi tribuetur.

Jam & illud amplius innotescit tam commune SS. Patribus, haustum ex Sacra Scriptura: Babyloniam esse Civitatem Diaboli, & opponi sanctæ Jerusalem DEI, metropolim omnis confusions, & habitaculum convenientissimū dæmonum: à qua civitate sicut inde à Nemrod seu Belo cæpta est & propagata defectio mundi à veri DEI cultu: ita ab eadem incipiat ortus Antichristi, & Regnum ac fama invaleseat prodigiorum ejus & potentia Messiae. Quæ nimirum conveniunt ad amissum Babylonis Chaldaicæ, illi quam perluit Euphrates, is cujus sapientissimè fit mentio in Apocalypsi super hac materia Cap. 9. v. 14. & cap. 16. v. 12. potiùs quam urbis. nam de subversione antiquæ Babylonis, perinde facta ut Sodoma, præcesserunt & impleta sunt oracula Prophetarum Isai. 13. v. 19. urbis.

Babylonia in Prophetis & PP. famosa.

Cur mē.
tio Euphratis in Apoc.
Ratio 1.
potiùs
quàm

v. 19. & seqq. ac Jer. 50. v. 39. qui ait, *non inhabitabitur ultra in sempiternum nec extruetur*: & illud ipsum narrat S. Hieronymus. At contiguo in loco aliam constat edificatam esse Babylonem prope veteris urbis ruinas, quarum & murorum Semiramidis & hortorum pensilium videre est monumenta. prout legere est apud Ortelium & alios Geographos, qui eam, quæ nunc Babylon aut Bagadat dicitur, prope ruinas antiquæ Babylonis exhibent. Ferè sicut ævo Christiano diruta illi Hierosolymæ, ut non relictus sit lapis super lapidem Luc. 19. v. 44. successit alia Hierosolyma hodierna, non eo nunc prorsus in loco ut observat S. Greg. hom. 39. in Evang. Illa autem ho-

die Babylon habetur; testimonio eorum qui sunt illuc peregrinati, esse amplissima earum, quæ in tota sunt Assyria, & subdita Mahometanis. Quam adhuc urbem, id quod ad Apocalypsin attinet, perfluit Euphrates, & jungit pons lapideus super eum impositus: qui fluvius à Tigri confluentem sic augetur, ut navigia majora perferat ad Oceanum Persicum.

Estque præterea fluminis Euphratis illa expressa mentio in Apocalypsi idcirco, ut admoneamur agi de Babylonem Chaldaicâ: non item de alia Ægyptia urbe, etiam amplâ, sitâ ad Nilum flumen, quam Arabes Babylonem nuncuparunt, vulgo Cairum quæ huc non pertinet.

Ratio. ad distinctionem altius urbis cognominis.

S. II.

De relatione ejus ad Draconem: quia loquetur sicut Draco.

1. PRÆTERQUAM quod Antichristus ex semine gignatur hominis, utpote verus homo, ut dicitur 2. Thess. 2. v. 3. *homo peccati*: Draco tamen qui est Princeps omnium Diabolorum huic foetui prognerando formandoque suam omnem impendet artem. Estimamus cum magnis Doctoribus fore præter patrem hominem spurcissimum, aut simul & cum illo, incubum matri Archidæmonem (neque enim de incubis negari posse sentit Augustinus lib. 15. de civ. cap. 13.) Is ut simius sit generationis Christi, superadveniet

illi scotto: & quia homo genitor erit occultus, sparget, id quod prædixisse de illo refertur Sancta Hildegardis Prophetissa, natum matre virgine. Certè Rabanus Episcopus pietate doctrinæque celebris in opusculo de Antichristo: *Diabolus, inquit, in matrem Antichristi descendet, & totam eam replebit, ut quod natum fuerit, totum sit iniquum & perditum; unde dicitur homo peccati & filius perditionis.*

2. Et verò ille quodammodo plastes, Draco, efformabit hunc partum ab utero, tantâ ei proclivitate instruitur corpore.

Indoles;

corporis & dispositione ad omnia vitia quanta nemini fuit mortalium: & porro à primo usu rationis suo se libero arbitrio dedicantem Diabolo instituet hic Magister imposturâ omni magicâ: & aliis præterea scientiis; etiam sacrarum Scripturarum; præcitate ingenii, memoriâ felicitate, facundia, peritiâ fallendi. *Erit sapientiâ*, inquit S. Anselmus in Elucidario, *et eloquentiâ incredibili, et omnes artes et Scripturam naturaliter sciet.* His & humanis cæteris dotibus ab eodem diabolo, supra penè captum hominis, instructus diriget sese consiliis ejusdem: cui se devovit, & illi se Diabolus vicissim. Ita de illo monstro senserunt SS. Patres: quorum S. Irenæus lib. 5. adv. hæres. cap. 29. in Bestia, inquit, *veniente recapitulatio* (frequens est hæc Irenæo vox, id est coacervatio) *fit universe iniquitatis et omnis doli.* & cap. 25. *omnem suscipiens Diaboli virtutem.* S. Hieron. in Dan. 7. *in quo totus Satanas habitaturus fit corporaliter.* S. Damascenus lib. 4. de fid. c. 27. cùm dixisset: *Non ipse igitur Diabolus fiet homo. absit enim: sed nascetur homo ex fornicatione:* adjungit: *et suscipiet omnem operationem Satanae: nam præsciens Deus irrationabilitatem futuram ejus voluntatis, permittet ut illum inhabitet Diabolus.* Oecumenius in ep. 1. Jo. *homo erit qui Satanam circumferet.* Merito illum S. Hieronymus ep. 151. ad Algasiam quæst. 11. interpretatur ex Apostolo *non operatorem, sed ipsam operationem id est fontem erroris.* S. Chrysostomus hom. 3. in 2. Thess. 2. ipsam *Defectionem* seu verbo Apostolico *ἀποστασίαν.* Oracula

Sibyllina, lib. 2. ipsum Beliar, id est *Belial.* S. Paulus cum articulo emphatico; ille, inquit, homo peccati, ille filius perditionis, ille qui adversatur: ὁ ἀδερῶκος τῆς ἀμαρτίας. ὁ ὄδς τῆς ἀπωλείας. ὁ ἀντικείμενος. ille iniquus, ὁ ἀνομός, cujus est adventus *secundum operationem Satanae*; κατ' ἐνέργειαν τοῦ σατανᾶ.

3. Atque hæc spectant ad expositionem ejus quod de Bestia posteriore dicit Apocalypsis: LOQUEBATUR SICUT DRACO. Non eo in sensu in quem prolapsus fuit S. Hippolytus martyr: fore ipsum Diabolum; qui prodibit, inquit, *sub forma hominis.* Ubi obiter ipse Hippolytus vindicandus est ab alio graviore errore, qui ei tribuitur, fore Diabolum incarnatum; hoc enim disertè negat, dum sic scribit: *sed Diabolus licet carnem assumat, hac opinione tantum* (id est, opinione hominum quibus illudet.) *quæ enim carnem ferret quam ipse non condidit sed oppugnat quondam? hanc opinor, dilecti, carnis sue substantiam assumit organi vice.* Quæ opinio ejus refutatur à cæteris Patribus. Cautius S. Ephrem ser. de Antichristo vocat illum non inimicum ipsum Diabolum, sed *perfectè illius Organum*; quod græcè significat instrumentum. Et illicoævus S. Cyrillus Hieros. catech. 15. *Satanas illo ipso utetur Organo, suâ personâ per illum operans.* Planissimè S. Augustinus lib. 20. de Civ. cap. 19. *Tunc enim solvetur Satanas, et per illum ANTICHRISTUM in omni sua virtute* (verba sunt Pauli 2. Thess. 2. v. 9.) *mirabiliter quidem sed mendaciter operabitur.* Divinè Apocalypsis:

Non tamen Draco incarnatur.

Quod neque sentit S. Hippolytus.

non Draco ipsa Bestia; sed loquebatur
SICUT Draco: utique qui totam e-
jus mentem & linguam obsidebit ac
reget, & persuasio ac doctrina tota erit
Draconis.

Ex quibus etiam modò dictis mi-
nus mirum efficitur, simul & aperitur
sensus in quo dicitur capite 9. Apoc. v.
14. alligatos fuisse quatuor Archidæ-
mones in flumine Euphrate; & cap. 12.
v. 14. in idem flumen Euphraten ef-
fundi postliminio phialam iræ sextam
& accelerari viam persecutioni: juxta
illud Scripturæ; *ab Aquilone pandetur*

Malum
ab Aquilone.

malum super omnes habitatores terræ.
Jer. 1. v. 14. quidni hoc gravissimum
malorum universalium habitatoribus
terræ? quoniam, ut diximus §. præce-
dente, ad eos maximè limites Euphra-
tis, quos constat regioni Judææ esse
Aquilonares, adstricta est qualiscunq;
potissima libertas & velut resp. Ju-
daeorum interim: donec temporibus
Antichristi solvantur illi dæmones,
præsides infidelissimæ sectæ Judæo-
rum, & per 4. terræ partes prævaleat
diabolicus pseudo-Judaismus & cura
per illum extinguendi Christianismi.

§. III.

De duobus Cornibus, quibus similis erit Agno.

1. **I**N Cornibus vires ejus eminebunt
Iejusmodi, quibus simulet Agnum:
id quod aptè exprimit vox, SIMILIA;
& quæ græcè dicitur, *ὁμοία*. Primum
Cornu erit simulatio Sanctitatis: Erit
enim simulatissimis moribus, præser-
tim à prima ætate, atque initio sui am-
bitus; de quorum annorum numero
nihil constat; usque ad plenam obten-
tam possessionem nominis Messiae ac
Monarchiam orbis, quam tenebit 3½.
annis persecutionis. De hac ejus simu-
latione morum tradunt SS. Patres: æ-
fundant tùm in illo Geneseos 49. v. 17.
ubi comparatur *colubro & cerasti* in via,
equitem aggredienti retrò: tùm in Da-
niele, variis in locis; nam & cap. 7. v.
8. & 20. Cornu *habebat oculos*, id est
prudentiam & astutiam: & cap. 8. v.
23. dicitur *Rex impudens facie & intel-*
Pars II.

Similitu-
do fan-
tatis.

ligens propositiones, id est, audaciâ præ-
ditus & acie ingenii. & v. 25. *dirigetur*
dolus in manu ejus. & cap. 11. v. 21. *obti-*
nebit Regnum in fraudulentia. De pri-
mis quidem ejus annis ætatis S. Cyril-
lus Hieros. catech. 15. *temperantiam &*
humanitatem simulabit. S. Damasc.
lib. 4. de fid. orthod. cap. 27. *nasceitur*
igitur ex fornicatione, ceu diximus: &
educabitur occultè: & repente insurget
& elevabit se & regnabit. Et in exordiis
Regni sui seu potius Tyrannidis simulabit
bonitatem. Quamobrem S. Greg. lib.
31. mor. cap. 17. eum cognominat *Hyp-*
ocritarum omnium Caput.

Alterum Cornu è duobus similibus
Agni: erit imitatio altera, miraculo-
rum: de quibus 2. Thess. 2. v. 9. *in*
OMNI virtute & signis & prodigiis men-
dacibus: iisque propemodum conti-
nuis,

Similitu-
do mira-
culorū.

nus, quacunq̃ incesſerit : prout S. Gregorius lib. 3. 4. mor. cap. 15. (in illud Job. 41. v. 23. *poſt Leviathan quippe ſemita lucere perhibetur, quia quaquā tranſit, admirationem nimiam ex miraculorum ſuorum claritate derelinquit.* Sed ejuſmodi, ut claritas illa ſit tranſfigurantis ſe in angelum lucis; quod præmonuit Apoſtolus 1. c. qui tam dilertè dixit de ſignis & prodigiis mendacibus : ſic appellatis duplici ex cauſa : primùm quia falſa erunt miracula ſecundùm ſe ; nulla enim divina vel ſupernaturalia. Deinde ex fine propter quem ea faciet; qui eſt deceptio. & confirmatio felicitatis ſcilicet divinitus promiſſæ ; & ob effectum quem obtinebunt iſta prodigia ; qui eſt auctoritas Meſſiæ: quæ erunt mendaciſſima.

2. His duobus Cornibus exprimet effigiem in ſe Agni, & attrahet ad ſe Judæos qui in Babylonia & in vicinis vaſtis regionibus ad quas ſe receperunt ab everſa Hieroſolyma: eorũque geret ſeſe Meſſiam. Protinus penetrante famâ de adventu Meſſiæ plebs Judæorum diſperſa per orbem reliquum à quatuor angulis terræ canet celeſtina, & exultabit ad excipiendum ſuæ gentis expectatum liberatorem ac Regem.

Opitula-
tio Dia-
boli.

Dum interea ſuâ hypocrifi, atque auxilio præcipuo Diaboli, dementabit Iſmaëlitas & Saracenos, longè latèque Tartaros & Turcas, tanquàm in quibus agnoſcat ſemen Abrahæ & Circumciſionem communem. Neque enim Antichriſtus proſperabitur & faciet hoc viribus ſuis, ut prænotavit Daniel cap. 8. v. 24. ſed Diaboli, cui jam

tum juſ eſt in Mahometanos & facultas eos flectendi. Appellabit Regnum Mahometanum præcurſorem & armigerum ſuum contra ſectam Chriſtianam : ſimul territos potentiâ, incantatoſque arte & perſuaſione Sanctitatis ac Prodigiorum ſuorum aggregabit in unam eandemque Legem ſuam adverſariam Chriſtianismo.

Conciliatis ſibi eo artificio Mahometanis, & ingreſſu in Conſtantinopolim ſolenni, quam accipiet vel dedititiam vel venerabundam, horum & omnium Orientalium ac per totius mundi plagas concuſu Judæorum atque acclamatione ſuccedet in Regnum Orientis ; & in eam aſſurget arrogantiam, ut omne quod ſuæ Sectæ & ſuo ſceptro adverſabitur, quæ jam erit ſola Religio Chriſtiana, velit everſum. Quod ſi quid tribuendum fabulæ Turcarum, aut ſaltem juver audire narrationem antiqui præſigii; *adnotare Turci* (ait hiftoricus Leunclavius) *ſcriptum apud ſe reperiri Sapientum in libris, ac præſertim in eo cui nomen ſit Meſſia- bî: futurum, ut prius quàm exeat Deg-nal Lain, hoc eſt, Antichriſtus improbus & edictus, bis Conſtantinopolis occupetur. Primùm gladio capiendam eſſe. Deinde Judicij tempore appetente, filios Iſhaci, non gladio ſed per invocationem divini nominis eam capturos. Priorem vaticinii partem, de occupanda bellicis armis urbe, jam impletam ſatentur (armis primi ſui Imperatoris Mahometis) Alterius occupationis eventum, & quanam illi ſint Iſhacide, qui precibus & hymnis à poturi dicuntur, ipſe dies dabu. Hæc hiftor. Turc. lib. 15. verbore-*
nus

mus Leunclavius. Non est impossibile prædictum fuisse, vel à dæmone, fore ut per Hebræos Isaacidas communi accursu & occursu usque Constantinopolim suo Pseudo prophetæ, cum hymnis & præstigiis diaboli, aperiretur aditus eam in urbem, & auspiciu Imperii Orientalis.

Existimant graves Patres, simulac in altum evectus fuerit Monarchia illiusque securus, abieciurum esse larvam humanitatis & omnem exerturum ferociam; quam innuit Daniel cap. 8. v. 24. *supra quam credi potest*, inquit, *universa vastabit*. Adeo, ut putent in ipsos Judæos etiam fore atrocem: ut scribit S. Ephrem ser. de Antichristo: *non amplius velut pius ac religiosus, neque amplius ut pauperum amator, neque utilitarius, sicut antea: verum contra prorsus; per omnia austerus, durus, iracundus & excandescens savus, instabilis, terribilis, inflexibilis ac tenebrosus, odibilis & abominabilis, immitis, improbus, superbus, scelestus, & impudens &c.* S. Jo. Damasc. l. 4. de fid. cap. 27. *Cum verò Dominator factus fuerit, manifestabit omnem malitiam suam.* S. Cyrill. Hier. cat. 15. *Decipiet Judæos, tanquam is esset Christus ab illis expectatus: deceptos verò deinceps omnis generis inhumanitatis & iniquitatis malis omnes circumscribet: ita ut omnes qui ante illum, improbi & impii fuerant excellat malitia. Mentemque habebit homicidiariam, præfractam, immisericordem, & variam.* & infra: *à principio enim simulabit humanitatem, deinceps verò inhumanitatem ostendet, & maxime erga Sanctos Dei.* Nam quod ad Judæos attinet, certè quidem

in illos Judæorum exeret intolerabilem ferociam, quæ ad prædicationem duorum Testium deferere volent impostorem & se Christo aggregare. Quin etiam exacerbatus miraculis veris quæ patrabuntur per eosdem duos Testes, ut prædicitur Apoc. 11. v. 6. *inhibita pluvia & aquis convertis in sanguinem, & omni plagâ qua percutient, quotiescunq; voluerint terram* Antichristianorum (sicut Moyles & Aaron cum Magis decertârunt Egyptiis) ferocior insurget erga suosmet qui ad ipsum recurrent; cumque *non sit impuro illi, ait S. Ephrem, quod dare eis possit, ad eos pariter omnes magna cum severitate ac iraresponsum est.*

3. Ut ut erit, ante hæc omnia, ex oraculo Apocalypses illis Cornibus representabit se Agnum; & geret *Ducem fœderis*, ut eum appellat Daniel cap. 11. v. 22. hoc est, ut ait S. Hieronymus, *Legis & Testamenti Divini.* Veruntamen cum his Cornibus & simulatione Agni non delinet esse fera Bestia: is qui non solo astu & persuasione, sed vi & armis ad delendum anhelabit nomen Christianum: frendentibus sub suo Imperatore Judæis præ odio in suos oppressores, Christianos, contra quos non sola arma sed & dentes ad vindictam præparabunt. Uterur operâ Regum decem quos adjiciet suo Imperio: tribus eorum oppressis, quorum in locum substituet alios sibi vicarios: cæteris sponte suâ dedititiis & Vassallis: habet hoc Traditio Ecclesiastica vetus ex S. Hieron. in Dan. 7. quem citavimus supra Tract. 18. §. 1. Horum conspiratione & armis perfe-

Violentia:

quetur Christianismus: auferet per eos Romani Imperii memoriam reliquam, & abolebit omnia vestigia illius, ipsamque urbem Constantinopolim tum in odium olim Principatus Romani: tum satagentibus Judæis & exosis jugum ejus urbis; ut est illorum in ea jam nunc frequens habitatio & Synagogæ amplius triginta:

quid ergo cum adventaverit tota multitudo Judæorum & Judaizantium? tum maxime ut Regiam suam stabiliat in urbe Hierosolyma, in qua residebit, sibi & pseudo-Judaismo asserturus soli dominatum orbis terrarum, & successione in Templo, de qua jam jam sumus dicturi in Tractatu sequente.

TRACTATUS XX.

IN RELIQUA CAPITIS XIII. usque ad v. 18.

Sequitur de adjunctione Bestiæ posterioris ad priorem, & consensu.

VERBA APOCALYPSEOS.

(Cap. 13. Vers. 12. & c.) *Et potestatem prioris bestie omnem faciebat, in conspectu ejus: & fecit terram, & habitantes in ea, adorare bestiam, primam cujus curata est plaga mortis. (v. 13.) Et fecit signa magna, ut, etiam ignem faceret de caelo descendere in terram in conspectu hominum. (v. 14.) Et seducit habitantes in terra, propter signa, que data sunt illi facere in conspectu bestie, dicens habitantibus in terra, ut faciant imaginem bestie, que habet plagam gladii, & vixit. (v. 15.) Et datum est illi, ut daret spiritum imagini bestie: & ut loquatur imago bestie, & faciat, ut quicumque non adoraverint imaginem bestie, occidantur. (v. 16.) Et faciet omnes pusillos, & magnos, & divites, & pauperes, & liberos, & servos habere characterem in dextera manus sue, aut in frontibus suis. (v. 17.) Et ne quis possit emere, aut vendere, nisi qui habet characterem, aut nomen bestie, aut numerum nominis ejus.*

Anacephalæosis hujus Capituli.

Distinguendum est hoc Caput hujus Capituli prophetavit ortum Apocalypseos accurate: Primo. Bestiæ de mari, & ejus progressum; In quatuor primis versibus usque ad admirationem quam concitavit,

Successus
dei in
potestatem Be-
stie pri-
oris.

tavit universæ terræ; & adorationem ejusmodi quæ communis est cum Dracone adoratio infamis & informis. Hanc partem prophetiæ videmus oculis nostris in Imperio Mahometano impleri & perdurare nostro ævo.

Secundò, à versu quinto usque ad undecimum prophetat de eadem Bestia, dandum ei os aliud magniloquum, & blasphemum, ac potestatem 42. mensium ad bellum, ac victoriam contra Sanctos, & potentiam in omnem tribum & gentem. Hæc pars prophetiæ ad eandem quidem pertinet Bestiam, at pro venturis temporibus Antichristianis: inde à v. 5. inquam, usque ad 11. quando ei se conjunget Bestia posterior, à qua prior illa immutabitur in aliam formam & imaginem venerabilem adoratione non jam quasi Draconis sed velut Numinis.

Sic enim Visio porrigitur usque ad postrema Bestiæ visæ & usque ad patientiam Sanctorum.

Tertiò, Versu undecimo producit posteriorem Bestiam de terra, cujus auspiciis hoc geretur, successuram & conjuncturam se illi priori: prout expressè continetur in v. 12. relatio prioris ad posteriorem, & connexio inter utramque. Hæc posterior erit Antichristus: qui partim similitudine ut Agnus, partim loquela ut Draco, abutetur præitione Bestiæ prioris ad conflandum suum Regnum: & totum se impendet conjunctioni cum priore, ac reformationi illius in aliam diviniorem speciem aut formam.

Igitur hoc undecimo versu exposito, sequuntur cætera: Dicitur primò usus Potestate ejus: secundò Imaginatione quam ei addet venerationis ergò: tertiò Coactione: de quibus tribus ordine: usque ad versum postremum; nam is indiget peculiari Tractatu.

§. I.

De potestate quam faciet prioris Bestiæ.

Succedet in potestatem Bestiæ prioris.

1. Incidet Antichristus in tempora ultima Imperii Mahometani, quod est Bestia prior. Prima machina, qua utetur, erit Potestas quam invenit penes præcursores, Bestiam, Imperium Mahometicum; introductum per Draconem, & stabilitum aliquot sæculis, eo consilio, ut sibi Antichristo muniretur via ad potestatem illam continuandam, brevi tempore,

augendamque usque in summum apicem Infidelitatis.

Voleat ergo POTESTATEM OMNEM illius BESTIÆ tantam tantam: & adorationem ejus eatenus ratam, quatenus ipsa est Imperium infidele: hoc est enim cordi cum Draconum Antichristo, atque hic apparatus utriusque, & consensus cum Bestia priore: præterquam quod ipse Antichristus

E 3 tichri-

tichristus coronidem addet omnis infidelitatis & perfidiæ atque apostasiæ à Deo; quod erit Imperium Antichristi omnium brevissimum & novissimum.

Juvet Lectorem meminisse explanationis generalis quam addit S. Augustinus de Bestia: cui expositioni insistimus, addendo particularia.

Palam
illâ :

2. FACIET Antichristus Potestatem illam IN CONSPECTU EJUS-met Bestiæ PRIORIS: id est (quod dicebamus in Tractatu præcedente §. de Cornibus) in conspectu & approbatione Mahometanorum & Tartarorum ac cæterorum infidelium, quos attrahet ad Judæos, callidissime incantans: quasi finis ac scopus Mahometani fuerit præcurrere, donec una & eadem Lex sit quæ Judæorum, & una eadēque detestatio ac persecutio adversus Christianos.

3. Denique hanc totam potestatem diriget eum in finem, ut *adoretur* Be-

stia PRIMA, illa CUIUS CURATA EST PLAGA MORTIS. Quod nihil est aliud quàm, ut universa terra ET HABITANTES IN EA (nam quorum est conversatio per Spem & habitatio fixa in Cœlis, cavebunt) subdant sese Imperio ethnico, illi septem Capitum & collectioni omnis ethnicismi; sicut olim Imperium Gentile Romanum collegerat in se omnem summam superstitionis, quod interim extinctum revixit in Mahometano Imperio novæ Gentilisque Romæ.

Uetur
ejus Infidelitate,

Breviter: huc spectabit posterior Bestia, ut omnes subjiciantur Imperio & subdantur superstitioni infideli. & quia invenit Mahometanum infidele, illo suum in finem utetur ad se pertracto atque incorporato in unum idēque suum Imperium: occultato & mutato nomine Infidelitatis, ut jam videmus.

§. II.

De Imagine quam addet priori Bestiæ.

Imaginē
addet
sanctam:

1. Neque enim solâ id potestate assequetur: sed *Imagine Bestiæ* prioris: quæ est altera Machina procurandi adorationem multo quàm antea diviniorem. Apponet priori informi Bestiæ alium cœlestem colorem: & artificio hujusmodi ejus effigiem depinget, ut proponatur sub specie & auctoritate Numinis supremi: hæc enim est Imago, sive Simulatio, quam affin-

get Bestiæ; lineamenta Divinitatis: & hanc IMAGINEM, scilicet sacrosanctam, curabit exponi passim & adorari pro Divina. Id est: Imperium & Sectam infidelem septem Capitum (eam quam invenit penes Mahometismum) sic reformabit, ut venerationem addat Testamenti sancti, & reductionem veri Judæismi & exstimationem Legis cultusque divini. Idque efficiet, ut dixi-

diximus, ingeniosissimâ calliditate, allecturus simulatione Numinis & colore simulachri divini: cum sit reipsa vultus Bestiæ.

Olim S. Augustinus, quem supra citavimus in Tract. 18. §. 1. per Imaginem Bestiæ vidit intelligi aliquam profitentium fidem & infideliter viventium *Simulationem*: quod hic Doctor dixit in genere, voluitque amplius inquiri, hoc nos dicimus spectatim: Imaginem Bestiæ fore *Simulationem*. Judaismi, quam addet Regno infideli quod præcucurrit.

Cum Signis:

2. Fabricam Imaginis comitabuntur SIGNA magna (v. 13.) quæ promovebunt illam venerationem adorationemque Bestiæ & Imaginis ejus. De his Signis diximus Tract. præced. §. 3. tanquam de altero Cornu Antichristi. Erunt MAGNA in æstimatione hominum, & stupore: cum alioqui præstentur partim per secretam artem Magicam, partim per præstigijs & fascinationem Diabolicam: unde & hic dicuntur fieri IN CONSPECTU HOMINUM, hoc est, pleraque apparenter coram hominibus: interque alia commemoratur facturus IGNEM DE COELO DESCENDERE; propterea quod hoc sit Signum Judaicum quod æstimabant & postulabant, Matth. 16. v. 1. Et subjicit Apocalypsis v. seq. effectum istorum Signorum consecuturum: *seducentur* enim propter illa Signa *inhabitantes terram*, & inducentur ad Imaginis adorationem.

Ecce colorabit Imperium suum tanquam divinum: cum sit verè Infi-

de ac Bestia ipsa prior, ac per additionem facta deterior. Hoc est, inquam, (est enim sæpè dicendum) addi Imaginem Bestiæ priori: *simulatione* Messiæ conciliari sanctitatem & vendicari cultum suo Imperio tanquam Divino: cum sit eadem potestas bruta quæ prioris Bestiæ, sed addita sit veneratio ac Majestas sacra profanæque in altissimum evecta fastigium Majestatis & adorationis.

3. Ad eandem venerationem pertinere, quod sequitur v. 15. ET DATUM EST ILLI à Dracone æmulatore Christi & irrisore: UT DARET SPIRITUM IMAGINI BESTIÆ, non Spiritum sanctum sed diabolicum: ET UT LOQUATUR IMAGO BESTIÆ. Nam illa *Simulatione* divinißimi Judaismi seu illud *Figmentum* (ut etiam appellat S. Augustinus) ex quo alio Spiritu loquetur, & quæ alia magnalia quàm Satanæ? prædicabit enim adventum admirandi Judæorum Prophetæ, præconia Legis de Cælo, & Pseudopphetiam promissionum, quibus plena est litera vetus, felicitatis, opum, honorum, seminis longævi, & omnis abundantiae ac dominationis mundanæ. Eam prophetiam auspicabitur ipse per semet Antichristus fultam adjunctis prodigijs: ageretque *Prophetam* cujus propagabitur vox in omnem terram: non quemcunque, sed illum quem Moyses per antonomasiam eo nomine appellavit promissum Deut. 18. v. 15. & Judæorum turba Joan. 6. v. 14.

Unde & in Apoc. cap. 19. v. 20. nomen ei datur *Pseudoppheta*: non quasi
Pseudo-
prophe-
ticæ,
alius

Et Spiritu:

Locutura:

alius sit quispiam ab Antichristo diversus qui hoc nomen gerat, sed ut ibidem additur idem ipse QUI FECIT SIGNA, qui est Antichristus ex 2. Thess. 2. v. 9. Ita, ut idem sit Pseudopropheta quod Pseudo-Messias: sicut Christo idem fuit & Prophetam dici magnum, & Messiam, & DEUM. Im-

pleturus illud Apostoli I. c. v. 4. qui adversatur & extollitur super omne quod dicitur DEUS aut quod colitur, ita ut in Templo quod à prima origine sua fuerat DEI sedeat, ostendens se tanquam sit DEUS. qui ecce est grandis Spiritus & prædicatio Imaginis Bestialis loquentis.

§. III.

De Coactione ad Imaginem adorandam.

I. Inter hæc Sede fixâ Hierosolymis, atque Imperii titulo illuc translato, everti patietur Constantinopolim & cæteras Regias Sedes, ut solus obtineat. Jamque duabus præcedentibus machinis, Potestati Bestiæ prioris, & Imagini loquenti (de quibus in duobus §§. præcedentibus) admovebit ultimum Colophonem, tertiam præpotentem Machinam, quæ est Persecutio refractoriorum & Coactio vi omni armorum & tormentorum, de qua pergit Apocalypsis v. 16. & 17.

Genera- li: Ea erit primò tam generalis, ut se extendat ad OMNES æquè PUSILLOS ET MAGNOS, DIVITES ET PAUPERES, LIBEROS ET SERVOS: id est, omnis conditionis homines. **Sævâ:** Erit secundò tam sæva, ut cogat accipere singulos CHARACTEREM IN DEXTERA MANU SUA, AUT IN FRONTIBUS SUIS: qui character erit abnegatio Crucis: ut *locus non sit* (inquit S. Ephrem & alii) signo Christianorum quod formatur dexterâ & apprimitur

fronti, compellentur Cruci renuntiare per professionem, quæ est nota criminis in fronte, ait S. Aug. (lib. 20. de Civ. cap. 9.) & per operationem qui est character in manu. Adeò severè, NE QUIS POSSIT EMERE AUT VENDERE, nec commercio uti hujus vitæ, NISI QUI HABET CHARACTEREM, AUT NOMEN BESTIÆ, AUT NUMERUM NOMINIS EJUS: id est: nisi hunc afferat characterem quo abdicet crucem Christi; aut nomen edat & confessionem Pseudo-Messias; aut relatus fuerit in numerum & in matriculam nominis ejus. Erit tertio facilis ei hæc Persecutio per Judæos orbis jam dominos insolentissimos: de quibus S. Hieronymus in Dan. 11. nullus enim Judæorum absque Antichristo in toto unquam orbe regnavit. Quorum animi per tot sæcula efferati suam iram & odium effundent in totum populum Christianum sub quo fuere dispersi, oppressi, & sprete. jam cum se viderint exaltatos per suum Messiam; freti

Expedi-
tâ.

ejus

Cujus
Typus
Antio-
chus E-
pipha-
nes :

ejus potentia, simul & sanctitate ac signis, ut divinitus promissi, pertinacissime expectati, tandem dati.

2. Non est omittendus hujus Coactionis & Imperii Antichristiani Typus celebris, qui praecessit in Antiocho Epiphane, illo persecutore apud Danielelem & in libris Machab : quorum lib. 1. cap. 1. fancebatur, (v. 51.) *quicumque non fecissent secundum verbum Regis Antiochi morerentur.* & v. sequente secundum omnia verba haec scripsit omni Regno suo, & praeposuit Principes populo qui hac fieri cogerent. Similiter atque in hoc loco Apocalypseos v. 15. **UT, QUICUNQUE NON ADORAVERINT IMAGINEM BESTIAE, OCCIDANTUR.** &c.

Aperte S. Hieronymus, de toto eo quod Daniel prophetat cap. 11. inde a versu 21. usque ad finem Capitis, ex interpretatione non sua tantum sed & ante se interpretum Christianorum : *typum eum*, inquit, *volum esse Antichristi*; & *quae in illo ex parte praecesserint, in Antichristo ex toto esse complenda.* Illamque addit esse *morem Scripturae sanctae.* & E. C. adducto psalmo 71. qui inscribitur Salomoni & impletur denique in Christo; subiungit: *Sicut igitur Salvator habet & Salomonem & ceteros Sanctos in Typum adventus sui: sic & Antichristus pessimum Regem Antiochum, qui Sanctos persecutus est, Templumque violavit, recte Typum sui habuisse credendus est.* Brevius ante Hieronymum S. Cyprianus lib. de exhort. *Mari.* cap. 11. *In Antiocho Antichristus expressus.*

3. Quin & Imaginis adoratio, de
Pars II.

qua diximus §. precedente, id est Judaeis regnantis : & sessio Antichristi in Templo consentiunt cum inter se, onis in tum cum eodem Typo, abominatione templo; illa quam Antiochus posuit in Templo Hierosolymitano; *foris Olympiis simulachrum*, ait S. Hieronymus, & *Antiochi statuas* (ex lib. 1. Mach. cap. 1. v. 57. & 2. Mach. 6. v. 2.) *quas nunc abominationem desolationis vocat: quae universa in Typo Antichristi* (Scriptores) *Nostri praecessisse contendunt; qui sessurus est in Templo DEI & se facturum ut Deum.* Est enim Antichristus abominatio, si minus ea de qua Dan. 9. v. 26. & 27. quam citavit Christus Matth. 24. v. 15. at ea de qua Dan. 11. v. 31. quae est de Antiocho : & ea de qua Dan. 12. v. 11. ubi non tam de Antiocho quam de Antichristo prophetatur, & quidem historico ipso in sensu : prout testatur S. Hieronymus quaest. 4. ad Algasiam : *quando abominatio desolationis steterit in loco sancto : quod quidem juxta literam de adventu Antichristi praedicari nulli dubium est.* Immo S. Hilarius (cujus scripta mirifice laudat S. Hieronymus) etiam illam abominationem desolationis stantem in loco sancto, de qua Christus Matth. 1. c. interpretatur ex mente Christi esse Antichristum : & explicans singula ex illis tribus quae illic dicuntur, sic scribit (canone 25. in Matth.) *De Antichristi enim temporibus ista locutus est. Abominatio ex eo dictus; quod adversus Deum veniens honorem sibi DEI vindicet : Desolationis autem abominatio; quia bellis & cadibus terram cum piaculo desolaturus sit : Atque ob id adversus susceptus loco sanctificationis insister;*

F

NE

ut ubi Sanctorum precibus DEUS invocabatur, illic ab infidelibus receptus DEI honore venerabilis sit.

Hiero-
folymi-
tano.

Quod autem diximus de Sessione in Templo DEI : de qua S. Augustinus lib. 20. de Civ. cap. 19. *Nulli dubium est, eum* (Apostolum 2. Thess. 2.) *de Antichristo ista dixisse*: communior est sententia SS. Patrum, fore ut sedeat in Templo Hierosolymitano. ita S. Irenæus lib. 5. cap. 25. de Apostolo: *quoniam Hierosolymis Templum per dispositionem veri DEI factum est, Templum illud dixit DEI.* S. Cyrillus Hier. cat. 15. *ut ipse in Templo DEI sedeat: quale autem Templum dicitur? In Templo quod reliquum est Judæorum. si enim tanquam Christus ad Judæos veniet, a Judæis sanè adorari volet, ut illos maxime decipiat: Studiofissimum se esse ostendet illius Templi, ut ipse de progenie David esse videatur, qui Templum à Salomone olim exstructum ipse sit readificaturus.* S. Ambrosius in Luc. 21. *abominatio enim, ait, desolationis, execrabilis adventus Antichristi est sedens juxta historiam in Templo.* S. Damascenus lib. 4. de fid. cap. 27. *ut in Templo DEI sedeat, demonstrans seipsum quòd sit DEUS; in Templo quidem DEI, non nostro, sed veteri Judaico: non enim nobis, sed Judæis veniet.*

Utique existimatione Messiae apud illos acquisitâ sumpsit sibi instaurandam splendidissimè & citissimè Hierosolymam cum Templo; collaborantibus non solis Judæis sed & Diabolis: tradiditque Judæis incolendam: quando ipso sedente in Templo DEI complebitur unanimi adoratione illud

Christi quod prædixit Joan. 5. v. 43. *si alius venerit in nomine suo* (non legitime missus) *illum accipietis: alium, inquit S. Irenæus (lib. 5. cap. 25.) dicens Antichristum.*

Ibi tunc & Potestas imperandi, & Imago simulata, & Persecutionis coactio, hæ omnes machinæ simul operabuntur totis 42. mensibus.

Quo tempore resistent duo Testes, Adver-
de quibus in prima Parte Apoc. cap. 11. fantibus
qui & Potestatem suam divinam op- ei 2. Te-
ponent Potestati: & veram DEI Le- stibus;
gem Imagini confictæ; & tolerantiam atque exhortationem Persecutioni: eâ denique mutatione dexteræ Excelsi & eventu; quem post imposturam & Quibus
ærumnas trium annorum & dimidii relerva-
tradunt ex Prophetis & Apostolo SS. tur redu-
Patres omnes de reliqua gente Judæo- ctio Ju-
rum. S. Hieron. in psal. 20. *per Eliam & Enoch credituri sunt in finem.* Et S. Aug. lib. 20. de Civ. cap. 28. S. Greg. l. 11. mor. cap. 9. *Elias, veniente promittitur ut reducat corda filiorum ad Patres eorum* (Malach. 4. v. 6.) *quando hoc intelligere de Domino cœperint filii quod prædicaverunt patres. & hom. 12. in Ezech. in fine mundi Judæi ad fidem redeunt.*

Cætera de Antichristi exercitu: & genere prælii; partim prædicatione & seductione animarum, partim persecutione corporum: ejusdemque clade & interfectione locus erit tractandi Apoc. 19. ubi dicimus, quòd Christiani non se illi opponent prælio materiali; sed præparatione ad Martyrium: nec istud Enoch & Elias agent ut fiat; sed erunt prælii spiritualis Duces.

Hacten-

Nome
ras est
prioris
Bettiz

Hactenus in hoc Capite Historia prophetica de Bestia posteriore: & narratio plena de utraque Bestia. Sequitur Index in tempora hujus prophetiæ; Versus 18.

TRACTATUS XXI.

IN CAPITIS XIII. Versum postremum.

Postquam de utraque dixit Bestia, indicat unde possit dignoscitur tempus quando hæc incipient.

VERBA APOCALYPSEOS.

(Cap. 13. Vers. 18.) *Hic sapientia est. Qui habet intellectum, computet numerum bestiae. Numerus enim hominis est, & numerus ejus, sexcenti sexaginta sex.*

§. I.

De illis verbis: Hic sapientia est.

Sapientia est: Primò scire utriusnam Bestiæ numerus afferatur è duabus. Secundò, quo consilio is numerus reveletur. Tertiò, cur hujus potius Bestiæ quàm alterius.

Numerus est prioris Bestiæ:

1. **E** Tenim duplex Bestia descripta est in hoc Capite: & admirabilis est Apocalypsis, quæ relinquare videtur Lectorem suspensum in medio, utrius Bestiæ sit numerus de quo agit: ejusne quæ est prior & cujus faciet posterior potestatem, an verò ipsius posterioris. Sed qui revolverit diligenter hoc Caput Apocalypseos, & ponderaverit ea quæ dicuntur de admiratione illius quæ est BESTIA PRIMA, & ejus CUIUS CURATA

EST PLAGA MORTIS, & QUÆ HABET PLAGAM GLADII ET VIXIT, quòdque in illius CONSPECTU (utpotè alterius) facturus sit alius SIGNA, & quod illius sit futura IMAGO & simulatio quæ loquatur, & cui ab altera Bestia imperetur cultus seu adoratio: is ex verbis Joannis illud arbitrabitur, sine ulla dubitatione describi numerum primæ Bestiæ.

2. Et hoc eo consilio perneccessario: Fuit is
F 2 ut

neceffa-
riò præ-
nuntian-
dus.

ut agnoscendo primam Bestiam, quæ est Imperium infidele, animadvertant Christiani securam esse posteriorem Bestiam quæ est Antichristus cum suo Regno. Maximè, quòd prima Bestia sit longæva : & sit ea ipsa quæ utetur Antichristus & quam traducet in suum Imperium, addito colore Legis DEI ac præsentia Messia.

3. His enim ad eum modum prophetatis, optabilissimum fuit ut Apocalypsis detegeret certo indicio illud tempus primæ Bestiæ : quoniam hac exortâ nulla supererit præsolatio sapientibus, præterquam ut superadveniat tritium & dimidii annorum Bestia Imperium Antichristianum.

Potius
quàm
Posteri-
oris.

HIC, inquit S. Joannes, SAPIENTIA EST : & ad hujus animadversionem nominis & computum numeri provocat : QUI HABET, inquit,

INTELLECTUM. COMPUTET NUMERUM BESTIÆ : videlicet primæ; cujus de mari ascensus erit sapientibus in toto orbe terrarum prodromus manifestus advenientis secundæ, & imminentis, ac prævidendæ iis qui habuerint intellectum; nempe Antichristiani Imperii cui præcurret. Nam ipsa secunda Bestia prodet se abundè orbi terrarum suâ additione Imaginis, & suo nomine Messia, & concursu ad illum Judæorum, & ædificatione Templi, & exultatione istorum & immanitate persecutionis, cujus solatium erit tempus perbreve, quod non egeat novo indicio.

Quæritur igitur, quis sit numerus prioris Bestiæ : de qua tanta dicta sunt, & cum qua nectuntur cætera breviora.

§. II.

De illis verbis : Computet numerum.

Computatio est
notarum
Græcarum:

1. Nemo dubitat quin hæc supputatio debeat esse notarum Græcarum : quia eo idiomate Apocalypsis est scripta : & ipse numerus est per notas Græcas adscriptus. Unde S. Irenæus, contiguus Apostolicorum temporum, scriptum reliquit lib. 5. cap. 30. eos qui S. Joannem viderunt, testimonium perhibere, quòd numerus Bestiæ sit secundum Græcorum computationem (κατὰ τὴν τῶν Ἑλλήνων ὑπόθεσιν) per literas quibus nomen constabit. Et in eadem Apo-

calypsi in cap. 7. ubi agitur de numero Signatorum, ea etiam numeratio non exprimitur secus quàm per Græcas notas: dum enim dicitur, centum quadraginta quatuor millia, græcè habetur *μυδ' κιλιάδες* : & ex omni tribu duodecim millia, græcè habetur *ιβ' κιλιάδες*.

2. Mos enim est Græcis per literas sui Alphabeti numerare: sicut etiam in phabetū sua lingua Hebræi per suas numerant Græcū. literas: & Latini per suarum aliquas, videlicet per *M, D, C, L, X, V, I*.

In Græcorum quidem Alphabeto
 α, quæ est prima illorum litera, signi-
 ficat unitatem : β significat binarium;
 γ ternarium : δ quatenarium : ε qui-
 narium : signum deinde ς, quod in-
 terponitur in medio numerationis
 inter ε & ζ, senarium : ζ septenarium:
 Ϸ numerum octavum : θ nonum :
 litera iota (ι) decimum : exin κ vi-
 gesimum : λ tricesimum : μ quadra-
 gesimum : ν quinquagesimum : ξ se-
 xagesimum : ο septuagesimum : π o-
 ctogesimalum : Ϡ vel ϡ inter π & ϣ,
 nonagesimum : ϣ centesimum : τūm
 deinde σ ducentessimum : τ trecent-
 tesimum : υ quadringentesimum : &
 sic deinceps.

3. Computetur ergo numerus, ex-
 hortante Apocalypsi : qui si manifestè
 deprehendatur esse numerus hominis
 à quo Bestia habeat appellationem, &
 numerus sit 666. hoc numero inven-
 to is qui fidem habet Apocalypsi &
intellectum, ne dubitet agnoscere Be-
 stiam.

Ter se-
 narii.

Nec vacat, quòd Numerus sit Se-
 narius, qui est figura hujus tantum-

modò temporis & corruptionis: in-
 faustus, peccato deformatus proto-
 platorum, & ater, hujus mundi cujus
 principatum sibi violenter arripuit
 Diabolus : sicut è contrario nomen
 Inoδς apud eosdem Græcos numerum
 habet 888. qui est Symbolum æterni-
 tatis & salutis perpetuæ, pro hac enim
 obtinenda inscribuntur psalmi quo-
 rum titulus est pro octava, hoc est pro
 æternitate Beata & immortalitate.
 Juxta expositionem S. Augustini in
 psal. 11. *pro octava : pro æterno sæculo*,
 inquit, *quod post hoc tempus, quod se-
 piem diebus voluitur, dabitur San-
 ctus.*

At Jēsus
 est ter
 octona-
 rii.

Jam si habeamus intellectum, ex
 eo quòd prædictum est in Apocalypsi,
 & ex eo quòd ob oculos totius mun-
 di cernitur adimpleri, computemus
 numerum. debet enim esse NUME-
 RUS BESTIÆ, id est, ut demonstra-
 vimus dudum ex Scriptura, infidelis
 Imperii : debet esse NUMERUS
 HOMINIS, qui federit primus in eo
 Imperio; & debet Græcis literis nec mi-
 nus nec plus inesse *numeri* quàm 666.

§. III.

De illis verbis : Numerus hominis est : 666.

Nume-
 rus est
 Maho-
 metani
 Imperii:

1. **H**is positis manifestum est sapi-
 enti; quòd Bestia prima, Im-
 perium Mahometanum, primò sit Im-
 perium infidele, atque aded Bestia:
 secundò quòd inchoatum ab homine,
 inter Imperatores ejus gentis primo
 invasore Orientalis Imperii, cujus no-

men græcè Μαμετς : sic enim Histo-
 rici Græci nobis hoc nomen reliquere
 scriptum (& est apud Græcos Gram-
 maticos formæ seu declinationis ejus-
 dem cujus est nomen proprium viri
 Μάρις Μάριδος :) tertio æquè au-
 tem manifestum, quòd in Græca

F 3

lin-

lingua nomen Μαμετίς constituat numerum 666.

Nam numerus μ est 40. α est unitas: θ est 70. μ iterum 40. ϵ numerus est quaternarius: τ est 300. jota est 10. signa est 200. quod etsi in fine vocabulorum apud Græcos scribatur suo modo, nihil aliud tamen est quam Sigma; ut novit quisquis vel modicè tinctus est illâ linguâ, & in numero *Ἰησοῦς* supra evidens est.

Jam additio arithmetica horum numerorum, pueris nota est: sicut & numeri ipsi noti sunt pueris qui græcè discunt:

M	—————	40
A	—————	1
O	—————	70
M	—————	40
E	—————	5
T	—————	300
I	—————	10
Σ	—————	200

Summa numeri omnino 666. græcè ϞϞϞ .

Cui succedet
Anti-
christus.

Hæc est prima Bestia. Transferamus huc verba S. Irenæi lib. 5. cap. 30. *Hunc autem numerum nominis ostendit, ut caveamus venientem scientes quis est.* Est enim Antichristus is qui succedet huic Bestiæ priori: hanc consecratione & colore Imaginis superinducto faciet adorari: huic additâ infidelitate & superstitione multò majore ac speciosiore, rapiet Imperium ad se, & in illo elatus ostendet se geretque ut Deus.

2. Si quis ex Patribus hunc ipsum numerum tribuere videtur Antichri-

sto, meretur defendi. Primò, quia Patres antiqui non ita distinxerunt inter has Bestias, eò quòd viderint à longè & confusè inter se Bestiam utramque: sed expressè Apocalypsis distinguit: & nos tot decursu annorum propius videmus ac discernimus. Secundò. Et ita tamen est ut rectè possit attribui: tempore enim Antichristi erit illâmet Bestia ipsummet Imperium Antichristi unum atque idem, solo nomen tectorio incrustatum, ut sæpè diximus.

3. In hoc computo procul absumus ab opinione quæ Mahometem illum antiquum, veteratorem, illum tantummodò Arabum Ducem & prædatorem quoad vixit, neque unquam Imperatorem Romanum, dixerit esse Antichristum: vel Sectam ejus Mahometanam: imò nec eam prout nunc est. Oportet enim ut maneat substantia quidem ejus Imperii quatenus est Infidèle: sed non est illud Antichristianum, propriè sumendo hanc appellationem Antichristi, ut supra monuimus: non est, inquam; Antichristianum sine pseudo-Messia venturo & quoad infideli Regno fucus addatur ac lenocinium sanctæ Imaginis. Hoc nostris temporibus advenisse non dicimus, sed negamus.

Placeat Lectori attento expendere quid afferamus. Ecce dicimus primò id quod oculis omnium cernitur hominum: dari Bestiam quæ sit Imperium Mahometanum. Dicimus secundò illam esse Bestiam priorem: & convenire illi numerum nominis hominis; primus enim Imperator nomen habuit

Proinde
& Anti-
christia-
ni Impe-
rii suc-
cessuri.

Nihil
nobis cū
Maho-
mete nō
Impera-
tore.

Funda-
mentū
est in A-
pocaly-
psi:

habuit Mahometis qui expugnavit Imperium Constantinopolitanum anno Christi 1453. & retinet in suis successoribus: id quod æquè est evidens & ob oculos. At tertio distinguimus illam priorem Bestiam à posteriore, neque confundimus: sicut nec S. Joannes confudit sed distinxit, hanc dicimus, cum S. Joanne, secuturam, & fore ALIAM (v. 11.) verum ita, ut, cum advenit, potestatem faciat omnem ejusdem prioris Bestiæ; nam revera & coram Deo tam erit ac plus infidele Regnum ejus, & tam ac plus multo potens quam illa Bestia prior: ac fore ut illi addat Imaginem, Simulationem Messie & Signorum ejus. hoc enim dicimus facturam esse posteriorem Bestiam, Antichristum cum suo Regno Judaico quod superveniet prioris Bestiæ.

Denique si quis voluerit divinare, aliud præterea nomen ejusdem numeri futurum ipsi Antichristo aut Bestiæ secundæ (sicut de Antichristo suspicatus fuit S. Irenæus l. c. esse ei nomen posse TEITAN aut æquivalens

quod græcis literis, eundem denotet numerum:) hoc non repugnat iis quæ à nobis sunt dicta. Veruntamen eò discrimine: quòd de Bestia priore jam factum sit; de posteriore expectandum, & videlicet in fine sæculorum. Neque hoc Apocalypsis determinat: nomen autem primæ determinasse operæ pretium potius fuit, ac tempori: primò quia, ut paulò ante indicavi- De Be-
mus, dies Bestiæ primæ erunt longio- stia prio-
res; at Bestiæ secundæ seu Imperii An- re.
tichristiani erunt perbreves. Secundò, quia ipse Antichristus est successurus in potestatem illius prioris, utpote cui Ipse addet Imaginem & divinitatem; cum sit cætera idem Imperium utriusque, id est Infidele & à Dracone institutum. Tertio, hic enim finis præcipuè spectatur: quia qui Bestiam primam viderint tenere culmen Imperii, nam hic est Sapiencia, intelligent Præcursores adesse Antichristi: & qui habet intellectum, cavebit atque in expectatione erit Antichristi, illud Imperium è vestigio haud multis post sæculis secuturi.

TRACTATUS XXII.

IN CAPUT XIV.

Recensentur Sancti illustriores qui triumphabunt his temporibus. Et respondet hoc Caput primæ Parti Apocalypseos Capiti 7. de recensitione Signatorum: consentit utrobi- que numerus 144. millium, id est duodecies duodecim mil- lium, numerus selectus.

VERBA

VERBA APOCALYPSEOS.

(Cap. 14. Versu 1. & seqq.) Et vidi, & ecce Agnus stabat supra
montem Sion, & cum eo centum quadraginta quatuor millia, habentes
nomen eius, & nomen Patris eius scriptum in frontibus suis. (v. 2.) Et
audivi vocem de cælo, tanquam vocem aquarum multarum, & tan-
quam vocem tonitruum magni: & vocem, quam audivi, sicut citharado-
rum citharizantium in citharis suis. (v. 3.) Et cantabant quasi canti-
cum novum, ante sedem, & ante quatuor animalia, & seniores, & ne-
mo poterat dicere canticum, nisi illa centum quadraginta quatuor mil-
lia, qui empti sunt de terra. (v. 4.) Hi sunt qui cum mulieribus non sunt
coinquinati: Virgines enim sunt. Hi sequuntur agnum quocunque ie-
rit. Hi empti sunt ex hominibus primitiæ Deo, & Agno: (v. 5.) Et in
ore eorum non est inventum mendacium: sine macula enim sunt ante
thronum Dei. (v. 6.) Et vidi alterum Angelum volantem per medium
cæli, habentem Evangelium æternum, ut evangelizaret sedentibus su-
per terram, & super omnem gentem, & tribum & linguam & populum.
(v. 7.) Dicens magna voce: timete Dominum, & date illi honorem,
quia venit hora iudicii eius: & adorare eum, qui fecit cælum & ter-
ram, mare, & fontes aquarum. (v. 8.) Et alius Angelus secutus est di-
cens. Cecidit, cecidit Babylon illa magna: quæ à vino iræ fornicationis
sua potavit omnes gentes. (v. 9.) Et tertius Angelus secutus est illos, di-
cens Voce magna: Si quis adoraverit bestiam & imaginem eius & ac-
ceperit characterem in fronte sua aut in manu sua. (v. 10.) Et hic bibet
de vino iræ Dei, quod mistum est mero in calice iræ ipsius, & cruciabi-
tur igne & sulphure in conspectu Angelorum sanctorum, & ante con-
spectum agni. (v. 11.) Et fumus tormentorum eorum ascendet in se-
cula seculorum: Nec habent requiem die ac nocte, qui adoraverunt be-
stiam & imaginem eius, & si quis acceperit characterem nominis eius.
(v. 12.) Hic patientia Sanctorum est, qui custodiunt mandata Dei, &
fidem Iesu. (v. 13.) Et audivi vocem de cælo, dicentem mihi: Scribe:
Beati mortui, qui in Domino moriuntur. A modo jam dicit spiritus, ut
requiescant à laboribus suis, opera enim illorum sequuntur illos. (v. 14.)
Et vidi, & ecce nubem candidam: & super nubem sedentem, similem
filio hominis, habentem in capite suo coronam auream, & in manu sua
falcem

, falcem acutam. (v.15.) Et alius Angelus exiit de templo, clamans vo-
 , ce magna ad sedentem super nubem: Mitte falcem tuam, & mete, quia
 , venit hora ut metatur, quoniam aruit messis terra. (v.16.) Et misit, qui
 , sedebat super nubem, falcem suam in terram, & demessa est terra. (v.17.)
 , Et alius Angelus exiit de templo, quod est in celo, habens & ipse
 , falcem acutam. (v.18.) Et alius Angelus exiit de altari, qui habebat
 , potestatem supra ignem: & clamavit voce magna ad eum qui habebat
 , falcem acutam, dicens: Mitte falcem tuam acutam, & Vindemia botros
 , vinee terre: quoniam matura sunt uvae ejus. (v.19.) Et misit Angelus
 , falcem suam acutam in terram, & vindemiavit vineam terrae, & mi-
 , sit in lacum irae Dei magnum: (v.20.) & calcatus est lacus extra civi-
 , tatem, & exiit sanguis de lacu usque ad frænos equorum per stadia
 , mille sexcenta.

S. I.

De aureola Virginum.

1. **A**bsolvit S. Joannes in hoc
 Capite 14. secundam hujus
 alterius Partis Apocalypticæ
 Visionem: cujus & præcedentis hic
 erit ordo & connexio. Primò de Mu-
 liere & Dracone, de commissio contra
 illam prælio, victricibus primitiis Mar-
 tyrum, de Mulieris exaltatione post
 raptas easdem primitias: & de flumine
 quod ex ore Draconis egestum absor-
 buit terra. Secundò de eo quòd Dra-
 co innovaturus prælium cum reliquo
 semine Mulieris designaverit apud se
 Bestiam priorem, quæ de mari: & po-
 steriorem aliam Bestiam quæ de terra
 sit ascensura: quibus duabus Bestiis S.
 Joannes totum perstrinxit conatum
 Draconis reliquum usque ad tempus
 Judicii extremi. In quo antequam fi-
 nem imponat his duabus Visionibus,
 Connexio Visionum 2. præcedentiũ.

Pars II.

describitur Triumphus Sanctorum
 post persecutionem: quorum prima &
 illustris portio Virgines.

2. Neque enim deerit in omnibus
 his persecutionibus Ecclesiæ numerus
 Virginum inprimis. Hic est Chorus
 eorum quibuscum stat AGNUS om-
 nium conjunctissimis SUPRA
 MONTEM SION, in Beatitudine:
 quorum IN FRONTIBUS NO-
 MEN EJUS ET PATRIS EJUS.
 VOX eorum DE COELO TAN-
 QUAM AQUARUM MULTA-
 RUM, id est ex populis multis sele-
 ctorum: & vox TANQUAM TO-
 NITRUI MAGNI perfingentis
 nubem ignitam, fomitem concupis-
 centiæ carnalis: & concentus SICUT
 CITHAROEDORUM, quorum
 cithara tota compages corporis illibati
 edit

edit sonoram melodiam : & simul can-
rant QUASI CANTICUM NO-
VUM ore virgineo : ANTE SE-
DEM, id est coram DEO; ET AN-
TE 4. ANIMALIA, id est juxta
consilium Evangelicum; & ante SE-
NIORES, tanquam pars illustrissima
status Ecclesiastici. Dicitur *Novum*:
tūm quia non ex usu veteris Legis, sed
novæ: tūm quia novum ipsum & sin-
gulare quod NEMO poterit discere
aut DICERE inquinatus cum mu-
liere.

Nume-
rabilū.

Sequen-
tium
Agnum.
&c.

3. Horum numerus est 144. MIL-
LIA: numerabiles enim: Matth. 19.
v. 11. *non omnes capiunt verbum istud,
sed quibus datum est.* HI (v. 4.) SE-
QUUNTUR AGNUM in vesti-
giis ejus omnibus QUOCUNQUE
præ-IERIT, qui pascitur inter lilia.
Quid est, ait in hunc locum S. Augu-
stinus (lib. de sancta Virginitate, cap.
27.) *eum sequi nisi imitari? multa in
illo ad imitandum omnibus proponuntur:
Virginitas autem carnis non omnibus;*

*non enim habent quid faciant ut virgines
sint, in quibus jam factum est ut virgi-
nes non sint! (& cap. 28. pergit) sequan-
tur itaque Agnum ceteri fideles qui vir-
ginitatem corporis amiserunt: non quo-
cunque ille ierit, sed quousque ipsi potue-
runt: possunt autem ubique, præter cū mīr
decōre virginitatis incedit.* HI, ait Apo-
calypsis, singulariter EMPTI SUNT
pretio magno de terra & de contagio
terreno, ut essent æquales Angelis,
Luc. 20. v. 36. & Matth. 22. v. 30. eō
quod gloriificaverint DEUM in corpo-
ribus suis sicut IN CITHARIS; quæ
illum retinent cœlestem sonum in æ-
ternitate & recreant ceteros Beatos.
Maximè si non solum Virgines carne,
verum etiam mente semper quæ nullo
doli ambitu (ut S. Ambrosius loquitur
ad Virgines) sincerum adulterat affectum,
nullo mendacio vel aliâ MA-
CULA noxæ mortalis: & ut S. Aug.
l. c. *illibata virginitatis in corpore, invio-
lata veritatis in corde.*

Compellemus non sine suspicio Augustiniano, & gratulemur sequentibus
Agnum quocunque ierit. quod ire putamus (hæc est apostrophe S. Au-
gustini) hunc Agnum, quod nemo eum sequi vel andeat vel valeat nisi vos: quod
putamus eum ire? in quos saltus aut prata? (respondet:) ubi, credo, sunt
grandia gaudia, nec gaudia qualia in ipso Regno DEI ceteris non virginibus e-
runt, sed à ceterorum omnium gaudiorum sorte distincta. Nam sunt alia alia,
sed NULLIS TALIA! Hæc Augustinus. Quæ infania prostituisse ita te-
merè Virginitatem: lenticulâ vendidisse jus primogenituræ: primitias de-
liciarum cum Agno!

S. II.

De aureola Doctorum: & Martyrum.

HABEBIT inter Sanctos, ut vidi-
mus Choros Virginum præmi-
nentiam suam, de qua Christus Matth.
19. v. 12. *qui potest capere, capiat.*

l. Ha-

Triumphus
Docto-
rum.

1. Habeant deinde suam etiam præcellentiam Sancti Doctores & Præpositi, de quorum fulgore Daniel c. 12. v. 3. Horum est dignitas fuisse officio Angelos, id est nuntios Altissimi. Ergo pro his representandis veniant in Apocalypsi & sibi invicem succedant tres Angeli: propterea quod tria sint munera Præfulum & Doctorum Ecclesiasticorum. primum est annuntiare EVANGELIUM salutis ÆTERNUM: pervolando PER MEDIUM Ecclesiæ, ut fiat in omnem TERRAM ET POPULUM sonus eorum: atque exhortari MAGNA VOCE, cujus hæc sit materia; (v. 7.) *timor, honor, cultus seu adoratio* Creatoris qui vicinus immineat Judex. Alterum eorum officium & priori connexum est, dehortari ab illecebra *Babylonis* & poculo quod propinat omnibus gentibus, jam jam casuræ. Tertium, & his postremis temporibus apprime necessarium, animare ad constantiam & ad generosum potius martyrium quam ut admittant cultum *Bestiæ & Imaginis*, aut CHARACTEREM; sub interminatione *calicis IRÆ DEI* æternæ ac vindictæ per *Angelos sanctos & Agnum* sumendæ; in cruciatu ignis & sulphuris ac tormentorum

fumantium sine fine sine requie, sine intermissione. Hæc omnia Apocalypsis.

2. HIC, inquit, PATIENTIA SANCTORUM EST, & custodia *mandatorum* ac fides JESU: quæ est tertia prærogativa Martyrum: de quibus *Vox DE COELO*, digna cedro: SCRIBE, inquit; BEATI MORTUI QUI IN DOMINO, & vero etiam pro Domino, MORIUNTUR: his JAM loquitur Consolator SPIRITUS de *requie A LABORIBUS*, & fructu *operum*; quorum sicut illud fuit maximum (Joan. 13. v. 13.) posuisse animam pro DEO, ita semel impensum *sequitur* gloria operis æterna.

3. Hactenus representatio Sanctorum: & inter illos eorum qui illustriores cum suis aureolis, Virginum, Doctorum, Martyrum. quod etiam reducit Confessorum chorus: quia & hi in patientia sua possederunt animas suas & in Domino defuncti sunt per beatam mortem. qui est exitus utriusque Visionis & persecutionis continuatæ per Draconem & utramque Bestiam: auxisse & illustrasse numerum Sanctorum in Cælo.

Triumphus
Martyrum:

Cæterorumque
beatorum:

§. III.

De messe, & de vindemia terræ.

1. ESSE autem hunc finem præcedentium Visionum patet ex eo quod productæ sint usque ad Judicium

novissimum; de quo sunt cætera Capituli: Primò *vidisse* (v. 14.) SIMILEM Filium FILIO HOMINIS, Regem spectabilem

G 2

PROPHETIÆ APOCALYPTICÆ

§2

cū fal-
ce mes-
soria.

Angelus
cū falce
vinde-
miato-
ria.

Messis
enim est
electo-
rum:

bilem coronā aurā & SUPER NU-
BEM; cum potestate quasi FALCE
messoriā IN MANU SUA, quam
acuerit ad demetendam terram. Cui
potestati testimonium præbet antea-
mbulo Angelus: & promulgat *venisse*
horam præstitutam, & *aruisse messem*,
id est, esse tempus summæ maturitatis;
Matth. 13. v. 39. *messis* verò *consumma-*
tio sæculi est. Secundò, vidisse (v. 17.)
alium Angelum qui ET IPSE habe-
bat FALCEM ACUTAM vinde-
miatoriam: & ad proclamationem si-
militer alterius Angeli, cui potestas erat
commisā SUPRA IGNEM in
quem mittendi sint reprobi (juxta il-
lud Domini de Angelis, Matth. 13. v.
49. *mittent eos in caminum ignis*;) ju-
betur vindemiare BOTROS VI-
NEÆ TERRÆ, Isa. 5. v. 7. domus
Israël: QUONIAM MATURÆ
SUNT UVÆ EJUS.

2. Et Messis quidem est salvando-
rum: quam magis decet attribui Filio
hominis ipsimet ad quem pertineat:
Vindemia verò reproborum, quæ fiat
per Angelos ministros, est vindi-
cæ: Matth. 1. c. *exibunt Angeli & se-*
parabunt malos, quod dictum est in
parabola de semine: in qua illud ipsum
discrimen inter Christum & Angelos
observat S. Chrysostomus hom. 48. in
Matth. *Ad beneficiendum quidem*, ait,
pronus est: à desiderio autem puniendi
alienus. nam quando seminat, per seipsum
id peragit: supplicia verò per alios infert:
mittet enim, inquit, Angelos suos. Hæc
Chrysost. quod maxime convenit huic
loco: Nam Messis accipitur ferè in
bonam partem: ut Joan. 4. v. 35. ubi

regiones dicuntur *albæ jam ad messem*:
& Matth. 3. v. 12. ac Luc. 3. v. 17. *con-*
gregabit triticum in horreum suum. E
contrario Vindemia plerumque sumi-
tur in malam partem à Scriptura: ut
psal. 99. v. 13. *& vindemiant eam om-*
nes (malum) *qui præcogrediantur viam.*
& Thren. 1. v. 12. *Vindemiau me ut*
locutus est Dominus in die iræ furoris
sui. De utroque etiam Joël; quia-
quæ distinguit cap. 3. postquam enim
dixisset de Judicio extremo v. 12. *Con-*
surgant & ascendant gentes in vallem Jo-
saphat, quia ibi sedebō ut iudicem omnes
gentes in circuitu; discernit messem à
vindemia, v. 13. nam de messe, *mitte,*
inquit, *falces quoniam maturui messis:*
de vindemia autem; *venite & descendi-*
te, plenum est torcular (sanguine, qui
sanguinem tetigit) *exuberant torcula-*
ria; quia, inquit, multiplicata est mali-
tia eorum.

3. Quòd autem omnes hi Angeli
exire dicantur DE TEMPLO, hic
v. 15. & DE TEMPLO QUOD
EST IN COELO, utique in Eccle-
sia sancta, v. 17. & exire DE ALTARI
v. 18. non caret admonitione I. Pet. 4.
v. 17. fore ut incipiat *judicium à domo*
DEI, & ab intimis domus qui sunt
Ecclesiastici; & Ezech. 9. v. 6. *à San-*
ctuario meo incipite. Væ malis: quia,
v. 19. hujus Capitis Apocalyplici, VIN-
DEMIAVIT VINEAM TERRÆ;
Ecclesiam quæ illis credita est colen-
da: ET MISIT botros turgidos san-
guine uvæ, viros sanguinum, IN LA-
CUM IRÆ DEI MAGNUM,
quod est *torcular vini furoris iræ DEI,*
ut dicitur Apoc. 19. v. 15. ET CAL-
CATUS

Vinde-
mia est
malorū.

Derem-
plo & de
Altari.

CATUS EST LACUS : pressi sunt
botri & proculcati, detecta malitia eorum
& effusa EXTRA CIVITA-
TEM sanctam inter reprobos.

Sanguis Ibi EXIVIT SANGUIS, qui est
usque ad reatus scelerum expressus in Iudicio,
franos, exuberatione copiosissima: etenim al-
titudine cumulara, qualis est USQUE
AD FRÆNOS EQUORUM cal-
cantis Christi & Equitum victoriosorum
alborum; ut habetur Apoc. I. c.
v. 14. Amplitudine verò & spatio
tanto quantum est PER STADIA
MILLE SEXCENTA : græcæ uti-
que mensuræ, quorum stadiorum de-
cem constituunt milliæ Italicum
quod sunt mille passus. fuit autem, te-
ste S. Hieronymo ad Dardanum in ep.
129. terræ promissæ tota longitudo, à
Dan usque Bersabee, centum sexaginta
milliarium, id est stadiorum mille

sexcentorum : quo significatur per to-
tam longitudinem Ecclesiæ non defu-
turum sanguinem reprobum qui ex-
primatur & extra eam conculcetur; ira
DEI, & abominatione Sanctorum ci-
vium, sempiternâ.

Quid si (ut quidam commentan-
tur) etiam lacus iræ DEI magnus, id
est Infernus (Isai. 14. v. 15.) describatur
esse stadiorum mille sexcentorum lon-
gitudinis, totidem verò & latitudinis,
ac totidem profunditatis : quæ est ca-
pacitas secundum singulas ex his tribus
dimensionibus, centum sexaginta mil-
liarium Italicorum, quorum unum-
quodque est mille passuum. Calcarî
autem rectè dicitur in Torculari, pro-
pter pressuram loci : sicut contrà locus
Beatorum, de quo cap. 21. est sine
comparatione amplior; quamvis lacus
damnatorum superet multitudine.

TRACTATUS XXIII.

IN CAPUT XV.

Incipit Visio, 7. Angelorum cum 7. plagis

VERBA APOCALYPSEOS.

(Cap. 15. Vers. 1. & seqq.) Et vidi aliud signum in cælo magnum
, & mirabile, Angelos septem, habentes plagas septem novissimas : Quo-
, niam in illis consummata est ira Dei. (v. 2.) Et vidi tanquam mare vi-
, treum missum igne, & eos, qui vicerunt bestiam, & imaginem ejus, &
, numerum nominis ejus, stantes supra mare vitreum, habentes Cytha-
, ras Dei : (v. 3.) & cantantes canticum Moysi servi Dei, & canticum
, agni, dicentes : Magna & mirabilia sunt opera tua Domine Deus Om-
nipo-

⁂ *nipotens: iustæ & veræ sunt viæ tuæ, Rex sæculorum. (v. 4.) Quis non timebit te Domine, & magnificabit nomen tuum? quia solus pius es; quoniam omnes gentes venient, & adorabunt in conspectu tuo, quoniam iudicia tua manifesta sunt. (v. 5.) Et post hæc vidi, & ecce apertum est templum tabernaculi testimonii in celo. (v. 6.) Et exierunt septem Angeli habentes septem plagas de templo, vestiti lino mundo & candido, & præcincti circa pectora Zonis aureis. (v. 7.) Et unum de quatuor animalibus, dedit septem Angelis septem phialas aureas, plenas iracundie Dei viventis in sæcula sæculorum. (v. 8.) & impletum est templum fumo à Majestate Dei, & de virtute ejus: & nemo poterat introire in templum, donec consummarentur septem plagæ septem Angelorum.*

§. I.

De Signo 7. plagarum in genere.

I. **V**IDI, ait, ALIUD SIGNUM IN COELO MAGNUM ET MIRABILE. Quibus verbis satis ostendit esse hanc aliam materiam videndi: quam appellavimus Visionem tertiam: in qua declaratur quis sit futurus novissimus status rerum Ecclesiasticarum circa tempus Antichristi.

Vidit ANGELOS SEPTEM, HABENTES PLAGAS SEPTEM NOVISSIMAS: & addit: QUONIAM IN ILLIS CONSUMMATA EST IRA DEI. Patet esse bonos Angelos: tum quia *vestiti lino mundo* (v. 6.) tum ex eo quod unus eorum cap. 17. abstulit Joannem in spiritu, & ostendit damnationem Babylonis.

Mirabile! 2. Dicitur primò Visu *mirabile*: nempe Angelos in Cælo, eos qui vident

faciem Patris qui in Cælis est, 7. illos Præfides & Tutores Ecclesiarum (idem enim qui cap. 8. v. 2. in conspectu Dei cum Tubis: immò & qui inde à cap. 1. v. 4. septem Spiritus in conspectu Throni) præfici debere plagis & eos effundere super suas Ecclesias! quod significat affectum Præsulum & Episcoporum sanctorum in terris, plenum Zelo salutis quo tabescunt in malitia populi obdurati & incorrigibilis, simul & ultione divini honoris læsi, quam obrem agnoscunt justè deferi eum à Deo. Simile quid in Angelis mirabile, de amaritudine & Zelo eorum prævidit Isaias cap. 33. v. 7. *Angeli pacis amarè flebunt.*

Signum Angelorum septem.

Additur proinde: fuisse *signum magnum* seu indicium publicæ calamitatis: etenim idè per septem Angelos, quia communis omnibus Ecclesiis

tum

tum Asiæ, tum universalis per illas representata.

Inten-
tantium
plagas:

Ecclesia-
sticæ:

3. Dicuntur secundò *Plaga*: quia sunt verbera & vulnera Ecclesiarum eorum DEO & Angelis Beatis. Undè datur intelligi non has esse præcipuè plagas quæ sunt corporum, sed quæ animarum: seductionem videlicet atque apostasiam plurimorum: adeò, ut quæ olim persecutio in primis Ecclesiæ sæculis illata corporibus & parturitio erat plerumque Martyrum, comparatè ad hæc tempora non fuerint appellandæ plagæ Ecclesiasticæ, sed vi-

ctoriæ & palmæ. Quanquam hæc etiam plagæ futuræ sunt in hoc similes illis Ægyptiacis; ad quas hîc respicitur (de quibus nomen plagarum, Exod. 9. v. 14. *mittam omnes plagas meas*:) quòd non lædatur iis sed erudiat & confirmetur numerus animarum à DEO electarum.

Dicuntur tertio *novissimæ*: quia circa ultimum tempus Ecclesiæ, Antiochri- stianum. de quo additur: fore ut *in* & cum *illis consummata sit ira DEI*: propter proximam consummationem mundi & iræ in iudicio.

Novissi-
mas.

S. II.

De stantibus super mare vitreum.

1. **D**Um hæc ad plagas sit dispositio juxta divinam providentiam: fit nihilominus è Cælo præparatio etiam constantiæ pro electis; ut, sicut sunt permittæ ad vindictam impiorum, sint ad salutem proborum. Simulac igitur mentio facta est de plagis, prævidet statim S. Joannes non defuturos qui pertranseant illæsi per has plagas.

Mare vi-
treum
mistum
igne.

VIDI, ait, TANQUAM MARE VITREUM: quod in Cap. 4. v. 6. esse diximus Congregationem aquarum, id est populorum, Ecclesiam in terris: vidi quòd MISTUM esset IGNE tentationis qua uritur propter BESTIAM ET IMAGINEM EJUS ET NUMERUM NOMINIS EJUS: ET EOS QUI VICERUNT illam tentationem Bestiæ præ-vidi,

ait, habitu in Cælo Beatorum, qui est hujusmodi:

2. *Stabant SUPER MARE VITREUM*: id est ostendebant constantiam suam super omne quod fuit fragile in Ecclesia hujus sæculi: cum *citharis*: & cum *cantibus* super operibus & judiciis DEI: eratque harmonia una & eadem utriusque *Cantici*; ejus quod in veteri Testamento MOYSES DEI SERVUS cum Israëlitis trans mare cecinit in figura; & ejus quod in Novo canit AGNUS cum suis qui evadunt trans mare rubrum.

Victores
stantes
super
illud.

Canticum
Moyfis
& Agni:

3. Utrumque est Epinicion, hoc est, Canticum victoriæ: cujus hæc est epitome. Primò cantunt MAGNA ET MIRABILIA esse OPERA DEI quæ ipsis fecit pertranseuntibus: & est materia gratiarum actionis. Secundò

Synopsis
cantici.

justi

ista esse JUDICIA & veras esse vias, sicut præminatus est; per quas laneo veniens pedes contereit impios: & est materia venerationis debita Regi SÆCULORUM. Unde illud interciunt intercalare sancti timoris, ex Jeremia cap. 10. v. 7. **QUIS NON TIMEBIT TE, ô Rex gentium!** Tertio optant magnificari NOMEN ejus utroque titulo: tum **QUIA PIUS** sit

seu clemens, & quidem **SOLUS**; eo sensu quo Dominus Luc. 18. v. 19. *ne-
mo bonus nisi solus DEUS*; & Aposto-
lus Rom. 16. v. 27. *soli*, ait, *sapienti DEO
honor*; & 1. Tim. 6. v. 15. *solus potens*; &
v. 16. *qui solus habet immortalitatem*:
tum quia justus in judiciis; prout ma-
nifestum erit (ita passunt) omnibus gen-
tibus mox venturis & adoraturis IN
CONSPECTU Judicis.

S. III.

De Templo Tabernaculi.

1. **POST HÆC**, id est, post prævisionem & prædestinationem, quæ ante omnia DEO cordi est, eorum qui super mare vitreum stabant triumphaturi ut victores: **VIDI**, ait (v. 5.) *aperiri mihi* **TEMPLUM TABERNACULI TESTIMONII IN COELO**. Sensus est: Visus sum introspicere in Cælo ad aperto, quis cultus divinus exhiberetur in interioribus Ecclesiæ; in ea *Templi* parte sacratiore quæ dicitur Sancta, & huic contigua Sancta Sanctorum, inaccessa non initiatis. Ibi perspexi ego Joannes quid gereretur in illo sancto adyto: statum, meritum ac mores Ecclesiasticorum; quibus credita est custodia *Tabernaculi Testimonii*, id est Tabularum Legis Evangelicæ & depositum Sacramentorum.

Taber-
naculum
apertū.

Repræ-
sentatio
7. Ange-
lorum: Inde cernuntur sancti **SEPTEM ANGELI exire**: & repræsentare quid de illo Sacrario exoriat. Hi Præsides Angeli, pro eo quod **VESTITI LI-**

NO MUNDO ET CANDIDO, ET PRÆCINCTI ZONIS AUREIS protestentur se venisse ad quaerendum byssinum candidum quod sunt justificationes sanctorum (Apoc. 19. v. 8.) quibus cuperent fideles in Ecclesiis suis indutos eosdemque præcinctos **CIRCA PECTORA Zonis aureæ** charitatis: inveniunt pro justificationibus iniquitatem, & pro Zona divisionem, hæreses, & schismata! maxime in Asiaticis: aded ut videantur minari inde (v. 6.) ulterio-
rem exitum, & velle dicere suum illud; *migremus hinc*: de quo S. Hieronymus in Ezech. cap. 47. citat Josephum lib. 2. de bello Judaico cap. 12. *quod, postquam crucifixus fuit Dominus, audita sit vox, in adytis Templi, virtutum Cælestium, Transeamus ex his sedibus.*

Quid quod provocatores iræ & occasio plagarum ipsi plerique sint Sacerdotes ejus temporis! hoc enim etiam

etiam representatur per hoc quod Angeli habentes 7. plagas cernantur prodire ex intimis Templi, & quod vestiti lino suo mundo quæ vestis est sacerdotum, Exod. 29. v. 8. Magnum Signum, mirabile (ut dixit v. 1.) & funestum: quod hi auctores fuerint culpæ qui consecrati erant adytis Tabernaculi ad ministerium Ecclesiasticum: & quod hi fuerint incentores iræ divinæ qui debuerant fieri deprecatores & in tempore iracundiæ reconciliatio, Eccli. 44. v. 17!

Et annuntia-
tio pla-
garum;
Aequè mirum & triste: quod Evangelium (UNUM DE QUATUOR ANIMALIBUS; vice totius Evangelicæ quadrigæ,) eatenus dictum bonus nuntius, conversum sit in nuntium malum: etenim ipsum est quod phialas aureas, illas quæ assueverunt odoramentis in Tabernaculo & cultu DEI dedit Angelis plenas non jam incensi divini sed IRACUNDIÆ DEI: hanc enim etiam Evangelia continent; & quidem iram quam DEUS inferet (verbum est Apostoli, Rom. 3. v. 5.) quoad vivet IN SÆCULA SÆCULORUM.

Ex Evan-
gelio.

Potest dici unum illud Animalium, quod dat phialas, esse illorum primum, quod est symbolum Evangelii S. Matthæi: hoc enim præ cæteris evangelizat mala ultima (cap. 24.) mentione etiam factâ prophetiæ Danielis, & tribulationem magnam describit: postquam statim (v. 29.) consummatio mundi & Judicium extremum.

3. Irato DEO impletur TEM-
PLUM FUMO, A MAJESTA-
TE DEI græcè, à gloria) læsâ, ET
DE VIRTUTE (græcè potentia)
EJUS læcessitâ. sicut è contrario à pla-
cato DEO & in signum propitiationis,
Exod. 40. v. 32. & 33. *operuit nubes ta-
bernaculum testimonii; nec poterat, præ
gloria Domini, Moyses ingredi tectum
foderis; nube operiente omnia, & Maje-
state Domini coruscante quia cuncta nu-
bes operuerat.* & 3. Reg. 8. v. 10. 11. 12.
*nebula implevit domum Domini: & non
poterant Sacerdotes stare & ministrare
propter nebulam; impleverat enim glo-
ria Domini domum Domini: tunc aut Sa-
lomon, Dominus dixit ut habitaret in
nebula.* Valdè igitur diversa sunt im-
pletum fuisse Templum nube; quæ in
bonam partem accipitur, consequen-
ter & nebula & caligo (2. Par. 6. v. 1.)
quæ idem illud significant quod nu-
bes: aliud verò impletum esse fumo,
qui in malam partem. Similiter aliud
est quod ad modicum tempus non pos-
sit intrari propter splendorem: aliud
quod inexorabili statuto, DONEC
CONSUMMARENTUR SE-
PTEM PLAGÆ.

Cæterum seu à nube illi, seu hîc
à fumo, utrobique se prodit *Maje-
stas & gloria DEI*, etiam in
plagis & irâ.

* * *
* * *

In Tem-
plo fu-
mus:

usque ad
consum-
mationē
plaga-
rum.

TRACTATUS XXIV.

IN CAPUT XVI.

Continuatio est Visionis de 7. plagis: nam in Capite præcedente mentio earum fit generatim: hîc in specie enumerantur.

VERBA APOCALYPSEOS.

(Cap. 16. Vers. 1. & seqq.) Et audiui vocem magnam de templo, dicentem septem Angelis: Ite & effundite septem phialas iræ Dei in terram: (v. 2.) Et abiit primus, & effudit phialam suam in terram: & factum est vulnus seuerum & pessimum in homines, qui habebant charactere bestiarum: & in eos, qui adorauerunt imaginem eius. (v. 3.) Et secundus Angelus effudit phialam suam in mare, & factus est sanguis tanquam mortui: & omnis anima vivens mortua est in mari. (v. 4.) Et tertius effudit phialam suam super flumina, & super fontes aquarum, & factus est sanguis. (v. 5.) Et audiui Angelum quartum dicentem: justus es Domine, quies, & qui eras sanctus, qui hæc iudicasti. (v. 6.) Quia sanguinem Sanctorum & Prophetarum effuderunt, & sanguinem eis dedisti bibere: digni enim sunt. (v. 7.) Et audiui alterum ab altari dicentem: Etiam Domine Deus Omnipotens, vera & iusta iudicia tua. (v. 8.) Et quartus Angelus effudit phialam suam in solem & datum est illi aestu affligere homines & igni: (v. 9.) Et aestuaverunt homines aestu magno, & blasphemaverunt nomen Dei habentis potestatem super has plagas, neque egerunt pœnitentiam ut darent illi gloriam. (v. 10.) Et quintus Angelus effudit phialam suam super sedem bestiarum, & factum est regnum ejus tenebrosum, & commanducaverunt linguas suas præ dolore: (v. 11.) Et blasphemaverunt Deum cœli, præ doloribus & vulneribus suis, & non egerunt pœnitentiam ex operibus suis. (v. 12.) Et sextus Angelus effudit phialam suam in flumen illud magnum Euphraten: Et siccarit aquam ejus, ut prepararetur Via Regibus ab ortu solis. (v. 13.) Et vidi de ore pseudopropheta spiritus tres immundos in modum ranarum.

narum. (v.14.) Sunt enim spiritus demoniorum facientes signa, & procedunt ad Reges totius terræ congregare illos in prælum ad diem magnum Omnipotentis Dei. (v.15.) Ecce venio sicut fur. Beatus qui vigilat, & custodit vestimenta sua, ne nudus ambulet, & videant turpitudinem ejus. (v.16.) Et congregabit illos in locum, qui vocatur Hebraice Armageddon. (v.17.) Et septimus Angelus effudit phialam suam in aërem & exivit vox magna de templo à throno, dicens: Factum est. (v.18.) Et facta sunt fulgura, & voces, & tonitrua, & terræ motus factus est magnus, qualis nunquam fuit, ex quo homines fuerunt super terram, talis terræ-motus, sic magnus. (v.19.) Et facta est Civitas magna in tres partes: & Civitates Gentium ceciderunt, & Babylon magna venit in memoriam ante Deum dare illi calicem vini indignationis iræ ejus. (v.20.) Et omnis insula fugit, & montes non sunt inventi. (v.21.) Et grando magna sicut talentum descendit de cælo in homines: & blasphemaverunt Deum homines propter plagam grandinis: quoniam magna facta est vehementer.

§. I.

De voce audita è Templo.

7. **A**D VOCEM MAGNAM DE TEMPLO editam, effunduntur phialæ suo ordine à SEPTEM ANGELIS. Etenim sicut in prima Parte Apocalypseos iidem 7. Præsides Angeli accipiebant 7. Angeli Tubas quibus præmonerent ad cautelam: ita in hac Secunda Parte, postquam malicia jam obstinata fuit ac remedium desperatum, accipiunt quas effundant Plagas ad vindictam. Suntque ex intentione quidem Angelorum Præsidum sicut illic Tubæ, ita hic Plagæ, salutares & in correctionem electorum.

quæ nu-

Sic enim se res habet: Equivalet

in plerisque hæc Visio hujus Secundæ Partis illi Primæ: & altera alteram elucidat: quod sine dubio vidit S. Augustinus quem in præmio secundæ Partis Apocalypseos citavimus, dum ait, in Apocalypsi eadem repeti, nec esse alia quæ dicuntur, sed aliter. Et in præfente materia evidens erit expendenti diligenter Lectori, atque inter se conferenti Tubas cum Plagis. Hoc discrimine (præterquam quod per pauca quædam adjuncta variantur) quod illa quæ ibi fuerunt nuntiata de inchoatione & parturitione mali, hic dicantur de statu radicatione eorundem aut simillimorum malorum in futuris novissimis

per Tubas: jam plagæ:

H 2

vissimis temporibus Antichristianis: ita ut quod ibi cœptum fuit geri, cernatur hîc inveteratum aut consummatum. quod discrimen (& relatio seu respectus usque ad Antichristum) est notatu dignum & proprium hujus secundæ Partis.

Effusæ : 2. Hinc est quod in prima Parte Apocalypseos vocentur Tubæ, cum hæc mala inciperent : ad excitandos vigiles Ecclesiæ. in hac verò Secunda Parte Apocalypseos jam vocantur Plagæ; quia invaluerunt : & quidem dicuntur *effundi*; quia usque ad novissimum malorum ac temporum. Hinc etiam est quod in narratione de Tubis non fiat mentio nominis Bestiæ: at hoc Capite 16. de Plagis, statim v. 2. de prima plaga dicitur : FACTUM EST VULNUS SÆVUM ET PESSIMUM IN HOMINES QUI HABEBANT CHARACTEREM BESTIÆ, ET IN EOS QUI ADORAVÉRUNT IMAGINEM EJUS. & v. 10. QUINTUS ANGELUS EFFUDIT PHIALAM SUAM SUPER SEDEM BESTIÆ. Ex quibus apparet, quod ea quæ in hac secunda Parte Apocalypseos videntur, spectent ad tempora usque novissimæ persecutionis Antichristianæ, quod diriguntur. Durabit enim schisma & Sedes prioris Bestiæ, Imperium infidele Orientale usque ad Antichristum: & erit dispositio opportuna defectioni ad eundem. Quam-

obrem hoc Cap. 16. v. 2. & 10. citato; perinde est ac si dicatur : perseverabunt Schismatici usque in finem, & multi Schismaticorum deficient ad Bestiam ultimis temporibus atque ad venientem Antichristum seu pseudo-Judaismum, desertâ penitus fide Christiana: quod est sævum vulnus. Arque ob eandem causam non est mentio Stellæ in phiala tertia; sicut facta est in Tuba tertia ubi canebatur initium Schismaticis, quod in phiala habetur pro diuturna plaga.

3. Nimirum hæc materia valde fuit inculcanda & iterum prophetanda; non sine amaritudine ventris ructantis: prout S. Joannes est jussus proximè finem Tubæ sextæ & Diphtheræ, cap. 10. v. 10. & 11.

Utrobique autem indicatur cœpisse à Templo malum: dum & illic dicitur Angelus implēsse thuribulum deigne Altaris. & misisse in terram (cap. 8. v. 5.) & hîc è Templo (v. 1.) egressa esse vox de phialis effundendis in terram. Illîc de *Thuribulo* quod ex instrumento placationis assumitur inter utensilia comburendi ac nocendi: hîc de *Phialis* quæ servantur ad effundendam iram à Deo, pro eo quod fuerint odoramentorum ad

DEUM cap. 5.
v. 8.

* * *

S. II.

§. II.

De effusione sex primarum phialarum.

Plaga ultimo-
rū tem-
porum. 1. **H**oc posito, Summa seu epi-
tome Plagarum & huiusmodi:
quæ prædicitur futura in temporibus
istis ultimis.

Plaga 1. Erunt primò reliquæ Arianorum,
perleve- & aliæ Hæreses ex eadem propagine:
rantia uti est hodieque Soncinianorum, &
mali cæteræ cognatæ Arianis. Quod est
quod VULNUS in eos HOMINES QUI
prænun- HABEBANT CHARACTEREM
tium BESTIÆ ET ADORAVERUNT
fuerat IMAGINEM EJUS: id est, qui censi
pertubā sunt inter æquē infideles, & pares Eth-
primam. nicis Matth. 18. v. 17. Atque hoc ma-
ximè vulnus & prima plaga in populis
est mediteraneis.

Plaga 2. Erunt secundò Nestoriani & Euty-
longa chiani, quibus conspersus est Oriens
continu- passim: & maximè in populis qui
atio mali adiacent ad MARE, ubi Nestorius &
de quo Eutyches infecerunt oras maritimas

2. Tuba. tanquā sanguine mortifero, qui omni
anima Christianæ inde se sustentanti &
viventi causam præbuit mortis. nec
non aliæ alibi mortiferæ doctrinæ, de
quibus Apostolus 1. Cor. 11. v. 19. *opor-
tet & hæreses esse*: quarum fax duæ istæ
in Oriente, Arianismus & Nestoria-
nismus.

Plaga 3. Erit tertio, horrendum illud Schif-
obdura- ma & diuturnum illorum populorum,
tio in ma & diuturnum illorum populorum,
malo de quorum FLUMINA integra ET
quo Tu- cum primis ipsi auctores schismatis,
ba 3. olim limpidissimi FONTES versi fue-

runt in sanguinem. De quibus An-
gelus AQUARUM, is est particula-
ris custos istorum populorum exclam-
mat: JUSTUS ES DOMINE, QUI
ES ET QUI ERAS SANCTUS,
QUI HÆC JUDICASTI: id est:
Tu qui & præsens es atque intueris
horum schisma, & eras atque intueba-
ris quando patres eorum illud cœpe-
runt, non sine Conciliabulis sanguino-
lentis ac persecutione orthodoxorum,
& cæde contra prophetantium seu do-
centium; & verò cum occisione my-
riadis animarum; cujus hi occisionis
participes permanent: ecce Tu sanctus
& absque ulla iniquitate, justus & re-
ctus, Deut. 32. v. 4. & 5. *peccaverunt ti-
bi*: qui merito suo EIS DEDISTI
BIBERE de sanguinibus: & pro a-
qua doctrinæ salubris haurire de schif-
mate quod fecerunt ipsi & patres ipso-
rum: DIGNI ENIM SUNT.

Alter huic consentiens Angelus AB
ALTARI approbat JUDICIA DEI:
quoniam, ut identidem exprobrat A-
pocalypsis, omnis hæc lerna Schismatis
ac malorum sumpsit suam originem à
Templo & ab ipso Altari: cujus mini-
stri suam retinuerunt pertinaciam, &
ab illis fluxerunt hæc mala in cæterum
vulgus.

Erit quartò, quæ illud Schisma infe-
cuta fuit defectio Ecclesiarum Asiati-
carum à doctrina orthodoxa: Sole ve-

Plaga 4.
invete-
ratio ma-

H 3

ritatis

li de quo
Tuba 4. ritatis non iis, ut olim, benignè lucen-
te: sed, quæ est intemperies hominum
ipforum, affligente *astuantes* invidiâ,
& urente eos excommunicatione cum qua
perseverant in *blasphemus* sui erroris.

Hactenus Plagæ 4. quæ respondent
4. Tubis Capitis 8. quæ fuerant de ter-
ra, de mari, de fontibus, & Sole.

Plaga 5.
prolon-
gatio
mali de
quo Tu-
ba 5. Erit quinta Plaga SUPER SE-
DEM BESTIÆ: & REGNUM
BESTIÆ TENEBROSUM: quæ
plaga respondet Tubæ quintæ, de pu-
teo abyssi & fumo ex quo Locustæ cum
sua potestate cruciandi, suâ bellandi li-
bidine, suo Rege & Regno: quod est

primum Væ de tribus in Capite 9. fa-
ctum est enim Imperium Constanti-
nopolitanum ex Christiano Sedes Be-
stiæ: cui subditæ animæ quid aliud
quàm COMMANDUCAVE-
RUNT LINGUAS SUAS PRÆ
DOLORE? illas linguas, quibus lo-
quebantur orthodoxè, commorden-
do & expuendo in Cælum: dum ad-
huc in VULNERIBUS & cruciati-
bus SUIIS BLASPHEMAVE-
RUNT DEUM COELI, in im-
pœnitentia sua! v. 11. sedente interim
assiduè Bestia & potente Imperio
suo.

Plaga 6.
Anti-
christus
de quo
Tuba 6. Erit sexta plaga, cujus phiala effun-
ditur in EUPHRATEN: & con-
eurret cum sexta Tuba Capitis noni,
quod fuit Væ secundum. Ibi ad Eu-
phratem solvitur Draco cum tribus suis
antesignanis Diabolis: quæ solutio si-
gnificat suam iis majorem relinqui li-
bertatem & licentiam nocendi. Ibi
per hos dæmones subornatio & insti-
tutio plenissima Pseudoprophetiæ ad

Solutio
Archi-
demonū omnem seductionem facti: cui os elo-
quens ut Draconi, & præparatio Im-
perii re ipsa ejusdem quod Bestiæ. Di-
citur *exiccatio* Euphratis eò spectasse,
UT PRÆPARARETUR VIA
REGIBUS & accursui ex partibus
Orientalibus: ad operam suam locan-
dam Antichristo, transiuro ab Eu-
phrate, magnâ cum famâ festinantis in
Palaestinam & reducturi Judæos: quo-
rum & suo nomine capturus sit posses-
sionem habitationis avitæ ac sceptri:
cum assertione debellationis hostium
omnium ac triumphi quem acturus de
Christianis.

Sic olim, ut est in historiis, Cyro &
Dario Medo siccatus fuit idem Eu-
phrates; ut præpararetur via illis & adi-
tus ad Babylonem, cujus invasio con-
tigit Dan. 5. v. 31.

2. Ad hanc propagandam famam
mittunt DE ORE *Draco* & de ore
simul suo *Bestia & Pseudopropheta*
TRES SPIRITUS IMMUNDOS:
loquaces quaquaversum IN MO-
DUM RANARUM; coaxantium
doctrinam & pollicitationem haustam
ex cloaca Principis hujus mundi: ex
qua persuadent & exaggerant Super-
biam vitæ, quæ est coaxatio propria e-
jus spiritus qui ex ORE DRACO-
NIS: voluptatem brutam qui est spiri-
tus BESTIÆ: & opes ac regnum ter-
renum, quod est promissio PSEU-
DOPROPHETÆ. Sed hæc ita, ut
ista eorum doctrina per se fœda aut
vana vestiatur aliâ specie sanctiore, ex-
altetur facundiâ plus quàm humanâ, &
prodigiis protegatur.

SUNT ENIM, inquit, SPIRI-
TUS

Siccatio
Euphra-
tis:

via Pseu-
dopro-
pheta.

Loqua-
citas im-
munda:

Firmata
prodi-
giis.

**TUS DÆMONIORUM FACI-
ENTES SIGNA** per suos satellites;
Hi operâ & spiritu istorum trium dæ-
moniorum, cum hac eloquentia ob-
streperâ & his promissis simul & hac
editione Signorum **PROCEDUNT**
celeritate diabolicâ, missi circumquaq;
AD REGES TOTIUS TERRÆ:
quos adnitentur pertrahere in unam
& eandem sententiam & fœdus cum
Antichristo; ac, nî persuaserint, coge-
re minis & armis præparatis; ad perfe-
quendam undique Ecclesiam jussu Anti-
christi Monarchæ totius mundi.

Convo-
catio ex-
ercituum:

Et horum quidem hæc erit omnium
simul intentio: convocatio mutua &
consensus ad oppugnandum **DEUM**
Christianorum per universam terram;
at ex intentione **DEI**, cujus providen-
tia attingit à fine impiorum ad finem su-
um divinum fortiter, nihil hoc erit ali-
ud quàm **CONGREGARE IL-
LOS IN PRÆLIUM** & ad exitum
reprobatorum universale, qui erit interi-
tus pertinacium, **AD DIEM OM-
NIPOTENTIS MAGNUM**: &
ad **LOCUM** vindictæ divinæ.

In loco
Armageddon.

Cui loco prophetat Apocalypsis
dandam (ut mos est Scripturæ in assi-
gnandis ab eventu nominibus locorum)
appellationem ἀρμαγεδδον.
Quod cum sit nomen *Hebraicum* origi-
ne, componitur ex voce *Horma* quod
est anathema, ut explicatur Num. 21.
v. 3. & Judic. 1. v. 17. & ex verbo *gadad*
quod dicitur de congregatione mili-
tari: ita ut hæc sit inscriptio loci illius
& hoc vaticinium: *anathema collectio-
ni rebellium*, siquidem in illo die magno
DEI, & illo in loco judicabuntur An-

tichristus & simul quotquot conspira-
verunt ad militandum contra **DEUM**
& Ecclesiam ejus.

3. Atque hæc est series plagæ sextæ,
seu phialæ effusæ in Euphraten: cui ad-
amullim omnia respondent in sexta
Tuba Capite 9. v. 14. & seqq. solutio
Archidæmonum 4. alligatorum in flu-
mine Euphrate: exercitus undique
congregatorum (cum suis Regibus):
equi & de ore equorum illa tria spiri-
tum immundorum, ignis, fumus, &
sulphur, quibus tertia pars hominum
interiit. Ubi de numero equestri, de
armatura equorum & caudis capitatis:
quæ est paucorum quorundam adju-
ctorum varietas in significatione hie-
roglyphica ejusdem rei.

Conse-
sus pla-
garum &
tubarum.

Habes, Lector, epitomen; & com-
parationem, atque consensum Tuba-
rum cum plagis: & sicut post illas Tu-
bas prophetatur septima, sic post has
plagas septima; quæ utraque est Judicii
extremi.

Denique dixerat S. Joannes de die
magno Omnipotentis **DEI**: quâ oc-
casionem interponitur admonitio ad
Timorem sanctum: **ECCE VENIO
SICUT FUR: BEATUS QUI
VIGILAT** tanquàm ad lucem illius
diei; **ET QUI CUSTODIT VESTI-
MENTA SUA**, gratiam acceptam
in baptismo; **NE NUDUS AMBU-
LET** sed *honestè* (Rom. 13. v. 13.) *sicut*
in die Domini advenientis, **ET ne VI-
DEANT TURPITUDINEM E-
JUS**. Nam & in Capite 9. in fine
Tubæ sextæ declamavit contra
impœnitentiam; v.

20. & 21.

§. III.

S. III.

De Phiala septima.

Plaga 7.
eadem
quæ Tu-
ba 7.

1. Sicut in prima Parte, septima Tuba erat Judicii: ita septima phiala: quæ proinde (v. 17.) effunditur IN AEREM, unde apparebit Judex. ET EXIVIT, inquit, VOX MAGNA DE TEMPLO A THRONO DICENS: FACTUM EST: quo verbo intelligitur consummatio mundi. Suntque eadem ipsæ voces quæ in septima Tuba cap. 11. v. 15. fuerunt auditæ in Cælo, *Factum est.* & sicut illic v. 19. commemorata sunt fulgura & voces & terræmotus: ita planè hoc loco sequitur. ET FACTA SUNT, inquit, FULGURA, ET VOCES, ET TONITRUA, ET TERRÆMOTUS: aliæque illa de quibus Christus Luc. 21. v. 25. & seqq. *Erunt Signa in Sole & Luna & stellis, & in terris pressura &c. arescentibus hominibus præ timore & expectatione &c. & tunc videbunt, ait, Filium hominis venientem in nube.* De terræmotu autem illo dicitur, esse diversus ab omnibus retrò qui contigerunt: talis enim hic novissimus mundi, QUALIS, inquit, NUNQUAM FUIT EX QUO HOMINES FUERUNT SUPER TERRAM.

Tres
partes fi-
delium,

2. ET FACTA EST CIVITAS MAGNA IN TRES PARTES: non ista magna in malam partem, Cap. 11. v. 8. quæ spiritualiter Sodoma, cujus dicitur tertia pars concidisse terræ-

motu præcedente in ascensu duorum Testium, de quo ante 7. Tuba ibid. v. 13. & occisa fuisse 7. millia: neque alia tota impia; nam de Civitatibus Gentium sequitur: sed illa magna simpliciter & coram Deo, cujus magnitudo ad laudem; Ecclesia seu congregatio fidelium omnium inde ab initio mundi. Hæc enim in die Judicii dividetur in tres sui partes: quarum una pars erit confessorum & judicantium cum Christo & cum 24. Senioribus, juxta Scripturam & SS. Patres: altera judicandorum ad dexteram: tertia hædorum ad sinistram. Has tres partes Civitatis Jerusalem agnoscit S. Augustinus in psalmum 121. ubi postquam allegasset dictum Christi Matth. 19. v. 28. *judicantes 12. tribus Israël,* conforme Isaïæ cap. 3. v. 14. sic scribit: *Veniet enim in Judicium cum Senioribus populi, ait Esaias. alii sunt ergo, qui cum illo judicabunt, alii qui ab illo judicabuntur.* & hos subdividit in duas partes; ad dextram & ad sinistram.

CIVITATES autem seu cætus GENTIUM, infidelium, CECIDERUNT, inquit, Apocalypsis, omnes ruinâ eadem aternâ: ubi nominatissima inter illas BABYLON, seductrix & Imperium infidele, recipiet vicem calicis sui quem propinabat: inebrianda vino IRÆ DEI.

3. Erit dicere: OMNIS INSULA FU-

FUGIT, ET MONTES NON
SUNT INVENTI : quia mare, in
quo insulæ; & terra, in qua montes;
aliæque elementa calore solvantur 2. Pet.
3. v. 10.

ET GRANDO MAGNA *sicut*
Talentum descendit de Cælo IN HO-
MINES. Grando illa est obstinatio
suprema reprobarum animarum : pla-
ga est quæ DESCENDIT DE
COELO per justam subtractionem
ulterioris temporis pœnitendi homini-
bus obstinatis quotquot noluerunt
tempori converti ad DEUM. & est
SICUT TALENTUM plumbi
(Zach. 5. v. 7.) pondus irremissibilis
iniquitatis. Unde sequitur : ET

BLASPHEMAVERUNT DEUM
HOMINES PROPTER PLA-
GAM GRANDINIS : id est : erunt
tunc æternæ damnandorum blasphe-
miæ, propter hanc septimam & ma-
gnam vehementer plagam grandinis,
indurationem & impœnitentiam in
spatio mortali quod præterit.

Hactenus hujus secundæ Partis A-
pocalypseos Visio tertia : vi. cujus S.
Joannes pervidit consequenter totum
id quod est de plagis : adeoque porre-
xit se Visio in hac etiam materia, perin-
de ut priores & aliæ proximè sequen-
tes in suis materiis, usque in finem
qui est Judicium.

TRACTATUS XXV.

IN PRIMAM PARTEM CAPITIS XVII.

Ostensis 7. plagis, finitæque hac Visione, unus Angelorum
qui habuerant 7. phialas, ostendit Statum & novissimam Mu-
lieris, meretricis omnium Regum, sedentis super aquas
multas. Species ejus describitur Capite 17. damnatio ve-
rò ejus, seu Væ, Capite 18. quæ est Visio quarta in hac Par-
te Apocalypseos : & de nova materia, itidem perviden-
dâ usque ad finem.

VERBA APOCALYPSEOS.

(Cap. 17. Vers. 1. & seqq.) *Et venit unus de septem Angelis, quò
habebant septem phialas, & locutus est mecum, dicens: Veni, ostendam
tibi, damnationem meretricis magnæ, quæ sedet super aquas multas;
(v. 2.) cum qua fornicati sunt Reges terræ, & inebriati sunt, qui in-
habitant terram de vino prostitutionis ejus. (v. 3.) Et abstulit me in*

Pars II.

I

Spiritus

, spiritu in desertum. Et vidi mulierem sedentem super bestiam coccineam, plenam nominibus blasphemiarum, habentem capita septem, & cornua decem. (v. 4.) Et mulier erat circumdata purpura, & coccino, & inaurata auro, & lapide pretioso, & margaritis, habens poculum aureum in manu sua, plenum abominatione, & immunditia fornicationis ejus: (v. 5.) Et in fronte ejus nomen scriptum: *Mysterium: Babylon*, magna, mater fornicationum, & abominationum terrarum: (v. 6.) Et vidi mulierem ebriam de sanguine Sanctorum, & de sanguine Martyrum Iesu, & miratus sum cum vidissem illam admiratione magna.

§. I.

De Muliere Civitate infideli.

Babylon i.
mystica:

DE hac Muliere S. Joanni magnopere admiranti revelat Angelus, quod sit (v. 18.) CIVITAS MAGNA, quæ per MYSTERIUM id est in sensu spirituali appelletur ac sit BABYLON, quæ infideat ac velut incitet Bestia, & habeat REGNUM SUPER REGES TERRÆ. Bis admonet Angelus *Mysterii*, v. 5. & v. 7. & hic maxime verum est quod ex S. Hieronymo (ep. 103. ad Paulinum) attulimus in Prolegomeno: in verbis multiplicem latere intelligentiam. Age, nemini potest esse dubium, quin significatio Mulieris Babylonis cadat mysticè; primò super urbem Romanam antiquam, Secundò super Novam, ut nunc est, quæ est Constantinopolis. Addo neminem etiam iturum inficias, quod in his duabus repræsentetur, id quod est tertium, tota magna Civitas quæ est Congregatio reproborum omnium,

Ista multiplex intelligentia una cum illa sua connexionem atque ordinem, quem proferemus, admirabilem ostendet energiam Apocalypseos in hoc Capite: & conciliabit sententias Patrum de hac Civitate, subordinatas invicem & aptissime inter se nexas.

2. De prima id est de antiqua Roma ethnica dixit S. Hieronymus (ep. ad Algasiam quæst. 11.) *secundum Apocalypsin Joannis in fronte purpurata Meretricis scriptum est nomen blasphemiarum, id est, Roma aterna.* Nam de Roma jam Christiana idem S. Hieronymus aliter multò lib. 2. contra Jovin. *scriptam in fronte blasphemiam, Christi confessione, delicti urbs Apostoli voce laudata.* Et S. Augustinus lib. 18. de civ. cap. 22. *Conducta est Roma, velut altera Babylon.* Et S. Petrus, ep. 1. in fine: *Salutat vos Ecclesia quæ est in Babylone coelestis*: id est; ea quæ in urbe est Roma, particeps divinæ electionis vestræ.

Ubi

Roma
vetus
ethnica.

Ubi valdè distinguendum est, etiam tempore Apostolorum, inter urbem Romam & inter Ecclesiam Romanam: Urbs enim erat Babylon: sed Romanæ Ecclesiæ fides, electio, & laus annuntiabatur in universo mundo.

Roma
nova a-
postatix

De secunda id est Nova Roma, dum hæc scribimus, est videre oculis Civitatem: quæ cum fuerit sancta & desponsa Christo, facta est spiritualiter Babylon, meretrix, & mater fornicationum, hoc est superstitionum; infidens Bestiæ, id est Imperio infideli. Non potuit in prophetia de rebus Ecclesiasticis qui est liber Apocalypseos, tacere de urbe Constantinopoli, & defectione execranda Imperii Romani Orientalis à Christiano ad ethnicum, quod est sectæ Mahometanæ.

Univer-
sa civitas
reproba.

De tertia est SS. Patrum appellatio mystica Babylonis: qui hanc Mulierem Civitatem esse dicunt collectionem omnium impiorum; utpote qui censentur omnes subdi Bestiæ, à qua portatur tota Civitas mulier. Sic enim S. Augustinus in psal. 26. enarr. 2. *Est quedam Civitas que Babylonia dicitur: Civitas ista societas est omnium impiorum*

ab Oriente usque in Occidentem: ipsa habet Regnum terrenum. dicit nos fuisse cives in ea natos: *Hæc prima fuit mater nostra, in hac nati sumus.* & addit: *Cognovimus aliam matrem Hierusalem cœlestem, quæ est sancta Ecclesia; cuius portio peregrinatur in terra: reliquimus Babyloniæ.* Et S. Prosper discipulus S. Augustini (in dimidio temporis cap. 7.) *nec eam uno in loco existimes Civitatem, quæ tota est sparsa in orbe.* Nempe sic una Congregatio seu Civitas Diaboli: sicut una est opposita Civitas Dei, toto interim orbe civibus sparsis, Hierusalem sancta, sponsa Agni.

3. His ita constitutis meritò ingeminatur, MYSTERIUM esse quod triforme. cuius hæc est summa; eaque ordinatissima: habuit S. Joannes, in revelatione hujus Capitis, ob oculos suos duas urbes particulares, eodem simul obtutu mentis, Romam veterem & Romam novam: quarum utraque, altera post alteram infederit Bestiæ; obnoxios pari damnationi: & illas duas vidit esse partem unius tertiæ Civitatis magnæ mysticæ.

S. II.

De meretrice hic prophetatâ.

1. **R** Evocet in memoriam attentus Lector; quod, ut diximus in Cap. 12. steterit Draco super litrus maris; & iratus super crescente Christianismo & idolis dirutis, conceperit ideam Sedis & Regni infidelis novi:

dejecturus inde Christianum Imperium, in Oriente imprimis; & sensim licentiâ majore acceptâ (nam adhuc ligatæ potestatis erat) funditus deleturus nomen omne Imperii Christiani. Ergo quemadmodum olim habuerat

I 2 Draco

Civitas
insidens
Bestiæ:

Draco Civitatem Romanam insidentem Bestiæ, id est, imperitantem & tyrannizantem adversus Christianos; usque eò Gentilem, ut S. Leo postea illius Urbis sed Christianæ Antistes dixerit de ea (ser. in festo SS. Petri & Pauli) *omnium Gentium serviebat erroribus, & magnam sibi videbatur assumpsisse Religionem quia nullam respuebat falsitatem*: Ita, illâ sibi urbe & Gentilismo ejus erepto, figuravit mente Civitatem novam, inlessuram Bestiæ iterum, æmulam antiquæ & quæ illam infidelitate referat aut propediem superet.

Hæc est urbs Constantino-polis, ex Christiana infidelis: & hic est sensus primarius ac prophetia, ut in Apocalypsi, præcipuè revelatu digna illis Ecclesiis. De hac urbe prævidetur in hoc Capite: & acutissimè super eâ discurretur in hunc modum, quem dicam.

Gemina
veteris
Romana:

2. Introducitur Urbs Constantino-polis (pro eo statu in quo reposita est à Turcis) in schemate antiquæ & Gentilis Romæ, cui tunc nomen Babylon adhuc superstite S. Joanne: sedentis super Bestiam, id est super Imperium infidele & adversarium Christianis.

De qua Bestia seu Imperio Gentili S. Joannes v. 8. & II, ERAT, inquit,

ET NON EST: *Erat* in urbe Romæ adhuc ethnicâ ævo S. Joannis: & *non est* quia spiritu prævideo abolitam: ea in urbe: at ASCENSUM EST, inquit, DE ABYSSO, emeritura iterum è mari in eodem schemate; in quo sedebit alia urbs gemina Romanæ priori, immò ipso etiam nomine altera Roma & Imperatrix, ac deserto Christianismo adultera, prout Prophetæ appellant lapsum ad Ethnicismum, & fornicaria cum Regibus terræ.

3. Nihil accuratius hoc varicinandi modo Apocalypico. Dum enim hæc prædicit Joannes, simul habet oculis imaginationis præsentem antiquam Romam, ex qua fuerat relegatus in Patmum, adhuc Gentilem, Imperatoriam, & persecutricem Christianorum: simul habet ante oculos propheticos istam Novam Romam; quæ postquam illa vetus fuerit abolita penitus & mutata in Christianam ipsa & Imperium ejus, exurget è mari; Civitas quam Diabolus denique evellet à Christo, suffossam dudum per cuniculos schismatis & erroribus irretitam. Fiet Sedes Bestiæ, qualem Draco sibi figuraverat animo: & mutabitur ex Roma Nova Christiana in Romam antiquam Infidelitate, Imperio, Nominè.

Et Urbis
& Imperii.

§. III.

De iis quæ adscribuntur Civitati meretrici.

Septicollis.

1. **S**itus Civitatis describitur evidenter, dum dicitur: **SEPTEM**

MONTES esse **SUPER QUOS MULIER SEDET.** Nam & Constanti-

Constantino-polis habet septem montes, super quos sita est: ut videre licet apud Geographos peritos & audire ab advenis. Produco Geographum Gallum, exactum & brevem, qui in descriptione urbis Constantinopolis, postquam narrasset à Turcis appellari Stamboul, hæc addit de opportunitate loci:

La situation est la plus avantageuse qu'on peut souhaiter pour le Siège d'un grand Empire. Elle a sept montagnes aussi bien que Rome: & elle commande aux deux mers Blanche & Noire: avec un Port tel, qu'on ne peut rien s'imaginer de plus agreable. Constantin, & les autres Empereurs depuis luy, l'ont enrichie de ce que l'Italie avoit de plus beau, nommant la nouvelle Rome.

Quæ Latinè sic verbotenus redduntur: Situs urbis est multò præcellentissimus qui exoptari possit pro Sede magni Imperii. Urbs est septem montium æquè ac Roma: duorum marium Domina, Albi & Nigri: eum ejusmodi portu, nihil ut possit illo cogitari acceptius. Constantinus & hunc secuti Imperatores illam dicarunt omni eo quod habuit Italia pulchrum, & appellarunt Novam Romam.

Sedes
Imperatorum:

2. Hic est Constantinus Magnus, Imperatorum publicè Christianorum primus: qui oppidum tunc neglectum dictum Bizantium (divinitus edoctus ut eum locum præligeret, prout refert Sozomenus lib. 2. hist. Eccl. cap. 2.) restituit, auxit, amplissimis muris circumdedit (quibus postea novis communicavit Theodosius junior per Præfectum Cyrum:) nuncuparique Novam Ro-

Etno-

nam Constantinopolitanam lege sanxit: quæ Lex incisa in columna lapidea & palàm apud Prætorium propè Constantini statuam equestrem proposita fuit. Urbs divisa est sub eodem Constantino, perinde ut antiqua Roma, in quatuordecim regiones. Triangula est: septem omnino Collium & accuratè: quoniam singuli dividuntur ab invicem per valles alternas ac spatiosas: omnes conspicui navigantibus Sinum maritimum. Collem primum efficit urbis angulus Orientalis, inchoans promontorium Bosphorium: & porrigitur in Ortum Solstitialem ad claudendum Sinum: Secundus & tertius recedunt interiùs versus meridiem: reliqui eminent in Septentrionem: ita sensim & ordine locati, ut alter alterius non auferat aspectum, quin uno eodemque intuitu collium omnium sit videre duo latera: cum sit primus aliquanto humilior secundò, & hic tertio, ceteri vel editiores paulò quàm tertius vel humiliores. Incolæ tùm ex omnibus collibus habent peramcenum prospectum: tùm multò amœnissimum Imperator qui in primo colle habitat laxissimè (fuitque in eodem illo, veterum quoque Byzantium Acropolis:) palatium illius partim est in clivo, partim in planitie ejusdem collis: in qua etiam sita sunt Templum, quod olim divinæ Sophiæ, & Hippodromus: illud visendum hodieque parietibus marmore incrustatis, & concameratione octo columnarum, opere pereleganti atque artificioso: iste latitudine unius stadii, longitudine amplius duorum.

mine
Roma:

I 3

Se-

Secundus Collis est altus mille passus communes: & celebris Columna Purpurea (ex Porphyrite lapide;) illa quondam, in cuius apice statua Eudoxiae Augustae argentea, & circa eam saltatorum & histrionum spectacula; quae fuit occasio S. Chrysostomo concionis, cuius est initium, rursus Herodias insanit, rursus saltat; atque exilii. In aliis Collibus est videre Mausolea diversorum Imperatorum: ut in tertio sepulchrum, aedes, & xenodochia Solimanni: in quarto, Mausoleum Mahometis primi Imperatoris, ejus qui cepit Constantinopolim; una cum ampla aede Mahometana, Xenodochiis, ac Thermis: in quinto colle Mausoleum & xenodochia Selimi. In sexto Templum illud fuit, quod nomine DEI genetricis adversus Nestorium extruxerat Pulcheria Imperatrix, & instauraverat Justinianus, nobilitatum complurium scriptis, cui nomen Blachernæum & Triclinium ejusdem nominis. In septimo Columna olim Arcadii. Hic collis septimus tertiam partem urbis continet: sex ceteri duas alias partes.

Ecce Constantinopolim septicollem, seu Civitatem super 7. Montes: de qua dicimus Apocalypsin prophetasse.

Merc-
tix.

3. Cetera quoque, quae in hoc Capite dicuntur de Civitate, conveniunt illi urbi, ut: quod MERETRIX MAGNA, Christo infida: quod *sedet* SUPER AQUAS MULTAS, id est super populos quibus imperat, Europae, Asiae, Africae,

v. 1. quod cum ea defecerint à Chri-

sto REGES regionum, illius vasalli; quod INEBRIATI ac dementati, QUI INHABITANT TERRAM, DE VINO PROSTITUTIONIS EJUS. v. 2. quod eam viderit Joannes IN SPIRITU, eò quod solo spiritu praevideri posset nondum orta: quodque IN DESERTO eam viderit, nempe quia fidem Christi defecerit, & vicissim à Christo deserta sit juxta illud Matth. 23. v. 38. *relinquetur vobis domus vestra deserta*: quod pro Sede habeat Bestiale Imperium Paganum. v. 3. quod CIRCUMDATA PURPURA ET COCCINO, ET INAURATA AURO ET LAPIDE PRETIOSO ET MARGARITIS quae fert Oriens: quod POCULUM AUREUM IN MANU, delitiae & pompa quibus invitat. v. 4.

De poculo, cur dicatur aureum; S. Ambrosius lib. de Elia & jejuniis, cap. 15. *auro, inquit, se jactet & pretio. & mox: quare illecebram, ut specie saltem pretiosa ad bibendum aliquos possit illucere.* Et S. Greg. lib. 34. mor. cap. 13. *aurei nomine nitor gloriae temporalis exprimitur, sicut per Prophetam dicitur (Jer. 51. v. 7.) Calix aureus Babylon, quae calix aureus dicitur, quia dum pulchra esse temporalia ostendit, stultas mentes in sua concupiscentia decubriat.* Et altius repetens exemplum: *Hoc, ait, aureo calice prima, sponte sua, Eva decubriata est.*

Sequitur, id quod illi apertissime convenit civitati, professione suae doctrinae esse meram & MAGNAM BABYLONEM, id est confusionem

Prævisa
spiritu;
Deser-
trix.

Cum
poculo
aureo:

Babylon
magna:
mater
supersti-
tionum,
erro-

errorum: ac publicam, ut in fronte, MATREM superstitionum. v. 5. quas propagavit in variis terris: ipsa intra muros suos pro iis exercendis aperuit ædes superbas ter centum ac plures, omnes plumbo testas & columnis ac marmore præfulgidas (heu!) exspoliis Christianorum Templorum, quorum numero sexcenta vel evertit vel commutavit in cultum abominandum.

Temu-
lenta
fangui-
ne.

Postremò, quòd SANGUINE Christiano EBRIA v. 6. verum est non de solis bellis, quibus insatiabiliter hausit sanguinem Christianorum; sed & supplicii Martyrum, ut legere est in Martyrologio Romano. etsi enim Turcæ potius & apertius bella profiteantur & captivitatem, tamen vel ex sævitia & odio Religionis, vel ex occasione, aut ob multitudinem captivorum quos abducere ulterius non libebat quamvis in medio itinere atque inermium, quanta millia contrucidave-

runt! Multò autem maximè tunc inebriabitur Constantinopolis effuso sanguine, quando Antichristus eà potiri incipiet initio statim sui Regni, & excindet reliquias Christianorum primum in toto Oriente, quod erit tempus MARTYRUM JESU: deinde aut simul per suos administratos (dispersas gentes Magog) grassabitur reliquum totum in orbem: dum illicò ac plenissimè Monarcha mundi effectus, excisà per suos vasallos etiam ipsà Constantinopoli, transferet sedem Regni sui Hierosolymam.

Princi-
pium
Monar-
chiæ An-
tichristi.

Atque hæc de Civitate Constantinopoli. de qua versu 7. EGO DICAM TIBI SACRAMENTUM MULIERIS. & v. 18. MULIER QUAM VIDISTI EST CIVITAS MAGNA &c. De hac enim prædicat, & hanc primariò spectat Apocalypsis hujus Capitis: ex quo reliqua, quia referuntur ad Bestiam cui Mulier insidet, exponemus in Tractatu sequente.

TRACTATUS XXVI.

IN RELIQUA CAPITIS XVII.

VERBA APOCALYPSEOS.

(Cap. 17. Vers. 7. & seqq.) *Et dixit mihi Angelus: Quare miraris? Ego dicam tibi Sacramentum Mulieris, & bestie quæ portat eam, quæ habet capita septem, & cornua decem. (v. 8.) Bestia, quam vidisti, fuit, & non est, & ascensura est de abyssò, & in interitum ibit, & mirabuntur inhabitantes terram (quorum non sunt scripta nomina*

iii

in libro vite à constitutione mundi) videntes bestiam, quæ erat, & non est. Et hic est sensus, qui habet sapientiam, septem capita, septem montes sunt, super quos mulier sedet, & Reges septem sunt. (v. 10.) Quinque que ceciderunt, unus est, & alius nondum venit: & cum venerit, oportet illum breve tempus manere. (v. 11.) Et bestia, quæ erat, & non est, & ipsa octava est: & de septem est, & in interitum vadit. (v. 12.) Et decem cornua, quæ vidisti, decem Reges sunt, qui Regnum nondum acceperunt, sed potestatem tanquam Reges una hora accipient post bestiam. (v. 13.) Hi unum consilium habent, & virtutem & potestatem suam bestia tradent. (v. 14.) Hi cum agno pugnabunt, & agnus vincet illos: quoniam Dominus Dominorum est, & Rex Regum, & qui cum illo sunt, vocati, electi, & fideles. (v. 15.) Et dixit mihi: Aqua, quas vidisti ubi meretrix sedet, populi sunt, & gentes, & lingua. (v. 16.) Et decem cornua, quæ vidisti in bestia: hi odient fornicariam, & desolatam facient illam & nudam, & carnes ejus manducabunt, & ipsam igni cremabunt. (v. 17.) Deus enim dedit in corda eorum, ut faciant quod placitum est illi: ut dent Regnum suum bestia donec consummentur verba Dei. (v. 18.) Et mulier, quam vidisti est Civitas magna, quæ habet regnum super Reges terre.

§. I.

De Capitis Bestiæ super quam Civitas meretrix.

I. **P**Atet ex Græco, ad Bestiam pertinere quæ de Capitis 7. & Cornibus 10. dicuntur. sic enim habet: *μυῖς ἕριον τῷ θηρίῳ τῷ ἑκτον-
τῷ τὰς ἑπτὰ κεφαλὰς καὶ τὰ δέκα
κέρατα.*

Sæpè diximus nomine *Bestiæ* in sacris Scripturis significari Imperium, non quodlibet sed Gentile. Verba illa, Fuit & non est, etiam explanavimus Tract. præcedente, §. 2. FUIT, cum antiqua Roma ei insideret: ET NON EST, quia extinctus est Gentilissimus

pro ea differentia temporis (vox est Scholarum) de qua ego Angelus prophetizo; jamque urbem Romam præmonstro Christianam & sanctam: sed ASCENSURA EST illa Bestia DE ABYSSO iterum, ET IN INTERITUM IBIT, postquam in eundem involverit multos qui eam admirati fuerint indigenæ terrenis affixi, QUORUM NON SUNT INSCRIPTA NOMINA IN LIBRO VITÆ prædestinatorum (Eph. i. v. 6.) ante mundi constitutionem.

2. Pro-

Fuit, &
non est.

Bestia
septi-
ceps:

2. Prosequitur Angelus expositio-
nem Bestiæ, fecundam SENSUS &
(v. 9.) SAPIENTIÆ utrimque. SE-
PTEM enim CAPITA BESTIÆ
duplicem habent, inquit, significatio-
nem: quarum prima, SEPTEM
MONTES SUPER QUOS MUL-
LIER SEDET: quod sicut de anti-
qua Roma verum esse sic de Constan-

Quorum Regum QUINQUE
CECIDERUNT:

UNUS EST, dum hæc Joannes scribit:

videlicet Romanus Gentilis:

ET ALIUS NONDUM VENIT: ET CUM VE-
NERIT, OPORTET ILLUM aliquamdiu, aliquot sæculis, MANERE;
quod experimur: donec succedat Antichristus.

Ipsa o-
ctavum:

3. Pergit Apocalypsis: ET BE-
STIA, quod ERAT Imperium infi-
dele, ET NON EST amplius sed
iterum erit, nimirum Novæ infidelis
Romæ: ET IPSA OCTAVA
EST; eadem ipsa in designatione, est
Regnum Antichristianum quod est

tinopoli, quam ei geminam describit,
æquè sita in 7. montibus, dictum est Montes
Tractatu præcedente, §. 3. opportu-
nitate situs etiam majore & aptiore ad
Imperium terræ, marium, orbis.

Altera est significatio septem Capi-
tum in Bestia: REGES SEPTEM
SUNT, Gentiles unâ cum suis Impe-
riis Gentilibus:

Assyrius:

Chaldæus seu Babylonius:

Medus:

Persa:

Græcus:

Mahometanus. ET CUM VE-

NERIT, OPORTET ILLUM aliquamdiu, aliquot sæculis, MANERE;

quod experimur: donec succedat Antichristus.

octavum Monarchiarum infidelium.

ET DE SEPTEM EST; quia de

omnibus simul possidet, & imperat

omnibus: cum sit septiceps, habeat-

que Imperia simul & aggregationem

cunctorum septem Regnorum ac

Regum:

Et de 7.

Assyriæ:

Chaldææ:

Mediæ:

Persiæ:

Græciæ:

Ditionum olim subjectarum Romæ veteri:

Constantino-poleos.

ET IN INTERITUM VADIT
(jam secundo hoc dicitur: v. 8. & 11.)
cū excidii temporalis tū spiritualis
& æterni. quamobrem DAMNA-

TIONEM ejus TIBI VENI *osten-*
dere: quæ verba erant Angeli v. 1.

Hæc de Bestiæ Caputibus.

Pars II.

K

S. II.

S. II.

De Cornibus Bestiæ, à quibus vastabitur Civitas.

Reges
simul 10.Cornua
Bestiæ:

1. **E**T DECEM, inquit, COR-
NUA, QUÆ VIDISTI,
DECEM REGES SUNT: QUI
REGNUM NONDUM ACCE-
PERUNT: alii enim ab iis qui retrò;
neque ipsi Christiani: SED instru-
menta infidelis Bestiæ, & POTE-
STATEM TANQUAM REGES
UNA HORA, id est eodem tempo-
re, ACCIPIENT POST BESTI-
AM quæ eos attrahet *post se*. Non er-
go tunc absolutè Reges, sed TAN-
QUAM Reges: vasalli Turcis, ac
deinde Antichristo, Præfecti Provin-
ciarum seu vi domiti seu sponte sub-
jecti.

Horum Regum ut Cornuum me-
minit etiam Daniel cap. 7. in Bestia
quarta, illa quam esse viderat Impe-
rium Gentile ultimum, ante Christia-
nismum qui erat finis desideriorum
Danielis. Adhuc autem vidit nasci
malum novissimum ex illa Bestia: illo
ejus Capite, quod Joannes dixit acce-
pisse dudum plagam mortis, redivivo;
id est eâ parte quæ Romani fuerat Impe-
rii: ex qua repullulavit Gentilismus.

In me-
dio eorū
undeci-
mū cor-
nu, Anti-
christus
oriturus.

De hujus novissimis Propheeta Daniel
v. 8. & 9. *Considerabam cornua* (illa
*decem, quæ ut dicit v. 20. habebat in Ca-
pite:*) *Ecce cornu aliud parvulum or-
tum est de medio eorum: & tria de cor-
nibus primis evulsa sunt à facie ejus. ad-
dit de Cornu illo parvulo: & repetit*

v. 20. *habebat oculos, & os loquens gran-
dia, & (ex parvulo) majus erat ceteris.
Aspiciebam, & ecce Cornu illud faciebat
bellum adversus sanctos, & prævalebat
eis: donec venit Antiquus dierum & ju-
dicium dedit sanctis Excessu, & tempus
advēnit, & Regnum obtinuerunt
Sancti.*

De hujus vaticinii expositione ex Discer-
sententia communi suæ ætatis S. Hie-
ronymus pronuntiat (in Dan. l. c.) cu-
jus verba citavimus ex parte in Tract. Roma-
18. §. 1. *decem futuros Reges qui orbem
Romanum inter se dividant: & undeci-
mum surrecturum esse Regem parvulum,
qui tres Reges de decem Regibus supera-
turus sit, id est Egyptiorum Regem &
Africa & Ethiopia, quibus interfectis
etiam septem alii Reges victori colla sub-
mittent.* Juxta hanc ergo traditio-
nem Scriptorum Ecclesiasticorum, hi
decem Reges, Cornua illa Bestiæ, nata
in Capite illius, Orientale Romanum
Imperium dividunt inter se ac possi-
dent: donec successor, undecimum
Cotru in medio eorum, surgat Rex
initio parvulus, Antichristus: qui re-
pente super illos potentior, & omni-
bus major, funditus Romani vestigia
Imperii & nomen illius auferet muta-
bitque in suum Antichristianum &
Hiero-solymitanum.

2. HI REGES UNUM CONSIL-
LIUM HABENT, utpote infide-
les,

Pugna-
bunt cū
Agno.

les, Christianæ Ecclesiæ perniciosum:
ET VIRTUTEM (græcè *δύναμιν*)
ET POTESTATEM SUAM BE-
STIÆ TRADENT: id est, contri-
buent sua consilia & vires; uniti quip-
pe ac subditi Imperio Constantino-
politano, & mox successori ac super-
gressori omnium Antichristo. Hi
erunt Cornua & robur Bestiæ: & ex
omni loco mundi, in quem erunt ab
Antichristo dispersi, op-
PUGNA-
BUNT Ecclesiam, quod est pugnare
CUM AGNO, ultimum. Etenim
AGNUS VINCET ILLOS; DO-
MINUS DOMINORUM, ET
REX REGUM, quem titulum ge-
rit in femore suo, Apoc. 19. v. 16. ipse
victor per se ET per eos QUI CUM
ILLO SUNT; VOCATI ab ipso,
ut multi; ELECTI ut pauci; ET
FIDELES, ut permansuri cum illo in
tentationibus usque ad finem.

3. Expositionem adjungit Aqua-
rum, cujus frequens usus in Apocalypsi
Ipsemet
evertent
civitatem:
AQUÆ, QUAS VIDISTI UBI
MERETRIX SEDET, POPULI
SUNT IN GENTES ET LIN-
GUÆ. Sed illa ejus Sedes destrue-

tur ab ipsis aquis: futurum est enim
mirabili judicio DEI, de quo Prov. 21.
v. 1. *sicut divisiones aquarum, ita cor Re-
gis in manu Domini*: ut Reguli horum
populorum, DECEM CORNUA
Bestiæ, alienatione ab illa Civitate &
odio in eam concepto DESOLATAM
FACIANT Constantino-polim, ex-
spolient NUDAM, devorent, &
concrement IGNI ut solo æquetur:
nutu videlicet Antichristi, hoc agentis
ut transferatur inde Imperium & Se-
des in urbem Hiero-solymitanam ab
se magnificentissimè instauratam cum
Templo & amplificatam, ut prædixi-
mus supra.

Hæc autem omnia DEUS modera-
bitur, inquit: cujus est inclinare (secre-
tè) CORDA horum Regum ad fi-
nem ipsi PLACITUM, divinum, Disposi-
tione se-
cretâ di-
vinâ.
quamvis occultum: permittendo ut
REGNUM SUUM omne DENT
BESTIÆ, ita ut sit unum Imperium
infidele & Antichristianum: DONEC
CONSUMMENTUR VERBA
DEI & prædictio ejus infallibilis, &
donec proximè absit consummatio
mundi.

S. III.

De Idea: & de Figurato illius vastitatis.

1. Hæc sunt illa duo, quæ præter
Constantino-polim ipsam dixi-
mus fuisse ob oculos S. Joanni super
eâ vaticinantis: & hinc operæ pretium est
repeti; postquam egimus de Cornibus
Summa: quæ prophetantur diruturâ illâ urbem.

Omnino tria igitur sunt obversata
menti S. Joannis in destructione, quam
vidit, hujus Civitatis:

2. Ex his tribus primum est Con-
stantinopolis ipsa; de qua prophetat, de Nova
id est, de urbe, incolis, & Imperio eò Roma:

K 2 loci:

loci : cui prædicitur clades, tanquàm vindicta quæ divinitus sumetur de Meretrice Apostaticâ.

Idea vaticinantis est vetus Roma: Secundum est Roma vetus ethnica: hæc enim instar est Ideæ, secundum quam concipit & in cuius schemate introducit Constantinopolim ut illi geminam tùm crimine tùm supplicio. Nam & vetus Roma fuit Babylon mater omnis idololatriæ & propagatrix per orbem terrarum : & divinitus accidit tunc ut inclinaretur cor Regum ad eam perdendam. Præterquam

Lib. 8. Orac. *O erectâ cervice Roma.*

Sibyll.

Flectes cervicem prima :

Terra allidèris :

Ignis te totam absumet :

Et tunc eris deserta :

Ac si nunquam fuisses.

Et tu triumphus eris mundo & opprobrium omnium.

Hæc vera sunt de Roma ethnica. Taceo quòd etiam postea sit urbs incensa per variarum nationum Reges qui eam oderant : Deo illos impellente, ut legimus de Alarico, ad devastationem urbis : Gothos, Vandalos, Herulos, Hunnos, Longobardos &c. perinde ac si de muris & saxis Deus sumpsit vindictam idololatriæ commissæ illiæ antea & dilatatæ per orbem terrarum.

Jam hinc elucet, inquam, esse miram Oeconomiam Apocalypseos in hoc loco, & multiplicis intelligentiæ plenam : quòd S. Joannes prophetaverit de Roma nova futura cum similitudine atque ad Ideam antiquæ Romæ : nec non figuraverit animo id quod sequitur.

enim quòd redacta est in cineres, inde à Nerone, ab ipsis ethnicis Imperatoribus : scimus extinctum esse sensim cum habitatoribus gentilibus Imperium ethnicum mutatūque ut nihil ejus super sit. Aded ut illa carmina Sibyllarum, quæ circumferuntur, impleta sint in vetere, prout tunc erat, idololatrix Roma, cujus recordatio nuda est super. Quæ quidem oracula mihi videntur altiore digna interpretatione.

Tertium enim & postremum illorum trium est hoc : Dum hæc Joannes de duabus urbibus, habet simul ante oculos Collectionem omnium reproborum : qui est cæsus seu civitas de qua SS. Patres citati in §. r. Tractatus præcedentis. Hujus enim figura Meretricis Civitatis fuit illa tam vetus Romana quàm Nova, utraque reprobæ : & harum duarum incendium, quod de Sodoma & finitimis civitatibus dixit S. Judas v. 71. fuit *exemplum ignis* seu incendii æterni, vastitatisque omnium ultimò prophetandæ, quam hîc egregiè præfigurat divinus Scriptor.

3. Is cùm tanta scripserit de Civitate, & de Bestia cui insidet, Imperio infideli : nihil de Roma nostra dixit apostaturâ, quæ nonnullorum fuit recentio-

Præfiguratum, est civitas æterna reprobæ.

De urbe Romana, ut nunc est

nihil cō-
stat ex
Apoc.

centiorum interpretum suspicio, nullo
nixa fundamento sacrae Scripturae.
Quam suspensionem apage de urbe im-
muni ab infidelitate atque ab Imperio
infideli, de Cathedra Apostolica, &
Principatu Ecclesiae sanctae.

De qua tamen urbe & de Imperio
Christiano non repugnamus fore, ut
ab Antichristo ejusve instrumentis
(cornibus Bestiae) etiam illa, & omnis
appellatio deleatur Romani Imperii,
cujus sola memoria erit reliqua non
Imperium ipsum.

De Im-
perio
Roma-
no :

Nam de hoc quidem, id est de Im-
perio Romano vetus est opinio SS. Pa-
trum, & potissima explicatio verborum
Apostoli 2. Thess. 2. v. 7. non apparitu-
rum Antichristum, donec omne Ro-
manum Imperium auferatur e medio;
quidnam etiam Occidentale omne om-
nino? S. Augustinus relinquit expli-
cationem dubiam illius loci Apostoli-
ci, lib. 20. de Civ. cap. 19. ubi sic scribit:
*Quid est, jam enim mysterium iniquita-
tis operatur; Tantum qui modo tenet te-
neat, donec de medio fiat; Et tunc revela-
bitur ille iniquus! Ego prorsus, quid di-
xerit, me fateor ignorare.* Et paulo post
propendet in communiorem senten-
tiam: *Illud tamen quod ait Apostolus,
Tantum qui modo tenet teneat, donec de
medio fiat; non absurdè de ipso Romano
Imperio creditur dictum: tanquam di-
ctum sit; Tantum qui modo imperat, im-
peret: donec de medio fiat, id est de medio
tollatur. Et tunc revelabitur iniquus;
quem significari Antichristum, nullus
ambigit.*

Explica-
tio Apo-
stoli, 2.
ad Thess.
2.

Ad hanc igitur explicationem & o-
pinionem de omni tandem Imperio

Romano desolando, & penitus abo-
lenda electione aut successione Impe-
rii Romani, & tunc revelando Anti-
christo, consequitur conjectura verifi-
milis admodum de hodierna urbe
ipsa Romae: facile erit Judaeis Anti-
christianis ad apparitionem sui Mo-
narchae cupidissime hanc etiam ur-
bem, in odium Christianae fidei & pri-
matus Apostolici evertere. Quan-
do fortitudo Martyrum eminebit, &
Antistes urbis inter eos postremus
quos recensuisse fertur S. Malachias
Episcopus (ille S. Bernardo familiaris)
reget Ecclesiam Romanam in tribu-
latione, temporibus Antichristi. de
quo Malachia pie id creditur: ita ta-
men ut dicatur plures ei non fuisse o-
stenfos, non autem negetur successu-
ros fortassis: ut etiam tunc maneant
incerta dies & hora vel annus interitus
mundi. Erit autem aliud prorsus,
urbem Romanam everti propter no-
men Christi: aliud everti aut perire Ec-
clesiam; contra quam non praevalen-
t omnes portae inferi.

Quod verò Apostolus praemisit:
Mysterium jam operatur iniquitatis:
græcè, *μυστήριον ἔσθ' ἐνεργεῖται*, habet
hunc sensum: Antichristus, ille filius
perditionis jam non est, sed futurus est
(v. 6.) in suo tempore, *Et tunc* (v. 8.)
revelabitur: mysterium verò iniquita-
tis ejus agitur (etiam ipsis temporibus
Apostoli: per deceptiones pseudoapo-
stolorum & persecutiones tyranno-
rum) in operantibus jam nunc & prae-
euntibus illi iniquo, qui erit *Caput*
omnium persecutorum, immò *ini-*
quorum omnium, ut Antichristum ap-
pellat

K 3

pellat

pellat S. Gregorius lib. 15. mor. cap. 36. & S. Thomas 3. p. q. 8. a. 8. docet esse appellandum Caput omnium malorum propter malitiæ perfectionem: additque, quod facit ad intelligentiam Apostoli: omnes alii mali qui præcesse-

runt sunt quasi quedam figura Antichristi, secundum illud 2. ad Thess. 2. mysterium iam operatur iniquitatis. Addamus ex S. Augustino l. c. non ad Christum, sed (omnes) ad illum novissimum Antichristum pertinebunt.

TRACTATUS XXVII.

IN CAPUT XVIII.

Continuatio est Visionis de Civitate infideli: Descriptio interitus ejus.

VERBA APOCALYPSEOS.

(Cap. 18. Versu 1. & seqq.) Et post hæc vidi alium Angelum descendentem de cælo, habentem potestatem magnam, & terra illuminata est à gloria ejus. (v. 2.) Et exclamavit in fortitudine dicens: Cecidit, cecidit Babylon magna: & facta est habitatio demoniorum, & custodia omnis spiritus immundi, & custodia omnis volucris immunda & odibilis. (v. 3.) Quia de vino iræ fornicationis ejus biberunt omnes gentes: & Reges terræ cum illa fornicati sunt, & mercatores terræ de virtute deliciarum ejus divites facti sunt. (v. 4.) Et audi vi aliam vocem de cælo dicentem: Exite de illa populus meus, ut ne participes sitis delictorum ejus, & de plagis ejus non accipiat. (v. 5.) Quoniam per venerunt peccata ejus usque ad cælum, & recordatus est Dominus iniquitatum ejus. (v. 6.) Reddite illi, sicut & ipsa reddidit vobis: & duplicate duplicia secundum opera ejus: in poculo, quo miscuit, miscete illi duplum. (v. 7.) Quantum glorificavit se, & in deliciis fuit; tantum date illi tormentum & luctum: quia in corde suo dicit: sedeo Regina: & vidua non sum: & luctum non videbo. (v. 8.) Ideo in una die venient plagæ ejus, mors, & luctus, & fames, & igne comburetur: quia fortis est Deus, quia judicabit illam. (v. 9.) Et flebunt & plangent se super illam Reges terræ, qui cum illa fornicati sunt, & in deliciis vixerunt,

CUM

, cum viderint fumum incendii ejus: (v. 10.) longè stantes propter timorem tormentorum ejus, dicentes: Vae, vae Civitas illa magna Babylon Civitas illa fortis: quoniam una hora venit judicium tuum. (v. 11.) Et negotiatores terra flebunt, & lugebunt super illam, quoniam merces eorum nemo emet amplius; (v. 12.) Merces auri & argenti, & lapides pretiosi & margarita, & byssi, & purpura, & serici, & cocci (& omne lignum thyinum, & omnia vasa eboris, & omnia vasa de lapide pretioso, & aramento, & ferro, & marmore; (v. 13.) & cinnamomum) & odoramentorum, & unguenti, & thuris, & vini, & olei, & simila, & tritici, & jumentorum, & ovium, & equorum, & rhedarum, & mancipiorum, & animarum hominum. (v. 14.) Et poma desiderii animae tuae discesserunt à te, & omnia pingua & praeclara perierunt à te, & amplius illa jam non invenient. (v. 15.) Mercatores horum, qui divites facti sunt, ab ea longè stabunt propter timorem tormentorum ejus, flentes ac lugentes, (v. 16.) & dicentes: Vae, vae civitas illa magna, quae amicta erat bysso, & purpura, & cocco, & deaurata erat auro, & lapide pretioso, & margaritis: (v. 17.) Quoniam una hora destituta sunt tanta divitiae. Et omnis Gubernator, & omnis qui in lacum navigat, & navita, & qui in mari operantur, longè steterunt. (v. 18.) Et clamaverunt, videntes locum incendii ejus, dicentes: Quae similis Civitati huic magnae? (v. 19.) Et miserunt pulverem super capita sua, & clamaverunt, flentes & lugentes, dicentes: Vae, vae Civitas illa magna, in qua divites facti sunt omnes, qui habebant naves in mari, de pretiis ejus: quoniam una hora desolata est. (v. 20.) Exulta super eam caelum, & sancti Apostoli, & Prophetae, quoniam judicavit Deus, judicium vestrum de illa. (v. 21.) Et sustulit unus Angelus fortis lapidem quasi molarem magnum, & misit in mare dicens, Hoc impetu mittetur Babylon Civitas illa magna, & ultra jam non invenientur. (v. 22.) Et vox citharædorum, & musicorum, & tibia carentium, & tuba non audietur in te amplius: & omnis artifex omnis artis non invenientur in te amplius, & vox mole non audietur in te amplius: (v. 23.) Et lux lucerna non lucebit in te amplius: & vox sponsi & sponse non audietur adhuc in te: quia mercatores tui erant principes terra, quia in beneficiis tuis erraverunt omnes gentes. (v. 24.) Et in ea sanguis Prophetarum & sanctorum inventus est, & omnium qui interfecti sunt in terra.

§. I.

Prophetia de lapsu Babylonis.

1. **P**OST HÆC, id est, postquam implēset illa Civitas mensuram scelerum suorum: **VIDI**, inquit, **ALIUM** ab his septem, *Angelum*, **DESCENDENTEM DE COELO**: qui repræsentabat **POTESTATEM** ipsius **DEI** **MAGNAM**, tūm ad ulciscendam se de hac Civitate damnandā, tūm ad *illuminandum* populum suum ut ex illa exeat & *gloriam* annuntiandum. Fecit sicut Gen. 18. dictum fuit de Angelo descendente contra Civitatem Sodomam: qui cūm repræsentaret personam Domini, agebat v. 20. & 21. *Clamor Sodomorum & Gomorrhæ multiplicatus est, & peccatum eorum aggravatum est nimis: descendam & videbo*, &c. Cui pro fine erat tūm ut Sodoma deleteretur, tūm ut Lot cum suis salvaretur.

**Clamor
contra
Civita-
tem.**

Igitur noster ille Angelus velut clamori hujus alterius Sodomæ reddit reciprocum *clamorem fortem*; **CECIDIT, CECIDIT**: qua eādem formulā usus est Isaias cap. 21. v. 9. *Cecidit, cecidit Babylon*: verbis præteritis, quod commune est Prophetis sic evenitura cernentibus ac si jam viderent evenisse: mox enim annectit hinc verba futuri temporis, v. 8. & seqq. **VENIENT PLAGÆ EJUS** &c.

2. Bis dicitur, *Cecidit*: quia, ut explicatur v. 6. recipiet duplicia: & sua quæ patravit, & aliena ad quæ seduxit.

ET FACTA EST, inquit, **HABITATIO DÆMONIORUM**, propter superstitionem quam luet; **ET CUSTODIA OMNIS SPIRITUS IMMUNDI**, propter vitia polygamiae atque impuditiæ; **ET OMNIS VOLUCRIS IMMUNDÆ ET ODIABILIS**; propter superbiam & rapinas execrabiles. Vah! cujus malitiæ propinata, simul & *vini IRÆ DEI* (eādem phrasi qua Apoc. 14. v. 8. & in psal. 77. dicitur Deus v. 65. *tāquam potens crapulatus à vino*, id est quasi ebrius & nimium satur scelerum perpetratorum) consortes effectæ sunt **GENTES, REGES TERRÆ, ET MERCATORES TERREORUM DE VIRTUTE DELICIARUM EJUS DIVITES FACTI**.

Hæc de Cælo Vox Angeli & clamor prælagus damnationis.

3. *Alia* verò multò, & benigna *Vox*, **Vox: ex-** etiam **DE COELO**, salutifera pro ite. illuminandis electis & educendis; **EXITE DE ILLA POPULUS MEUS: UT NE PARTICIPES SITIS** sicut **DELICTORUM EJUS**, sic vindictæ. Verba sunt Prophetarum: Isa. 52. v. 1. *Exite de medio ejus*. & Jer. 50. v. 8. *recedite de medio Babylonis*: & cap. 51. v. 6. *fugite de medio Babylonis*, & *salvet unusquisque animam suam*. Quæ in Apocalypsi dicuntur hoc

hoc sensu: Vos qui de populo meo vultis esse, eripite vos maturè de cohabitatione ejus, de conversatione, de contagione, de communione vel infidelitatis ejus vel schismatis in regione illa. QUONIAM, inquit, PERVENERUNT PECCATA EJUS USQUE AD COELUM, coram quo clamor invaluit peccatorum: ET RECORDATUS EST DOMINUS INIQUITATUM EJUS quas dissimulaverat diu velut oblitus.

Reddite illi:

Quin immò vos REDDITE IL- LI: prævigate cur ego affligam: dum enim vestro nomine & causâ ego reddam, vos censerebimini reddere. *Nolite, ait Jeremias l. c. tacere iniquitatem ejus.* Dicite recta esse Judicia DEI, pro eo quòd & ipsa scelestâ fuit apostatrix, & vos conata est aut pellicere aut opprimere: DUPLICATE illi DUPLICIA SECUNDUM OPERA EJUS; sua, & aliena, quorum rea est. Comprobate Justitiam DEI & pœnam duplicem; cum hujus temporis, tum æternam. *Quoniam, ut pergit Jeremias l. c. tempus ultionis est Domino; vicissitu-*

Duplicia,

dinem ipse retribuet ei. IN POCULO, inquit Apocalypsis, QUO MISCUIT, MISCETE ILLI DUP- PLUM. Hæc est enim vicissitudo: quòd illud ejus poculū aureū in manu sua (cap. præcedente v. 4.) illud splendoris ac pretii Imperialis, illa speciosa illecebra, ut vocat hoc poculum S. Ambrosius (lib. de Elia cap. 15.) fiat in manu DEI poculum fletus ac luctus, ipsi & complicibus ejus: cum mensura æquali tormenti & doloris ad id quo GLORIFICAVIT SE ET INDELICIIIS FUIT; ipsi & gentibus quas potavit propinatrix. sic enim, de hujus poculi ac mensuræ vice reddendâ loquitur Jeremias, in figura quæ præcessit devastatæ Babylonis olim per Cyrum & Persas, DEO vindice tyrannidis in captivos: *Calix, ait cap. 51. v. 7. aureus Babylon in manu Domini, inebrians omnem terram; de vino ejus biberunt gentes, & ideo commota sunt:* vel, ut habet codex Arabicus, *biberunt omnes populi, & Babylonizati sunt,* id est, in eandem confusionem mutati.

S. II.

Planctus super eam terrestrium.

Nescit se viduam!

Miseram, quæ IN CORDE SUO sibi intus canit & DICIT; SEDEO REGINA! immersa præsentibus delitiis & gloriabunda Sede & Imperio Bestiæ: ET, oblita Sedis atque Impetii antiqui, dicit; VI- DUA NON SUM: quasi verò non

Part II.

sit notoriè vidua Christo, quem deseruit, suo quondam Sponso, cui juraverat, & quem amplexa erat inde à primâ sui amplificatione, & sceptro & nomine acceptis per Constantinum Magnum in tanto splendore & tam diuturno; translatis ad infideles ac de-

L

nique

nique devolvendis ad Antichristum; quo tempore, digno se præmio, evertetur ac redigetur in cineres, adeò ut obstupescant qui VIDERINT FUMUM INCENDII EJUS. IN UNA enim DIE VENIENT PLAGÆ EJUS, simul MORS ET LUCTUS ET FAMES, ET IGNE COMBURETUR: QUIA FORTIS EST DEUS QUI potenter JUDICABIT ILLAM & ulciscetur.

Retrospexit Apocalypsis ad verba Babylonis, Isa. 47. v. 8. *quæ dicis incorde tuo: non sedebo vidua.*

planctus
terre-
strium.

2. Erunt tunc qui SUPER ILLAM PLANGENT, non tam illam quam SE & suammet jacturam, homines triplicis generis terrenorum amatores, Primò (v. 9. & 10.) REGES TERRÆ: tùm ii ipsi qui operam suam colloca- verunt (secrete Dei impulsu, ut vidi- mus cap. 17. v. 17.) in illa subvertenda: tùm alii Reges cum ea versati nuper in delitiis regniis. Hi non sine *fletu & timore* ob horrorem talis de ea judicii ac vicissitudinis TORMENTORUM contemplantur cineres tantæ fortitudinis ac potentiae regiae: VÆ, VÆ, inquam, CIVITAS ILLA FORTIS! Sed enim fortior est Deus à quo VENIT JUDICIUM TUUM.

Secundò (v. 11. & seqq.) NEGOTIATORES TERRÆ qui in illud emporium convehant MERCES *aureas, lapides pretiosos, margaritas, byssum & coccum*, ac cetera cetera ex toto Oriente: inter quæ OMNE LIGNUM THYINUM; sive econo- mine significetur odoratum lignum o-

mnis generis (græcè *θύρον*;) sive cer- tum genus arboris thya, quæ Constan- tinopoli in pretio & usu est in contig- nationibus: de qua arbore Plinius lib. 13. cap. 16. *Trogate*, inquit, *vocatur, ab alius Thya*: & citat Theophrastum, qui huic arbori magnum, inquit, honorem tribuit quandamque immortalitatem materie in cæcis contra omnia vitia incorruptæ Hæc Plinius. Addit Apocalyp- sis plura his, ac nominatim odora- menta, unguenta, thus &c. demum & mancipia: & quod fuit luctuosissimum, atque emphaticè dicitur (v. 13.) *animas hominum venales!* Jam illæ delitiæ, POMA tua desiderabilia, exquisitorum omne genus fructuum, OMNIA PINGUIA ET PRÆCLARA, PERIERUNT A TE; ET AMPLIUS ILLA JAM NON INVENIENT penes te. Similiter MER- CATORES HORUM, multitudo propolarum illius urbis ac ditioris: qui inferri illuc solita coëmebant & vanum iterum exponebant in tabernis ac po- pinis, mercatu suo DIVITES in ea FACTI. Etiam hi AB EA LONGE STABUNT, & dicent cum terrore & lamentis: VÆ, VÆ, QUONIAM UNA HORA DESTITUTÆ SUNT TANTÆ DIVITIÆ!

Tertium genus plangentium (v. 17. & duobus seqq.) marinimi: OMNIS GUBERNATOR classium, ET OMNIS QUI IN LACUM NAVIGAT, Bosphorum & Propontidem & Pontium: ET QUI IN MARI OPERANTUR, Archipelago, quod alluit: hi MISERUNT PULVEREM SUPER CAPITA SUA: VÆ,

VÆ, VÆ ob sublatam navigationem
& amœnitatem atque opportunitatem
portus, & commercium ex hac Civita-
te maritimum, IN QUA DIVITES
FACTI SUNT OMNES QUI
HABEBANT NAVES IN MA-
RI.

3. Planctus similis describitur fusè
Ezech. 27. super Tyro, per Negotia-
tores, nautas, gubernatores maris, ha-
bitatores insularum & Reges percul-
sos.

In hoc planctu Apocalypico ter di-
citur de repentina ejus clade: *quoniam*
UNA HORA, inquit Reges (v.
10.) *venit judicium tuum*, (sicut paulò
antè Angelus v. 18. *in una die venient*
plaga.) & Mercatores (v. 17.) *quoniam*
UNA HORA *desinita divitie.* &
Navales (v. 19.) *quoniam* UNA HO-
RA *desolata est!* Ergo Eccli. 11. v. 29.
Malitia hora oblivionem facit luxuria
magna (luxus magni & pompæ;) *& in*
sine hominis (& quantacunque civita-
tis hominum) *denudatio operum illius.*

Exulta-
tio cœ-
litum.

Solum COELUM, cui non fuit
hoc repentinum sed prævisum, jubetur
(v. 20.) *exultare SUPER EAM: ET*
SANCTI APOSTOLI ET PRO-
PHETÆ ad quos dicitur, JUDICA-
VIT DEUS JUDICIUM VE-
STRUM DE ILLA: tum quia vin-
dicavit abnegatam & proculcatam
doctrinam quam vos prædicastis:
tum quia sanguinis vestri & persecu-
tionis, contra vos, in posteris
vestris se participem
fecit.

COROLLARIUM.

Atque ex his, in hoc §. dictis, magis
liquet prophetari de Constan-
tinopoli.

Nam, ut taceam primò ad Regum 1. Plan-
ctum pertinere *fortitudinem* Atus Re-
urbis (v. 10.) & munimenta terrestria gum:
maritimæque in utroque littore Euro-
pæo & Asiatico: amplitudinem urbis,
& circum portarum trium & vigin-
ti: ipsumque in primis incomparabi-
lem ac planè Regium situm in fauci-
bus Europæ atque Asiæ, quo præ se fert
arcem ac Principatum maris & terra-
rum: Tum deinde Basilicas, ac Purpu-
ratorum habitationes, atque opera pu-
blica perquam magnifica (nam priva-
tum vulgus in humiliorem formam
immutavit ædificia sua): inter quæ sunt
Thermæ centum, & ex his quinquæ-
ginta majores & geminæ, ut altera sit
pars pro viris altera pro mulieribus: nec
non Hospitia publica in quorum illu-
strioribus aquæ saliant in atrii area me-
dia, ductæ ex suburbanis regali magni-
ficentia. De Thermis Leunclavius lib.
15. historiæ Muselmannæ: *Balnea*, in-
quit, *multa quibus similia nullus in orbe*
terrarum conspexit.

Secundò, ut præteream ea quæ spe- 2. Mer-
tat planctus Mercatorum: commet- catorū:
cium & vecturam facilem ex utroque
mari: & quæ dicuntur de opulentia
mercium (v. 12.) & *fructibus desiderabi-*
libus v. 14. quibus omnigenis, omnis
temporis, fora sunt plena: de campo
frumentario Thracio quaquaversum

L 2 am-

ampliore quàm sit septidui, alicubi viginti & eò ampliùs dierum itinere: præter Asiam contiguam, ubertate agrorum frumentariorum & pastu propinquum. De *lignorum*, quoniam & hæc commemorantur in Apocalypsi (v. 12.) abundantiæ: sylvis vastissimis, perennibus, longis itinere plus quàm quadraginta dierum, continuatis à Propontide ad Colchos ac multò ulterius: ut non modò sibi ac vicinis, verùm etiam longinquis, atque adeò ipsi Ægypto, Sinui Arabico, atque Africæ materiam suppeditet in ædium naviumque fabricam; solaque ex maximis urbibus sit Constantinopolis quæ nunquàm incidere posse videatur in lignorum penuriam. De vini exundantiæ, scilicet Turcis prohibiti: quod fert ipsa habetque oram Bosphori, Propontidis, & Hellesponti constitam vinetis (ita ut Menander comicus scriptum reliquerit: *Omnes Mercatores temulentos facit Byzantium*) & compendio navigationis propè infinita genera habere potest illius aliarumque deliciarum, *odorum mentorum* Arabiæ ac rerum pretiosarum totius Orientis.

Mariti-
morum.

Ut hæc igitur omittam: Certè is qui est tertius planctus (v. 17.) *naviarum* & qui in mari operantur, maxime propriè cadit in Constantinopolim: quæ peninsula est; & mari, undique portuoso, cingitur ex tribus partibus: à meridie quidem Propontide, ab Oriente Bosphori fretò, ab Aquilone Sinu seu lacu maris, cui nomen Ceratinus, omnium portuosissimo, trajectuque prompto in Europam & Asiam.

Cujus vastitatem Civitatis & navigationis jacturam necesse est magni causam fore clamoris: ac nominatim eorum de quibus dicitur v. 19. *in qua divites facti sunt omnes qui habebant naves in mari.*

Nam quòd cum stupore planguntur, v. 17. *destituta tanta divitiis*: auctor est Sozomenus lib. 2. hist. Eccl. cap. 2. jam tum suo ævo tantum crevisse, *ut tum frequentia hominum, tum pecunie & divitiarum abundantia, Romam omnium consensu longè superaret.* Scriptor verò historiæ Muelmannæ supra laudatus, de Mahomete illo primo Imperatore Turcarum addit etiam amplificasse: *Constantinopolim*, inquit, *totam renovavit, incolarumque numero & copiis auxit, ut in universi hujus orbis terrarum finibus NULLAM URBEM huic PAREM posse reperiri plerique testentur.* Hæc Leunclavius l. c. Nempe hoc ipsum suis verbis dicunt in Apocalypsi nostra, v. 18. *QUÆ SIMILIS CIVITATI HUIC MAGNÆ?* & quinque hoc cognomine appellatur (cap. 17. v. 18. & cap. 18. v. 10. & 18. 21.)

Pars utique Apocalypseos magnà tantò ante prophetatà! Sedes Imperii Bestialis: & descriptio evidens ac tam fusè (totis duobus Capitibus utque in tertium: ut proinde nobis etiam liceat esse longioribus) Civitatis quæ apostatavit à Christo, & pro eo quòd fuit facti Romani Imperii, facta est Turcica metretix.

§. III.

§. III.

*Representatio ejus ruinæ.*Profundū
sup-
plicii.

1. **C**OMMODUM exultante Cælo
CUNUS ex *Angelis* accedit,
(v. 21.) repræsentaturus excidium pro-
phetatum. Is pro sua *fortitudine* ap-
prehendit LAPIDEM QUASI
MOLAREM MAGNUM, & inji-
ciens *mari*: HOC IMPETU, ait,
MITTETUR BABYLON CIVI-
TAS ILLA MAGNA: submerge-
tur in profundo malorum æterno; eo
pondere & gravitate calamitatis; eā
celeritate ac vehementiā lapsus; eā rui-
nā irrecuperabili, quæ est quasi mola-
ris lapidis; eā subita contritione &
comminatione tanquā a forti An-
gelo, de qua Jer. 51. v. 8. *Subitò cecidit
Babylon & contrita est*: eā jacturā sem-
piterna, de qua S. Joannes addit; ET
ULTRA-JAM NON INVENIE-
TUR.

Despe-
raturum:

2. Ex hoc desperatio omnis *cantus*
in toga, omnis *tube* in sago: cessabit
artifex: desinet opus MOLÆ, seu
operæ mancipiorum: nullum lumen
LUCERNÆ, nedum splendor Im-
perii: *sponsalia*, voluptas, & pompa
nulla. Commemoratio horum est ini-
tium luctus æterni: *Transferunt omnia
illa tanquā umbra*, & cætera cantici
lugubris infernalis quod habetur de-
scriptum Sap. 5. v. 9. & seqq. *Talia
dixerunt in Inferno hi qui peccave-
runt.*

Jam enim sæpè diximus, hæc ita

prophetari de excidio urbis Constan-
tino-politanæ temporibus Antichri-
sti: ut simul excidium antiquæ Romæ
sit in mente pro Idea futuri: simul fi-
guretur interitus Collectionis omnium
reproborum quæ est Civitas & Impe-
rium infidele Principis mundi. Unde
fit, ut cum hæc tria sint ob oculos pro-
phetanti, quædam obiter attingat quæ
videantur apertius convenire Ideæ,
ut, de sanguine effuso Prophetarum &
Apostolorum, quod potius convenit
antiquæ Romæ ut prototypo: quæ-
dam verò quæ expressius in Collectio-
nem cadant reproborum; ut, quan-
do loquitur de tormentis Civitatis e-
versæ, & de incendio fumante in sæcula
æterna.

3. Denuntiatur Civitati, hæc om- Justum?
nia ei eventura in pœnam criminum,
quæ tria recensentur: primum super-
bia. QUIA Principes habuerit pro
Mercatoribus: MERCATORES
TUI, ait, ERANT PRINCIPES
TERRÆ. Secundum superstitio
qua incantavit Orientem: IN VE-
NEFICIIS TUIS ERRAVE-
RUNT OMNES GENTES. Ter-
tium odium & bella injusta in Chri-
stianos: adscribetur tibi SANGUIS
PROPHETARUM ET SAN-
CTORUM tanquā in te INVEN-
TUS, quæ imitata es persecutores il-
lorum: ET sanguis OMNIUM
QUI

L 3

QUI INTERFECTI SUNT IN
TERRA : eadem ferè phraſi , qua
Chriſtus de Jeroſolyma ; cujus etiam
excidii olim præteriti quædam fit infi-
nuatio & cum illa comparatio : Matth.

23. v. 35. *ut veniat ſuper vos omnis ſan-
guis juſtus, qui effuſus eſt ſuper terram à
ſanguine Abel juſti.*

Haſtenus quarta Viſio, in hac ſe-
cunda Parte Apocalypſeos.

TRACTATUS XXVIII.

IN PARTEM CÁPITIS XIX.

Continetur hoc Capite Viſio quæ eſt quinta ordine : præ-
paratoria Nuptiæ, quæ & ipſa habet nomen militantis : &
ſolemnis apparitio militaris ; Chriſti cum ſuo exercitu ve-
nientis pro ea contra Antichriſtum.

VERBA APOCALYPSEOS.

(Cap. 19. Verſu 1. & ſeqq.) *Post hæc audivi quæſi vocem turba-
rum multarum in cælo dicentium : Alleluja : ſalus, & gloria, & virtus
, Deo noſtro eſt. (v. 2.) Quia vera & juſta judicia ſunt ejus, qui judica-
, vit de meretrice magna, quæ corruptit terram in prostitutione ſua, &
, vindicavit ſanguinem ſervorum ſuorum de manibus ejus. (v. 3.) Et
, iterum dixerunt : Alleluja. Et fumus ejus aſcendit in ſæcula ſæculo-
, rum. (v. 4.) Et ceciderunt ſeniores viginti quatuor & quatuor anima-
, lia, & adoraverunt Deum ſedentem ſuper thronum dicentes : Amen :
, alleluja ! (v. 5.) Et vox de throno exivit , dicens : laudem dicite Deo
, noſtro omnes ſervi ejus : & qui timetis eum, puſilli & magni. (v. 6.)
, Et audivi quæſi vocem turba magna, & ſicut vocem aquarum multa-
, rum, & ſicut vocem tonitruorum magnorum, dicentium : Alleluja. Quo-
, nam regnavit Dominus Deus noſter Omnipotens. (v. 7.) Gaudeamus
, & exultemus, & demus gloriam ei : quia venerunt nuptiæ agni, & uxor
, ejus præparavit ſe. (v. 8.) Et datum eſt illi, ut cooperiat ſe byſſino ſplen-
, denti & candido. Byſſinum enim juſtificationes ſunt Sanctorum.
, (v. 9.) Et dixit mihi : Scribe : Beati, qui ad cœnam nuptiarum agni vo-
, cati ſunt, & dicit mihi : Hæc verba Dei vera ſunt. (v. 10.) Et cecidi
, ante pedes ejus, ut adorarem eum. Et dicit mihi : vide ne feceris : con-
ſervus*

, servus tuus sum, & fratrum tuorum habentium testimonium Iesu.
 , Deum adora; Testimonium enim Iesu, est spiritus prophetia. (v. 11.)
 , Et vidi cælum apertum, & ecce equus albus, & qui sedebat super eum,
 , vocabatur fidelis, & verax, & cum iustitia iudicat & pugnat. (v. 12.)
 , Oculi autem ejus sicut flamma ignis, & in capite ejus diademata multa,
 , habens nomen scriptum, quod nemo novit nisi ipse. (v. 13.) Et vestitus
 , erat veste aspersa sanguine, & vocatur nomen ejus verbum Dei. (v. 14.)
 , Et Exercitus qui sunt in cælo, sequebantur eum in equis albis, vestiti
 , byssino albo & mundo. (v. 15.) Et de ore ejus procedit gladius ex utra-
 , que parte acutus: ut in ipso percutiat gentes. Et ipse reget eas in virga
 , ferrea: & ipse calcatur torcular vini furoris iræ Dei Omnipotentis.
 , (v. 16.) Et habet in vestimento & in femore suo scriptum: Rex Regum,
 , & Dominus dominantium. (v. 17.) Et vidi unum Angelum stantem
 , in sole, & clamavit voce magna, dicens omnibus avibus, quæ volabant
 , per medium cæli: Venite, & congregamini ad cænam magnam Dei;
 , (v. 18.) Et manducetis carnes Regum, & carnes tribunorum, & car-
 , nes fortium, & carnes equorum, & sedentium in ipsis, & carnes om-
 , nium liberorum, & servorum, & pusillorum, & magnorum.

§. I.

Applausus Regno & Nuptiis Agni.

1. **C**onsonat initium hujus Ca-
 pituli ei quod dicebatur in Ca-
 pite præcedente, v. 20. *Ex-
 ulta Cælum.*

Nempè Justitia DEI, materia est
 exultationis sicut DEO ipsi, sic Beatis
 ejus: quorum urbi canticum proprium
 est illud de quo Tobias cap. 13. v. 22.
per vicos ejus alleluja cantabitur. Un-
 de hîc in Apocalypsi multiplex inge-
 minatio Allelu-ja (Hebraicè: laudate
 DEUM.) Primum de sententia dam-
 nationis lata adversus *Meretricem*
 QUÆ CORRUPIT TERRAM,

coram qua palàm prostituit se, auctor
 ad amplectendam Infidelitatem. Di-
 cunt turba omnes quæ IN COELO
 sunt, verè & iustè judicatum esse: AL-
 LELUJA, inquit, SALUS ET
 GLORIA ET VIRTUS DEO
 NOSTRO EST: Salus ab illo; glo-
 ria illi; virtus penes illum sicut salvan-
 di sic & damnandi. Addunt de vin-
 dicta sumptâ de sanguine SERVORUM
 DEI; quod est ITERUM
 ALLELUJA. Nec non de pœna
 inflictâ Meretrici, igne ac fumo æterno,
 tertium ALLELUJA; quod dicitur

Alleluja
 super
 vindicta.

cum

cum asseveratione, AMEN, 24. *Seniorum Ecclesia* & 4. *Animalium* quæ representant Evangelia & Doctores ejus, adorantium Deum veridicum & justum.

Cui orthodoxorum non est manifestum, hæc nequaquam convenire hodiernæ Romæ? quæ à prima sui conversione nunquam descivit à fide Christi, & de qua tantæ laudes Patrum; ad quam, teste S. Cypriano, *perfidia habere non possit accessum*. (ep. 55. ad Cornel.)

2. Tum verò (v. 5.) DE THRONO VOX & invitatio omnium ad gratulationem super causâ exultationis aliâ: & obeditio TURBÆ MAGNÆ SICUT AQUARUM MULTARUM, ET TONITRUM ORUM resonantium LAUDEM, ALLELUJA novum: propter adventum Regni DEI, & adventum Nuptiarum Agni, ac preparationem Sponsi. QUONIAM REGNAVIT, inquit, DOMINUS DEUS NOSTER OMNIPOTENS: & QUIA VENERUNT NUPTIÆ AGNI, ET Uxor ejus PRÆPARAVIT SE: illa de qua S. Augustinus in psalmum 127. *Uxor ejus, Ecclesia ejus*.

Ea præparatio dicitur esse quod cooperuerit SE BYSSINO NITENTI ET CANDIDO. quæ Byssus consistit in *sanctitate & justitia* (Luc. 1. v. 75.) coram ipso Sponso, à quo data fuerat gratis, ac deinde ornata cumulatâque operibus majoris *justificationis*, ac præcipuè patientiâ in persecutionibus; tanquàm linum (hoc est enim byssus, pretiosissimum veteribus) à

multa tunsione & carminatione purius ac splendidius, græcè καθαρόν καὶ λαμπρόν.

3. Occasione Nuptiarum, audit Joannes mandantem: SCRIBE; BEATI QUI AD COENAM NUPTIARUM AGNI VOCATI SUNT. Dicitur Cœna: quia in mundi vespere, in Beatitudine, de qua sermo est Luc. 14. v. 15. nam *prandium* nuptiale Matth. 22. v. 4. celebratur in desponsatione in terris; in quo etiam qui comparuerit, vocatus, potest ejici: at non è cœna Beatorum.

Hic cum adderetur, VERBA HÆC esse DEI: *cecidit* adoraturus latrâ: ut expresse hunc locum explicat S. Doctor Augustinus lib. 1. quæst. super Gen. q. 61. ubi cum distinxisset inter quamlibet adorationem & inter eam quam Græci vocant λατρείαν, docet Angelum prohibuisse adorari se isto modo qui non nisi Deo deberur: *Talis enim, inquit, apparuerat Angelus, ut pro Deo posset adorari: & ideo fuerat corrigendus Auditor*.

Quamobrem manifestans se Angelum esse: VIDE, ait, NE FECE- RIS: DEUM ADORA: nam, CONSERVUS TUUS SUM qui TESTIMONIUM exhibeo Deo, prophetando apud te (hanc Apocalypsin Jesu CHRISTI ad quod missus sum ab illo Apoc. 1. v. 1. & 2.) quod & tu exhibeas par testimonium apud genus humanum. SPIRITUS ENIM PROPHETIÆ omnis EST TESTIMONIUM JESU: & quicumque perhibent illud, tu & fratres tui, mecum servi sunt Jesu.

§. II.

Alleluja
super ad-
ventu
nuptia-
rum.
Præpa-
ratio
nuptiæ.

Deo soli
latrâ.

Aperi-
untur
cies cœ-
lestes.

Auxili-
res, Ec-
clesiæ.

Christi
Dux.

§. II.

Christus cum exercitu.

Aperi-
untur a-
cies cœ-
lestes:

Auxilia-
res, Ec-
clesiæ.

Christus
Dux.

I. **H**IS auditis, VIDI, ait, COE-
LUM APERTUM & in
illo instructam aciem: Christo Equite
albo præeunte, laturo auxilium & con-
stantiam Christianis contra Antichri-
stum. Neque enim in illa immani per-
secutione, temporibus Antichristianis,
destituer Christus Ecclesiam: ne sit di-
cere quod puer Elisæi dicebat, oculis
nondum apertis, 4. Reg. 6. v. 15. *Heu,
heu Domine mi, quid faciemus?* sed pro
magnitudine tentationis multiplicabit
auxilia, & dabit proventum turmis
Martyrum, quæ hîc repræsentantur,
trahendis gratiâ & exemplo Christi
atque intercessione Beatorum.

2. Prout igitur Christus, ille idem
Sessor *Equi albi*, qui exibat vincens ut
vinceret, in prima Parte Apocalypseos
Capite 6. v. 2. Assignantur ei hoc in
loco nomina quatuor: quorum pri-
mum & postremum ei conveniunt ut
homini, ob naturam humanam hy-
postaticè assumptam: in primò exerit
se (v. 16.) officium *iudicis*, quod accep-
pit quia Filius hominis est, (qui possit
videri ab omnibus pro tribunali.) Jo-
an. 5. v. 27. cujus propriè est *fidelem* esse
in protegendis & remunerandis ele-
ctis, & *veracem* in persequendis &
condemnandis reprobis. In postremo
titulus *Regis* (v. 16.) ipsa est Sedes Da-
vid patris ejus, Luc. 1. v. 32. quæ ei con-
venit nato de femore Patriarcharum,

Pars II.

Gen. 24. v. 3. & cap. 47. v. 29. Unde
hunc titulum HABET IN VESTI-
MENTO (*habitu quo indutus est ut
homo*) ET IN FEMORE SUO
SCRIPTUM; REX REGUM
ET DOMINUS DOMINAN-
TIUM. Alia duo nomina ei con-
veniunt ut Deo: quorum alterum est
essentiale, alterum personale: illud
(v. 12.) commune tribus Personis,
quod intellectu obscurum mortalibus
& ineffabile (describitur Exod. 3. v. 14.
QUI EST) comprehensibile soli Deo,
QUOD NEMO NOVIT, inquit,
NISI IPSE: istud singulare Personæ
ejus, (v. 13.) VERBUM DEI, æquè
incomprehensibile, sed manifestius ex
quo caro factum. Hæc de nomine E-
quitis: sequitur descriptio ejusdem:

OCULI AUTEM EJUS SICUT
FLAMMA IGNIS: tum ad illumi-
nandum & accendendum electos mi-
lites suos amore divino (quò spectabat
Capite 1. Apocalypseos v. 14.) juxta
psalmum 43. v. 4. *dextera tua & bra-
chium tuum, & illuminatio vultus tui:*
tum ad perterrefaciendum hostes &
ulciscendum, psal. 33. v. 17. *vultus au-
tem Domini super facientes mala.*

IN CAPITE EJUS DIADE-
MATA conglobata è multis: quia
Rex Regum & Regnorum est. Et à
diadematis, ut Regi simul & Pontifici,
pendula inscriptio nominis Sacro-
sancti.

M

sancti.

sancti. VESTE ASPERSA SANGUINE : ut in illa secum ferat notas & ostendat, cum propitias, tūm ultrices sanguinis sui suorumque effusi.

DE ORE EJUS PROCEDIT GLADIUS EX UTRAQUE PARTE ACUTUS : gladius spiritus verbi sui & imperii : UT IPSO PERCUTIAT GENTES, Ultravis ex parte, cum ad propugnationem suorum & salutem, tūm ad oppugnationem hostium & condemnationem:

Revertens EAS IN VIRGA FERREA : id est, ait S. Augustinus in psalmum 2. *in inflexibili justitia.*

IPSE sicut calcaverat torcular in passione sua, ut exprimeretur vinum novum quod bibent. Electi ejus in regno DEI (Matth. 26. v. 29.) idem is QUI CALCAT TORCULAR adversus reprobos VINI FURORIS, IRÆ DEI (de quo bibent omnes peccatores terra (psal. 74. v. 9.) omnipotenter exundantis.

3. Sic descripta præeuntis Equitis præmit vestigia reliquus Equitatus : v.

14. ET EXERCITUS, ait, QUI SUNT IN COELO, SEQUEBANTUR EUM IN EQUIS similiter ALBIS : omnes VESTITI BYSSINO ALBO ET MUNDO.

Hi sunt exercitus Christi : quorum pars est in Cælo triumphante ; pars in Cælo militante. Illi secuti dudum & beati victoriâ partâ post Christum. Isti adhuc eundem sequuntur spe victoriæ ; Christiani certaturi contra Antichristum : præside S. Michaële (Dan. 12. v. 1.) & SS. Angelis : toto Cælo protectore, inspectore pugnæ, & hortatore : semper supremo moderatore Christo, Capite corporis sui. Vestiverunt se byssino, de quo paulò ante v. 8. *splendenti & candido*, quod exposuit esse *justificationes Sanctorum*, & præparationem esse nuptiæ militantis : omnis Equitatus albus, quod est omen felicitis prælii & tessera imitationis Christi.

Equitatus Christi.

§. III.

Præfagium victoriæ de exercitibus adversariis.

Prænum, 1. **D**Um adversus Sessorem Equi albi & Exercitum ejus opponit se *Bestia* una cum suis Copiis AD committendum PRÆLIUM, ut dicitur v. 19, apparet *Angelus* prodromus victoriæ ; *stans* IN SOLE, annuntiaturus eam in oculis totius mundi : (v. 17.) Typus Antistitis & præconum Evangelicorum, qui non deerunt hoc tempore prælii & sustinendæ persecu-

tionis, in terris ; Ducibus Enoch & Elisha, de quibus sup. cap. 11. & rursus inferius Tract. seq. §. 2.

2. CLAMAVIT Angelus VOCE AVIUM MAGNA, exhortator & nuntius OMNIBUS AVIBUS QUÆ VOLABANT PER MEDIUM COELI sui. Juvat (quod erit hujus solius loci Apocalypseos) per has aves intelligere fideles illius temporis. Nam &

S. Gre-

S. Gregor. alicubi per volucres in Scriptura intellexit pios Christianos. *Volucres*, inquit, (lib. 19. mor. cap. 1.) *id est, sancta anima que quibusdam virtutum pennis à terrena cogitatione se subleuant.* His pennis librabunt se quotquot in tanta persecutione & periculo, sublimis in fide, volitabunt per medium Cœli inferioris, quod est Ecclesia, non sine sancta trepidatione ac fuga dispersi. Quibus Angelus, Episcopus tunc pervigil Ecclesiæ universalis, præsto erit suâ suorumque prædicatione & consolatione prænuntiâ oraculorum temporis abbreviati, & imminentis interfectionis Antichristo, quam expectare debeant & ad catastrophem huius belli videndam anhelare, convolando intrepidè ac plaudendo alis.

Respicit Apocalypsis ad prophetiam Ezechielis, cap. 39. de his iisdem hostibus quos vocat Gog & Magog; v. 1. *Eccē ego super te Gog & v. 4. cades tu & agmina tua, & populi tui qui sunt tecum: feris, avibus, omni que volatili & bestiis terræ dedito ad devorandum.* Et v. 17. DEUS ad Ezechielem: *dic omni volucri & universis avibus cunctisque bestiis agri, convenite, properate, concurrite undique &c.* Similibus verbis hic Angelus: neque enim necessariò simili undequaque sensu verborum (siquidem feras, aves & bestias Ezechielis in partem sinistriorem exposituri sumus) invitat omnes aves; sciant se congregari AD COENAM MAGNAM DEI: Ezechiel. l. l. et v. 17.

ad victimam meam. Angelus: UT MANDUCETIS, inquit, CARNES REGUM, TRIBUNORUM, FORTIUM, ET CARNES EQUORUM ET SEDENTIVM IN IPSIS, &c. Ezechiel habet v. 18. *carnes fortium comedetis & sanguinem Principum terræ bibetis.* & v. 20. *saturabimini super mensam meam* (quam vobis inferno) *de equo & equite forti, & de universis viris bellatoribus, ait Dominus DEUS.*

3. Responditque eventus: prout videmus in v. 21. Tractatu 30. §. 3. Et vaticinium

Neque potuit melius describi saturitas iustæ vindictæ, & plenitudo virtutis, quæ est devorasse hostes DEI & suos.

Modus autem, quo illa clades præliantis Antichristi, & illa salus Israël contingent, eruendus est ex paucis verbis quæ inferuntur in Apocalypsi hic v. 20. & 21. & in Cap. sequente ubi mentio fit Gog, v. 7. & seqq. simul conjunctis cum Prophetia Danielis & Ezechielis, ad quam Scripturas respicit & non obscurè se refert narratio huius loci Apocalypseos. De qua tota re quid tradatur, dicemus breviter in Tractatu sequente; cui hoc peculiariter reservavimus: De Ezechiele autem alii quoque Tractatui qui erit 32. dōs ubi aliam ex S. Hieronymo adjiciemus interpretationem, multò diversam, de volucribus & feris Ezechielis in exitio Gog.

TRACTATUS XXIX.

IN DUOS PENULTIMOS VERSUS CAPITIS XIX.

Versamur in Visione quinta secundæ Partis Apocal.

VERBA APOCALYPSEOS.

(Cap. 19. Vers. 19. & 20.) *Et vidi bestiam, & Reges terræ, & exercitus eorum congregatos, ad faciendum prælium cum illo qui sedebat in equo & cum exercitu ejus. (v. 20.) Et apprehensa est bestia, & cum eo pseudopropheta: qui fecit signa coram ipso, quibus seduxit eos, qui acceperunt characterem bestia, & qui adoraverunt imaginem ejus. Vi-*
vi missi sunt hi duo in signum ignis ardentis sulphure.

§. I.

Exercitus Antichristianus.

Copiz
Anti-
christia-
na:

Viderat Joannes ex una parte militiam sanctam Christianorum: ex parte altera videt copias hostiles impias ad atrocissimum illis bellum inferendum: *Bestiam* in primis & *Pseudopropheta* qui CUM EA conjungitur v. 20. REGES quoque TERRÆ, quos traxerunt Bestia & Antichristus in suas partes: ET EXERCITUS EORUM CONGREGATOS. Quæ singula brevi explanatione indigent.

Exposuimus, per *Bestiam* designari Imperium infidele: quod hîc jam est pseudo-Judaicum. Unâ CUM *Bestia* est Antichristus, PSEUDOPRO-

PHETA ille singularis & magnus qui Messias falsorum Judæorum, re enim ipsâ infidelium: is QUI FECIT SIGNA magna, quod de Antichristo dictum fuit cap. 13. v. 13. ipse quoque ibidem cognominatus *Bestia alia*, quia cum suis Judæis constituit speciem novi Imperii, cum revera tantum addiderit priori Bestiæ, Imperio Mahometano, colorem & imaginem novam, prout sæpius diximus. Reges terræ sunt ii, quos Antichristus sibi devinxit vel subjecit, unâ cum regionibus quas attraxit. EXERCITUS sunt illa tota ex quatuor angulis terræ, ut dicitur Capite sequente v. 7. multitudo; cum Judæo-

Judæorum; exasperatissima contra Christianos, tunc eorum qui se his adjunxerunt & Judaizantis orbis terræ.

Congregatio eorum: 2. Quod dicitur, vidisse **CONGREGATOS**: non est accipiendum de loco; quasi in eundem omnes campum sint descensuri ad pugnam: sed in eo sensu, quo Ecclesia est & dicitur Congregatio: diffusi enim erunt per orbem terrarum; perinde ut illa militans, quam oppugnant, est diffusa: consensu autem & odio atque armis persecutionis erunt iidem inter se, id quod sapientissimè observavit S. Augustinus lib. 20. de Civ. cap. 11. cujus verba libet proferre in medium:

Hæc enim; ait, erit novissima persecutio, novissimo imminente iudicio, quam sancta Ecclesia toto terrarum orbe patietur: universa scilicet Civitas Christi ab universa Diaboli Civitate, quantacunque erit utraque super terram. Gentes quippe istæ, quas appellat Gog & Magog, non sic sunt accipiende, tanquam sint aliqui in aliqua parte terrarum barbari constituti. Toto namque orbe terrarum significati sunt isti esse, cum dictum est: nationes quæ sunt in quatuor angulis terræ. Et paulò post in Apoc. 20. versum 8. Quod verò ait: Et ascenderunt super terram latitudinem, & cinxerunt castra Sanctorum & dilectam Civitatem: non utique ad unum locum venisse vel venturi esse significati sunt; quasi aliquo uno loco futura sint castra Sanctorum & dilecta Civitas: cum hæc non sit nisi Christi Ecclesia toto terrarum orbe diffusa. Ac per hoc ubicunque tunc erit, quæ in omnibus gentibus erit; quod significatum est no-

mine latitudinis terræ: ibi erunt castra Sanctorum: ibi erit dilecta DEO Civitas ejus: ibi ab omnibus inimicis suis, quia & ipsi in omnibus gentibus cum illa erunt, persecutionis illius immanitate cingetur; hoc est, in angustius tribulationis arctabitur, urgebitur, concludetur: nec militiam suam deferet, quæ vocabulo est appellata castrorum. Hæc Augustinus.

3. Similiter autem & genus **PRÆLII** intelligendum est præcipuè spirituale quo animæ impugnabuntur: nam in perniciem animarum omnis reliqua exquisitissima & acerrima persecutio sæviet in corpora. Neque enim arbitramur ex parte Christianorum futuros, qui tum demum exercitibus coactis obviam eant Antichristo ut resistent ferro & machinis bellicis ei qui regnorum omnium & orbis ab se domiti Monarchiam acquisierit, & in toto jam orbe regnet, ut citavimus Tract. 20. §. 3. ex S. Hieronymo in Daniele.

Enimverò hæc erunt arma Christianis: scutum fidei; & omnis armatura de qua Apostolus Ephes. 6. galea salutis, & gladius spiritus: constantia in confessione Christi: despicientia terrenorum & magnanimitas: fuga interim salutaris, & latebræ honestæ: præparatio ad martyrium sub vexillo Equitis albi cui *vestis aspersa sanguine* (sup. v. 13.) Aliis armis, ut habet axiomata Theologorum, *martyr non pugnat*. Quamobrem toto Cælo Apocalypseos errant, si qui aliud interpretantur bellum utrimque & arma: aut alium modum vincendi quem teneat Equitatus Christi: sicut qui & alias coronas vel

Genus
armaturæ.

M 3

lau.

laureas. Neque profectò Duces à Deo missi Enoch & Elias alio genere pugnae præituri sunt, quando *Bestia*, ut dictum est Apoc. II. v. 7. *faciet adversum eos bellum.*

Antichristiana verò arma hæc erunt: primùm omnis generis blanditiæ, alle-

stamenta, illecebræ, pollicitationes: deinde insidiæ, fraus, perfidia: postremò minæ, furor, atrocitas tormentorum, & ubi contra animam nihil profecerint, internecio corporum, quorum specimen aliquod videbimus in sequente §.

§. II.

De novissimo conflictu.

Prælium
extremū
Hierosolymis.

I. **M**odd expositum bellum, & ejus gerendi methodus; id est, hæc persecutio & hæc patientia Martyrum implebit totum mundum, temporibus pseudo-Messia. Sed erit theatrum belli singulare & extremus conflictus Hierosolymis. nam etsi, ut monuimus in §. præcedente, non omnes eodem in loco militabunt Antichristo; cujus seductio pervagabitur orbem terrarum; tamen cultissima erit id temporis Palæstina, & multò maxime urbs Hierosolyma; ad quam erit confluxus ex omnibus partibus mundi, tanquam ad Regiam in qua residet Antichristus; & velut ad castra prætorii totius per mundum dispersi exercitus qui militat contra Christianos. Erit amplitudo urbis ingens, & pomærio ejus verisimiliter inclusi montes vicini: ac palatia suburbana: & circum undique omnia munita muris ac turribus & præsidio militari: in ipsa verò urbe Arx omnium superbissima, atque in Templo contiguo Sedes posita ejus, id est Antichristi, divinitati. Jam vetuit adorari aliud Numen quàm

se: immani fastu quem tegunt simulata sanctitas & prodigia. Stipabitur, ultrò citròque comineaturus, satellitio Regum & Principum per quos sibi subjecit terras ac maria: quorum pars confluent, & erunt anteambulones ejus ac pedissequi. Cujus totius apparatus ei auctor erit Princeps hujus mundi & Rex superbiæ.

2. Sub hæc tempora illuc, Hierosolymam, convenient duo celebratissimi Testes Enoch & Elias, de quibus dictum est Capite II. expectatissimi reminiſcentibus Scripturas: missi à Deo, ille ex Gentibus, iste ex tribubus Israël: qui se opponent Antichristianis, gladio spiritus. Neque enim, quod in §. præcedente sumus præfati, concitabunt Christianos ad vim aliter prohibendam, aut ad aliud genus prælii quàm ad constantiam testimonii pro Christo, & ad generosè pro eo dandum sanguinem.

Hi confutabunt nequissimum impostorem, à tempore assumpti nominis Messia: cum in aliis orbis partibus, in quas excurrent aut ad quas exhibit sonus

Antichristi
post
fles
d
alcent
det.

fontis eorum : tūc præsertim in Palaestina & in urbe Jerosolyma : ubi se jungent hi ambo Prædicatores ad retrahendos Israëlitas à cultu Antichristiano; ipsi cum suis asseclis, quos una secum tuebuntur divinis prodigiis. De his illud S. Hieronymi quæst. 11. ad Algas. *quomodo virga Moysi devoravit virgas eorum* (Exod. 7. v. 12.) *na mendacium Antichristi, Christi veritas devorabit.* etenim falsa miracula veris suis destituent, & indefesso zelo per se suosque testimonium Deo vero, circumferent, ac potenti Scripturarum sacrarum oppositione pseudo-prophe-tiam ejus expugnabunt.

Hoc est novissimum prælium : in quo utrimque arma expediuntur, duobus hinc Antichristo, illinc duobus Testibus : ex parte illius seductio, prodigia mendacia, intentata vis : ex parte horum doctrina Legis & Prophetarum, miracula vera, patientia, & omnis cataphractura, ut dicebamus ex Ephes.

6. Apostolica qua hi duo sese & Christianos armabunt. Eo eventu quem S. Scriptura promittit, fore ut convertatur cor filiorum ad patres eorum, & restituantur aut instaurentur omnia.

3. Donec ipsi magni Testes Christi, sic enim dicti sunt per antonomasiam, & Testium Duces, una cum aliis multis, testimonium prædicationis suæ finiant testimonio sanguinis, quem fundent ad extinguendum simul Antichristum.

Erit tunc tripudium brevissimum & triumphus Antichristianorum, aded ut duorum occisa corpora exponant in plateis ad ludibrium & ad exemplum. Sed enim eos moriendo vicisse manifestum fiet, quando post dies tres & dimidium suscitati divinitus assumantur in Cælum : prout dictum est Apocalypseo 11. non sine fremitu & amulâ subitò id temporis machinatione Antichristi; de qua §. sequente.

Et per
martyri-
um vi-
ctores.

§. III.

De clade Antichristiana.

Antichristus
post Testes
duos ascen-
det.

1. **D**iximus in Caput 11. Tractatu 12. fore ut resurrectionem prædictorum Testium vocet in invdiam Antichristus ac damnet ceu fallacem & magicam. Ipse verò irritatus instituet suummet ascensum palam omnibus in Cælum, utpotè Dominus Cœli in quod se recipiat ut suum, & ascendat descendatque quoties collibuerit. Omitto quod existimant

quidam, simulaturum fuisse mortem & resurrectionem : pro quibus S. Gregorius lib. 11. epist. 3. obiter, & dum alia tractat, hoc solum dicit : *mori se & resurgere simulat.* Ut ut est : elatus superbiâ & impatiens moræ, fremons invidiâ, detestatus admirationem communem super duobus Testibus, implebit illud quod Daniel in fine Capituli undecimi prædixit, ex ortho-
*orum

xorum apud S. Hieronymum, quem citabimus inferius, expositione de Antichristo: fore ut figat *solum suum* (hæc est enim interpretatio vocabuli *Apadno*) in monte Oliveti, æmulus Christi. Illic inter acclamationes suorum, qui ad illam accurrent solennitatem, præstigiosissimè cinctus ministerio scilicet Angelico, attolletur à dæmonibus in sublime.

Peribit Sed incipienti evehi occurret S. *Michael* cuius mentio sequitur Dan. 12. v. 1. *Princeps magnus*, fugabitque dæmones, & erit nemo ex suis qui auxiliabitur ei. Destitutus auxilio deturbabitur ictu fulminis: dehiscente ei terrâ, sicut Core & familiæ ejus Num. 16. v. 33. atque, ut isti, vivus id est repente in descensu occisus, eodem temporis momento deglutietur abyssus inferiorum: & cum eo Bestia, Regnum totum infidele, præcipitabitur atque immergetur in abyssum. Tota enim simul *Bestia* seu collectio infidelium reproborum accipitur hoc loco instar unius: & pronuntiatur de ea, eâdem vel simili phrasi qua in Capite 20. v. 14. dicitur; *Infernus & Mors missi sunt in stagnum ignis*; in quod v. 9. & 10. dixerat præmissos *Bestiam & Pseudo-prophetam*. Congruit huic Bestiæ illud S. Irenæi lib. 5. cap. 29. *ut in ea confluent & conclusa omnis virtus apostatica in caminum mittatur ignis*.

Ergo APPREHENSÆ EST, ait Apocalypsis v. 20. BESTIA ET CUM EA PSEUDOPROPHETA. Et: VIVI MISSI SUNT HI DUO IN STAGNUM IGNIS ARDENTIS SULPHURE. Quia

& iste percussus divinitus interibit: & extinguetur Regnum infidelitatis, Antesignanis illius & Patronis relegatis in gehennam.

Juvet jam audire de Antichristi illo fine Daniele cap. 11. v. 45. *Et figet tabernaculum suum Apadno, inter maria, super montem inclitum & sanctum: & veniet usque ad summam ejus: & nemo auxiliabitur ei*. In quem locum S. Hieronymus, explorato Porphyrio qui omnia de Antiocho Epiphane nitebatur exponere, ita scribit: *Nostri autem extremum Visionis huius Capitulum super Antichristo sic exponunt: Et cum fixerit Tabernaculum suum inter duo maria mare mortuum & mare magnum: Tunc veniet usque ad verticem montis Oliveti, qui inclitus vocatur, quia ex eo Dominus atque Salvator ascendit ad Patrem. & nullus Antichristo poterit auxiliari, contra se Domino faviente. Et asserunt ibi Antichristum esse periturum, unde Dominus ascendit ad Cælos. Apadno verbum compositum est: quod si dividas, intelligi potest ὁ πῶς αὐτῶν, soli sui. Et est sensus: Et figet Tabernaculum suum & thronum suum inter maria, super montem inclitum & sanctum. Hæc Hieronymus ex prophetia Danielis.*

3. Fient hæc, postquam præfuerit illi suo Regno Monarcha absolutissimus & Pseudo-Christus, mensibus 42. qui sunt anni tres & dimidius; seu dies 1260. Post hanc computationem temporis tam ordinatam, tam & diligentem & facilem ac planam, quorsum illa opinio recentiorum quorundam, qui supervicturū putant Antichristum dies

Danielis
vaticinium.

Exp
tur
Apo
li;
veit
fecti
spiri
oris,
Et ill
strati
adve
tus.

diebus triginta ascensui duorum Testi-
um? Etenim reductionem Judæorum,
quam perusserant hi Testes, & ad quam
disposuerant animos plebis, intrinsecus
ac periculo exponunt tamdiu super-
stitis Antichristi; nullo Scripturæ aut
Traditionis fundamento. Nam Da-
nielis cap. 12. v. 11. & 12. alius est sensus;
de quo alibi. (Tract. seq. §. 3.)

Explica-
tur locus
Apostoli;
de inter-
fectione
spiritu
oris.
Et illu-
stratione
adven-
tus.

Porrò quod apud Apostolum 2.
Thess. 2. v. 8. dicitur de Antichristo:
Dominus Jesus interficiet spiritu oris sui
(vel ut Isa. 11. v. 4.) *Spiritu labiorum*
suorum; & *destruet illustratione adven-*
tus sui eum cuius est adventus secundum
operationem Satanae: hanc recipit expo-
sitionem, interficietur Antichristus
spiritu id est iussu oris & imperio labio-
rum Christi: (cui iussisse fecisse est,
ait S. Hieron.) & contra eum, cuius
fuit adventus secundum operationem
Satanae, prævalebit adventus illustra-
tionis & operationis gratiæ qua destru-
etur est tenebras Antichristiani Re-
gni & illuminaturus gentem tamdiu
cæcam, de qua idem S. Apostolus
Rom. 11. v. 25. *cæcitas ex parte contigit*
in Israël: donec &c. veniet ex Sion qui
eripiat. Adde, quòd de adventu Do-

mini possit eo in loco explicari Apo-
stolus ex S. Augustino lib. 20. de Civ.
cap. 5. sicut multa alia *quæ de ultimo*
judicio dei videntur, pertinentia (in-
quit) *ad eum Salvatoris adventum quo*
per totum hoc tempus in Ecclesia sua
venit.

Postremò tò *adventus sui* facillimè
exponitur ac si dicat: tunc quando illi
veniet. Venit enim unicuique quando
adeat finis vitæ ejus, & monet vigilare
ac paratum inveniri quando veniet.
Antichristo autem venturus est illu-
striore & celebriore modo ac vindictâ.
Cæterum adventus Domini ad judi-
cium nondum erit: sed tamen indi-
cium erit luculentum propinquan-
tis.

De interitu autem per fulmen, ceci-
nit etiam Sibylla l. 3. Orac. *Potestas*
ardens & inundans in terram veniet, &
Beliar incendet. Quòd si quidam e-
normiter impii divinius sunt percussi,
ut inter alios Julianus apostata cœlesti
telo de quo videre licet Theodoret.
lib. 3. hist. cap. 20.) quanto id magis
convenit Antichristo. unâ cum perti-
nacibus iis qui fuerunt præcipua instru-
menta seductionis,

TRACTATUS XXX.

IN VERSUM ULTIMUM CAPITIS XIX.

Nihilne divina Apocalypsis habeat de præcipua re futura, quæ
est conversio Judæorum? habet verò: sed suâ phrasi subli-
mi & in mysterio verborum sequentium.

Pars II.

N

VERBA

VERBA APOCALYPSEOS.

(Cap. 19. Vers. 21.) *Et ceteri occisi sunt in gladio, sedentis super Equum, qui procedit de ore ipsius: & omnes aves saturate sunt carnibus eorum.*

S. I.

De Occisione per gladium.

Occisio
salubris: 1.

Aliud est Bestiam, Imperium infidelium, & Pseudopropheta missos esse in stagnum ignis: aliud ceteros esse occisos gladio Equitis albi, cui finis est propositus vincere, & salutem afferre gladio suo iis quorum ferit animas efficaciam verbi sui & sternit. Etenim S. Joannes post narrationem de damnatione istorum duorum, Bestias & cum ea Pseudopropheta in stagnum ignis ardentis sulphure: de pleraque multitudine aliorum mutat, & ait: **CÆTERI OCCISI SUNT IN GLADIO, SEDENTIS SUPER EQUUM; QUI PROCEDIT DE ORE IPSIUS:** utique sermone Domini qui salubriter occidit quorum è medio tollit errorem, & scelera, & corrigit in terris.

Gladio:

2. Hanc occisionem, & hunc gladium ancipitem oris Domini, describit S. Doctor Augustinus in psalmum 149. *Sermo DEI, ait, gladius bis acutus. Unde bis acutus? &c. Venit ergo Dominus noster ferens gladium bis acutum; promittens aeterna, implens temporalia.*

Duo Testamenta ad gladium bis acutum pertinent: vetus Testamentum terrena promittit; Novum aeterna: In utroque sermo DEI verax inventus est ut gladius bis acutus. Post pauca describit phalanges illo DEI sermone armatas, & stragem quam edunt: quod est hujus maxime loci. Jam, fratres, videtis Sanctos armatos: attendite strages: attendite gloriosa praelia. Attendite quomodo cæse sunt gentes Babylonia. Dicamus nos, Antichristianæ: Nam de Paganis idololatriis ibidem Augustinus profequitur: Quomodo, inquit, Pagani occiduntur? quærimus nos quomodo occisi sint gladio sancto Judæi, qui modò Antichristiani. Respondet: Quomodo, nisi cum Christiani sunt? Quæro Paganum, & non invenio: Christianus est; ergo mortuus est Paganus. Fundat hanc occisionem in Scriptura: Nam si non occiduntur, unde dictum est Petro, Matthea & manduca? (Act. 10. v. 13. & Act. 11. v. 7. nostra vulgata versio habet: occide & manduca.) Et adducit exemplum occisi, Act. 9. Unde ipse Paulus occisus est persecutor, & Paulus erectus est

est predicator? quæro Paulum persecutorem & non invenio: occisus est: Unde? de framea bis acutâ. sed quia occisus est in se, & vivificatus in Christo, ideo confitens & confidens dicit: Vivo autem jam non ego. (Gal. 2.) vivit verò in me Christus.

Erigne. Habemus atipulantem S. Augustinum: sed & S. Hieronymum: ecce Doctores duos maximos: prout videbimus in Cap. seq. in versiculum notum: ubi in eandem sententiam ex illis duobus Patribus explicabimus igne à Deo de Cælo qui devoravit eos: ad quem locum huic connexum &

expositionem ejus differimus Lectionem.

3. Hoc planè est quod sup. Cap. II. ante septimam Tubam, & in fine Væ secundi, quod erat persecutio Antichristiana, dictum fuit; & huc spectat ad finem prælii Antichristiani: reliqui, aiebat v. 13. in timorem sunt missi, & dederunt gloriam Deo Cæli.

Tantundem enim est quod hîc dicitur de cæteris; occisos esse gladio sedentis super Equum: quantum id quod illuc de reliquis; missos esse in timorem Dei & dedisse gloriam Deo Cæli, ac tetendisse victas manus.

Quæ æpositio fit manifestæ ex Apoc. II. v. 13.

§. II.

De ipsis occisis.

Victoria de Judæis:

1. **O**ccisio igitur illa est conversio nationis Judæorum ad Christum, & de iis victoria: materia in Cælo ejus gaudii, quod erat quartum Alleluja initio hujus Capituli, super Regno Dei ut omnipotentis, & nuptiis Agni vicinis, ac splendore atque apparatu nuptæ: scopus ad quem missio collimaverat duorum Testium, eorumque prædicatio: effectus gladii, Christi, potenter vibrati; & mutatio dexteræ Excelli: Sessori Equi albi & gladio oris ejus gloriosissimum genus occisionis ac stragis.

De quo S. Chrysostomus ad laudem Apostolorum hom. 34. in Matth. ubi hunc vocat novum quendam atque inauditum bellandi modum, ac mirabilem hanc aciem militum, & addit: Ma-

ius certè atque admirabilius est mentem adversariorum commutare & animum in diversum transferre, quam illos occidere. Dicamus nos de SS. Apostolis, quod simili gladio armati, missique contra lupos, non aliter eos occiderint, quam ut quod lupinum erat delerent, & animos in suam ovium naturam mutarent. Quod tunc de populis Gentium, hoc de populis nunc etiam Judæorum accinatur Regi victori ex epithalamio suo, quod est psalmus 44. *populi sub te cadent.* ubi S. Augustinus: *occisus est inimicus Christi, ut vivat discipulus Christi: cecidit Saulus, (populus persecutor) ut esset Paulus. (populus obsecutor.)*

2. Nempè ibi natio Judæorum, Execrata verbo Scripturarum & ob-

N 2

tio pserura

do-Ju-
daismi.

ruta multitudine atque efficacîâ divi-
norum evidenter prodigiorum, con-
vulnerari communibus animis: sentire
tandem aliquando, ac manifestè, se de-
lusam ab Antichristo: & percussâ DEI
timore, vi prædicationis & ascensus
duorum Testium, atque exturbationis
horrendæ Antichristi præcipitati, agno-
scere palam errorem, & execrari suum
pseudo-Judaismum, ac manus dare
Christo. Sic profus, ut (Rom. II. v.
26.) cum plenitudo Gentium intraverit
dudum, jam omnis Israël salvus fiat.

Unanimitè proinde, qui Antichri-
sto & cum eo fulminatis superstites e-
runt, convertentur ad Christum: &
abolitâ penitus Bestiâ, (Regno infide-
li) aggregabuntur Ecclesiæ DEI: vi-
vet nomen & exaltatio Christi in Ju-
dæorum ore; inclamantium Baptis-
mum & instructionem Christianam
in vero DEI & Salvatoris sui cultu.

Prodi-
giosa fal-
satio!

Super hoc genere occisorum ad sa-
lutem, & obstupefcentia erga eos pro-
videntiâ, exclamandum est cum Apo-
stolo; Rom. II. v. 33. *O altitudo, græcè*
ὡ βάθος id est ò profunda abyssus, di-
vitiarum Sapientiæ & scientiæ DEI!
quàm incomprehensibilia sunt iudicia ejus
ac modus vindicandi se, & in-vestiga-
biles viæ ejus quas prævidit faciendi
vindictam, & edendi stragem adver-
satorum suorum! qui est vincere Bo-
nitate suâ malum. præcessit causa ex-
clamandi & speciem divitiarum sapi-
entiæ ac præscientiæ DEI; v. 32. *Con-*
clusit enim, ait, omnia in incredulitate; eo
suo divinissimo consilio & eo eventu
ac fine, ut omnium misereatur!

Prædi-

3. Addycit Apostolus I. c. *Isaiam*

prophetantem de hoc eventu, cap. 59.
20. *Veniet ex Sion qui eripiat & aver-*
rat impietatem à Jacob. Et est promissus
aliis in locis Scripturarum: atque
ex iis celebratissimus apud SS. Patres.
Quorum S. Ambrosius in caput 13.
Lucæ, v. 6. & seqq. nationem Judai-
cam assimilât arbori. *ficus*: & ad-
jungit locum Matth. 24. v. 31. ubi Domi-
nus ex *teneritudine arboris hujus & fo-*
lius commemorat conici solere æstatis ad-
ventum: utroque significans, inquit Am-
brosius, & *Judaicæ plebis manem quam*
prætebat gloriam velut florem adven-
tu Domini decidisse, quia ab operibus in-
fructuosa durabat: & *Judicii diem velut*
æstatis adventum, quo adulti fructus ter-
rarum omnium reconduntur, ex pleni-
tudine Ecclesiæ, in quam Judæi quoque
credaturi sunt, esse metiendum.

S. Hieronymus in Caput 3. Osee
v. 4. *Hi sunt ergo multi dies, quibus in-*
felix Synagoga sedet contracta, quia cum
Christo stare non potest: sine Rege &c.
Hæc est cecitas quæ ex parte accidit Israël-
li, ut subintraret plenitudo Gentium, &
tunc omnis Israël salvus fieret: & multo
post tempore (Osee v. 5.) revertentur &
quarent Dominum. Addit ex commu-
ni interpretatione, cur post dies tam
multos! *Quæ sit causa tam grandis of-*
fensa ut tanto tempore relictæ sint, maxi-
mè cum idola non colant, præter interse-
ctionem Salvatoris, aliam non valent in-
venire. Et in Jeremiæ caput 18. v. 17.
dies autem perditionis Judaicæ, omne tem-
pus est post passionem Salvatoris usque
ad finem sæculi: ut postquam subintravit
plenitudo Gentium, tunc omnis Israël
salvus fiat. Et in illud Ezech. 17. v. 24.
licca-

Et in S.
Scriptu-
ra:Et in
Pau-
lusSeq-
occ-
nem
ma-
cat

siccum lignum viride, & frondere feci lignum aridum: postquam explicasset de ligno vitidi Judæorum & de ligno arido Nationum: addit aliorum expositionem. utrumque, ait, referunt ad Israël, quod primo Adventu humiliatus sit & arefactus, & secundo restituatur in pristinum statum. Tunc, inquit in Ezech. 36. v. 26. auferetur de corde Judaico omnis duritia quæ lapidi comparatur, ut pro lapideo corde sit cor carneum, molle, & tenerum quod Spiritum DEI in se possit recipere.

Et in SS.
Patri-
bus.

S. Augustinus in locum præfatum Ose. 3. in suo de Civit. lib. 18. c. 28. Istos autem carnales Israëlitas, qui nunc nolunt credere in Christum, postea credituros; id est filios eorum, nam utique isti in suum locum moriendo transibunt; idem Propheta testatur dicens: Quoniam diebus multis sedebunt filii Israël sine Rege, sine Principe, sine sacrificio, sine altar sacerdotio, sine nationibus. non videat, nunc Judæos: sed quid adjuvagai, audi. Et postea, inquit,

revertentur filii Israël, & inquirent Dominum DEUM suum, & David Regem suum: & stupefcent in Domino & in bonis ipsius, in novissimis diebus. NIHIL est ista prophetia manifestius: quæ David Regis nomine significatus intelligitur Christus; qui factus est, sicut dicit Apostolus ex semine David secundum carnem. Et lib. 20. cap. 29. in Malachiæ 4. v. 5. Per hunc Heliam magnum mirabilemque Prophetam exposita sibi lege, n. 5. Tempore ante Judicium, Judæos in Christum verum, id est in Christum nostrum, esse credituros; celeberrimum est in sermonibus cordibusque fidelium. &c. Sic enim cor Patrum (Malach. v. 6.) convertetur ad filios, cum intelligentia Patrum perducetur ad intelligentiam filiorum: & cor filiorum. Patres eorum, dum in id quod senserunt illi, consentiunt & isti.

S. Gregorius hom. 12. in Ezech. in fine mundi, Judæi ad fidem redeunt. &c. & alibi sæpe.

§. III.

De saturitate avium.

Sequitur
occisio-
nem
mandu-
catio:

1. **I**ndicavimus in Tractatu 28. v. 3. rectè per has aves intelligi Christianos. justæ fuerunt per Angelum convolare posito metu: præsertim aves Ecclesiasticæ, Sacerdotes & ceteri de Clero, quarum est maximè regio Cælum, & esca spiritualis: invitatae ad pastum. De his dicitur v. 21. **ET OM-**

NES AVES SATURATÆ SUNT CARNIBUS EORUM.

Necesse autem fuit, ut occisio præcederet manducationem: & qualis illa, talis ista, id est, utraque spiritualis. Occidit eos gladio suo Christus: restat, ut per catechesin & per initiationem Baptismatis incorporentur Eccle-
N 3
Utraque mirabilis
fiat

sia; quod est manducari & trahi in Corpus Christi: estque Ecclesiasticorum & Cleri officium ac pastus velut avium Cœli. In hanc sententiam S. Augustinus in psalmum 30. conc. 2. Eos, ait, quos Domino lucramur, quodammodo manducat Ecclesia. quid est, manducat? in corpus suum trahit: quidquid enim manducamus, in corpus nostrum trahimus. Hoc agit Ecclesia per sanctos: esurit quos lucrari vult, & quos lucrata fuerit aliquo modo, manducat quodam modo. Fundat se more sicut Scriptura, & pergit: Cuius personam gerebat Petrus, quando ei de Cœlo submissus est discus plenus omnibus animalibus. Præfigurabat Dominus Ecclesiam, quod omnes gentes erat transfiguratura & in corpus suum conversura: & ait Petro, macta & manduca. O Ecclesia, hoc est Petre, quia super hanc petram edificabo Ecclesiam meam, macta & manduca: prius macta; & sic manduca. Sæpius alibi Augustinus allêgat illud Petro præceptum de manducandis mactatis: id est, inquit in psalmum 3. occidendo in gentibus quod erant, & transmutando in id quod ipse esset. Et in psalmum 128. quia in Ecclesiæ corpus nemo intrat, nisi prius occisus: moritur quod fuit, ut sit quod non fuit.

Ecce habemus ex Augustino utrumque: & occisionem, quæ prior ac solo fit gladio Christi: & manducationem, quæ est Ecclesiæ & Cleri cooperatio. Quàm illuc promptus & avidus erit ad illud epulum Ecclesiasticum concursus avium: tam erit in illa frequentia Judæorum omnibus avibus sua plena saturitas; non sine plautu alarum & gratulatione.

O admirabilem Apocalypsin & in ea gladium Christi: manducationem avium: saturitatem manducantium & convertentium in se ut in membra Christi & in Corpus ejus Judæos spiritualiter occisos & reversos ad Christum!

2. Ad harum avium festum, & ad Calculus disseminationem famæ per Ecclesiam dierum universam potest spectare spatium Danielis. temporis illud breve quod Daniel hic Capite 12. v. 11. numerat de ablatione jugis sacrificii publici (eam enim omnes eo loco Patres intelligunt, quam Antichristus invexerat abominationem) duraturâ dies 1290. qui numerus computum dierum 1260. id est, persecutionis Antichristianæ & oppugnationis duorum Testium, de quibus Apoc. 11. v. 4. excedit diebus 30. Tum verò addit Daniel v. 12. Beatus qui expectat, & pervenit usque ad dies milles trecentos triginta quinque, id est, alium præterea sesquimensem dierum. Dicamus ergo quod Daniel usque ad famæ universalis profeminationem, & redintegrationem publicæ Liturgiæ requisierit mensem unum; hoc est 30. dies quibus Luna emetitur Zodiacum (his enim mensibus lunaribus assueverant Hebræi ad quos Daniel, & Græci ad quos Joannes.) tum verò adjecerit alium sesquimensem pro integrâ restitutione rerum Ecclesiasticarum; Beatus qui pervenit ad dies 1335.

Tunc enim poterunt prodire passim omnes procul latebris, ii qui effugerunt persecutionem: tunc congregari cætus Ecclesiastici: instaurari templa: restitui Patriarchatus Hierosolymæ,

lymæ, & refluere Antiochena, Alexandrina, cæteræque Ecclesiæ, & Sedi Apostolicæ subordinari. Felix qui ex illa persecutione saluam eousque viderit Ecclesiam ac dilatatam: illud iterum & cumulatissimè unum ovile: auctos duos parietes, qui in unum de diverso venientes (ait Augustin. in psal. 86.) sibi bimet connexi in una fide, una spe, una charitate!

Implebitur, S. Hieronymo interprete, id quod de Palæstina prædixit Ezechiel capite 36. v. 33. & seqq. *Hæc dicit Dominus Deus: In die qua mundaverò vos ex omnibus inquinamentis vestris, & inhabitari fecerò urbes, & instauraverò ruinosa, & terra deserta fuerit exculta qua quondam erat desolata in oculis omnis viatoris, dicent: Terra illa inculta, facta est ut hortus voluptatis: & civitates deserte & destitute atque suffossæ, munitæ sederunt. Et scient Gentes quacunque derelictæ fuerint in circuitu vestro, quia ego Dominus edificavi dissipata, plantaviq; inculta; ego Dominus locutus sum & fecerim.* Hæc omnia Deus per Prophetam. in quæ verba hæc est paraphrasis S. Hieronymi in l. c. *Postquam autem mundaverit credentium ex Judæis populum ab iniquitatibus suis, & habitari fecerit urbes Ecclesiæ, & instauraverit ruinosa quæ in Synagogis conciderant: & terra confessionis fuerit exculta carmonis DEI, quæ quondam visa est desolata omnibus sanctis qui terrena conversationis opera pretereunt: Tunc omnes dicent: quomodo terra Judæa, quæ quondam fuerat inculta, nunc habet similitudinem paradisi DEI (Ezech. v. 35. facta est ut hortus*

voluptatis: & civitates Judææ, quæ deserta fuerant & destitute, & suâ incredulitate suffossæ, nunc erectæ & munitæ sunt in confessione & nomine Domini Salvatoris! ita ut omnis creatura cognoscat, & multitudines Angelorum quæ terram ambiunt Israël, quod Dominus dissipatas edificaverit civitates, & incultas plantaverit regiones: & quod pollicitus fuerat per Prophetas, opere compleverit.

3. Neque plura nobis innotuerunt tunc gerenda in mundo: neque quàm propè dies Judicii sit abfuturus, quantumvis vicinus. Nam pace S. Hieronymi; cui existimanda est occurrissè suspicio dubitabundo, quam deinde alij nonnulli sunt secuti; nequaquam assentimur, post illos dies quos Daniel addidit cap. 12. v. 12. fore Judicii diem. Verba quæ Sancto Hieronymo exciderunt, sunt: *Beatus, inquit, (Daniel) qui interfecit Antichristo dies, supra numerum præfinium, quadraginta quinque præstolatur: quibus est Dominus atque Salvator in sua Majestate venturus.* Etsi pro S. Hieronymo dici potest: non aliud definitivè quàm superfore istos dies, & incertum reliquissè quid præterea superfuturum sit temporis. Sequimur S. Augustinum qui in psalmum 6. cum citâset illud Christi responsum, Act. 1. v. 7. non est vestrum nôsse tempora: & Matth. 24. v. 36. de die autem illa & horâ nemo scit: & 1. Thess. 5. v. 4. tanquàm furem venire diem Domini: satis, inquit, apertè ostendit, neminem sibi oportere arrogare scientiam illius temporis computatione aliqua annorum. Et cum addidisset; nescire Filium hunc diem: quod utique idèò di-

Adhuc
Judicii
tempus
incertum.

Hum

Etum est, quia per Filium homines hoc non discunt: & mox: non quod nesciat, sed quod nescire faciat: concludit; Nos igitur, quod nescire nos Dominus voluit, libenter nesciamus. Sanè ipse S. Hieronymus in Ose. 3. expressè: Quantum temporis resideat usque ad diem iudicii, nec Angeli norverunt, nec Filius: quod ignorare se dicit quia n. bis non expedit discere. Non ergo tibi ulti contrarius est putandus in illa computatione Danielis. Rectissimè Augustinus in libro 18. de Civ. cap. 13. Omnium autem de hac re calculantium digitos resolvit, Et quiescere iubet ille qui dixit, Non est vestrum nōsse tempora qua Pater posuit in sua potestate.

Dicendum quod adhuc vigeant & instructio multitudinis Catechume-

norum, & Evangelii per universum mundum explicatio plenissima. Quin etiam, quæ est instabilitas humana & diluvium oblivionis processu dierum revaleret corruptio morum in hominibus: & cum multiplicatione populorum, simul & zizaniorum cum bona semine, ac paleæ cum tritico, subrepet magnæ Christianorum parti incuria sui & susceptæ fidei quæ per charitatem operetur: aded, ut mundo vitis obruto repente dies illa & hora sint super-ventura tanquàm laqueus, Luc. 21. v. Sicut in 35. prout diximus in Tractatu 15. diebus ante septimam Tubam, Capitis 11. Noë.

Delinit hæc quinta Visio; producta usque ad Iudiciū, cuius tempus relinquitur incertum.

TRACTATUS XXXI.

IN CAPUT XX.

Hæc est Visio sexta in hac secunda Parte Apocalypseos. & est materia videndi tragica atque ordine postrema. funestiarum: de Diabolo: ligatione ejus, solutione, seductione, usque in finem. Cujus Visionis ista est Summa: Draco diabolus, ille ab initio seductor mundi, postquam omnia incoluit infidelitate, ligatus est per annos mille, & clausus in abyssu. Dum interim animæ sanctæ Martyrum cæterorumque illo tempore mille annorum translatae sunt in statum Beatitudinis qui dicitur Resurrectio prima. Post mille verò istos annos solvitur & seducit orbem: & denique addicitur etiam ipse stagno ignis in consummatione mundi & Iudicio.

VERBA

VERBA APOCALYPSEOS.

(Cap. 20. Versu 1. & seqq.) Et vidi Angelum descendentem de
 , cælo, habentem clavem abyssi & catenam magnam in manu sua. (v. 2.)
 , Et apprehendit draconem serpentem antiquum, qui est Diabolus & sa-
 , tanas, & ligavit eum per annos mille: (v. 3.) & misit eum in abyssum,
 , & clausit, & signavit super illum, ut non seducat amplius Gentes, donec
 , consummentur mille anni: & post hæc oportet illum solvi modico tem-
 , pore. (v. 4.) Et vidi sedes, & sederunt super eas, & iudicium datum
 , est illis: & animas decollatorum propter testimonium Iesu, & propter
 , verbum Dei, & qui non adoraverunt bestiam, neque imaginem ejus,
 , nec acceperunt characterem ejus in frontibus aut in manibus suis, & vi-
 , xerunt, & regnaverunt cum Christo mille annis. (v. 5.) Cateri mor-
 , tuorum non vixerunt, donec consummentur mille anni. Hæc est resur-
 , rectio prima. (v. 6.) Beatus, & sanctus, qui habet partem in resurre-
 , ctione prima: in his secunda mors non habet potestatem: sederunt sacer-
 , dotes Dei & Christi, & regnabunt cum illo mille annis. (v. 7.) Et cum
 , consummati fuerint mille anni, solvetur satanas de carcere suo, & exi-
 , bit, & seducet Gentes, quæ sunt super quatuor angulos terræ, Gog, &
 , Magog, & congregabit eos in prælum, quorum numerus est sicut arena
 , maris. (v. 8.) Et ascenderunt super latitudinem terræ, & circuierunt
 , castra sanctorum, & Civitatem dilectam. (v. 9.) Et descendit ignis
 , à Deo de cælo, & devoravit eos: & Diabolus, qui seducebat eos, missus
 , est in stagnum ignis & sulphuris, ubi & bestia: (v. 10.) & pseudopro-
 , pheta cruciabuntur die ac nocte in sæcula sæculorum. (v. 11.) Et vidi
 , thronum magnum candidum, & sedentem super eum, à cuius conspectu
 , fugit terra & cælum, & locus non est inventus eis. (v. 12.) Et vidi mor-
 , tuos, magnos & pusillos, stantes in conspectu throni, & libri aperti
 , sunt, & alius liber apertus est qui est vita: & iudicati sunt mortui ex
 , his quæ scripta erant in libris, secundum opera ipsorum. (v. 13.) Et dedit
 , mare mortuos qui in eo erant: & mors & infernus dederunt mortuos
 , suos, qui in ipsis erant: & iudicatum est de singulis secundum opera ipso-
 , rum. (v. 14.) Et infernus & mors missi sunt in stagnum ignis. Hæc est
 , mors secunda. (v. 15.) Et qui non inventus est in libro Vita scriptus,
 , missus est in stagnum ignis.

Pars II.

O

J. I.

S. I.

De alligatione Diaboli per mille annos.

VIDI, ait, ANGELUM DESCENDENTEM DE COELO: is repræsentat Christum & descensum ejus usque in inferiores partes terræ, Eph. 4. v. 9. cui *clavis* est ABYSSI, ut dictum fuit Cap. 1. v. 18. ubi Christus se primus esse & novissimum, fuisse mortuum & vivere; *Et habeo*, inquit, *claves mortis & inferni*. In suo primo adventu LIGAVIT fortem, Matth. 12. v. 29. potestate ejus restrictâ, UT NON SEDUCAT AMPLIUS ac possideat GENTES; id est, ut non possit ultra orbem terrarum retinere in infidelitate, sed ut convertantur Gentes, & Christiana fides locum occupet Ethnorum. *Alligavit eum*, ait S. Augustinus, (lib. 20. de Civ. cap. 7.) mille annis, hoc est, ejus potestatem ab eis seducendis ac possidendis, qui fuerant liberandi, cohibuit atque frænavit.

Ante adventum enim Christi (ait idem S. Doctor ser. 197. de temp.) *fratres charissimi, solutus erat Diabolus: veniens Christus secit de eo quod in Evangelio dictum est; nemo potest intrare in domum fortis & vasa ejus diripere nisi prius alligaverit fortem: venit ergo Christus, & alligavit Diabolum.* (videri potest quod diximus ad 6. Tubam Tract. 13. §. 1. ubi adduximus Apostolum ad Col. 2. v. 15. de expoliatione Principatum per Christum.

Igitur quodd LIGAVIT EUM, ac MISIT IN ABYSSUM, & incarceravit, ET CLAUSIT, ET obSIGNAVIT; hieroglyphicè significant impeditam ei vim & adstrictam: præscriptosque ei limites suæ potestatis intra quos sit conclusa: signatumque esse SUPER ILLUM quo-usque, neque ultra, extendi possit ejus licentia nocendi. *Alligatio Diaboli*, ait rursus S. Augustinus lib. 20. de Civ. cap. 8. *est non permitti exercere totam temptationem quam potest vel vi vel dolo ad seducendos homines, in partem suam cogendo violentè, fraudulentève fallendo. Quod si permitteretur in tam longo tempore, & tantâ infirmitate multorum; plurimos tales, quales Deus id perpeti non vult, & fideles deiceret, & ne crederent impediret: quod ne faceret, alligatus est.*

Neque frustra dicitur in Apocalypsi de CATENA MAGNA & laxâ. Nam quamvis alligatus, habet tamen suos libertatis fines, intra quos circuit *querens quem devoret.* 1. Pet. 5. v. 8. inquietus, non inveniens requiem & certus reverti in atrium suum unde fuerat repulsus. De catena idem Augustinus sermone citato 197. *alligatus est enim tanquam innexus canis catenis: & neminem potest mordere, nisi eum qui se illi mortiferâ securitate conjunxerit.*

Dicitur (v. 2.) SERPENS: quia, ut S. Cyprianus lib. de unit. Ecclesiæ,

Cohibuisse certis finibus:

per

Serpentem antiquum. per pacis imaginem fallens, oculis accersibus serpit, unde & nomen serpentis accepit. Dicitur ANTIQUUS: quia ab initio talis, à paradiso: ubi maledictus est ut retineret nomen serpentis, cuius formam assumpserat.

2. Quod attinet ad millenarium annorum; apage errorem qui aliquos tiam antiquos Patres insciter involvit, in quibus S. Irenæus eo imbutus, ut apparet, à Papiæ & aliis qui nondum se penitus abdicaverant traditionibus Hebræorum: fore ut post resurrectionem communem regnetur à Sanctis cum Christo annis mille in terra. De quo S. Hieronymus in Dan. 7. *Cesset ergo mille annorum fabula.*

Interea Regnū mille annorum. MILLE ANNI, numero absolute ex more Scripturæ, dictum est omne illud tempus quod fuit à morte Christi usque ad Antichristum. Quo spatio annorum inhibetur cursus Infidelitatis toti orbi communis, & Christiana Religio prævalet per orbem terrarum: juxta illud Christi ex occasione Gentilium qui cupiebant Jesum videre, Joan. 12. v. 31. *Nunc iudicium est mundi, nunc Princeps huius mundi ejicietur foras.* His mille annis exactis, OPORTET, quæ est infallibilis præscientia & iusta permissio divina, SOLVI Diabolum MODICO TEMPORE, id est sub Antichristo: quem recuperatâ potestate adhibebit ut seducat mundum iterum, stabiliat denuò Regnum universale infidele, & Christianitatem redigat ad angustias, prout sequitur v. 7.

Interim, in hoc intervallo mille annorum, multiplicata est Ecclesiâ nu-

mero electorum. Quorum eminentior pars, Martyres, v. 4. cernuntur sedere SUPER SEDES, quod promissum fuit primitiis Martyrum SS. Apostolis Matth. 19. v. 28. Jam enim ab initio hujus Millenarii constat transscriptas fuisse Cælo multorum ANIMAS DECOLLATORUM PROPTER TESTIMONIUM quod perhibuerunt Christo JESU ET PROPTER VERBUM DEI: hæc describuntur occupare illas Sedes assignatas iudicio quod DATUM EST ILLIS, & regnare CUM CHRISTO interea. Non solas autem Martyrum, sed etiam cæterorum beatas animas eo temporis spatio defunctorum, regnare; observavit S. Augustinus lib. 20. de Civ. cap. 9. *Idcirco tantummodo Martyrum animas commemoravit, quia ipsi præcipue regnant mortui, qui usque ad mortem pro veritate certaverunt: sed à parte totum, etiam cæteros mortuos intelligimus pertinentes ad Ecclesiam, quod est Regnum Christi.* Et quoniam supersunt Sedes occupandæ ab iis qui accedent post millenarium, OMNIBUS (Apoc. v. 4.) de quibus erit dicere NON ADORAVERUNT BESTIAM NEQUE IMAGINEM EJUS, NEC ACCEPERUNT CHARACTEREM EJUS IN FRONTIBUS AUT IN MANIBUS SUIIS, in ultima persecutione: idcirco horum etiam numerus accensetur illis de quibus dicitur: VIXERUNT: videlicet vitâ animarum beatâ. HÆC, inquit, EST RESURRECTIO PRIMA: nondum resurrectio corporum, quæ erit resurrectio secunda:

O 2

cunda:

cūda : sed animarum. Ita sentit S. Augustinus l. c. cap. 6. sicut enim hæ suam habeat hæc mortem, de qua dicitur 2. Cor. 5. v. 14. *Omnes mortui sunt*: sic habere possunt & transitum de quo Christus Joan. 5. v. 24. *à morte in vitam*. in quo statu si permaneat anima usque ad dissolutionem à corpore, particeps est primæ Beatæ Resurrectionis: in qua fita est, inquit, v. 6. *Beatitudo & Sanctitas*, & immunitas à SECUNDÆ MORTE, atque in consortio DEI ET CHRISTI *Sacerdotium & Regnum mille annorum*; illud quo regnant animæ Beatorum, *nondum sibi* (ait Augustinus l. c.) *corporibus suis redditus*. Nam de reprobis addidit Apocalypsis, v. 5. **CÆTERI MORTUORUM NON VIXERUNT DONEC CONSUMMENTUR MILLE ANNI**: sensus est, eo tempore non vixerunt quo vivere debuerunt; ad vitam scilicet de morte transendo. ita S. Aug. l. c. cap. 9. *donec enim fiantur mille anni id est, isto toto tempore quo agitur primæ resurrectionis*.

Quæ est
animarū
electarū.

In fine
millena-
rii solu-
tio Sata-
næ, &
tempora
Anti-
christia-
na.
Cur de
Anti-

3. Hac velut parenthesi interposita de Regno Beatarum animarum: redit Joannes ad id quod versu tertio cœperat dicere: & continuans v. 7. ait: **CUM CONSUMMATI FUERINT MILLE ANNI, SOLVETUR SATANAS DE CARCERE SUO**: id est, sua ei libertas incircumscripta permittetur ad seducendum.

Ubi quæri potest cum admiratione venerabundâ consiliorum inscrutabiliū DEI: cur solutionem illam decreverit, & immane illud permiserit

periculum seductionis Antichristianæ tam horridæ. Cui quæstioni primum omnium opponendum est illud Apostoli, Rom. 9. v. 20. *O homo, tu quis es qui respondeas Deo?* Deinde triplex potest reddi causa: Prima, ut patefiat insatiabilis malitia & vis extrema fortis armati. Secunda, ut nihilominus innotescat illo fortior gratia Christi, & specimen novissimum Christianæ constantiæ contra omnes exertas vires seductoris ac persecutoris. simul & providentia DEI qui eum alligavit majore parte temporis: dedit autem & brevi tempore certamen forte suis electis ut vincerent. Has duas causas conjunxit S. Augustinus lib. 20. de Civ. cap. 8. his verbis: *Tales erunt, cum quibus ei belligerandum est, ut vincat tanto ejus impetu insidiisque non possint. Si autem nunquam solveretur, minus appareret ejus maligna potentia: minus sanctæ Civitatis fidelissima patientia probaretur: minus denique perspiceretur quam magno ejus malo tam bene fuerit usus Omnipotens Deus: etenim post pauca: Et solvetur in fine; ut quam fortem adversarium, DEI Civitas superaverit, cum ingenti gloria sui Redemptoris, adiutoris, liberatoris aspiciat. His dictis excurrit S. Doctor in laudem eorum qui constantiam tunc suam sunt probaturi: *In eorum sanæ, ait, qui tunc futuri sunt, sanctorum atque fidelium comparatione quid sumus? quandoquidem ad illos probandos tantus solvetur inimicus, cum quo nos ligato tantis periculis dimicamus!* addit ad cohortationem nostri: *quamvis & hoc temporis intervallo quosdam milites Christi tam prudenter & fortes fuisse atque**

christo
permise-
rit Deus!

Causæ
tres.

Congre-
gatio Sa-
tanæ:

atque esse non dubium est, ut etiam si tunc in ista mortalitate viverent quando ille solvetur, omnes insidias eius atque impetuum & caverent prudentissime, & patientissime sustinerent.

Tertia est ratio permissionis hujus, (ea quam attigimus in Tract. 13. §. 1. ex S. Paulo) Justitia DEI, ad puniendos ultimò ad convincendos Judæos: ut qui noluerunt recipere veritatem, credant mendacio. 2. Thess. 2. v. 10. quam etiam rationem Paulus dat signorum & prodigiorum quæ permittentur Antichristo: de quibus S. Augustinus lib. 20. de Civ. cap. 19. seducuntur, ait, ejus signis atque prodigiis, qui seduci merentur; pro eo quod dilectionem veritatis, inquit, non receperunt ut salvi fierent. Et observat atque exponit phrasin Apostoli: fore ut mittat illis Deus operationem erroris: Nec dubitavit, ait, Apostolus addere, & dicere: Ideò mittet illis Deus operationem erroris, ut cre-

dant mendacio. DEUS enim mittet: quia DEUS diabolum facere ista permittet; isto ipse iudicio: quamvis faciat ille iniquo malignoque consilio. Ut regnet Antichristus super eos qui dixerunt de Christo Luc. 19. v. 14. Nolumus hunc regnare super nos. Donec evigilent sub hac ultima plaga, ut agnosceant errorem: ac diu flagellatum DEUS recipiat primogenitum filium suum, illum populum ex quibus Christus & qui ad Christum iterum. quæ est Bonitas DEI & Veritas: Justitia & miseratio!

Non quod etiam interim exciderit verbum DEI (Rom. 9. v. 6. qui implevit id quod in Evangelio dictum fuit DEUM posse, Matth. 3. v. 9. & Luc. 3. v. 5. filios Abrahæ, hos qui filii sunt promissionis (ad Rom. 1. c.) suscitare de lapidibus, id est de Gentilibus adoratoribus lapidum, iis de quibus scriptum est, similes illis fiant, psal. 113. v. 8.

§. II.

De congregatis ad-versus Civitatem dilectam.

Congregatio
Satanæ:

i. **P**rosequitur Apocalypsis de Diabolo jam soluto: EXIBIT, inquit, ET SEDUCET GENTES QUÆ SUNT SUPER 4. ANGULOS TERRÆ: GOG, ET MAGOG. Amplius cum non dicat de Gog & Magog, sine dubio de his nominibus non remittit ad Ezechielem qui fusè contra Gog se opponit. Et quidem ex S. Augustino diximus supra (in Tract. 29. §. 1.) non fore

gentes certæ habitationi orbis affixas, sed perinde diffusas ut Ecclesia. Dicamus planissime, & ex mente Ezechie-
lis, Gog esse Antichristum, quo uteretur Satanæ seductore, quem constituit Caput caterorum, unde & Ezech. 38. v. 3. Princeps Capitis appellatur. Magog Gog & Magog: verò esse, qui sub Gog vel ab Gog (hanc enim habet vim litera Mem apud Hebræos, una ex iis quas vocant Heemanticas; eandem quam præpositio

O 3

Lati-

Latina:) id est, omnes qui suberunt Antichristo seu stabunt à Gog: nationem Judæorum undique dispersam imprimis; dein peræque cæteras ad Judaïsmum aggregatas ex Babylonia, Tartaria, Turcia nuperâ, sub eodem vexillo Antichristi: QUORUM simul omnium, ut hîc dicitur v.7. NUMERUS EST SICUT ARENA MARIS; sive ob multitudinem & dispersionem; sive quia velut arena sæculi projecta diu calcataque pedibus fuit natio Judaica. Nec abludit etymon nominis: Gog enim Hebraicè significat *Tectum*, ut videre est apud S. Hieron. & S. Augustinum: quod convenit Antichristo; cùm propter elevationem superbiæ, qua effertur super omne quod dicitur Deus; tùm propter simulationem ac tectâ nequitiam pseudoprophetiæ. Magog verò, iisdem interpretibus, idem est dicere, ac *de te-cto* qui sunt, Antichristiani.

Plura ex Ezechiele transcribemus de Gog & Magog, commentatore S. Hieronymo, in Tractatu sequente: qui erit tractatus extravagans & proprius Ezechiel.

Dicitur de Satana: ET CONGREGABIT EOS IN PRÆLIUM. quæ congregatio accipienda est in eo sensu quem suprà exposuimus: de consensu & conspiratione contra Christianos. Et nomine prælî est intelligenda persecutio ad pervertendas eorum animas: sin, ad excrucios & tollendos e medio, atque abolendum communibus armis Christianismum: de cujus latitudine sequitur.

Super la: ET ASCENDERUNT SUPER

LATITUDINEM TERRÆ, quàm latè ubique diffusus est fidelium cætus: ET CIRCUIERUNT CASTRA SANCTORUM, eos qui militaverint propugnationi cultus divini per orbem terrarum: ET preserunt CIVITATEM DILECTAM, Ecclesiam Christi.

Felices Castrenses illi, viri fortes in fide, propugnatores triarii civium & domesticorum Dei!

2. ET DESCENDIT, inquit, (v.9.) IGNIS A DEO DE COELO, ET DEVORAVIT EOS. Sequimur hoc loco explicationem SS. Hieronymi & Augustini. quorum ille prophetiam hanc Ezechielis cap. 39. v.6. *Et immittam ignem in Magog, & in his qui habitant in insulis confidenter, & scient, quia ego Dominus*, exponit his verbis: *Tunc mittetur ignis in Magog; in eos videlicet qui Gog suscepere doctrinam: Ille ignis, de quo Dominus loquitur* (Luc. 12. v.49.) *ignem veni mittere super terram, & quam volo ut ardeat!* Et in caput præcedens, Ezech. v.18. in apostrophæ Dei ad Gog: *Cum igitur veneris super terram Israël, ascendet indignatio mea in furore meo contra te, & in zelo meo pro populo meo:* Et in versum 19. *In igne iræ meæ locutus sum, qui omnia*, inquit Hieronymus, *vitiis ligna consumat.*

Eodem tendit expositio S. Augustini lib. 20. de Civ. cap. 12. de Apocalypsi: *Benè intelligitur iste ignis de Cælo, de firmitate sanctorum: firmitatem enim est Cælum: cuius firmitate cruciabantur peccatores arderrissimo zelo; quoniam non potuerunt*

titudinē
terræ.

Ignem Dei
conflagrat
Magog.

Et de
causa:

Attrahere sanctos Christi in partes Antichristi.

Enimverò è contratio ipsi eodem igne conflagrabitur, & ad salutem devorabuntur ab illo igne & consumentur, ut desinant esse Antichristiani: eâ phrasi definitionis, quæ est in psalmo 103. v. ult. *deficiant peccatores & iniqui ita ut non sint.*

Hunc eundem ignem exponit S. Augustinus in psalmo 56. v. 3. *Ignis ante eum præcedet, & inflammabit in circuitu inimicos ejus: Sunt, ait, qui salubriter arserunt: hodie fideles ejus sunt: inimici ejus erant, & nunc iam fideles ejus sunt. Queris inimicos? non sunt: consumpti sunt: arserunt: charitas consumpsit in eis quod persequabantur Christum.*

Hoc est pium votum sanctæ animæ: quod S. Augustinus, in psal. citatum 103. appellat *misericordiam servientem*, & addit: *quid est ergo quod dicit, deficiant peccatores à terra: planè deficiant: auferatur spiritus eorum & deficiant; ut emittat Spiritum suum & re-creentur. Deficiant peccatores à terra: & iniqui ita ut non sint: quid non sint nisi iniqui: ergo iustificentur ut non sint iniqui. Et brevissimè in psal. 9. in illud (v. 6.) increpasti gentes & periit impius: quia increpatione periit impius? quia iustificatus est impius, & factus est pius. Mirabilis consumptio inimicorum: & liberatio Civitatis!*

Simili modo quo in Caput 19. Apocalypseos diximus de strage illatâ per gladium sedentis super Equum. Phrasi verò *devorationis* hîc eâdem illa, quâ scriptum est: *Zelus domus tuæ comedit*

me, eò quod zelus sit ignis à Deo sanctus, qui vim habeat comedendi seu devorandi.

Multum, ab hoc modo exponendi SS. Patrum, aberraverunt quotquot in hac mystica Apocalypsi finxerunt sibi bellum & acies Hierosolymis committendas à Christianis: ac postremò clades immensas exercitus Antichristianorum, qui veluti *nubes operiet terram* (Ezech. 38. v. 16.) perinde quasi Dominus venerit perdere animas & non potius salvare: neque promissa sit Judæorum, qui sunt Antichristi exercitus, reductio novissima sed interitus.

3. Aliud est de ipso met Antichristo: de cujus damnatione aliter & expressè Scriptura: immò ejus de Cælo interfectio prodigiola, sicut & prædictio atque ascensio duorum Testamentum, fervient conversioni tandem aliquando sectariorum Antichristi. Hinc illa est Ezechielis prophetia tam singularis contra Gog; cap. 38. v. 3. *Ecce ego ad te Gog: ut dubium non sit esse Antichristum.* Sibylla quoque lib. 3. Orac. Væ sigillatim perorat contra Gog; *Væ tibi Gog: adjuce quidem illa; & omnibus deinceps cum Magog: veruntamen aliter Væ Gog; aliter Magog & iis quos Apocalypsis appellat nomine cæterorum.* Nam hi quidem cæteri igne propitio consumentur: Antichristus verò, quem dicimus esse Gog, omnium princeps impiorum, fulmine atque igne æterno, ad quem eundem ignem adjudicabitur tota Bestia; id est, quicumque infideles vel cum Antichristo vel ante illum omnibus retrò sæculis

Gog autem in stagno sulphuris.

Et devoratur:

lis diem suum obierunt in oppugnanda pertinaciter Ecclesia DEI. ET post eos denique DIABOLUS, QUI SEDUCEBAT EOS, *mittetur* IN STAGNUM IGNIS ET SULPHURIS, ipsi paratum & Angelis ejus.

Hæc est Civitatis DEO dilectæ obfidio à portis inferi: sed non expugnatio: *pugnare*, ait S. Augustinus (lib. 1. de Symb. ad Cat. cap. 6.) *potest, expugnari tamen non potest, porta inferorum non vincent eam.*

S. III.

De Judicio.

Thronus
Judicis.

1. **H**ic jam est cernere (v. 11. & seqq.) THRONUM MAGNUM CANDIDUM, utpote magni & sinceri Judicis: A CUJUS CONSPECTU FUGIT TERRA ET COELUM; id est, protinus post Judicium disparebit pristina terræ Cœlique species, ac velut fugâ transibit in alium statum & formam. Sic enim S. Augustinus lib. 20. de Civ. cap. 14. qui accuratè perpendit quibus id verbis dixerit Joannes: *Non ait, vidi thronum magnum & candidum & sedentem super eum, ET AB EIUS facie fugit Cœlum & terra: quoniam non tunc factum est, id est, antequam esset de vivis & mortuis judicatum: sed cum se vidisse dixit in throno sedentem, A CUJUS facie fugit Cœlum & terra, sed postea: peracto quippe Judicio, tunc esse desinet hoc Cœlum & hac terra, quando incipiet esse Cœlum novum & terra nova.* Et addit: *Mutatione namque rerum, non omnimodo interitu, transibit hic mundus. Unde & Apostolus ait, præterit enim figura huius mundi: volo vos sine sollicitudine esse: figura ergo præterit, non natura.*

2. Subitò exsuscitatio fit mortuo-

rum: & separatio per Angelos, Matth. 13. v. 49. & collocatio IN CONSPECTU THRONI. seu quos DEDIT MARE; hoc sæculum (inquit S. August. lib. 20. de Civ. cap. 15.) superstites ad diem usque hunc novissimum mundi: seu quos MORS ET INFERNUS DEDERUNT; id est, quorum à morte corpora, ab inferno verò animæ repetitæ sunt: donec JUDICATUM sit DE SINGULIS, SECUNDUM OPERA IPSORUM.

In hunc finem, LIBRI conscientiarum uniuscujusque APERTI SUNT, EX quibus & QUÆ in iis SCRIPTA erant, judicentur. ALIUS quoque LIBER APERTUS EST QUI EST VITÆ beatæ; catalogus ad illam prædestinatorum. De istis prioribus Libris S. Hieronymus in illud Dan. 7. v. 10. *Judicium sedit & libri aperti sunt*, sic scribit: *Conscientiæ & opera singulorum in utramque partem, vel bona vel mala, omnibus revelantur.* Distinguit inter bonos Libros, & malos ex quibus accuset Satanas: *Bonus Liber ille est quem sæpè legimus, liber viventium.*

Mare,
Mors,
Infernus
dāt suos.

Libri
consci-
entiæ
uniuscu-
jusque.
Liber
Vitæ.

CAPUT XX.

115

*him. Malus Liber, qui in accusatoris te-
netur manu, qui est inimicus & vindex,
de quo & in Apocalypsi legimus, accusa-
tor fratrum nostrorum: Liber iste terre-
nus est, de quo & Propheta dicit (Jer. 17.
v. 13.) in terra scribantur. De iisdem S.
Augustinus lib. 20. de Civ. cap. 14. Non
ergo unus Liber erit omnium, sed singuli
singulorum.*

*De postremo Libro idem S. Aug.
l. c. cap. 15. Ipsa ejus præscientia (&
prædestinatio) Liber est vitæ, in quo sunt
scripti id est, ante præcogniti.*

3. Tunc INFERNUS (v. 14.) hoc
est, ii qui pertinent ad infernum & ad
eum condemnati sunt pro Tribunali,
omnes simul: ET MORS, MISSI
SUNT IN STAGNUM IGNIS;
ut non sit morti locus deinceps ul-
quàm, nisi in inferno, ubi MORS
SECUNDA, id est æterna; omni ei
QUI NON INVENTUS EST
IN LIBRO VITÆ SCRIPTUS.
O felicitas immortalis eorum qui in il-
lud Album relati recitabuntur!

Infernus
& mors
præcipi-
tantur.

Nos, mi Lector interim, circumspeciamus nos, & non sine trepidatione sancta
examinemus tempus ad quod devoluti sumus in hoc mundo. Sumus,
juxta dicta, etiamnum dum hæc scribo, in mille annis istis (numero nobis in-
definito:) post 4. Tubas, quæ sonuerunt: sub quinta Tuba seu plagâ: dum
in Thracia & Asia sedes est Bestiæ prioris & Regnum ejus tenebrosum, iater
blasphemias cap. 16. v. 10. & 11. sub cruciatu illiæ seu captivitate Locustarum
cap. 9. sub primo Væ; sub lunationibus, nondum Lunâ quintum evolutâ;
sub Exterminatore: sub & expectatione secundi Væ, quod erit solutio Dra-
conis cum suis Angelis ad breve tempus: cui imminet ac sequitur Væ ter-
tium, quod est Judicii universalis. *Confige* (psal. 118. v. 120.) *timore tuo san-*
cto, Deus carnes meas, ad tergeminum Væ Apocalypticum.
Cessat hîc Visio sexta: etiam ipsa, ut cætera, suam materiam pertractans us-
que ad Judicium.

TRACTATUS XXXII.

IN EZECHIELEM AD QUEM RESPICIT APOCALYPSIS.

Animi causa, & eâ occasione quod Apocalypsis mentionem
faciat Gog & Magog: connectamus hunc Tractatum cum
præcedente, vel potius illi adjiciamus: propterea quòd E-
zechiël de his plenius agat: & revelatio Apocalypseos affi-
nis sit prophetiæ Ezechiëlis in qua sunt quædam quæ ad-

Pars II.

P

miratio-

mirationem habent: eritque ferendum patienter, quod repetantur quædam ex iis quæ fuerunt dicta.

Est autem etiam prophetia Ezechielis super Gog & Magog tota, æquè ut Apocalypseos, arcana & mystica: atque in verbis latet intelligentia recondita & mysterium dignum piâ attentione.

P R O O E M I U M.

De nominibus Gog & Magog.

Mentio
Magog.
in Gen.

Prima mentio Magog est in Scriptura, Geneseos 10. v. 2. ubi de origine populorum & divisione post diluvium: quæ secundum literam est habitatio Scythica: quod etiam insinuare videtur Ezechiel cap. 38. v. 2. dum nominat terram Magog. Fuit is unus è septem filiis Japheth: *Fili Japheth*, ait Scriptura, *Gomer & Magog*: ubi quoque nominantur *Thubal & Mosoch*, quibus præesse Gog dicit Ezechiel. Japheth quidem habitasse in Scythia, auctor est S. Hieronymus in Traditionibus Hebraicis in Genesim: & Josephus lib. 1. antiq. cap. 11.

Gog &
Magog
in Ezech.

Secundò, de Gog & Magog intergra sunt Capita duo Ezechielis fusè, caput 38. & 39. ubi Gog appellat Principem capitis Mosoch & Thubal (cap. 38. v. 3.) Est autem terra Thubal Iberia, illa quæ vicina est Scythiæ, & est ad Aquilonem regioni Judææ: Mosoch verò est Cappadocia.

In Apoc.
hic.

Tertio, Apocalypsis nostra meminit nominum Gog & Magog: de quibus velut remittit nos ad prophetiam Ezechielis tanquam plenam.

Quartò, S. Hieronymus commentar. in Ezechielem profertur de Gog & Magog velle se afferre & asserere germanam expositionem Ecclesiasticam. Nos, inquit, *Ecclesiasticam explanationem affirmare conabimur*. Expo- nit de persecutione Ecclesiæ per Hæ- reses: Et Gog quidem, quod significat græcè δαίμα, Latine rectum, esse Prin- cipem hæresiarcharum: Magog verò, quod significat, de tecto, esse eos qui doctrinam Gog receperunt.

Exposi-
tio S. Hi-
eronymi

Quintò, S. Augustinus lib. 20. de Civ. cap. 11. cujus verba citavimus in Tract. 29. §. 1. definit sermonem esse de novissima persecutione contra Ec- clesiam quæ per Gog & Magog oppu- gnabitur toto orbe terrarum per quem erunt isti & illa sparsi.

Assertio
S. Augu-
stini.

Sequamur has tres Scripturas; & super illis hos duos maximos Doctores Ecclesiæ: ita ut hæc omnia concilie- mus inter se: & ex omni parte eruamus cum divino auxilio prophetiam

Ezechielis integram de Gog
& Magog.

§. I.

Serm
est de
novi-
mis
bus

S. I.

Qui sint Gog & Magog.

RECTÈ S. Hieronymus in Ezechielem nos admonet ordinis servandi. *Primum, inquit, historiae fundamenta jacienda sunt: sciendumque quod ad Ezechielem prophetam iste extremus sermo sit Domini. Deinde observandum est, quod ponitur sive obfirmatur facies Prophetae (Ezech. 48. v. 2.) contra Gog terram sive terram Magog: obfirmatione enim & multa consideratione vultus opus est, ut quae dicuntur nosse possimus.*

1. Age, ex ipsorum penetratione fundamentorum Ezechielis & propheticae ejus historiae obfirmemus vultum ad considerandum Gog. Invenimus certissimò, id quod S. Augustinus l.c. asseverat, de Gog. & Magog, prophetiam esse persecutionis quam Antichristus movebit. Imprimis enim Ezechiel loquitur cum Gog de illa persecutione, quae novissima erit, apertissimè: v. 16. *in novissimis, inquit, diebus eris.* in qua sua divina apostrophe ad Gog: venturum ait à lateribus Aquilonis, ipsum Gog & cum eo populos multos, exercitum vehementem, qui quasi nubes operiet terram (v. 15. & 16.) Id quod dixerat, in novissimis diebus; & v. 8. *post dies multos in novissimo annorum:* hoc Apocalypsis dixit: CUM CONSUMMATI FUERINT MILLE ANNI. Tum deinde totus ex fundamento petitus, Ezechielis in illis duobus Capitibus, hic est sen-

fus. Prophetaverat capite antecedente, quod est 37. ordine, de reductione Judaeorum ex illa tunc captivitate: liberatis autem, & quando fuerint omnia pacata, novissimè praedicat persecutionem à Gog: sed hunc denique ipsum perdendum à Deo. prout evenit Judaeis ab Antiocho Epiphane temporibus Machabaeorum; qui movit persecutionem novissimam contra Judaeos, & interijt percussus à Deo. Itaque ad literam & primà fronte visus est praenuntiasse de Epiphane, compellendo illum nomine Gog. Veruntamen quia haec in figura contingebant, & Ezechiel typum gerebat Christi, Filii hominis, ut rectè observavit S. Hieronymus in illis verbis initio Capituli (33. v. 1.) *Fili hominis:* primaria ejus intentio & obfirmatio vultus ac significatio fertur ad praedicendam persecutionem Ecclesiae per Antichristum.

2. Hunc igitur, planè hunc ducem Ezechiel & Principem & Coryphaeum omnium & daniel persecutorum Ecclesiae Christi novissimum, dicendus est Ezechiel Prophe- à figura transierunt ad (ait S. Hieronymus) *ô Propheta Ezechiel qui in typo Christi appellaris Filius hominis, loquere ad Gog & dic ei: Haec dicite Dominus Deus: quando totius mundi erroris sublato, populus meus Israel, qui mente cernit Deum, habuaverit in Ecclesia confidenter, sive in pace; tunc*

P 2

scies.

Sermo
est de
novissi-
mis die-
bus.

scies, siue confurges & venies de loco tuo. In novissimis diebus eris, quando Evangelica predicatio. Estque hæc transitio, à figura ad id quod præfiguratur, nequaquam insolens; immodò propria est Prophetarum: eadèque sic est Ezechielis, sicut & Danielis de quo communiter omnes docent in prædicando typo, eodèmet Epiphane, transisse ad Antichristum.

Parvi autem refert, & eodem recidit, siue Antichristum hoc cognomine appellet tanquam suo proprio, siue eum sic vocitet à suo primario instrumento aliquo aut administro, aut natione seu gente præcipuà quæ sit Gog: sufficit nòsse & certum scire quod ipse Antichristus ut auctor designetur ab Ezechiele, compellatione Gog.

Tum verò à Gog totus populus Antichristi appellatur Magog: eo modo quo tota gens Judæorum appellata fuit Jacob & Israël nomine desumpto à suo Patriarcha: qua similitudine usus S. Hieronymus ait: sic & à Principe Gog, omnes qui ei subditi sunt, Magog appellantur: quod suprà dicebamus ex Hebræo idiomate.

Quid
nominis
Gog &
Magog.

3. Quòd si præterea ad interpretationem nominis advertamus, in quam etymologiam inquirant uterque, S. Hieron. & S. Augustinus: Gog, quod æquè diximus superius, Hebraicè idem est quod tectum, Magog autem idem quod de tecto: Jam verò constat Tectum duò hæc indicare: locum sublimem; & dictum à tegendo. ad quorum primam significationem attentus S. Hieronymus sic exponit: *Omnis igitur superbia & falsi nominis scientia, qua*

erigit se contra notitiã veritatis, his nominibus demonstratur. Ista sunt tecta de quibus Esaias loquitur in Visione contra vallẽ Sion: quid tibi factum est nunc, quoniam ascendistis omnes in tecta vana? Italegit S. Hieron. ex 70. ubi vulgaris versio sic habet, Isa. 22. v. 1. *quidnam quoque tibi est, quia ascendisti & tu omnis in tecta?* Nam quòd idem S. Hieronymus hæc exponat de Hæreticis: *Tectumque interpretabimur Hæreticorum principes, & de tecto eos qui illorum suscipere doctrinas: non est alienum à nostra interpretatione: cum utique omnium sit hæresum vertex & coronis, omniumque retrò Sectarum pessima hæres seu secta Antichristiana: quo sensu tota S. Hieronymi explicatio à nobis facit.*

Sanctus verò Augustinus in alteram Tecti significationem; *Et Tectum*, inquit (lib. 20. de Civ. cap. 11.) *ipse sunt (gentes illæ) quia in eis nunc includitur & quodammodo tegitur inimicus antiquus: & De tecto erunt* (futuro tempore Antichristi) *quando in apertum odium de operto erupitura sunt.* Juxta quam sententiam S. Augustini etiam asseritur, Gog cum Magog esse Antichristum cum tota sua gente pseudo-Judæorum: ille enim populus Judæorum dudum Tectum est; quia tegunt odium, quo pleni sunt, & alta mente repòstum in Christianos abscondunt usque ad tempus & tempora & dimidium temporis: iidem verò, & unà cum iis, quotquot in suas partes traduxerit Antichristus in commune prælium contra Christianos, hi omnes Magog id est de Tecto; quia sub Antichri-

Antichristo erupturi in odium publicum & persecutionem tantò acerbiorē quantò occultatam diuturniore dissimulatione: ipsi per totum orbem dispersi Judæi, & qui se junxerint Tartari, Turcæ, Scythæ, Hæretici, & ex Christianis Apostatæ; omnes simul, Ezech. 38. v. 15. *exercitus vebemens*; Apoc. 20. v. 7. SICUT ARENA MARIS.

Quo seductore. Dicitur autem Apocalypseos l. c. has gentes seducturus esse Satanas: non quod antea non seduxerit: sed quia, ut solutus, ducet eas in bellum apertum contra Ecclesiam Christianorum. *Ad hoc ergo*, ait S. Aug. l. c. *tunc seducet, ut in bellum trahat: nam & antea, modis quibus poterat, per mala multa & varia seducebat*. Et addit in illud verbulum Apocalypseos *Exibit*; quod dicitur de Satana soluto: *Exibit autem, dictum est: in apertam persecutionem de latebris erumpet odium*.

Jam ad ea quæ dicta sunt, etiam illa reducitur prima mentio Magog ex Genesi & ex Josepho aliisque de posteritate Japheth, populis Scythis; qui pro-

pè innumerabiles adhærebunt Antichristo: quem proinde metitò Ezechiel etiam secundum literam Geneseos appellet *Gog Principem capitū* (quod Chaldaus transtulit: *Princeps summus*) *Magoch & Thubal* vicinorum Scythiæ.

Atque ita conciliamus tres Scripturas de Gog & Magog: duosque eruditissimos Doctores Ecclesiæ quæ omnia loca & dicta congruunt apertissime Antichristo & ejus agminibus persecuturis Ecclesiam Dei.

Quò etiam spectat id quod addit Apocalypsis (hic v. 7.) de *gentibus QUÆ SUNT de QUATUOR ANGULIS TERRÆ*: tum quia per hos est dispersa natio Judæorum: tum quia, ut S. Hieronymus l. c. acutè super his angulis ait; *gentes inimica ad-versariæque Sanctorum egreduntur ab angulis terræ, rectam lineam relinquentes & dispositionem castrorum* (Judæis præscriptam) *quæ narratur in Numeris*; lib. 4. Moysis, cap. 2. v. 32. & cap. 9. v. 17. & seqq.

Conciliatio sententiarū de Gog, & Magog: Super 4. angulos terræ.

§. II.

Vaticinium Ezechielis de Gog & Magog.

Magog in fan-ctum timorem missi. I. **A** Liter Ezechiel de gente Magog; prophetat, quàm de Gog: de Magog enim breviter admodum; his verbis cap. 39. v. 6. *Immittam ignem in Magog & scient quia ego Dominus*: quæ citavimus & expositionem hujus loci ex S. Hieronymo adduximus in

Tractatu præcedente: itémque S. Augustini in eundem sensum, de igne de quo Apocalypsis 20. v. 9. quàm sic diximus locutam de IGNE Christi; sicut de GLADIO Christi: & sic cap. 19. v. 21. dixisse; *CÆTERI OCCISI*; sicut Apocalypseos 11. v. 13. *RELI-*

P 3

QUI

QUI IN TIMOREM SUNT
MISSI: occisione & igne propitiis &
salutiferis. Unde & avium convoca-
tionem consequenter exposuimus: sa-
lutarem ac dignam fieri ab Angelo &
statione ejus in Sole.

Gog &
Bestia
reprobi.

At verò de Gog, multis Ezechiel,
immò totis his Capitibus. Et sicut Apo-
calypsis conjunxit cum Antichristo &
ejus damnatione Bestiam: ita Ezechiel
cum Gog jungit multitudinem totam
reproborum: atque ad eorum, quam
vocat, carnem & sanguinem coruscantem
jussu DEI volucres ac bestias agri v. 17.
& seqq. non ad cœnam magnam DEI,
sicut in Apocalypsi sed ad victimam
quam DEUS immolat feris bestiis ut
saturentur. Quod solum restat in Eze-
chiel: est enim totus in descriptione
cladis quam prophetat Antichristo &
Bestiæ. eamque dicit primò fore tan-
tam ut septennio sit opus ad combu-
stionem armorum. Secundò, ut septem
mensium sepulturâ. Tertiò futuros esse
volucres (Harpyj Luc. 8. v. 5. &
12.) & feris victimam.

Prosequamur breviter hæc tria E-
zechielis admirabilia: quorum exposi-
tio est de magnitudine cladis æternæ &
sepultura in inferno: ac pertinent ad
victoriam & triumphum Ecclesiæ de
Gog & reprobis. Utemur explana-
tione S. Hieronymi: cujus ferè solis
verbis loquemur.

2. Definit Ezechiel judicium ultio-
nis Gog Cap. 38. v. 22. quem sic citat
S. Hieronymus: *Et judicabo, inquit,
eum morte vel peste, & sanguine, & im-
bre vehemente, & lapidibus immensis si-
ve grandinis.* His adjungit suam expo-

sitionem: *Judicatur autem Gog morte
suâ (dicamus: quam ei intentârunt E-
noch & Elias sempiternam;) & san-
guine quem effudit (in persecutione; qui
clamavit contra eum;) & imbre vehe-
menti, sermonibus erudit & perfectioris
(utriusque & duobus Testibus;) &
lapidibus immensis qui cum obruant, te-
stimonium Scripturarum; sive grandinis,
qui calorem illius (clibanum persecutio-
nis) faciant refrigerare: omnes enim ad-
ulterantes, quasi clibanus corda eorum
(Olea 7. v. 4.) Ignem, inquit (Ezech.
1. c.) & sulphur pluam super eum: per
que demonstratur pœna judicii semper-
ni. Et non solum super eum qui auctor
perversitatis fuit: sed & super omnem ex-
ercitum, & multitudinem ejus, & super
populos multos qui sunt cum eo. Nempe
comminatione æterni Judicii si con-
tumaces decesserint & vivis: Non igitur
visibili prælio vel igne aut clade vi-
sibili. Plures enim (pergit Hieronymus)
habent Hæretici socios, immò Diabolus
Princeps eorum infinitâ multitudine cir-
cumdatur. qui sunt omnes simul Hæ-
resiarchæ & præcursores Antichristi,
aut quotquot in ulla Secta (jam mo-
nuimus Antichristianam esse omnium
hæreseon novissimam & pessimam)
diem suum obierunt pertinaces: ac to-
ta Bestia infidelium quæ nunc desinit
regnare.*

De septennio Ezechiel cap. 39. v. 9. *Septen-
Et egredientur habitatores de Civitatibus
Israël, & succendent & comburent arma
& c. septem annis.* Ad quod exponen-
dum S. Hieronymus sic ait: *Et egredi-
entur habitatores urbium Israël, creden-
tium populi: urbes autem Israël intelli-
gimus*

Consue-
cuntur
juxta S.
Hieron.

*Unius Ecclesie recta fidei. Et succendent
& comburent arma. Quodque sequitur,
& succendent ea igni septē annis: de Exo-
do & Levitico exponendum est: in quibus
Lege precipitur, ut septimo anno promif-
sionis, quando servus Hebrais libertas red-
ditur, & debita cuncta solvantur, & ad
Dominos redit antiqua possessio, & quies
terra tribuitur, & omnes fruges pauperi-
bus condonantur: quod scilicet in SE-
PTEM ANNIS, numero sacro at-
que perfecto, Hæreticorum armatura dis-
pereat. Habent enim & ipsi ad impu-
gnandam Ecclesiam Christi tela diversa,
que ab eruditis hominibus IGNE S.
SPIRITUS succidenda sunt, SERMONE
videlicet Ecclesiastico. In die illa (E-
zech. v. 11.) in claro predicationis lumine
(verè die) dabo, inquit, Gog locum no-
minatum, sepulchrum in Israël. De illo
Ezechiel: obstupescere faciet prætereun-
tes (quos nominat Viatores ad Orien-
tē) & vocabitur vallis multitudinis Gog.
Et S. Hieronymus: quis enim prætereun-
tium, de quibus scriptum est: Et non
dixerunt qui præteribant, benedictio Do-
mini super vos; non admiratur & obstu-
pescit. De septimestri verò sepultura:
Ezechiel v. 12. Et sepelient eos domus
Israël, ut mundent terram septem mensi-
bus. quod item exponit S. Hierony-
mus: Quo modo supra diximus per se-
ptem annos adversariorum arma succen-
di: sic per septem menses, sordibus Hæ-
reticorum, terra mundabitur: usque ad se-
ptimum mensem, quando Tabernacula
figimus, (Levit. 23. v. 39. & 40.) & in-
ter cæteras frondes palmarum quoque ra-
mis protegimur: ut perfecta contra hostes
victoria demonstretur.*

Et in v. 14. Ezechielis de Viris qui
post hos 7. menses constituti erunt lu-
stratores terræ, ut emundent eum; sic
Hieronymus: Post necem autem & in-
terfectionem sive sepulchrum Gog, eligen-
tur viri Ecclesiastici, qui hoc habeant stu-
dii; ne quid in terra Israël maneat sordi-
um, ne quid morticinum: qui lustrent
terram & requirant mortuos (si qui for-
tè reliqui) & sepeliant: ut videlicet mun-
detur terra Ecclesie.

De nomine loci sepulcorum, & de
memoria victicis Civitatis, Ezechiel
v. 16. Nomen autem Civitatis, Amona,
& mundabunt terram. Et ibidem S.
Hieronymus: Nomen autem Civitatis,
ubi servorum Domini victoria est, & ja-
cent (sub illa, conscripti in valle infe-
rorum) adversarii, & omnis inimicorum
eius multitudo prostrata est, appellabitur
Amona sive Polyandria (ita LXX. tran-
stulerunt, hoc est sepulchrum plurimæ
multitudinis; ait paulò antè Hierony-
mus:) ut finis omnium, restitutio puri-
tatis sit.

3. De convocatione volucrum & Volu-
bestiarum terræ, Ezechiel v. 17. Con-
curre undiq; ad victimam meam quam
ego immolo vobis ut comedatis carnem, &
bibatis sanguinem. Expositioni apud S.
Hieronymum subscribimus ei, quam
primam adducit patriam à Judæis æ-
quæ & orthodoxis hoc loco Judaizan-
tibus: quæ recitat ipse discedit ad tro-
pologiam. Dixerant apud eundem
Hieronymum, initio in caput 38. de
Gog & terrâ Magog, gentes esse scythi-
cas immanes (inquiunt) & innumera-
biles, quæ trans Caucasum montem, &
Maotidem paludem, & prope Caspiam
mare.

Polyan-
dria
seu A-
mona E-
zechie-
lis.

mare ad Indiam usque tenduntur, & has post mille annorum regnum (illud de quo Apoc. 20. v. 7.) esse à diabolo commovendas: quæ veniant in terram Israel ut pugnent contra sanctos, multis secum gentibus congregatis. Sequitur nunc verbis Hieronymi in Caput 39. eorundem Auctorum mens in versum 17. Ezechielis & seqq. Omnia autem, à v. 17. usque ad finem Capitis & materiæ de Gog, hi quos supra diximus Iudæi & Nostri, Iudæizantes, ad ultimum tempus referunt: quod, carnibus Gog cunctique ejus exercitus, quasi pinguis hostis, volucres bestiaque saturanda sint: & restituantur Israel in pristinum statum. Quod dicitur de cunctis exercitibus Gog, id ita recipimus ut intelligamus,

totum populum reproborum: hi enim pertinent ad Gog, qui est Antichristus, eorum omnium Caput ut diximus Tract. 26. §. 3. in fine. Feras autem & aves Ezechielis has, secus quàm aves Apocalyplicas; accipimus in partem efferauiorem, ut dicemus in §. sequente. Claudamus cuni promissione Ezechielis v. 25. & seqq. Nunc reducam sapientiam Jacob, & miserebor omnis domus Israel &c. Ubi S. Hieronymus: Tunc reducentur de populis & sanctificabitur Dominus in eis in conspectu gentium plurimarum; quæ & ipsæ credituræ sunt Domino: finisque sit Beatiudinis, scire atque cognoscere quod ipse sit Dominus Deus eorum.

§. III.

Epitome Prophetiæ contra Gog.

Sensum Ezechielis contra Gog operosius à S. Hieronymo erutum reddamus apertiore & brevius: qui conferri possit cum nostra Apocalypsi.

Cladis apud Ezechielē magnitudo: descripra

1. **P**Rævident tam Ezechiel suum Gog, quàm Joannes in Apocalypsi suum Pseudo-Messiam; cum toto numero eorum qui seducti sunt à Satana vel id temporis vel omni retrò saculo: quos præsens occasione simul commemorant. Hæc differentiâ, quod Joannes omnes reprobos, ad unum revocet Schema, & uno comprehendat corpore & nomine Bestiæ, velut congregando: Ezechiel verò velut segregatorum inter se contempletur ac

describat multitudinem. Quam enumeraturus, ut ostendat aliter ineffabilem esse illorum numerum, accommodat se ad captum humanum: ac per similitudinem loquitur v. 9. & 10. de septennali combustione armorum: & v. 11. pro sepultura cadaverum de amplissima valle, cui nomen adhæsurum sit multitudinis Gog: & v. 12. de labore sepeliendi septem mensium: ac v. 13. de celebratione victoriæ & festi seu diei nominatissimi. Hoc, inquam, totum

Per similitudinē: combustionis armorum:

totum Ezechiel prædixit per parabolam, ut solet, ac per comparisonem insignem cum materiali clade.

**Sepultura cada-
verum:** 2. Significat enim tantam fore inter-
necionem adjudicandorum inferno &
illis sepeliendorum: ut humano more
calculando de interfectione & pro-
stratione cadaverum, implenda esset
quamvis profunda vallis ac spatiosis-
sima: & opera sepeliendi duraturâ to-
tis septem mensibus: & annorum com-
bustio, clypeorum, hastarum, arcuum
&c. si arma quibus electos oppugna-
verunt forent materialia, sufficeret fo-
co totius septennii in humanis. Quæ
Victoria &c. de Bestia & solis reprobis sunt accipi-
enda eo in sensu: nam occisio cætero-
rum, de qua Apocalypsis, facta gladio
spirituali, uti & ignis immissus in Ma-
gog à Deo erunt ad salutem, ut dixi-
mus.

**Quæ re-
ferenda
sunt ad
novissi-
mum an-
norum:
Ezech.
38. v. 8.** 3. Facile erit nunc & Ezechielem
ipsum & expositionem S. Hieronymi
unâ cum modò dictis applicare ac re-
ferre ad tempora Antichristiana. Vide-
licet: primò armorum combustio in se-
ptimum usque annum (cap. 39. v. 9.)
significat quietem à persecutione atque
Infidelitate: quemadmodum annus
septimus apud Hebræos erat *sabbatum*
seu requies *terra*, Exod. 23. v. 11. & 12.
& Levit. 25. v. 4. itémque post septies
septem Jubilæus, Levit. 25. v. 8. & seqq.
Præfiguratur hic numerus septimus, pos-
sessionem antiquam qua & Judæi ad
Salvatorem suum redeant, & Ecclesiæ

Judæos possideat: & liberationem seu
libertatem plenam: & Evangelizatio-
nem pauperibus, & Israël.

Secundò, sepultura multitudinis
Gog, & emundatio terræ in septimum
mensem (v. 12.) significat sepulturam
errorum: & super restitutione puritate
doctrinæ, festum victoriæ Ecclesiasti-
cæ atque palmarum; quod celebraba-
tur in septimo mense Levit. 23. v. 40.
& Polyandrii adversariorum æternâ
oblivione consepulorum.

Tertiò, Volucres & fæcæ carnivoræ
(v. 17. & seqq. illæ tartaræ quarum ci-
bus est *caro & sanguis* quæ Regnum
Dei possidere non possunt 1. Cor. 15. v.
50. illæ celeres ad rapinam æternam &
crudeles, totam depascentur collectio-
nem Infidelium tot sæculis damnato-
rum, quam diximus significari nomine
BESTIÆ in Apocalypsi. Quæ est
mensa quam illis permittit Deus, & *vi-
ctima*, in *gloriam* (v. 21. & seqq.) Ju-
stitiæ divinæ: & ad majorem agnitio-
nem ac timorem Dei pro Electis.

Denique celebrabitur reductio Ja-
cob & omnis domus Israël (v. 25. &
seqq.) in oculos & congratulatione
Gentium, & effusio Spiritus Dei super
omnem Domum Israël.

Hactenus propheta Ezechielis: cu-
jus omnia evidenter cadunt in
tempus Anti-
christi.

* * *

TRACTATUS XXXIII.

IN I. PARTEM CAPITIS XXI.

Supereſt Viſio ſeptima & amœna: de Statu Beato Eccleſiæ triumphantis. Exhibetur in ſchemate Jeruſalem Civitatis elegantiffimæ; Sponſæ ſeu uxoris Agni: & pertractatur duobus ultimis Capitibus: quorum primum dividemus in Tractatus omnino quatuor.

VERBA APOCALYPSEOS.

(Cap. 21. Verſu 1. & ſeqq.) *Et vidi cælum novum, & terram novam. Primum enim cælum & prima terra abiit, & mare jam non eſt. (v. 2.) Et ego Ioannes vidi ſanctam Civitatem Ieruſalem novam, descendantem de cælo à Deo, paratam ſicut ſponſam ornatam viro ſuo. (v. 3.) Et audivi vocem magnam de throno dicentem: Ecce tabernaculum Dei cum hominibus, & habitabit cum eis. Et ipſi populus ejus erunt, & ipſe Deus cum eis erit eorum Deus. (v. 4.) Et abſterget Deus omnem lacrymam ab oculis eorum, & mors ultra non erit, neque luctus, neque clamor, neque dolor erit ultra, quia prima abierunt. (v. 5.) Et dixit qui ſedebat in throno. Ecce nova facio omnia. & dixit mihi: ſcribe, quia hæc verba fideliffima ſunt, & vera. (v. 6.) Et dixit mihi: factum eſt. Ego ſum α, & ω: initium, & finis. Ego ſitienti dabo de fonte aqua vitæ, gratis. (v. 7.) Qui vicerit, poſſidebit hæc, & ero illi Deus, & ille erit mihi filius. (v. 8.) Timidis autem & incredulis, & execratis, & homicidis, & fornicatoribus, & veneficis, & idololâtris, & omnibus mendacibus, pars illorum erit in ſtagno ardenti igne & ſulphure: quod eſt mors ſecunda. (v. 9.) Et venit unus de ſeptem Angelis habentibus phialas plenas ſeptem plagis noviſſimis, & locutus eſt mecum, dicens: Veni, & oſtendam tibi ſponſam uxorem Agni. (v. 10.) Et ſuſtulit me in ſpiritu in montem magnum & altum, & oſtendit mihi Civitatem ſanctam Ieruſalem descendantem de cælo à Deo; (v. 11.) habentem claritatem Dei: & lumen ejus ſimile lapidi, pretioſo tanquam lapidi*

pidi jaspidis, sicut crystallum. (v. 12.) Et habebat murum magnum & altum, habentem portas duodecim, & in portis angulos duodecim & nomina inscripta, quæ sunt nomina duodecim tribuum filiorum Israël. (v. 13.) Ab Oriente porta tres, & ab aquilone porta tres, & ab austro porta tres, & ab occasu porta tres. (v. 14.) Et murus Civitatis habens fundamenta duodecim, & in ipsis duodecim nomina duodecim Apostolorum Agni. (v. 15.) Et qui loquebatur mecum habebat mensuram arundineam auream, ut metiretur Civitatem, & portas ejus, & murum. (v. 16.) Et Civitas in qua posita est, & longitudo ejus tanta est, quanta & latitudo; & mensus est Civitatem de arundine aurea per stadia duodecim millia, & longitudo & altitudo, & latitudo ejus aequalia sunt. (v. 17.) Et mensus est murum ejus centum quadraginta quatuor cubitorum, mensura hominis, quæ est Angeli. (v. 18.) Et erat structura muri ejus ex lapide jaspide: ipsa verò Civitas, aurum mundum simile viro mundo.

§. I.

De Beata Civitatis descensu.

1. **A**D finem Judicii videt Joannes figuram Cæli & terræ antiquæ præterisse, ac sublatum mare hujus sæculi. *Forasse, ait Augustinus lib. 20. de Civ. cap. 16. maris nomine intelligitur hoc sæculum turbulentum & procellosum.*

COELUM autem ET TERRAM videt innovari: & DE COELO descendere SANCTAM CIVITATEM: JERUSALEM NOVAM: apparatu SICUT Sponsæ Cælitatis ad-ornata pro Sponso suo.

Videtur
ex mon-
te:

Sed ad illam propius & distinctius contemplandam (v. 10.) SPIRITU tenus assumitur Joannes IN MONTEM MAGNUM, ET ALTUM supra nubes: ubi fit solennis occurfus Sponsi ex nube cum toto comitatu ve-

nientium ex Judicio Sanctorum in corporibus resuscitatis & gloriosis: qui excipiuntur à SS. Angelis tanquam concives adscripti in Civitatem DEI viventis (ut dicitur Hebr. 12. v. 23. Jerusalem cælestem & multorum millium Angelorum frequentium. Hæc multa millia gratulantur sibi de novis civibus, quos excipiunt, ut & hi possessionem capiant Civitatis ad quam acceperunt jus per sententiam Judicis: Possidete, inquit (Matth. 25. v. 34.) præparatum vobis Regnum à constitutione mundi; præparatum iis jam tunc, ut impleant ruinas Angelorum lapsorum ab eodem mundi exordio.

Hæc est Civitas Angelorum & Hominum: & hic Sponsus humani generis gloriosi, qui illam ornavit SICUT

Q 2 SPON-

Sicut
Sponsa:

SPONSAM VIRO SUO, uxorem indissolubilem: de qua v. 9. OSTENDAM TIBI SPONSAM UXOREM AGNI: & cap. 19. v. 7. *Uxor ejus preparavit se.* & S. Augustinus in psalmum 122. *Uxor facta est (ex ancilla:) sed, donec veniat ad amplexus illos spirituales ubi secure perfrenatur eo quem dilexit & cui suspiravit in ista diuturna peregrinatione, Sponsa est; & accepit arrham magnam sanguinem Sponsi cui secure suspirat.* Addit, non ita esse Sponsam, sicut in hoc mundo: *potest enim, ait, fieri ut alius sponset, & alius ducat uxorem. Solus ducet, quia solus talem arrham dedit.*

Nec otiose commemoratur (eodem v. 9.) quod *Angelus* qui Joannem assumit ostensurus, sit UNUS DE SEPTEM illis qui PHIALAS effuderant PLENAS 7. PLAGIS: ob duas causas. Primò, quia par erat ut qui annuntiaverat periculum & certamen, idem jam ostendat etiam locum æternæ requiei ac præmii. Secundò, ut ille idem (*unus de iisdem septem* Cap. 17. v. 1.) qui ostenderat Mulierem meretricem & ejus damnationem, ostendat etiam Mulierem Sponsam uxorem & gloriam ejus.

Civitas
viva:

2. Ascendamus spiritu post Joannem, & contemplemur ea quæ modò fuerunt dicta de illa Civitate. Dicitur enim primò CIVITAS: AEDIFICIUM VIVUM, ut nominat S. Augustinus l. c. & addit: *In istis Civitatibus (mundi hujus) alia est fabrica aedificorum: alii sunt cives inhabitantes in fabrica. Illa Civitas in civibus suis aedificatur: ipsi ibi sunt lapides qui sunt cives:*

lapides enim sunt vivi, & vos inquit (S. Petrus ep. 1. cap. 2.) tanquam lapides vivi aedificamini in domum spiritalem. Quod igitur dicitur Civitas, hoc quidem maxime propriè dicitur, quamdiu absolute ponitur: nam, ut rectè S. Augustinus in psal. 121. *Civitas propriè in hominibus habitantibus intelligitur.* Sicut autem in hominibus, sic & in Angelis: juxta quod idem S. Augustinus dicit in psalmum 126. ubi velut definitionem plenam tradit hujus Civitatis, his verbis: *Omnis ergo numerus fidelium sanctorum ex hominibus commutandorum ut fiant aequales Angelis DEI, adjuncti etiam ipsis Angelis qui modò non peregrinantur sed expectant nos, quando à peregrinatione redeamus, omnes simul unam domum DEI faciunt, & unam Civitatem: ipsa est Jerusalem.* Cæterum si addatur, Civitatem aedificari, aut ejusmodi, ut postea in Apocalypsi, jam non propriè sed per similitudinem dicitur, æquè ac cætera Apocalypseos: prout eodem loco citato in psalmum 121. distinxit idem Doctor super illo versu psalmi, *Jerusalem aedificatur ut Civitas.* quare, inquit, non Civitas (aedificatur) sed UT Civitas: quia & illi, qui in eam intrant vivi, tanquam lapides sunt: non enim verè lapides sunt. sicut illi alii ut lapides, non lapides: sic illa ut Civitas, non Civitas: quia dixit, aedificatur. Idem ferè observavit S. Hieronymus in Ezech. 40. quando autem dicitur (Ezech. v. 2.) quasi aedificium Civitatis, non verè Civitas sed Civitatis similitudo monstratur, de qua scriptum est (ps. 68.) gloriosa dicta sunt &c. & (ps. 121.) quæ aedificantur UT Civitas.

Ex Angelis & hominibus.

Addi-

Additur in autographo Apocalypseos (v. 10.) τὴν πόλιν, τὴν μεγάλην, τὴν ἁγίαν, id est, illam excellenter Civitatem, illam magnam, illam sanctam: quæ & formâ ac republica Civitatis, & magnitudine, & sanctitate omnibus antecellit. *Salve*, ait S. Bernardus ad milites, *Civitas sancta, quam ipse sanctificavit sibi Altissimus.*

Jerusalem:

Dicitur secundò JERUSALEM; passim in Scripturis: quia illic est *Visio* ac possessio pacis æternæ: cujus figura & umbra fuit terrena Hierosolyma. S. August. in psal. 64. *Civitas quidem illa, inquit, terrena cujusdam Civitatis æternæ, in cælis umbram gerebat.* Et in psal. 86. *Quomodo una Civitas sancta Hierusalem; una Civitas iniqua Babylon: omnes iniqui ad Babylonem pertinent; quomodo omnes sancti ad Jerusalem.* De utriusque etymo, in psal. 64. modò citato: *Videte nomina duarum istarum. Civitatum, Babylonis & Hierusalem: Babylon confusio interpretatur, Hierusalem Visio pacis.* Et in alium psal. *O pax illa & æqualitas Angelorum! ô illa Visio & spectaculum pulchrum!*

Habitatio cum Deo:

Dicitur tertio (v. 3.) TABERNACULUM DEI CUM HOMINIBUS, tunc quando militabatur Deo: at nunc deinceps Habitaculum, in quo IPSI perpetuò POPULUS EJUS, ET Deus populi HABITABIT CUM EIS: prout adumbratum fuit consimilibus verbis Lev. 26. v. 12. & 2. Cor. 6. v. 16. *Distinctius accipitur* (ait S. Augustinus in psal. 131.) *Tabernaculum Ecclesiæ secundum hoc tempus: Domus autem (scilicet habitatio) Ecclesiæ æternæ Jerusalem, quò ibimus, Taberna-*

culum enim tanquam militantium & pugnantium in procinctu, in expeditione. Et S. Thomas 1. 2. q. 102. a. 4. ad 2. *Per Tabernaculum enim, quod est mutabile, significatur status præsentis viæ mutabilis: Per Templum vero, quod erat fixum & stans, significatur status futuræ viæ quæ omnino immutabilis est.*

Descendens de Cælo:

Dicitur quartò, DESCENDERE DE COELO. tùm quia primum initium ædificationis finit à descensu Architecti, qui est Unigenitus Dei fundator Civitatis: ex promisso Isaïæ 54. v. 11. *Ecce ego sternam per ordinem lapides tuos & fundabo te &c.* tùm quia illa multorum millium civium Angelicorum frequentia illinc jam descendit; Christo, & his qui ad dexteram ejus erunt in Judicio, in occursum: *Est in Cælo*, ait S. Augustinus in psal. 121. *æterna Jerusalem, ubi sunt cives nostri Angeli; ab ipsis civibus nostris peregrinamur in terra.* tùm eo sensu quo descendere significat sumplisse originem: tota enim Beata Civitas habet originem suam de Cælo A DEO. Quam interpretationem affert S. Augustinus lib. 20. de Civ. cap. 17. de Cælo, inquit, *descendere ista Civitas dicitur, quoniam cælestis est gratia quâ Deus eam fecit.*

Dicitur quintò, NOVA. QUIA NOVA PRIMA ABIERUNT: ABSTERGET enim (v. 4.) DEUS OMNEM LACHRYMAM AB OCULIS EORUM: ubi neque MORS, neque ea quæcum morte intraverunt in mundum, LUCTUS animi, CLAMOR oris, DOLOR corporis, quæ præterierunt. Concordant verba

Q 3

Isaïæ

Isaïæ cap. 25. v. 3. *præcipitabit mortem in sempiternum, & auferet Dominus Deus lachrymam ab omni facie.* Apertissimè is qui sedebat in Throno (v. 5.) ECCE NOVA FACIO OMNIA: *ut nulla, inquit S. Augustinus l. c. remaneant vetustatis vestigia.*

Mandat de se scribi: Sicut HÆC VERBA & promissa FIDELISSIMA SUNT ET VERA, sic & factum ipsum fore (v. 6.) Immò, FACTUM EST, inquit, juxta illud axioma S. Augustini in psal. 125. *Omnia enim quæ futura sunt, Deo jam facta sunt.* Et ad eum cui dixerat, SCRIBE: SUM, inquit, & ET ∞ hujus & cunctarum Scripturarum in promittenda Beatitudine; faciendique EGO sum INITIUM per gratiam datam, ET FINIS per gloriam dandam. Ille EGO qui SITIENTI, vitam quam polliceor, DABO DE FONTE AQUÆ vivæ: *quoniam, ait psalmus 35. v. 30. apud Te est fons vitæ: ubi Augustinus; quis est Fons vitæ nisi Christus?* Dabo igitur, inquit, & GRATIS dabo, quia ex mea gratia, potandum & possidendum fontem aquæ vitæ æternæ. Dummodò ut cum illa mea gratia sudaverit ac vicerit prout decet athletam & non degenerem filium DEI. Nam è contratio non fons aquæ vitæ, sed STAGNUM ignis & sulphuris, QUOD EST MORS SECUNDA (v. 8.) PARS ERIT sua TIMIDIS, recusantibus certamen, ET IN CREDULIS promissioni, aut his qui execrabilis erunt vitæ ac morum, HOMICIDIS, FORNICATORIBUS quos comparo cum VENEFICIS

ubi Fons
Vitæ.

Nam in
stagno
mors se-
cunda.

ET IDOLOLATRIS: atque OMNIBUS mentientibus fidem in DEUM, quem (esto confiteantur se nōsse Tit. 1. v. 16.) *factis negant.*

3. Pergit Joannes ex in monte, in quem raptus est per ecstasin. Habet (v. 11.) Civitas Beata CLARITATEM DEI, græcè δὲ ζαὶ ῥὸ θεῶν: quia Deus se præbet ibi clarè & in sua gloria videndum *sicuti est, 1. Joan. 3. v. 2.* Hæc est illa Claritas DEI, de cujus Visione nil dici potest augustius, quàm quod tanta ei vis inest ut assimilet, videntem & transformet in claritatem, hoc est, Beatitudinem & gloriam quâ similis sit Deo.

Quod enim Aristoteles tribuit Philosophus intellectiōni naturali; animā, intelligendo, fieri alia omnia; hoc multò sublimissimè Joannes Theologus noster asseruit l. c. de intellectiōne hæc seu Visione DEI supernaturali ac Beatificā: similes ei erimus quoniam videbimus eum sicuti est. & alius Apostolus, ille ex tertio Cælo, *revelatā, inquit, facie gloriam Domini speculantes in eandem imaginem transformamur à claritate in claritatem, 2. Cor. 3. v. 18.* quem utrumque locum Scripturæ attigit S. Augustinus in libris de TRIN. quorum libro 12. cap. 16. *plena sit similitudo, ait, in ista imagine (DEI, quæ est anima humana) per Visionem DEI. & lib. 15. c. 8. transformamur, ait, de gloria quâ filii DEI sumus, in gloriam quâ similes ei erimus. & deprædicat tam optabilis transformationis bonum.*

Protinus ut Apocalypsis meminit clarè videndi DEI in illa Civitate, adjungit LUMEN EJUS, quod est græcè φῶς ἵπ, id est luminare, illius Civitatis,

In ea
Claritas
DEI.

Murus.

Et Lumen
quo fit
Visio e-
iusdem.

vitatis commune omnibus incolis ejus: necessarium ad Visionem eliciendam & continuandam: à Theologis passim dictum Lumen gloriæ, vocabulo quo hic præit Joannes Theologus; eò quod officium ejus sit Intellectum illuminare & evehere ad Visionem gloriosam tam sublimis Intelligibilis quod est Essentia divina. Facultas enim uniusque videndi DEI non competit intellectui creato secundum suam naturam quæ est insufficiens, sed competit per Lumen gloriæ, per quod fit potens ad intelligendum; eo modo quo habitus infusi conferunt vires potentiis cæteris.

Hoc lumen, inquit Apocalypsis est illud nobile donum oculo animæ: PRETIOSUM ut gemma quæ ornat intellectum, & reddit animam Deiformem id est similem DEO: virens ut JASPIS: perspicuum SICUT CRYSTALLUS (græcè crystallizans; ut sunt jaspides apud Plinium lib. 37. cap.

8.) perfectio confortans aciem intellectualem: & augmentum virtutis intellectivæ. Quod rectè vocatur Lumen ejusdem, & dispositio supernaturalis vi cujus superaddita penetrat animam, & dilucidè atque intuitivè videt & percipit DEUM, in cujus Visione ac fruitione consistit Beatitudo. *Istud, inquit Doctor Angelicus 1. p. q. 12. a. 5. est Lumen de quo dicitur Apoc. 21. quod Claritas DEI illuminabit eam, id est, Societatem Beatorum DEUM videntium.* Sed hæc omnia mirabili brevitate cecinit Psaltes: *in lumine tuo videbimus lumen.* quibus verbis, psal. 35. v. 10. expressit hæc tria de Visione DEI: Lumen cum quo videtur; Visionem ipsam quæ videtur; & Lucem quæ videtur in creatam, Claritatem DEI. Civitatis autem in qua videtur; & inhabitantium; & Beatitudinis mentionem facit psalmus 83. v. 5. *Beati qui habitant in domo tua Domine.*

§. II.

De Muro Civitatis: ejusque portis & fundamentis.

Murus.

1. **E**ST Civitati sua circumvallatio (v. 12.) MURUS MAGNUS ET ALTUS: cujus STRUCTURA (v. 18.) EX LAPIDE JASPIDE. *Magnus* enim est; amplitudine circuitus: quia complectitur Civitatem quæ & Regnum. *Altus* est supernaturalitate fabricæ, quia transcendit omnem naturam. *Ex gemma* est jaspide totus; æstimatione, ac firmitate: quia

pretii inæstimabilis; & immutabilitatis ac robotis est æterni. Additur in hoc loco Apocalypseos de hujus Muri Portis: & de Fundamentis accuratè.

Habere narrat PORTAS DUODECIM: totidèmq; IN PORTIS ANGELOS (ita græcè etiam, ἀγγέλους) ET INSCRIPTA NOMINA DUODECIM TRIBUUM FILIORUM ISRAEL. Ha-

In Portis
12. An-
geli, & 1
nomina.

ram

rum portarum ternas esse à singulis mundi partibus v. 13.) *singulasque portas* EX SINGULIS esse MARGARITIS (v. 21.)

In Fundamen-
tis etiam
nomina
12.

FUNDAMENTA ejusdem esse DUODECIM : horum unumquodque constare EX LAPIDE PRETIOSO : ET IN IPSIS NOMINA DUODECIM APOSTOLORUM AGNI (v. 14. 19. 20.) Ex hoc numero & verbis habemus apertissimam mentionem duodecim Apostolorum, à quibus non oporteat discedere : Ceterum expositio integrè inquirenda est clarior & brevis.

Quæ
portæ.

Murus, quo Civitas firmatur & ambitur, habet 12. Portas & 12. Fundamenta. Potestas Apostolica ligandi atque solvendi, quæ fuit penes Apostolos 12. & permanet in eorum successoribus, ipsæ sunt portæ : perinde enim est ac si dicas, Potestas aperiendi ac præcludendi, & singulæ instar sunt margaritarum quarum valor est Regni Cælorum. Fundamenta verò sunt Doctrina Apostolorum, comprehensa in 12. articulis Symboli Apostolici, qui sunt instar lapidum pretiosorum, quibus fundatus fuit & firmiter stabilitus murus Civitatis. Neque id dubium ex sacrosancto Concilio Tridentino, sessione tertia : in qua decernit *Symbolum fidei* esse tanquam *Fundamentum firmum & unicum contra quod portæ inferi non prævalerunt*. Æquè clare S. Augustinus lib. 3. de Symbolo ad Catechum. cap. 1. *Sacramentum Symboli, quod accepistis memorieque mandatum pro vestra salute retinetis: noveritis hoc esse fidei Catholica Fundamentum, super quod, adifi-*

Quæ
Fundamenta.

cium surrexerit Ecclesia. Addit Rufinus lib. de Symbolo : esse lapides pretiosos. Hac diversâ consideratione iidemmet Apostoli (quod etiam postea dicemus verbis S. Augustini) sunt & Portæ Civitatis & Fundamenta. Portæ, quæ cum sint pro Tribuum ingressu, & non intretur nisi per Apostolos; qui etiam ipsi sunt Angeli 12. annuntiatores salutis ad pandendum aditum : ideo Apostoli habent inscripta illa sua nomina tribuum; eorum qui verè Israël & Apostolici. Quia verò *accedentem oportet credere*, ac sine fide nullus dari potest ingressus; ideo Articuli eorundem Apostolorum & doctrina Symboli, quam composuerunt, sunt pro Fundamenti muri.

Igitur in *Portis Angelis duodecim* : id est, ipsi vigiles Apostoli, præditi eâ potestate & auctoritate aperiendi atque admittendi in Regnum : ipsi Nuntii cælestes (hoc est enim propriè Angelum esse) salutis, & duces Tribuum undique : quarum nomina habent inscripta, quoniam hoc introierunt ex toto orbe 12. Tribus, id est universitas Sanctorum, veri Israëlitarum. Et intratum est in nomine TRINITATIS (*undique in Trinitate*, ait S. Augustinus in plal. 86.) ideo ternæ portæ à singulis æquè partibus mundi. Illa Potestas, margaritæ : illa Doctrina, lapides pretiosi.

Hoc posito Apostoli eatenus & Portæ & Fundamenta : Portæ intuitu Potestatis; eæque totidem margaritæ lectissimæ ex mari hujus sæculi. Intuitu Doctrinæ sunt lapides pretiosi in hoc ædificium electi, & Fundamenta quibus

Prophetia
vetus
de Portis
& Fundamen-
tis.

Portæ
ternæ ex
omni
parte
mundi.

bus superedificatus est murus Civitatis ad quam intraverunt Cives Sanctorum & domestici DEI, Ephes. 2. v. 20. nam quod Paulus illuc addit, Fundamentum Prophetarum, ideo adierit quia hi de Apostolorum prædicatione, doctrinâ, fundacione Ecclesiæ, prædixerunt.

Prophe- De his Fundamentis & Portis psal-
tia vetus mus 86. hæc enim Fundamenta qui-
de Portis bus Civitas murata innititur sunt mon-
& Fun- tes sancti; v. 1. & hæc Portæ sunt quas di-
damen- ligit Dominus, v. 2. Juxta hunc sensum
tis. juvat audire verba S. Augustini in illum
psalmum: ubi cum dixisset, montesque
Apostoli, addit: portantes fabricam Civi-
tatis: faciunt vivum quoddam adificium.
Et mox: Ne putetis, inquit, alia esse Fun-
damenta, alias Portas. Quare sunt Fun-
damenta? quia eorum auctoritas portat
infirmi tatem nostram. Quare sunt Por-
tæ? quia per ipsas intramus ad Regnum
DEI: prædicant enim nobis. Nec aliud
sensit S. Hieronymus: de Fundamen-
tis quidem in Ezech. 28. ubi de Apo-
calypsi Joannis docet, in 12. lapidibus,
Apostolorum numerum demonstrari: &
subdit: Isti sunt vivi lapides de quibus
edificatur Ecclesia, citat Eph. 2. v. 20.
& 21. superedificati in fundamento Apo-
stolorum & Prophetarum, ipso angulari
lapide Christo IESU Domino nostro in
quo omnis edificatio crescit in templum
sanctum in Domino. Hi sunt lapides de
quibus & in alio loco (Zach. 9. v. 16.) le-
gimus; Lapidēs sancti volvuntur (ita
LXX. nam vulgata habet; elevabun-
tur) super terram instar rotarum pau-
lulum tangentes humum, & volubilitate
sua ad cœlestia festinantes. De Portis
Pars II.

autem idem S. Hieronymus in Ezech. 48. eas ait sub Apostolicis nominibus assignari: verba ejus cætera referemus inferius Tractatu 34. & 36.

Eandem interpretationem admit- tit, quod ex v. 19. & 20. citavimus de lapidibus pretiosis: tum ut intelligan- tur esse doctrina ipsa duodecim articu- lorum Apostolicorum, qui sint toti- dem pretiosæ gemmæ illo ordine quo referuntur in Symbolo: tum ut ipsi Apostoli sint Fundamenta ex lapidibus pretiosis singulis, ratione Doctrinæ Apostolicæ quam sanxerunt: sicut ii- dem sunt portæ ex singulis margaritis, suæ singulorum Potestatis Apostolicæ ad aperiendum. Idque illo, etiam ipsi, ordine quo recensentur in Evangelio S. Matthæi Cap. 10. v. 2. Primus Simon. &c. qui ordo & enumeratio nominum respondet ordini & enumerationi la- pidum pretiosorum: de qua S. Hiero- nymus in Caput 10. Matthæi sic pro- nuntiat: Ordinem Apostolorum & me- ritum uniuscujusque illius fuit distribue- re, qui cordis arcana rimatur. Cæterum ordo S. Scripturæ accuratissimè est apud Matthæum: nisi quodd, ut ob- servat S. Hieronymus, post Thomam se ponit Matthæus uti & publicanum se appellat. Ceteri Evangelistæ, ait, in conjunctione nominum primum ponunt Matthæum & postea Thomam, nec Pu- blicani nomen adscribunt.

3. Non est prætermittendum, quod Inscr- ptio est: de Fundamentis & inscriptione nomi- num duodecim adjunxit Apocalypsis, Agni. esse nomina Apostolorum AGNI. Quoniam per hoc quodd ad Agnum referuntur, & per hoc quodd sunt
R Agni,

Ordo
sicut in
Symbo-
lo: sic in
numero
Aposto-
lorum.

Agni, acceperunt ut sint Fundamenta. *Fundamentum*, inquit S. Augustinus l. c. *Christus & primum & maximum*: & citat 1. Cor. 3. v. 11. *Fundamentum enim aliud nemo potest ponere præter id quod positum est quod est Christus* *7 E-SUS*. Quemadmodum aperte (line metaphora) dicitur *Sanctus Sanctorum*, sic figuratè (allegoricè) *Fundamentum fundamentorum*. Hæc Augustinus. Et sicut de Fundamentis, ita & de omniū: Portis: ut sit ipsa universalis Porta is Sicut & qui est Ostium ostiorum: sicut Funda- Porta: mentum universale ipse summus est an- gularis & pretiosissimus lapis in quo to- ta super-ædificatio (Doctrina & me- ritum) ultimò fundatur. De portis al-

legat Augustinus illud Christi Joan. 10. *Ego sum janua: & admirabundus; quomodo, inquit, ergo Tu omnia! quomo- do per Te omnia!* Respondet huic ad- mirationi paulò infra: *Cum dicuntur duodecim Portæ Jerusalem, & una Porta Christus, & 12. Portæ Christus: quia in duodecim Portis Christus*. Rationem antea dedit idem Doctor: corpora non posse simul hæc esse: at ait; *Di- vinitas, quæ ubique præsto est, totum potest esse in similitudinibus, quia nihil eorum est in proprietatibus*.

Sic ergo spiritualiter Apostoli & Fundamenta & Portæ simul: quate- nus iis affluit Divinitas Agni.

Urum-
que si-
mul; ut
in mysti-
cis.

§. III.

De mensura Civitatis.

mensura
quid si-
gnificet:

1. **H**ABEBAT Angelus (v. 15.) **MENSURAM ARUN- DINEM AUREAM**, qua **METI- RETUR** coram Joanne **CIVITA- TEM, ET PORTAS EJUS, ET MURUM**. Arundo illa mensoria, Græcè *κάλamus*, constat, (ut dicit E- zechiel cap. 40. v. 5.) sex cubitis & pal- mo: accipiendo cubitos humanos: hac enim usum esse dicit (v. 17.) **MENSU- RA, HOMINIS QUÆ EST AN- GELI**; ad eundem modum quo & staturâ ac specie hominis, in qua appa- rebat Angelus. Verùm illud, *hominis quæ & Angeli*, plus indicat: videlicet, intelligendam esse mensuram intelle- ctualem; æstimantis hominis eo spiri-

tuali intellectu, quo æstimat Angelus. Nam Angeli ex quantitate meritorum apud Deum arbitrantur etiam ac ve- luti metiuntur, de quantitate gloriæ adipiscendæ: Eadèmq; opera datur intelligi, utrisque æquè hominibus ut Angelis in illa Beata Civitate gloriam & præmium Beatitudinis responsum meritis cujusque. Ita intellexit S. Hie- ronymus, qui in Commentario in Za- chariæ 2. de Ecclesia: *quotidie*, ait, *adi- ficatur ab eo qui novit mensuras & me- rita singulorum*. & in Ezech. 40. *Calamus autem mensura significat notam esse Deo conversationem nostram, & notam esse rationem operum singulorum*.

Jam sicut ipsa gloriosa Civitas dici- tur

In qua
dro po
sua est.

Structu
n singu
lorum
quadra
ta.

Et

tur esse aurea (v. 18.) cuius muri structura ex iaspide, & portarum ex margaritis: ita *mensuram* quæ assumitur (meritum, cui respondebit gloria) convenit dici AUREAM, quæ soliditate ac pretio congruat.

In quadroposita est.

2. Civitatis igitur hæc est dimensio. formæ est quadrata: ἡ πόλις τετραγώνη; æquilatera versus quatuor mundi plagas (Ezech. 48. v. 16.) & in accuratum extructa *quadrum* geometricum: ita ut LONGITUDO, ALTITUDO quæ & profunditas continetur, ac LATITUDO sint ÆQUALIA: quo exprimitur architectura omnibus numeris perfecta, & accommodata plenissimæ habitationi & commoditati civium à quatuor mundi partibus congregatorum.

Structura singulorum quadrata.

Et lapides quidem, huius quadræ, etiam ipsi sunt quadrati singuli: tales enim sunt antea præparati ab artifice Architecto. De quibus S. Augustinus in psal. 86. *Non enim frustra etiam de lignis quadratis edificata est arca Noë quæ nihilo minus figuram gestabat Ecclesiæ. Quid est enim quadrari? attendite similitudinem quadrati lapidis: similis debet esse Christianus. In omni tentatione suâ Christianus non cadit, & si impellitur & si quæ vertitur, non cadit. Nam quadratum lapidem quacunque verteris, stat. Allegat exemplum Martyrum: Cadere, ait, visi sunt Martyres, cum percuterentur. Et exhortans: Sic ergo conquadrâmini, ad omnes tentationes parati; quidquid impulerit, non vos evertat: stantem te inveniat omnis casus. Hæc de singulis.*

Et Civit-

Per hoc autem quod tota CIVI-

TAS dicitur IN QUADRO POSITA, significatur perfectio Beatitudinis communis omnium Civium ex omni parte ac velut latere civitatis: utpote quam deceat *sanctitudo* & Beatitas in *longitudinem dierum*, psal. 92. v. 5. latitudinem possessionis omnium bonorum ad quam dilatatur & extenditur: altitudinem *supra modum in sublimitate* & profunditatem ponderis gloriæ, 2. Cor. 4. v. 17. incomprehensibilem mortalibus. Juxta Apostolum monentem ut adnitantur posse *cum omnibus Sanctis comprehendere* quæ sit illius Beatitudinis *latitudo, & longitudo, & sublimitas & profundum*; Eph. 3. v. 18. quasi dicat: omnium hoc esse & solorum Sanctorum, quibus inde apud Theologos nomen *Comprehensorum*; non quidem unde quaque DEI quem vident, quia is est soli sibi propriè comprehensibilis; sed Beatitatis cœlestis & felicitatis cum qua DEUS videtur.

Huc pertinet, quòd sicut ædificio Civitatis in terris addit decorem, sic ubi omnes domus æquè sint longæ, latæ, & altæ: sic in illa cœlesti civitate in qua *mansiones* (ut dicitur Joan. 14. v. 2.) & velut domus *multæ* sunt, singulis earum æqualis sit longitudo, latitudo, altitudo: id est, quòd familiæ domesticorum DEI cives singuli habeant Beatitudinem perpetuam; & singuli possideant bonum infinitum (*bonum omnis boni*, ut loquitur Augustinus;) & singulos reddat beatos idem summum ac sublime Bonum: quamvis eorundem sit mansio distincta, hoc est gradus diversi quibus illo eodem Bono, alius

tas integra quadrata.

Cū portione mansionum:

Et per-
spicuita-
te undi-
que.

Dimen-
sio qua-
dri-duo-
decies
millena
stadia.

aliò beatitùs perfruitur particeps. quæ
est doctrina S. Thomæ 1.2.q. 5.a.2. Ex
quo mirificè augetur pulchritudo Ci-
uitatis cum varietate & proportionem
mirabili : insuper & illa perspicuitate
mansionum, de qua Apocalypsis, ap-
petibili omnium oculis & amœnissi-
mâ, ad similitudinem vitri mundi; ut
dicitur de tota Civitate v.18. IPSA in-
quit, CIVITAS AURUM MUN-
DUM SIMILE VITRO MUN-
DO.

3. Mensura totius Civitatis qua-
dratæ (v. 16.) STADIA DUODE-
CIM MILLIA (quorum octo alibi
meminimus constituere milliare Itali-
cum :) ita ut singula sint latera trium
millium stadiorum; ubi recurrit men-
tio TRINITATIS : estque ille nume-
rus uterque, tam duodecim quàm mil-
le, usu Scripturæ sacræ absolutissimus,
& significat admirandam Beatæ Civi-

tatis amplitudinem : quæ & Regnum
dicitur omnium longè Regnorum am-
plissimum & populosissimum : ex om-
nibus retrò sæculis & plagis mundi col-
lectam ; cuius unica portio, quæ Joan-
ni ostensa fuit Capite 7. v. 9. visa est
innumerabilis : Angelorum verò Bea-
torum etiam major est multitudo.

Denique de muro Civitatis, dici-
tur esse (v. 17.) CENTUM QUA-
DRAGINTA QUATUOR CU-
BITORUM : qui numerus est duo-
denariorum omnium perfectissimus
(nam duodecies duodecim sunt 144.)
& significat summam celsitudinem
muri, ac protectionem habitationis
beatæ. Si enim duodenarius habetur
in Scripturis numerus perfectus :
quantò major perfectio, ubi is nu-
merus in se ductus est per multiplic-
ationem !

Celsitu-
do muri;

Lapides
pretiosi,
hier-
oglyphica
intellecti-
um.

TRACTATUS XXXIV.

IN CAPITIS XXI. VERSUS DUOS. 19. & 20.

Sequitur elogium Fundamentorum muri singularum : quod
peculiaribus binis Tractatibus prosequemur. Et primum
quidem generali de iis velut præmio præparandus est
Lector.

VERBA APOCALYPSEOS.

(Cap. 21. Versu 19. & 20.) *Et fundamenta muri Civitatis omni-
um lapide pretioso ornata, Fundamentum primum Iaspis : secundum,
Sapphirus : tertium, chalydonius : quartum smaragdus : (v. 20.) Quin-
tum*

Horum
funda-
mentales
12.

rum sardonix: sextum, sardius: septimum, chrysolithus: octavum,
Beryllus: nonum, topazius: decimum, chrysoprasus: undecimum, hya-
cintus: duodecimum, amethystus.

PROOEMIUM.

In expositionem.

Lapides
pretiosi,
hieroglyphica
cœlestium.

Horum
funda-
mentales
12.

1. **G**emma seu Lapides pretiosi, quos enumerat Apocalypsis, gignuntur in visceribus terræ ex Cœli & Stellarum influxu, quarum naturam referunt; velut stillæ de Cœlo concretæ, cuius lucem, nitorem, vim participant. Ac proinde idonea hieroglyphica sunt rerum cœlestium: ac præsertim fundamentorum in muro Civitatis cœlestis; quæ debeat utique constare ex lapidibus: at horum pretiosissimi sunt gemmæ. Et quoniam duodecim sunt Fundamenta, singula ex singulis gemmis hîc recensitis; ex harum duodecim gemmarum locatione & inter se coaptatione oritur ille decor, de quo dicitur, initio versus decimi noni: **FUNDAMENTA MURI esse OMNI LAPIDE PRETIOSO ORNATA** ordinatæque. S. Hieronymus in Isaïam: postquam citasset verba Prophetæ cap. 54. v. 11. *Ecce ego sternam per ordinem lapides tuos & fundabo te in sapphiris, & ponam iaspidem propugnacula tua; & portas tuas in lapides sculptos; & omnes terminos tuos lapides desiderabiles: Veniamus, ait. ad sensum: Loquitur ad Ecclesiam quod ipse veniat, ipse descendat, & ædificet in terris cœlestem Hierusalem, quæ in Apocalypsi*

Joannis vocatur Sponsa & Uxor Agni, habens lumen simile lapidis pretiosi sicut iaspidis & crystalli; & murum magnum: & portas 12. inscriptas nominibus tribuum Israël, quarum tres erant ab Oriente & tres ab Aquilone & tres ab Austro & tres ab Occasu Solis: murusque sultus 12. Fundamenti: cuius omnis ædificatio ex lapide iaspide: & singula Fundamenta murorum habebant singulos lapides; primum iaspidem, 2. Sapphirum, 3. Chalcedonium, 4. Smaragdum, 5. Sardonichum, 6. Sardium, 7. Chrysolithum, 8. Beryllum, 9. Topazium, 10. Chrysoprasum, 11. Hyacinthum, 12. Amethystum. quod legentes exclamamus illud, & dicimus: *O profundum sapientiæ & scientiæ DEI!* & infra: *De his lapidibus ædificat Christus Ecclesiam super petram, dicens in Evangelio. super hanc petram ædificabo Ecclesiam meam. Quam Civitatem qui meruerit intrare, gaudens loquitur in Domino psal. 47. v. 9.) sicut audivimus ita vidimus in Civitate Domini virtutum, in Civitate DEI nostri, Deus fundavit eam in æternum.*

De his duodecim Fundamentis diximus in Tractatu præcedente §. 2. eas esse veritates duodecim fundamentales ædificationis Apostolicæ, seu duodecim

R 3

Symbolum Apostolicum: & ipsimet Apostoli.

decim articulos Symboli: ipsosque Auctores hujus doctrinæ, duodecim Apostolos. De quibus prophetasse censendus est Isaias l. c. Quin etiam, præter hoc vaticinium Isaiæ, respici docet S. Hieronymus ad lapides pretiosos Exod. 28. v. 21. quos gerebat summus Pontifex in ornamento illo pectoris sui quod dicebatur Rationale: in quibus lapidibus erant insculpti duodecim Patriarchæ (seu nomina totidem Tribuum) qui figurabant Apostolos; hi enim sunt Patriarchæ fidelium. quos, ait S. Hieronymus in caput 28. Ezechielis, verus Pontifex, de quo scriptum est, Tu es sacerdos in æternum secundum ordinem Melchisedech, portat in pectore ut, inquit, in duodecim lapidibus Apostolorum numerum demonstrat.

Quid de cōmentatione in singulos lapides sentit S. Hieronymus,

2. Porro poterat nobis, ac penè cæperat, videri supervacaneus labor aptare singulas gemmas velle singulis cum Apostolicis articulis, tum Apostolis Doctoribus. Sed S. Hieronymus nos permovit quando in Ezechielem l. c. de his lapidibus pretiosis, memor Apocalypseos in primis, sic scribit: quorum colores atque naturas & efficientias singulorum non est hujus temporis differere, sed proprium volumen desiderant: ita ut in Ezechiele, & in Exodo, & in Apocalypsi, & in Isaiâ (Ezech. 28. v. 13. Exod. 28. v. 17. & seqq. Isai. 54. v. 11. & 12.) sibi omnes lapides & lapidum ordines comparati magnam & legenti & differenti faciant questionem. Hæc S. Hieronymus, qui, velut exhortando diligentem Lectorem, & intento digito in adjutores hujus notitiæ, hæc

addit: Super quibus & vir sanctus Epiphanius Episcopus proprium Volumen mihi præsens tradidit; & tricesimus septimus liber Plinii Secundi, naturalis historia, post multiplicem omnium rerum scientiam, de gemmis & lapidibus disputat: ad quorum notitiam diligens à nobis mittendus est Lector.

Eadem ferè scribit in Isaiam cap. 54. De natura autem, ait, duodecim lapidum atque gemmarum duos tantum nominabo: virum sanctæ & venerabilis memorie Episcopum Epiphanium, qui insigne nobis ingenii & eruditionis suæ reliquit volumen, quod inscripsit *ⲛⲉⲣⲓ ⲛⲓⲃⲱⲛ*: Et Plinium Secundum, in opere pulcherrimo naturalis historia &c.

Tanto auctore S. Hieronymo, operæ pretium facturi, & ex illis scriptoribus quos suggessit, tanquam ex fontibus, Deo juvante, exemplumque recentiorum quorundam qui diligenter in hanc materiam Apocalypseos sunt commentati; adaptabimus breviter & accuratè singulas gemmas in hoc quidem Tractatu præsentè singulis Articulis Apostolicis; tum in Tractatu sequente Apostolis ipsis quos per eos significari SS. Patres indicant. In hærebimus potissimum Plinio, quandoquidem ad hunc nos relegavit S. Hieronymus.

Eandem operam Lectori sacrae Scripturae necessariam duxit S. Augustinus in libris suis de doctrina Christiana, in quibus Lectorem Scripturarum instituit: qui lib. 2. cap. 16. sic ait E. c. Nam & carbunculi notitia, quod lucet in tenebris, multa illuminat etiam obscura Librorum ubicunque propter similitudinem
poni-

Quid de singulis dixerit inquit.

Symboli Apostolicis Articulis primus.

ponitur: & ignorantia berylli vel adamantis claudit plerumque intelligentia fores. Itaque huius studii nobis auctores fuerunt hi duo maximi Doctores: & suo exemplo Sancti Hieronymus & Ambrosius aliquā ex parte præierunt; ille in Isai. 54. istum vetò suo loco adducemus.

Quid de singulis duxerit inquirendum. 3. Hoc autem est quod de his Lapidibus singulis est inquirendum: applicandi sunt vel fidei eorum mysteriorum quæ Apostolici Doctores tenenda posuerunt in suo Symbolo: vel virtutibus, quibus iidem ipsi præluxerunt suis posteris. Ita de virtutibus docet S. Hieronymus in Isai. 54. his verbis: *Respondent amatores tantum occidentis litora &c. quæ sit ista cælestis Ierusalem, cui nunc dicitur: Ecce ego sternam per*

ordinem lapides tuos: & sit in ea pax perpetua & edificatio iustitia (is est versus Isaiæ 14. & in iustitia fundaberis.) Ex quo perspicuum est, sub occasione iustitia, quod virtutis est nomen, etiam ceteras virtutes in edificationem Ecclesiæ debere nos querere.

Quod ad Symbolum fidei Apostolicum attinet, de quo in hoc Tractatu: prorsus relinquemus intactum ordinem ac divisionem totam Articulorum: quam venerationem debemus Traditioni Apostolicæ & sanctæ universæ Ecclesiæ sic distinguenti, ne, ut recentiores quidam, Symbolum ad nos traxisse videamur, sed ad Symbolum exigamus integram nostram expositionem.

§. I.

De primis 4. Lapidibus pretiosis Fundamentorum.

Symboli 1. **FUNDAMENTUM**, ait Apostolus, PRIMUM, JASPIS. firmissimus est: origine primus & antiquissimus omnium gemmarum; antiquitatis, inquit Plinius lib. 37. cap. 8. *gloriam retinens*. Addit initio capitis noni, certum jaspidis genus pro amuleti habitum: & S. Hieronymus (in Isai. cap. 54.) *quo omnia phantasmata fugari autumant, vires*, ait Plinius: & ea gemmarum jaspidum optima inquit, *quæ purpurea quidquam habet*, id est, maculas seu venulas purpureas colori viridi inspersas.

Quid firmitus primo articulo Symboli, qui est de omnipotentia Creato-

ris? quid antiquius creditu quàm de opifice mundi, aut notius etiam Ethnicis? Christianis verò de Persona Patris quæ prima est origine? Quod amuletum præsentius & tam virens contra omnia adversa, quàm confidere & inniti Omnipotentia? articulo asperso purpurâ per fiduciam Martyrum in Deo ut Omnipotente!

2. **Fundamentum SECUNDUM** SAPPHIRUS. Est colore Cæli sereni: & ut addit Plinius cap. 9. *aureis punctis collucet*. Apud Mangones gemmarum nomen habet Gemma sacra: eoque nomine magnâ semper in veneratione veteribus; symbolum (apud Pie-

Articu-
lus se-
cundus.

Pierium lib. 41. hierogl. cap. 38.) Imperii aut Sacerdotii summi. dictus auctore S. Hieronymo Saphiridiomate Hebræo, id est pulcher.

Quid pulchrius Filio DEI, de quo est 2. articulus? illo specioso in forma DEI? illo qui de Cælo cælestis, 1. Cor. 15. v. 47. illo Rege Regum & summo Sacerdote in æternum? quæ gemma tam sacrosancta: tam & aureæ punctis charitatis, quæ sic Deus dilexit mundum, coruscans quàm ille articulus symboli? S. Hieronymus l.c. in Isaiam: *Ezechielus quoque, ait, Scriptura commemorat, quod locus, in quo Thronus DEI sit, Sapphiri habeat similitudinem; & gloria Domini in hoc colore consistat, qui portat imaginem supercælestis.* Locus Ezechielis sic habet, Cap. 1. in descriptione 4. sacrorum animalium, v. 26. *Et super firmamentum, quod erat imminens capiti eorum, quasi aspectus lapidis Sapphirini, similitudo Throni: & super similitudinem Throni, similitudo quasi aspectus hominis desuper; qui est homo Jesus Christus Filius Patris unicus, Dominus noster.*

Articu-
lus ter-
tius.

3. *Fundamentum TERTIUM, CHALCEDONIUS.* sic dictus, tum quia similis est aeri candenti; æs enim est græcè καλός; unde apud Plinium cap. 11. etiam *Chalcidis* dicitur gemma æris colore: tum quia celeber ab urbe Chalcedone, ubi eruitur. genus est Carbunculorum: qui hoc nomen habent à carbone ignito, sicut & apud Græcos αἰθραξ. Horum meminit S. Augustinus lib. 2. de doctr. Christi, cap. 16. in tenebris lucere, & splendescere magis interiorius quàm exteriorius. Et S. Isidorus lib.

16. cap. 13. *Carbunculi fulgor nec nocte vincitur: colore igitur ut carbo: lucet in tenebris.* De his Plinius in fine capitis 6. atque initio 7. *gemmarum, inquit, ardentium principatum habent Carbunculi, à similitudine ignium appellati: & paulo post: optimos verò (observant) amethystizontas, hoc est, quorum extremus igniculus in amethysti violam exeat.* Et infra: *ex eodem genere ardentium & alias invenio duas; unam quæ purpurâ radiet, alteram quæ cocco; à Sole excalescas aut digitorum attritu, fila & paleas ad se rapere.*

Quæ gemma tam etiam in tenebris lucet (Joan. 1. v. 5.) quàm Articulus tertius, de Conceptione Filii DEI & de nocte Nativitatis tam lucidâ? quis carbo tam ignitus (eâ comparatione utuntur S. Justinus ad orthodoxos: & S. Cyrillus lib. de Incarnatione VERBI) quàm Humanitas Divinitati unita per operam Spiritus sancti ex Virgine? quis igneus color tam in humilem violam desinens & ἀμεδυσίζων gratiosus? quæ conjunctio hæc æris candentis; duarum naturarum in una personâ! articulus definitur Chalcedone in Concilio celeberrimo, contra utrumque hæresiarcham Nestorium & Eutychetem: quorum paleas attraxit & subtraxit areæ Ecclesiasticæ, & discrevit à tritico (Matth. 3. v. 10.)

4. *Fundamentum QUARTUM, Articulus SMARAGDUS.* De hoc lapide Plinius cap. 5. nullius coloris aspectus iucundior est: nam herbas quoque virentes frondesque avidè spectamus: smaragdus verò tantò libentius; quoniam nihil omnino viridius, comparatum illis, viret præ-

Articu-
lus quartus.

præterea soli gemmarum, contritus, oculos implent, nec satiant: quin & ab intentione aliâ (id est alio intentione intuitu) obscurata, aspectu Smaragdi recreatur acies: scalptibusque gemmas non alia gravior oculorum refectio est, ita viridi lenitate lassitudinem mulcent. addit, aquis ipsis esse translucidiore: ad crassitudinem sui (id est præterquam quod crassi sint) facilitate translucidâ, quod etiam in aquis non fit. & servire pro speculo: Eâdem, quæ specula, ratione supini imagines rerum reddunt: Nero Princeps, gladiatorum pugnas spectabat Smaragdo. narrat de sepulchro in Cipro: ferunt in ea inselâ tumultu Reguli Hermia, iuxta cæcariis, marmoreo Leoni fuisse inditos oculos ex smaragdis uâ radiantibus etiam in gurgitem, ut territi instrumenta refugerent thyani, dum mirantibus novitatem

piscatoribus donec mutaverent oculis gemmas. Hæc Plinius. Observat S. Epiphanius saporem Smaragdis esse amarum & acerbum. alii, etiam affinitatem eiscum ære ac duritiam ob quam non lædatur; vel ut loquitur Plinius, nequeant vulnerari. constat esse amuletum contra venena.

Quid æquè viret atque Articulus quartus, de Passione Domini, crucifixione, & morte? quid tam oculos contemplantium implet, nec satiat videndo? quod speculum translucentius pœnitentiæ pro humano genere, virtutum Christi, attributorum divinorum! fortis ut mors, illa patientis dilectio, dura ut infernus æmulatio! quid tam amarum? & medium contra venena libidinis & æneo serpenti comparatum.

§. II.

De Lapidibus pretiosis 4. sequentium Fundamentorum.

Articulus quintus.

§. FUNDAMENTUM QUINTUM, SARDONYX. Gemma sic dicta quod sit candida sicut Onyx, rubea sicut Sardius. Onychi nomen inde quod formam referat unguis humani: nobilissima verò species Onychis est Sardonyx. Hoc est quod Plinius cap. 6. Sardonychæ appellatas fuisse scribit à candore in Sarda, hoc est, velut carnibus ungue hominis impressio, & utroque translucido. Innuit hanc gemmam pro sigillis adhibitam placuisse, quoniam, inquit, sola propè gemmarum scalpæ ceram non auferrent, id est, quod pro an-

Pars II.

nulo sigillari usurpatis non adhæreat ulla cera in signando. Meminit earum quæ excellunt, candore circuli prælucente in ipsis umbonibus (id est in medio gemmæ) nitente, præterea substrato nigerrimi coloris: superficies verò locustarum maris crustis rubentior. Ex his tot coloribus quandam illis tribuit similitudinem Iridis: quædam, inquit, in iis cælestis arcus anhelatio est. Subdit generatim de Onyche verba hæc: Sudines (Auctor) dicit in gemma esse candorem, unguis humani similitudine: item Chrysolithi colorem, & Sarda, & Iaspidis. Satyrus (etiam

S

Au-

Auctor) veram autem Onychem plurimas variâsque cum lacteis Zonis habere venas, omnium in transitu colore inenarrabili, & in unum redeunte concentum suavitatem gratâ.

Quid similis Sardonychi, quam Articulus quintus, Descendit ad inferos & resurrexit? instar est unguis ex quo Christus deprehenditur homo integer, qui & descenderit animâ tenus & resurrexerit corpore. Candor & rubor in carne vera suscitât (nam Spiritus carnem & ossa non habet; Luc. 24. v. 39.) colorum & gloriæ corporis inenarrabili suavitatem & concentum. iris & spes de dormientibus, 1. Thess. 4. v. 12. & gemma obliquatoria prædicationis Apostolicæ ac doctrinæ de fide: 1. Cor. 15. v. 14. Si autem Christus non resurrexit, inanis ergo est prædicationis nostra, inanis & fides nostra: & v. 17. ibidem.

Articu-
lus sex-
tus.

6. *Fundamentum SEXTUM, SARDIUS*: Plinio, Sarda. Nomen, inquit Plinius cap. 7. cum Sardonyche communicavit: primum Sardibus reperta: sed laudatissima circa Babyloniam. Et mox: In India, inquit, argenteis bracteis sublinitur: Indica perlucet: nec ulla translucentium tardius suffuso humore hebetantur. Ita Plinius. Colorem habet carnis humanæ resplendentis & pellucidæ: unde & nominatur Carnerina & per abusum Cornetina vulgo. accendit gaudium: medetur vulneribus (italiber de gemmis qui est S. Epiphani Episcopi.) sistit sanguinem.

Quæ major communicatio Articuli sexti cum præcedente, sicut Sardii cum Sardonyche? Ascensus ad cœlos, cum Descensu in inferiores partes ter-

ræ Ephes. 4. v. 9. & Sessionis ad dexteram cum Resurrectione? (absit hinc Articuli alia interpunctio: separatio conjunctorum, & in fine Symboli conjunctio separatorum!) quis decor tam proprius carnis per Ascensionem & Sessionem exaltatæ? quid tam argenteis brachiis sublinitur? dotibus gloriosis? vulnera in quantum gaudiam & gloriam vertit! sanguinem & effusionem omnem sistit; etiam lachrymarum, quæ absterget.

7. *Fundamentum SEPTIMUM, ARTICULUS CHRYSOLITHUS*. quasi dicas; aurum, mus, reus lapis; χρυσός enim græcè aurum, λίθος lapidem significat. adeo & solus nomen sibi præcipit lapidis. Plinius Chrysolithos gemmas describit brevissimè cap. 9. aureo colore translucentes: aureo quidem, inquit; ita ut aurum ipsum cum iis collatum albescat: ait enim; Optima verò sunt quæ in collatione aurum albicare quadam argenti facie cogunt: translucentes autem, eò quod color ille aureus nihil habeat opaci, sed pelluceat instar maris. unde ab aliis gemma dicitur coloris partim marini, partim aurei. Valet adversus angustias pectoris & asthma.

Quis lapis tam validus quam Articulus septimus de Judicio? quis tam aureus iis qui diligunt Adventum ejus (2. Tim. 4. v. 8.) veniet enim in nube quæ est coloris marini: & in fulgore aureo ac Majestate. Lapis hic discernit inter aurum electum & reprobum (vivos & mortuos:) in examine judicii ejus palleſcet quod videbatur aurum esse. Stabunt iusti in magna constantia adversus eos qui se angustia verunt; Sap.

Sap. 5. v. r. remedium nunc contra angustiam spiritus gementium; ibidem v. 3.

Articu-
lus octa-
vus.

S. *Fundamentum OCTAVUM, PERYLLUS.* De his Plinius cap. 5. *Eandem (quam Smaragdi) multis naturam aut certe similem habere Berylli videntur. Probatissimi sunt ex iis, qui viriditatem puri maris imitantur. hinc etiamnum Italici appellantur Aqua marina: tum ob colorem; glaucum, id est qui ex viridi ad caeruleum vergat: tum ob perspicuitatem. Subjungit Plinius: Indi mirè gaudent longitudine eorum, solisque gemmarum prædicant qui carere auro maluit! Vim habet hæc gemma ut prosit oculis & gutturi, atque inde arceat defluxiones: animat ad pugnam. Paulò antè dixerat Plinius: fulgorem ejus augeri expoliendo. poliuntur, inquit, omnes sexangulâ figurâ, artificum ingenii: quoniam hebescent*

ni color surdus percussu angulorum excitetur.

Quid tam proprium octavo articulo, de Spiritu sancto? qui appellationem habet in Scripturis *Aquæ vivæ*, Joan. 4. v. 10. & cap. 7. v. 38. & 39. perspicuus, quo noscuntur profunda Dei, 1. Cor. 2. v. 10. Gentes mirè gaudent, quod habetur Act. 13. v. 48. quia (ut cum stupore dicitur ibid. cap. 10. v. 45.) *gratia Spiritus sancti effusa est* tam longè usque ad extremum terræ, qui sunt Indi. *donum Dei* est, quod deprædicatur Act. 8. v. 19. & 20. non possideri auro, simoniacè: singulare oculis per donum intellectus, & gutturi per donum linguarum, animat & dirigit in pugna spirituali, concupiscente carne adversus spiritum & spiritu adversus carnem. amat excitari fulgorem suum expolitione & actu super-naturali, Exercitiis (quæ vocant) spiritualibus.

S. III.

De lapidibus pretiosis reliquorum 4. Fundamentorum.

Articu-
lus nonus.

9. *Fundamentum NONUM, TOPAZIUS:* Plinius caput octavum sic incipit: *Egregia etiamnum Topazio gloria est suo virenti genere. Sancto Ambrosio (in illa verba psalmi 118. v. 127. super aurum & topazion) pulcherrimus & mirabilis quem dives Regina mirata sit. narraverat de Berenice, matre Regis Ptolomæi II. illam quamvis regalibus ornamentis abundaret, supra modum tamen colore ejus stupefactam, elaborasse ut distinctius species tam*

pretiosi lapidis non lateret. gemma est tota diaphana: & maxima seu, ut Plinius loquitur, amplissima gemmarum. resplendenti similis, ait S. Ambros. l. c. maxime cum Solis radius percutitur. addit de Topazio: naturâ hujusmodi, ut si polire & lavigare eum velis, asperetur magis. rationem dat: Est autem quodam geniali opere naturæ euglyphus, hoc est, benè figurabilis. Hæc Ambrosius. & paulò antè: Duorum colorum est in hoc lapide χρῶσις hoc est quadam

S 2

tempe-

temperata permixtio, *πρασίδης & χρυσόπτερον*: id est, quod & veteres referunt de suo Topazio, coloris partim aurei est, partim porracei, cuius herbæ vires medicas imitatur. porrum enim, ut docent Physici, sanat pectus, medetur moribus serpentum, confert ad vocem, ad fecunditatem, ad placidam mortem. de illo Plinius lib. 19. cap. 6. quod ei auctoritatem dederit Princeps Nero: vocis gratia, ex oleo statis mensium omnium diebus, nihilque aliud ac ne pane quidem, vescendo. apud eundem de succo ejus memorabile: Fama est, ait, Melam equestris ordinis in summa desperatione (cupidum facilioris mortis) succo porri ad trium denariorum argenteorum pondus hausto, confestim expirasse sine cruciatu. Hæc de porro herba: de Topazio autem lib. 37. cap. 8. Ejus enim, ait, tota similitudo ad porri succum dirigitur.

Quid magis congruum Articulo nono, de S. Ecclesia Catholica? cui egregia etiamnum & semper gloria est suo virenti genere. non solius Ambrosii voce sed Doctorum omnium elogio, calamoque S. Scripturæ (Cant. 4. v. 1.) *quàm pulchra, quàm pulchra!* quid tam resplendet radiis Solaribus quàm ea quæ est amicta Sole, Apoc. 12. v. 1. quid tam euglyphum per se, quàm quod à Spiritu sancto habet ortum suum: cui sicut cohæret Ecclesia, sic Articulus ejus, in Symbolo, priori Articulo de Spiritu sancto. Diaphana est, necessariorum omnium dogmatum claritate. magnitudine amplissima, per totum orbem terrarum. habet multum porracei: acrimoniam doctrinæ

de castigatione carnis & observatione præceptorum: sanitatem impertit per administrationem legitimam Sacramentorum: afflatum aut morsum hæreseon tollit: sine illa, vox est rauca & nullum verbum Dei sincerum: extra illam sterilitas pariendi filios Dei. In Ecclesia Catholica, ibi in Communionem sanctorum mori, desperationis antidotum est, & levamen omnis cruciatus, ac solatium expiranti.

10. *Fundamentum DECIMUM, CHRYSOPRASUS.* de quo Plinius cap. 8. *Viridantium & alia plura sunt genera*: quarum gemmarum tribus generibus recensitis: *Præfertur his, ait, Chrysoprasi; porri succum & ipsa refert, sed hæc paulum declinans à Topazio in aurum.* sic enim est prasini coloris, ut inspersus sit aureis guttis: à quo utroque ei nomen; etenim porrum græcè *πράσον* appellatur. Hæc gemma confortat aciem oculorum, ut in rem visam defigi firmiter possit: dilatat & exhilarat animum ac spiritus vitales.

Quæ alia gemma similis Articulo decimo, de Remissione peccatorum? etiam ipse austeritatem & poenitentiam præfert, à qua declinat in splendorem aureum gratiæ Dei. Est viridis Spei significantissimum symbolum, confortat oculos, quibus Deus videtur (Matth. 5. v. 8.) mundando cor & conscientiam: dilatat animum, innovato spiritu.

11. *Fundamentum UNDECIMUM, HYACINTHS.* Color ei cælestis; caruleus enim: at is modicè diluitur violaceo; quæ phrasis est Plinio familiaris: *ille, inquit cap. 9. in amethysto*

Articulus decimus.

Articulus undecimus.

Articulus duodecimus.

*ethyſto fulgor violaceus, dilutus eſt in Hyacintho: primo quoque aſpectu gravis, evaneſcit antequam ſatiet; adeoque non implet oculos, ut penè non attingat, marceſcens celerius ſui nominis flore. Veterum Hyacinthus arcebat peſtem, venenum, fulmina. Gemma eſt concolor ſori cognomini, qui etiam ſlos eſt medela contra ſerpentes. In flore Hyacinthi duæ velut literæ apparent AI, quæ eſt interjeſtio ſuſpirantis, quas natura foliis intexuit: quæ occaſio fuit Poëtis fabulandi (Ovid l. 6. Metam.) Ipſe ſuos gemitus foliis inſcripſit & ai ai Floſ habet inſcriptum. Gemmas Hyacinthos *Ethiopia mittit*, ait Plinius l. c.*

Quæ doctrina tam cœleſtis quàm illa undecimi Articuli de carnis reſurrectione ad Cœlum. quid tam ſori ſimile quàm de reſeſcentibus corporibus juſtorum? quid tam ſalubre creditu, nullam iis fore contagionem concupiſcentiæ, nullum deinceps venenum mortiferum, nullum fulmen iræ divini, nullum aſſatum ſerpentis metuenda. ut quiſque fuerit hic corpore aduſtiſſimo & denigratiſſimo ab æſtu & aliis incommodis, ita formoſiſſimâ & optimâ ſpecie reſurget. Verum enimverò fulgor hic Spei dilutus eſt violaceo, timore reſuſcitationis in carne reproba: 1. Cor. 15. v. 51. *omnes quidem reſurgemus, ſed non omnes immutabimur*: gaudium eſt in primo aſpectu Articuli: nondum implet oculos: modicè marceſcit: & eſt dilutio fulgoris in gemma; ai ai in flore!

Articu- 12. *Fundamentum* DUODECI-
lus duo- MUM, AMETHYSTUS, ſic di-
decimus. ctus, quòd reſiſtat ebrietati: unde *72*

& *μῆδυσ* a græcè, id eſt remedia contra ebrietatem (α enim particula privativa, & *μῆδυσ* eſt inebrio.) vel, ut ſcribit Plinius cap. 9. *Cauſam nominis aſſerunt, quòd uſque ad vini colorem accedens, prius quàm cum deguſtet, in violam deſinat: fulgorque quidam in eo purpure non ex toto igneus, ſed in vini colorem deſiciens*. Ut ut eſt, ſymbolum eſt ſobrietatis & vigilantie. Pergit Plinius: *Perlucet autem omnes violaceo colore: id quod commune habent cum Hyacintho; niſi quod in hoc dilutus, in amethyſto fulgor plus emicet. quando præcellens; (verba ſunt Plinii) debet eſſe in ſuſpectu, velut ex carbunculo reſurgens, quidam in purpura leniter roſeus nitor*. De talibus idem Plinius: *malunt vocari, ait, multi Veneris gemmam: quòd maxime videtur decere & ſpecie & colore gemmæ*. Sunt qui addant, Sardium, gemmam, eſſe matrem Amethyſti: unde fiat, quòd in aliquibus gemmarum ex una parte Sardium, in altera ſit amethyſtum videre.

Quid huic Articulo duodecimo de vita æterna, communius cum Hyacintho, id eſt, articulo præcedente de Reſurrectione ad vitam? ſuperat tamen quantum amethyſtus hyacinthum fulgore, tantum mentio vitæ æternæ nomen reſurrectionis: neque hoc ſolum, ſed maxime vita animæ æterna & Viſio Beata gloriæ corporis & incorruptibilitatem carnis. Quid autem tam perlucens quàm vita cœleſtis? quæ purpura gloriæ! quid tam blandi & roſei nitoris quàm doctrina & ſpes æternæ vitæ? quid tam amicum illius exhortatori; ſobrii eſtote & vigilate? Pet. 5.

S 3

v. 8.

v. 8. Ipsa est pulchritudine, specie, ac decore maximè gemmeo. Articulus de Ascensione Christi (ille Sardius, articulorum sextus) mater est nostri ascensus ad Cælum & Beatam vitam: *Ne-*

mo ascendit in Cælum nisi qui descendit de Cælo, Filius hominis qui est in Cælo, Joan. 3. v. 13. ac si dicat: nisi præeunte Capite non sequitur Corpus & membra.

TRACTATUS XXXV.

IN EOSDEM DUOS VERSUS CAPITIS XXI.

Funda-
menta
ipsi SS.
Aposto-
li.

Sicut Apostolicos Articulos, sic illorum auctores Apostolos ipsos Fundamenta nominari, & hos eosdem Lapides pretiosos diximus ex SS. Patribus. eoque ordine seu numeratione quâ in Apocalypsi: quandoquidem illa tam accurata distinctio ac numeratio Fundamenti primi, secundi, tertii, &c. nihil temerarium habere potuit aut inconsultum, sed divinum & mysterii plenum. Itaque in his duobus totis Versibus manifestissimum est quod aliàs attulimus ex S. Hieronymo: in verbis singulis multiplices latere intelligentias.

§. I.

De primis 4. Fundamentis, quæ sunt ipsi Apostoli.

1. **F**UNDAMENTUM PRIMUM, JASPIS. Remittimus in his navum Lectorem ad ea quæ de singulis Lapidibus coacervavimus in Tractatu præcedente.

Laudavimus Jaspidem à firmitate: antiquitate gemmarum omnium: fugatione phantasmatum: virore: &, qui optimus, resperione purpuræ.

S. Petrus

Quid Apostolo Petro, Ecclesiæ ipsâ petrâ, firmitus? qui Apostolorum PRIMUS Matth. 10. v. 2. & antiquissimus Apostolicæ Sedis: etiamnum virens in successoribus: amuletum Ecclesiarum

contra omnia phantasmata hæreseon: ipse non sine purpura, rubore de peccato quondam admissio. Cui sociamus Paulum Apostolum (extra numerum duodecimum,) individuum à Petro: illum cui sollicitudo incubuit & coadificatio omnium Ecclesiarum, geminum Jaspidi.

2. *Fundamentum SECUNDUM SAPPHIRUS.*

In Sapphiro dilaudavimus vocitationem sacræ geminæ: significationem Regni & sacerdotii: colorem cælestem: collucentiam punctis aureis: pul-

S. Andreas.

pulchritudinem. De colore cælesti hujus gemmæ S. Hieronymus (in Isa. 54.) *Sapphirus, qui ponitur in Fundamenti, cæli habet similitudinem & superioris aëris: & applicans exponit: qui talis est ut possit Aristophanicum ducere cum Socrate; ἀναβατὼ καὶ περιφρονῶ τὸ ἥλιον quod nos in Latinum sermonem vertere possumus; scando aërem solemque despicio: sive cum Paulo Apostolo, Nostra autem conversatio in Cælis est.* Hæc Hieronymus.

Inter Apostolos gemma sacra S. Andreas, germanus Petri, vocatione primus in sacro Collegio, Joan. i. v. 40. ad unum ex 12. Thronis & confessum Regis Matth. 19. v. 28. sacerdos, quotidie ut est in vita per Presbyteros & Diaconos Achaïæ, immolator Agni immaculatis; de quo primus audierat, Ecce Agnus Dei & fuerat secutus Joan. i. v. 37. Cui facies animi Cælos intuentis (Exod. 24. v. 10. quasi opus lapidis Sapphirini & quasi cælum cum serenum est) atque ad cælos anhelis; Obona Crux &c. redde me magistro. quot ei verba, Concionatori affixo per biddum, tot amore sui Magistri scintillantia puncta aurea. pulcher sibi eo decore crucis quem dicit ex membris Domini susceptum.

S. Jacobus Zebedæi. 3. *Fundamentum TERTIUM, CHALCEDONIUS.*

In Chalcedonio advertimus ad similitudinem & genus ductum ab igne: quod inter ardentes ex omnium præcipuis: quod desinat in violam & purpuram: quod ad se attrahat paleam.

S. Jacobus Apostolus: ille gemma Christo in pretio singulari: & inter lucidissimas, non solum in Evangelio & à latere Domini tunc temporis; sed etiam nunc in terris, Compostellæ, quod tanquam paleas rapit ad se reos criminum & transmutat: filius, & frater filii, tonitruus: similitudine ignis, ut pruna: primus in exercitio charitatis illius quâ majorem nemo habet, ut daret animam suam; in violam demisso capite, & in purpuram desinens primus.

4. *Fundamentum QUARTUM, S. Joannes.* SMARAGDUS.

In Smaragdo deprædicavimus amœnitatem aspectus, quæ impleat oculos nec fatiet: virorem præcipuum, nitorem & puritatem: duritiem aneam: amaritudinem saporis: quod traluceat; & vi polleat speculari: quod contra virtus saluber.

S. Joannes Apostolus: deliciæ oculorum Christi: ille, gemma super pectus; & in ornatum data Virgini Matti: virore usque in senectam annorum innocens Virgo; in fervente oleo æneus: qui sub Cruce Domini solus Apostolorum duravit; quamvis in amaritudine animi: ille pro speculo in quo Christus tralucebat discipulis (Joan. 21. v. 7. Dominus est:) ille speculum futurorum in Apocalypsi: speculum, in Evangelio, *VERBI* quod erat in principio: ille, de quo tralatum est, pingi eum cum calice ex quo fugat venenum.

S. II.

§. II.

*De sequentibus 4. Fundamentis si-ve Apostolis.*S. Phil-
lippus.5. *F*undamentum QUINTUM,
SARDONYX.

In Sardonyche agnovimus compositionem ex Sardio & Onyche: figuram unguis humani, & candorem: non sine laudabili nigredine in ima sui parte; nec non rubedine in superficie: quod sit colorum suorum inenarrabili suavitate: quod referat Iridem: quod sigillandis secretis idoneus sit annulus.

S. Philippus Apostolus Scythiæ: in Evangelio, seu responsione, seu interrogatione, seu adductione aliorum ad Jesum, velut ex ungue se prodit hominem simplicem & candidum ac suavem (in qua indole similem sibi adduxit sine dolo Nathanaëlem Joan. 1. v. 45. & 47.) dum & responderet simplicitet tentanti Domino Joan. 6. v. 7. & interrogat ingenuè Joan. 14. v. 8. atque adducit ipse primus, verè cum associatione alterius discipuli Gentiles ad Jesum Joan. 12. v. 22. Ille singulari suavitate concentuque virtutum quasi colorum; infimâ sui parte id est corpore confuso denigratoque inter lapides quibus appetebatur in cruce; ruber sanguine: ille Iris benignitate: ille ob-signatorius promissionis aternæ per illud suum (1. c.) Domine ostende nobis Patrem & sufficit. Id quod BENE intellexerat Philippus (ait S. Augustinus lib. 5. de TRIN. cap. 8.) ut diceret Domi-

no: dummodò cum hac additione; eo quoque modo id ipsum se potuisse dicere; Domine, ostende nobis Te, & sufficit nobis.

6. *F*undamentum SEXTUM S. Bartholomæus.
SARDIUS.

In Sardio communicatio se nobis obtulit cum Sardonyche: color carnis pellucidæ: laus ejus celebris ex India, ubi bracteis aureis exornatur. reddit effusionem sanguinis tardioris. medela est doloris & vulnerum: prodest ad accendendum gaudium.

S. Bartholomæus Apostolus Indorum & majoris Armeniæ, quorum imbuendorum zelus, immò & genus martyrii in cruce, illi cum Sardonyche Scytharum Apostolo communis est: habet colorem carnis, utpote nudatus cute: quot ei membra fuerunt excoriata, tot bracteis resplendet seu virtutum argentearum in terra, seu gloriæ in cælis: tardo præ cæteris Apostolis martyrio & suffusione sanguinis tardâ, ex omnibus partibus carnis præluxit: gemma Indica. Usus hujus gemmæ & consideratio excoriationis medetur vulneribus cæterorum: addit animos ad patiendum cum gaudio, cogitantibus; nondum excoriati sumus pro Christo.

7. *F*undamentum SEPTIMUM, S. Mat-
CHRYSOLITHUS. thæus.

Chrysolithum extulimus laude au-
rei

rei lapidis: specie partim marinâ, partim aurea: ita ut adhibitum aurum præ illo albicer. Solus ex gemmis nomen sibi adsevit lapidis. conducit pectori & adversus asthma.

S. Matthæus Apostolus: quem ex catalogo duorum Evangelistarum (Mar. 3. & Luc. 6.) & auctoritate atque exemplo S. Hieronymi (sup. tract. 33. §. 2.) recensemus ante Thomam: vocatus à telonio & negotiatione maritimâ quæ est publicani. Scripta quælibet, quavis aurea, albescunt præ Evangelio quod scripsit; lapis ipse primus omnium in Evangelis edendis. Descriptor Articuli de Iudicio, qui erat Chrysolithus in Symbolo, sicut nemo alius Evangelistarum; per totos sedecim versus (cap. 25. à v. 31. usque in versum 46.) Evangelium ejus super pectus gestatum à Sanctis, etiam post mortem.

S. Thomas.

8. *Fundamentum* OCTAVUM, BERYLLUS.

In Beryllo colorem observavimus

& nomen Aquæ marinæ: perspicuitatem: & quod fulgor ejus augeatur politurâ artificis, quam requirit: quod Indico mirificè gaudeant; & in eo æstiment potius carere: quod proficit oculis, & gutturi.

S. Thomæ Apostolo color hæsit aquæ lachrymarum super incredulitate. perspicuus, per quem totus orbis videt sacra vulnera & tangit. Dixerat, Joan. 11. v. 16. Eamus & moriamur cum eo: sed is fulgor sine artifice hebescebat (*color surdus*, ut loquitur hic Plinius;) non credam, Joan. 20. v. 25. opus habuit expoliri à Christo repercussu Sanctorum vulnerum tanquam angulorum; Infer digitum &c. v. 27. Indi, ejus longitudine commemorationis & prædicationis, mirè gavisi sunt: deprædicaverunt quod amplius quam omnes suo Gymnosophistæ, carere auro maluerit. Prodest oculis hominum quod ille vidit; & gutturi omnium quod clamavit, Dominus meus & Deus meus.

§. III.

De reliquis 4. Apostolis, seu Fundamentis.

S. Jacobus Alphæi.

9. *Fundamentum* NONUM, TOPAZIUS.

In Topazio admiratores habuimus pulchritudinis: psalter eum comparavit auro (psal. 118.) color ejus partim auri, partim portaceus: gemma tota diaphana: magnitudine visendâ: valet acrimoniâ porri: ejusdemque virtute medicâ: facit clariorem vocem:

Part II.

confert ad fecunditatem, & mortem sine cruciatu.

S. Jacobus Alphæi, mirificam pulchritudinem à vultu Christi accepit: dictus frater Domini, Gal. 1. v. 19. ita facies ejus exterior (quid illa inferioris hominis?) radiabat similitudine Domini Christi: aureus sanctitatem; tan omnibus diaphanâ ut cognominaretur

T

Justus:

Justus : atque adeò ut Josephus historiographus lib. 20. antiq. cap. 8. ob ejus necem opinetur excisam fuisse Hierosolymam : ita magnus apud omnes, ut ei uni liceret ingredi Sancta sanctorum. Similis acrimoniæ & in se rigoris ejus est porrum, ob abstinentiã ab ineunte ætate, callum genuum in oratione &c. eã saluiferã virtute ut fimbriam vestimenti ejus certatim homines cuperent attingere. Epistola ejus profert vocem clarissimã de fide sine operibus mortuã. ipse fecunditatem attulit Ecclesiæ Hierosolymitanæ. profuit, fractis præcipitio genibus & manui protensæ in Cælum, ut sine cruciatu essent de suamet nece, precantibus enecantium salutem.

S. Thadæus.

10. *Fundamentum* DECIMUM, CHRYSOPRASUS.

In Chrysopraso commendavimus vim eandem porraceam, germanam Topazii, & prasinum colorem aspersum aureo; quæ duo, aurum & porrum ei nomen dedere : quod firmet obtutum oculorum : quod excitet spiritus vitales & dilatat animum.

S. Judas Thaddæus : germanus Jacobi quem comparavimus Topazio : splendet in Evangelio per illam suam quaestionem quam movit de manifestatione Domini, & illud responsum quod recepit de dilectione ejusdem Joani 4. v. 21. Quorum duorum alterum valet pro acuendo intellectu, alterum pro dilatatione animorum. Vim porraceam exeret in Epistola sua quæ omnium est Apostolicarum acerrima contra hæreticos; destruit ignorantiam tanquã inuicem an-

malium; & impietatem, Spiritum non habentium; v. 10. & 19.

11. *Fundamentum* UNDECIMUM, HYACINTHUS.

S. Simon

In Hyacintho colorem agnovimus cælestem, simul & violaceo eleganter dilutum : odore & fulgore diffuso : vim ejusdem contra serpentes & fulmina : in flore cognomini literas duas, AL, interjectionem suspirantis : Æthiopiam mittere gemmas hyacinthos.

S. Simon Apostolus, dictus Zotes Luc. 6. v. 15. nomine præfago Apostolatus & conversationis cælestis : duorum co-apostolorum Jacobi & Thaddæi germanus sanguine & spiritu : usque in Ægyptum atque illinc in Persidem innumerabiles (ita Ecclesia Romana recitat de Zelo illius) filios Jesu Christo peperit : prædicatione salutari ex illis vastissimis regionibus abstulit animarum venena : prohibuit fulmina æterna : instar fuit simul floris cærulei, simul gemmæ hyacinthinarum omnium præstantissimæ, odore Christi & fulgore Evangelii diffusis per Ægyptum usque ad Æthiopas, non sine gemitibus ad Deum sine intermissione pro illarum gentium salute.

12. *Fundamentum* DUODECIMUM, AMETHYSTUS.

S. Marthias.

De Amethysto audivimus dictam esse à multis gemmam Veneris, sed quod maximè speciem ac decorem ostendat gemmæ : Symbolum sobrietatis & vigilantie : resistere ebrietati : colorem ei sub-violaceum : fulgorem sicut carbunculus : excellentem in purpura roseam nitorem. Præfert ceteris Plinius (loco illi citato) amethystos Indicos.

S. Mar-

S. Matthias Apostolis aggregatus
 est forte quæ cœlitus temperabatur
 (Prov. 16. v. 33.) gemma perlucens ni-
 tore totum Collegium 72. Discipulo-
 rum : & inter tot stellas instar Veneris
 pulchra; electa enim etiam præ illo cui
 nomen communi omnium famâ Ju-
 stus. Sobrius ac vigil præ cæteris viris
 judicatus, ut fieret testis resurrectionis
 (ut dicitur Act. 1. v. 21. & 22.) cui co-
 lor humilis, ut novissimo : fulgor coa-
 postolatus præ aliis : & roseus excellens
 nitor in purpura martyrii. De illo

Græci in Menæis, & auctarium So-
 phronii apud S. Hieron. de scriptori-
 bus Ecclesiast. quod fuerit Apostolus
 Æthiopiarum. Et Nicephorus lib. 2. hist.
 Eccl. cap. 1. 40. *Matthias*, inquit, *pri-*
mam Æthiopiam adit, atque ibi a fe-
ris infestis, immambrisque gentibus multa
pertulit. Porro Æthiopes æquæ dicti
 sunt Indi ab Aristotele (in Elenchis,) &
 à Virgilio, & à Geographis: Secun-
 dum hoc ergo S. Matthias amethy-
 stus Indicus.

TRACTATUS XXXVI.

IN RELIQUAM PARTEM CAPITIS XXI.

de reliqua descriptione Civitatis.

VERBA APOCALYPSEOS.

(Cap. 21. Vers. 21. & seqq.) *Et duodecim portæ duodecim marga-*
rite sunt, per singulas : & singule portæ erant ex singulis margaritis, &
platea Civitatis aurum mundum, tanquam vitrum perlucidum. (v. 22.)
Et templum non vidi in ea. Dominus enim Deus Omnipotens templum
illius est, & Agnus. (v. 23.) Et Civitas non eget Sole, neque luna, ut lu-
ceant in ea, nam claritas Dei illuminavit eam, & lucerna ejus est
agnus. (v. 24.) Et ambulabunt Gentes in lumine ejus : & reges terræ
afferent Gloriam suam & honorem in illam. (v. 25.) Et portæ ejus non
claudentur per diem : nox enim non erit illic. (v. 26.) Et afferent glo-
riam & honorem gentium in illam. (v. 27.) Non intrabit in eam ali-
quod coinquinatum, aut abominationem faciens & mendacium, nisi
qui scripti sunt in libro vitæ agni.

J. I.

De Margaritis portarum.

Portæ
sunt A-
postoli
12.

Similes
marga-
ritis:

Genitu-
râ:

1. **D**iximus in Tractatu 33. §. 2. Portas esse Apostolos: quod præferunt manifestè nomina inscripta v. 12. ipsi enim sunt Patriarchæ, duodecim id est omnium Tribuum, præfigurati per Patriarchas illos veteres cum suarum ab se tribuum ortu & nominatione. Atque ita de Portis æquè ac Fundamentis exposuerunt S. Augustinus unâ cum S. Hieronymo suprâ laudati. Restat, quod est hujus loci, ut Apostolos conferamus cum MARGARITIS: generatim, ut in Apocalypsi, sumptos.

Primò, de harum generatione in naturali historia Plinius lib. 9. cap. 35. nasci docet in mari, ex rore quem excipiunt conchæ de Cælo. *Has*, inquit, (conchas) ubi genitalis anni stimulare rit hora, pandentes se quadam oscitatione impleri roscido conceptu tradunt: gravidas postea entis: parvumque concharum esse margaritas pro qualitate roris accepti: ex eo quippe constare: Cælique eis majorem societatem esse quàm maris: addit: inde, à Cælo, trahi colorem, & paulò post: miror ipso tantum eos (concharum partus) Cælo gaudere.

Non potuit Auctor profanus comparationem asserre magis idoneam Apostolis: qui progeniti, ut erant in mari hujus sæculi, vaporatone fecundâ vocationis DEI, & rore de super gratiæ instillato (virtute ex alto, Luc. 24. v.

49.) velut in naturæ sunt divinæ consortium conversi, & evaserunt specie, luce, & efficacîâ cælestes homines: qui plus multò habuerint de cælo quàm de sæculo in quo vixerunt.

2. *Principium ergo*, inquit Plinius l. c. *culmenque omnium rerum pretii, Margarita tenent.* Certè: nam & in Evangelio, Matth. 13. v. 46. laus est pretiosæ margaritæ, quam prudens negotiator æstimat plus omnibus terrenis: nempe doctrinam & vitam Apostolicam quæ valet pretium Regni cælorum, & alio in loco (Matth. 7. v. 6.) vetatur mitti ante porcos.

3. Quid mirum autem de pretio? *per tot maria vententes*, ait Plinius de ipsis margaritis (quæ nos de Apostolis) tam longo terrarum tractu, è tantis Solis ardoribus, atque Indis quoque! Et in fine Capitis specimen pretii commemorat duos uniones: *Utrumque*, inquit, possedit Cleopatra Egypti Reginarum novissima, per manus Orientis Regum sibi traditos, narrat illam cum Antonio inter epulas pactam fuisse, unâ se cenâ centies H-S. absumpturam: quæ sunt decies centena millia monetæ argenteæ apud Romanos dictæ, nummus Sestertius. pergit porro: Iponsonibus factis, postero die quotidianam apposuisse cenam Antonio expositulanti: mox detractum auribus alterum è duobus unionibus aceto liquefactum

Pretio:

Raritate:

Æstimatione.

Atum absorbuisset, victumque Antonium fuisse. addit Plinius: *Iniecit alteri manum L. Plancus, iudex sponsionis ejus, cum quoque paranti simili modo absumere; ut sexcenties H-S. sola cœnaret!*

Paulò ante narraverat: *Lollam Paulinam, quæ fuit Caii Principis matrona, vidi smaragdis margaritisque operitam, quæ summa quadringenties H-S. colligebat.* De Apostolis quis commemoret æstimationem qua eos prosequantur Reges orbis Christiani!

dotibus:

4. De ipsismet, in quo consistat earum laus, sic idem Plinius breviter l. c. *Dos omnis in candore, magnitudine, orbe, lavore, pondere.* Hæc conveniunt Apostolis: quorum candor sine labe: magnitudo præ cæteris Sanctis: qui volubiles, quolibet mitterentur (velut figurâ orbiculari:) quorum labor & æquabilitas animi sine asperitate & scabritie: pondus sicut in verbo sic exemplo. quibus dotibus gratiæ in terrena civitate respondent dotes gloriæ in æternâ.

Robore:

5. Nullo ait l. c. Plinius, *lapsu franguntur.* Nullo casu adverso Apostoli.

Vi medicinali:

6. Medici testantur eas vim habere sistendi profluvium sanguinis: propulsandi venena: pesti ac putredini resistendi: roborandi spiritus vitales: cerebri nervosque confortandi, exhilarandi animas. Omnia hæc Apostoli.

duratio:
ne æternâ:

7. Denique quod de Margarita scripsit Plinius: *æternæ propè possessionis est:* hoc de portis hujus Civitatis non propemodum tantum est asserere, sed

omnino æternæ possessionis, sicut ipsa tota Civitas.

2. Ecce quem in finem expolitæ sunt & elaboratæ ab Opifice, non sine functione multa mallei, omnes Apostoli ut portæ Cœli esse possent! Singulæque portæ, inquit Apocalypsis, singulæ Margaritæ, decoro sunt ordinæ ac proportionem inter se locatæ: verique uniones (quod nomen Romani dederunt margaritis, apud Plinium) conjunctione & consensu ejusdem doctrinæ atque officii: multumque aptæ inter se varietate distributi: dum, sicut margaritæ varietate sunt pro qualitate roboris accepti, ut diximus ex Plinio, ita Apostolorum quisque alias alio excellit dono ac divisione gratiarum 1. Cor. 12. v. 4. & seqq. at omnes tamen prælustres uno eodémque Spiritu quo lucent intraturis in Civitatem: præfulgidi ut margaritæ: aditu faciles ut portæ: numero duodecim, ut undique & versus omnem plagam mundi, nemo ut queri jure possit se non fuisse admissum. de hac significatione duodenarii Apostolorum, S. Augustinus in psal-

politurâ:

Proportionem inter se:

Unionis significatione.

Duodenario:

Apostolorum. Sacramentum magnum hujus duodenarii significatio est numeri. Et mox: Sacramentum est cujusdam Universitatis: quia per totum orbem terrarum futura erat Ecclesia, unde vocatur hoc edificium ad Christi compagem. & paulò post: quia undique intratur in illam Civitatem, duodecim portæ sunt.

3. *Has duodecim portas, ait S. Hieronymus in Ezechielem cap. 48. singulis Tribubus, sub Apostolicis & Patriarchalibus nominibus arbitror delegatas: id est,*

T 3 est,

est, assignatæ sunt pro duodecim Tribubus sub inscriptione & præsidio duodecim Apostolorum, qui iidem sunt tanquam Patriarchæ fidelium. *Iste sunt*, ait Hieronymus ibidem, *margaritæ Prophetarum & Apostolorum*: eodem loquendi modo & sensu de Portis quo de Fundamentis Apostolus Eph. 2. v. 20. superædificati super Fundamentum Apostolorum & Prophetarum.

Margaritarum etiam meminit sancta Ecclesia in suo Hymno, quem concinnavit ex Apocalypsi planè allegoricum: qui incipit *quod sit Civitas & quænam*: Cælestis Urbs Jerusalem,

Beata pacis Visio: veneratur *quod Sponsa*: O sorte nupta prospera! de portis: Hic margaritis emicant Patentesque cunctis ostia, de lapidibus artificiosè quadratis: Scalpri salubris ictibus. Et tunfione plurimâ Fabri posita malleo. Hanc saxa molem construunt.

Et inter opera S. Augustini adscriptus (tomo 9.) liber meditationum in Hymno:

*Ubi vivis margaritis surgunt ædificia:
Auro celsa micant tecta, radiant trullina:
Solis gēnis pretiosis hæc structura nititur:
Auro mundo, tanquam viro, urbis via
sternitur. de quo in §. seq.*

§. II.

De platea: templo: lumine.

1. PLATEA, inquit v. 21. **CIVITATIS AURUM MUNDUM, TANQUAM VITRUM PERLUCIDUM.** *Platea*, græcè latitudo, est tota unâ cohabitantium consociatio & charitas, fundata in una eadēque omnium essentiali Beatitudine. Hæc communio Sanctorum & socialis conversatio cum invicem, conspicua est ut aurum, perspicua ut vitrum mundissimum: ad imitationem lapidis pretiosi Chrysolithi, quem ex Plinio diximus esse aureo colore translucidum: de quo lapide Isidorus: *auro similis est cum marini coloris similitudine*, propter quam Hebraicè dicitur lapis Tharsis: & Ezechielis cap. 10. v. 9. ubi habetur in Hebræo, *visio lapidis*

Tharsis, Latina vulgata interpretatio transtulit, *visio lapidis Chrysolithi*; qui nimirum ita sit aureus, ut instar maris (quod est Tharsis) aut vitri pellucidus. Talis est conviventium pariter omnium cælitum illius Civitatis re ac nomine verè Platea, sine angustia, dilatissimo spatio charitatis: non sicut in terris ubi homines faciunt invicem angustias. quòd si de his ipsis S. Augustinus (ser. 10. de verb. Dom.) dixit; si angustantur vasa carnis, *dilatentur spatia charitatis*: quæ communio inter se amicitia atque amoris latius diffusa & æquè omnes complexa cives, quam illa cælestium incolarum flagrantior auro, dilucidior omni vitro mundo, ubi omnes qui toto morantur in Regno

gno amplissimo, conjunctissimi vicini sunt!

Quod autem de Platea; idem v. 18. dictum est de tota civitate: ita ut ædificatio tota sit aurum; non tantum præstans, solidum, ac splendidum; sed etiam ejusmodi ut perspicuitate simile sit vitro purissimo. quò significetur jucunditas quæ se in tuo Beati perspicient clarissimè; & gloriam gaudiumque cuiusque; tum etiam cogitationes intellectus & actus voluntatis omnium parebunt omnibus: perinde ac si specula sint vitrea, nitida, lucidissima: summo cum mutuo applausu & gratulatione de uniuscujusque gaudio tanquam de suo. De qua jucunditate S. Augustinus in man. cap. 35. Ergo quid erit (communis gaudii!) in illa perfecta claritate innumerabilium beatorum Angelorum & hominum, ubi nullus diligit alium minus quam seipsum? non enim aliter gaudet unusquisque pro singulis aliis, quam pro seipso. Si ergo cor hominis de tanto bono suo vix gaudium suum capiat: quomodo capax erit tot & tantorum gaudiorum! & c. tantà in latitudine societatis simul habitantium.

2. **TEMPLUM**, ubi adoratur, & id quod est in Civitate Sanctum sanctorum omnium, non est aliud (v. 22.) quam **DOMINUS DEUS OMNIPOTENS**: qui suam illis infinitam sanctitatem Dominii, Deitatis, Omnipotentiae manifestat facie ad faciem, & contemplandam proponit. Neque alius jam Templi usus vel sacerdos vel hostia præterquam **AGNUS**: qui est tota eminenter ipse, & Templum cor-

poris sui (Joan. 2. v. 21.) in quo inhabitat omnis plenitudo Divinitatis corporaliter: Col. 2. v. 9.

Quod de Templo; hoc de **SOLE** dicendum: quo **NON EGET** alio **NEQUE LUNA** (v. 23.) **UT LUCEANT IN EA**, & ut ad quod condita sunt Gen. 1. v. 14. dividant diem ac noctem & sint in signa & tempora & dies & annos. quia nulla vicissitudo erit illis diei & noctis aut temporum: id quod S. Augustinus eleganter exprimit in psal. 26. v. 4. desiderat, inquit, omnes dies vite sue in domo Domini habitare; in domo Domini omnes dies vite sue, non quasi finiendos, sed æternos: sic enim dicuntur dies, quomodo anni, de quibus dictum est, Et anni tui non deficient: nam dies vite æternæ unus dies est sine occasu. Sed (v. citato Apoc.) **CLARITAS** seu gloria **DEI** **ILLUMINAVIT** **EAM**; Divinitas est Divinitas quæ se illis videndam præbet, ad quam nulla claritas accedit Solis aut alia creata. De hac Claritate, & de Lumine cuius auxilio ea videtur, facta est mentio superius in versum 11. Tractatu 33. §. 1. in fine.

Sed quid est quod sequitur? **ET LUCERNA EJUS EST AGNUS**. quorsum adhuc Lucerna in tanta Claritate? Nempe Divinitas oculos illuminat & implet animarum Beatarum: Lucerna verò corporibus est; quæ etiam ipsa, quantum sunt capacia, in admirabili luce versantur. Horum **Lucerna** est, ut loquitur S. Augustinus in psal. 142. Dominus Jesus *tanquam in testa carnis*: in qua sic recreat corporeos oculos Beatorum, ut ad ejus etiam

Pro Sole
quid?

Claritas
DEI, id

Lucerna
corpo-
rea est
Agnus;

iam splendorem nihil admodum sit iste Solis aut Lunæ aut siderum fulgor.

3. ET IN LUMINE EJUS (Græcè αὐτῆς) Civitatis, v. 24. AMBULABUNT GENTES quotquot salvæ fiunt: ita enim in Græco: καὶ τὰ ἔθνη τῶν σωζομένων ἐν τῇ πόλει αὐτῆς περιπατήσουσι. Verba sunt Isaia cap. 60. v. 3. *ambulabunt*, ait Propheta, *gentes in lumine tuo*. Quod de gentibus, Ecclesiæ militantis oraculum, impletur in Civitate Beata ad quam ambulaverunt & salvæ factæ sunt.

ET REGES TERRÆ AFFERENT GLORIAM SUAM ET HONOREM IN ILLAM. Addit Isaia l. c. *& Reges in splendore ortus tui*: non solum illi Sancti Reges qui olim in terris: sed omnes Beati erunt confortes Regni & coronæ, ac totidem Reges juxta id quod dicitur Cap. sequente v. 5. *REGNABUNT in sæcula sæculorum*. Hi pariter omnem suam eò transcripserunt gloriam, & honorem meritòrum quæ illuc accumulabunt.

Portæ nō claudentur: Jam illud quàm est Beata securitatis (v. 25.) nam quod dixerat Isaia de Ecclesia militante, cap. 60. v. 11. *Et ape-*

rientur porta tua jugiter, die ac nocte non claudentur, ut afferatur ad te fortitudo Gentium & Reges earum adducantur: hoc S. Joannes aliter de hac Civitate, adductis jam in hanc Gentibus & Regibus: *PORTÆ EJUS*, inquit, *PER DIEM: & addit: NOX ENIM NON ERIT ILLIC*: sed ut ait S. Augustinus in psal. 144. *sine fine unus dies*. Quam ob rem nomen perpetuum Civitati Visio pacis: quippe, ubi & jugis sit *Visio* ut in die, & *Visio pacis*, perinde ac portis non clausis.

Concludit (v. 26. & 27.) ita afferendam illuc, quod dixerat, *GLORIAM ET HONOREM GENTIUM*: ut *NON intret IN EAM ALIQUOD COINQUINATUM*, AUT quod *abominationem* facere possit Beatis, ET subintrando illudere *mendacio* simulatæ sanctitatis: sed ut mera Civitati munditia, incolis jucunditas, veraque sanctitas cunctis: Isa. 60. v. 21. *populus autem tuus omnes iusti*: hi, ut S. Joannes, verbis ultimis hujus Capituli, *QUI SCRIPTI SUNT IN LIBRO immutabili VITÆ æternæ, character gratiæ AGNI ac perseverantiæ in illa.*

§. III.

De comparatione hujus Civitatis cum illa quæ est apud Ezechielem.

Relatio

ad Ezechielem:

1. **P**atet ex dudum dictis, quòd respiciat Joannes Ezechielem, im-

mò ejus utatur verbis: ac proinde quòd sit relatio inter Civitatem hanc, & inter *adifi-*

Similitu-
dinis:

adificium illud Civitatis quod vidit Ezechiel inde à Capite 40. (v. 2.) usque in quadagesimum octavum, qui est finis Visionis illius & totius prophetiæ, ubi (v. 31.) eundem, quem Apocalypsis, numerum recitat & situm portarum: Et portæ, ait, Civitatis ex nominibus tribuum Israël portæ tres à septentrione, &c. ternæ ex omni parte ad Orientem, Meridiem, & Occidentem. Quæ est relatio similitudinis inter utramque: sicut & quadrum Civitatis: & is de quo in Tractatu sequente fluvijs cum sua ripa fructifera: & illud Ezechielis versu ultimo; nomen Civitatis Dominus ibidem.

Diversi-
tatis.

2. Est autem & relatio disparitatis, seu discrimen præcipuum: quòd illa, de qua Ezechiel, sit Civitas castrensis & mobilis: figurata per Castra quæ Num. 2. v. 2. & seqq. erant per gyrum Tabernaculi, quæ Civitas significat Ecclesiam adhuc militantem, manu armatâ, & moventem castra per medios hostes: usque ad promissam terram quæ futura est viventium in æterno triumpho, sine mutatione & hoste, ubi erit possessio pacis versus omnes partes unde fuerat intratum. Hanc triumphantem intelligit Joannes in Apocalypsi.

Figura
utriusq;

3. De hac relatione, & de figura veteri, meminit etiam S. Hieronymus in

Caput 48. Ezechielis: *Breviter admonendum, easdem Tribus in circuitu Tabernaculi ut castrametatas, ut ad Orientem fuerit Judas &c. Nostra verò urbs quæ est Civitas magni Regis, cujus artifex & conditor est Deus aliam habet Tribuum in terra sancta (utraque; pugnante, & victoriosa) descriptionem, & mensuram civitatis, possessionis ordinem, & plagas tribuum singulorum.*

Similis est mentio figuræ, ac distinctio apud S. Augustinum (in psal. 86.) inter Tabernacula Jacob (ea sunt Civitas castrensis) & inter hanc Civitatem manentem. *Sed quia, inquit, erant quadam Tabernacula temporalia & imaginaria (imagines futuri,) loquitur autem iste, id est Pfalteres Propheta, de Civitate quadam quam spiritualiter intelligit, cujus umbra & figura erat illa terrena: ait, diligit Dominus portas Sion super omnia Tabernacula Jacob: diligit illam spiritalem Civitatem super omnia figurata, quibus intimabatur illa Civitas semper manens & Cœlestis in pace.*

* * *

TRACTATUS XXXVII.

IN CAPUT XXII.

VERBA APOCALYPSEOS.

(Cap. 22. Versu 1. & seqq.) Et ostendit mihi fluvium aquæ Vitæ,
splendidum tanquam crystallum, procedentem de sede Dei & Agni.
(v. 2.) In medio plateæ ejus, & ex utraque parte fluminis lignum vitæ,
afferens fructus duodecim, per menses singulos reddens fructum suum,
& folia ligni ad sanitatem Gentium. (v. 3.) Et omne maledictum non
erit amplius: sed sedes Dei & agni in illa erunt, & servi ejus servient
illi. (v. 4.) Et videbunt faciem ejus: & nomen ejus in frontibus eorum.
(v. 5.) Et nox ultra non erit: & non egebunt lumine lucernæ, neque lu-
mine solis, quoniam Dominus Deus illuminabit illos, & regnabunt in
sæcula sæculorum. (v. 6.) Et dixit mihi: Hæc verba fidelissima sunt, &
vera. Et Dominus Deus spirituum prophetarum misit Angelum suum
ostendere servis suis quæ oportet fieri cito. (v. 7.) Et ecce venio veloci-
ter. Beatus qui custodit verba Prophetiæ libri hujus. (v. 8.) Et ego Io-
annes, qui audiavi, & vidi hæc. Et postquam audivissem, & vidissem, ce-
cidi ut adorarem ante pedes Angeli, qui mihi hæc ostendebat: (v. 9.) Et
dixit mihi: Vide ne feceris: conservus enim tuus sum, & fratrum tuo-
rum Prophetarum, & eorum qui servant verba prophetiæ libri hujus:
Deum adora. (v. 10.) Et dicit mihi: Ne signaveris verba Prophetiæ li-
bri hujus: tempus enim prope est. (v. 11.) Qui nocet, noceat ad-
huc: & qui in sordibus est sordescat adhuc: & qui justus est,
justificetur adhuc: & sanctus, sanctificetur adhuc: (v. 12.)
Ecce venio cito, & merces mea mecum est, reddere unicuique secundum
opera sua. (v. 13.) Ego sum α, & ω, primus, & novissimus principium, &
finis. (v. 14.) Beati, qui lavant stolas suas in sanguine agni: ut sit pote-
stas eorum in ligno vitæ, & per portas intrent in Civitatem. (v. 15.) Fo-
ris canes, & venefici, & impudici, & homicidæ, & idolis servientes, &
omnis qui amat & facit mendacium. (v. 16.) Ego IESVS misi Angelum
meum, testificari vobis hæc in Ecclesiis. Ego sum radix & genus David,
stella splendida & matutina. (v. 17.) Et spiritus & sponsa dicunt: Ve-
ni.

Fluvius
volup-
tis:
id est
Gaud
Beati-
cum.

ni. & qui audit, dicat: veni. Et qui fuit, veniat: & qui vult, accipiat
 aquam vitæ, gratis. (v. 18.) Contestor enim omni audienti verba pro-
 phetia libri huius: Si quis apposuerit ad hæc, apponet Deus super illum
 plagas scriptas in libro isto. (v. 19.) Et si quis diminuerit de verbis libri
 prophetia huius, auferet Deus partem ejus de libro vitæ, & de Civitate
 sancta, & de his, quæ scripta sunt in libro isto. (v. 20.) Dicit qui resti-
 monium perhibet istorum. Etiam venio cito, Amen. Veni Domine
 IESV. (v. 21.) Gratia Domini nostri IESV Christi cum omnibus vo-
 bis. Amen.

§. I.

De fluvio: & Ligno vitæ.

Dictum est de Civitate: & in ea
 de Claritate Dei, quæ est po-
 tissima Beatitudo civium; illâ
 intellectuâ Visione per quam se de-
 clarat Deus facie ad faciem intuen-
 dum in Throno suæ Divinitatis: nec
 non de Visione corporea qua videtur
 facies Agni prout in sua est naturâ hu-
 manâ, omnium, longè creatarum di-
 gnissimâ visu & augustissimâ.

Fluvius
 volupta-
 tis:
 id est,
 Gaudiū
 Beatifi-
 cum.

1. Hinc jam, de hoc Throno, necef-
 se est scaturire FLUVIUM AQUÆ
 VITÆ: qui est affluentia Gaudii Bea-
 tifici: quod inundat & exhilarat illam
 Civitatem, perfusis exultatione plenè
 animis & corporibus. Hoc est enim
 illud flumen, de quo expressè dicitur in
 psalmo 45. v. 5. quod ejus impetus læ-
 tificet Civitatem Dei: ille in psal-
 mo 35. v. 9. torrens voluptatis;
 inebriabuntur, inquit, ab ubertate domus
 tuæ, & torrente voluptatis tuæ potabis eos:
 & ille Isai. 66. v. 12. fluvius pacis, quo
 nomine in Scripturis significatur om-

nis læta felicitas. De illo fluvio S. Ber-
 nardus ser. 1. de diversis: in remunera-
 tione Torrens est voluptatis & fluminis
 impetus: torrens inundans lætitiâ, flumen
 gloriæ & flumen pacis. Rationem no-
 minis, cur in Scriptura & Torrens di-
 catur propter abundantiam, & Flu-
 vius propter perpetuitatem, insinuat
 S. Hieronymus in Ezech. 47. v. 5. Tor-
 rens, inquit, iste, qui pro aquarum abun-
 dantia fertur more torrentis, ipse à LXX.
 appellatur Fluvius, eò quod perpetuas a-
 quas habeat, nec de pluvius hinc inde
 collectas, sed de vivo & perpetuo fonte
 manantes.

Addit S. Joannes esse illum TAN-
 QUAM crystallinum: quò signific-
 tur, hanc voluptatem esse puram, lim-
 pidam, & splendidam: non sicut aqua
 turbida quæ bibitur in via Ægypti Jer.
 2. 18. sed esse fluvium cœlestem qui sit
 illimis & incontaminatus cœno car-
 nali. plus quàm Poëta dixit: nitidis ar-
 genteus undis: & plus quàm finxit an-
 tiqui-

Limpi-
 dum in-
 star cry-
 stalli:

triquitas fabulata recipi Heroum animas inter sidera, ubi affluant deliciis apud Circulum lacteum, qui sit fluvius serenus ut sidus, & lactis instar candidus ac dulcis potatu; de quo somniat Scipio apud Tullium.

Oritur ex Visione DEI: Dixit *procedere* hunc Fluvium DE SEDE DEI ET AGNI: quia Gaudium Beatorum profuit & consequitur ex Visione Beatifica: penes quam est perfrui eo de quo plallitur (in ps. 35. v. 10.) *Apud Te est Fons vitæ.* Hanc fecunditatem Fluvii etiam allegat Ezechiel 1. c. v. 12. eandemque dicit esse originem cæterorum quæ commemoraverat. Prout attentè observavit S. Hieronymus in locum illum Ezechielis: *Reddit, ait Hieronymus, causam ubertatis, & infert; QUIA* (verba sunt Ezechielis) *agua eius de Sanctuario egredientur.*

Lignum Vitæ: 2. Videt deinde IN MEDIO PLATEÆ Civitatis LIGNUM VITÆ: id est, quod significat Immortalitatem, id est, immunitatem à morte animæ & corporis. itémque EX UTRAQUE PARTE FLUMINIS propaginem ejusdem arboris plantatam: quæ sunt gaudia quæ Theologi vocant Accidentalibus, multa & varia, velut ad utramque ripam, interna & externa, incorporea & corporea. Etenim ex illa Beatæ animæ voluptate omnes etiam sensus, & artus corporis, perfusi: dotes illæ membrorum, quod lucida, quod agilia, quod subtilia, quod nulli dolori obnoxia: & cætera hujusmodi, propago sunt Arboris vitæ, hoc est Immortalitatis in corpore Beato; cujus, ut ait S. Anselmus de Si-

mitudinibus, *Oculi &c. ossa, medullæ mirabili delectationis & dulcedinis sensu replebuntur.*

Audit de utroque, & aquâ Fluvii & Ligno, appellari aquam VITÆ ET LIGNUM VITÆ: ita, ut nunquam arecant: illa perpetuò fluat, istud perpetuò frondeat & floreat: sintque ambo vivifica; quæ vitam Beatorum & gaudia (hoc est enim verè vivere quod beatè vivere) nunquam sinant intermori.

In hac tota descriptione Gaudii Beati respicitur ad figuram illius Gen. 2. *Paradisum* qui v. 8. appellatur *Voluptatis*: Illuc, v. 9. hæc verba: *Lignum etiam vitæ in medio; & v. 10. Fluvius egrediebatur de loco Voluptatis ad irrigandum Paradisum.* De præfiguratione hujus Paradisi & Ligni dicitur in epistola ex septem Apocalypsicis primâ Cap. 2. v. 7. *Vincenti dabo edere de Ligno Vita quod est in Paradiso DEI mei.*

3. Videt Lignum illud FRUCTUS ferre DUODECIM: id est, universum numerum fructuum: & per singulos MENSES; quæ est tota ætas anni: quod hieroglyphicon hic positum in Apoc. etiam inter sua olim hieroglyphica recensuit Horapollon lib. 1. cap. 3. ubi de Ægyptiis sic loquitur: *Annum indicantes palmam pingunt: quod arbor hæc sola ex omnibus ad singulos Lunæ ortus (id est enim, in singulos menses) singulos etiam ramos procreet: ita ut duodecim ramorum productione annus expleatur.*

Illo igitur duodenario fructuum significatur universalis exuberantia deliciarum & gustus: per singulos autem menses

Fructus per singulos menses;

Annorū æternorum:

Gusta semper novo:

Et folia ad sanctorum.

Critas tota est Regia:

Et divinitus Beata.

Gustu
semper
novo:

mensis asseveratur continuatio saporis semper novi, sine ulla interruptione: fore enim ut durer tota aeternitate quam psaltes appellat annos aeternos psal. 76. v. 6. atque ita durer, ut sit aequè ac sine fastidio nova jugiter vita & immortalitas; suavitas nova; sanitas, vigor, & vegetudo nova. quod postremum etiam significatur per FOLIA LIGNI; utpote quæ non tantum sint ad decorem viridia, sed etiam salubria; non ad medicinam, ut est apud Ezechielem (l.c. v. 12.) de sua illa Civitate,

Et folia
ad sani-
tatem.

sed AD SANITATEM omnium, ex quo intraverint, GENTIUM retinendam omni ævo in novitate. De sanitate S. Augustinus epist. 56. quæ est ad Dioscorum: *Sanitas autem perfecta corporis, illa extrema totius hominis immortalitas erit: tam potenti enim natura Deus fecit animam, ut ex ejus plenissima Beatitudine, quæ in fine temporum Sanctis promittitur, redundet etiam in inferiore naturam, quod est corpus, plenitudo sanitatis, id est incorruptionis vigor.*

S. II.

Reliqua de Civitate.

Civitas
tota est
Regia:

1. **N**ihil (v. 3.) *maledictioni* obnoxium in illa Civitate, quæ tota quanta est, Regia est: SEDES enim erit DEI ET AGNI: & qui SERVI EJUS, omnes pariter Reges erunt (v. 3. & 5.) Nam & in hoc mundo servire DEO est *omni præstantius libertate*, ut loquitur S. Chrysostomus hom. 33. in Matth.

Et divi-
nitus
Beata:

Summa verò Beatitudinis omnis est quæ apertissimè dicitur v. 4. **V**IDEBUNT FACIEM EJUS, quam videndo possidebunt *omne bonum* Exod. 33. v. 19. ET NOMEN EJUS IN FRONTIBUS EORUM, velut erat summi Sacerdotibus in fronte (Exod. 28. v. 36.) aurea lamina cui insculptæ literæ, *Sanctum Domino*. Itaque & Reges erunt & Sacerdotes, Apoc. 1. v.

6. iidemque Beatissimi: etenim similes ei hoc ipso quòd illum vident, juxta epistolam 1. Joannis cap. 3. & illud generale de Intelligente, ex Aristotele (libris de Anima) Intellectum intelligendo fieri omnia, assimilatione videlicet cognoscentis ad cognitum. de qua etiam S. Augustinus lib. 9. de TRINIT. cap. 11. in quantum, ait, *Deum novimus, similes sumus*, & lib. 14. cap. 17. citat epistolam S. Joannis l.c. v. 2. *similes ei erimus, quoniam videbimus eum sicuti est*. ex quo S. Doctor concludit: *Hinc apparet tunc fieri ejus plenam similitudinem, quando ejus plenam perceperit Visionem*. Quantò autem alius alio perfectius videt, quod sit pro inæqualitate Luminis gloriæ, quòd respondet inæqualitati Gratiæ & meritum in

V 3 terris,

terris, tantò & similiores ei & Beatio-
res inter se.

Repetit in v. 5. id quod in Ca-
pite præcedente dixerat v. 23. & 25.
noctem ULTRA NON fore in hac
Civitate; cui *Lux est* is in quo *tenebrae*
non sunt ulla, 1. Joan. 1. v. 5. præter Ag-
num nec *lucerna*, egere aliâ: neque Sole
aut LUMINE finito, ubi lucet quod
est illimitatum & infinitum ac morta-
libus inaccessibile: quo illuminati un-
dique omnes ejus Civitatis incolæ, ve-
rè Illustrissimi ac Serenissimi con-
regnabunt DEO IN SÆCULA SÆ-
CULORUM.

Omnes
Illustris-
simi.

Huc spectat illud Isai. 60. v. 19. &
20. *non erit tibi amplius Sol ad lucen-
dum per diem, nec splendor Luna illumi-
nabit te: sed erit tibi Dominus in lucem
sempiternam, & Deus tuus in gloriam
tuam.* unde infert: *non occidet ultra Sol
tuus, & Luna tua non minuetur: quia
erit tibi Dominus in lucem sempiternam,
& complebuntur dies luctus tui.*

Conne-
xio cum
Civitate
Ezechie-
lis.

2. In his eousque commemoratis, ac
præsertim in Capite præcedente, rela-
tio denuò elucet ad Civitatem Eze-
chielis: de qua sic prophetatur, Ezech.
47. v. 12. *Super torrentem* (seu fluvium,
ut habent 70. interpretes) *oriatur in
ripis ejus ex utraque parte omne lignum
pomiferum: non defluet folium ex eo &
non deficiet fructus ejus: per singulos
menses afferet primitiva: quia aqua ejus
de Sanctuario egredientur* (de Templo;
sacrosanctæ:) *& erunt fructus ejus in
cibum: & folia ejus ad medicinam.* Ex
quibus verbis manifestus est respectus
Apocalypseos ad Ezechielem: & con-

nexio Civitatis Beatæ cum Civitate
militante: ut proinde quæ dicuntur
debeant utrimque applicari pro rata;
& cum proportionem explicando attri-
bui, etiam isti militanti. E. c. per tor-
rentem quidem intelligo cum S. Hie-
ronymo aquas sacras (ita nominat)
vel Baptismi vel Doctrinæ Christia-
næ; quarum utraque de vivo & per-
petuo fonte promanat: per duas ripas
vetus & Novum Testamentum: per
omne lignum pomiferum unicuique
pronus est intelligere omnis generis
fructus virtutum: per singulos menses
continuum in his profectum & reno-
vationem: cibum gratiæ & medici-
nam noxarum: & sic de cæteris Eze-
chielis, inter quæ est illud ultimum
(cap. 40. v. ultimo,) *nomen Civitatis ex
illa die Adonai summa*, id est, *Dominus
ibidem.*

Colligamus epitomen ex Apoc. 21.
& 22. breviter descriptam. Locus est,
Societas Angelorum & hominum
Sanctorum, habitaculum DEI cum
illis. Ubi murus ex lapidibus pretiosis;
portæ ex margaritis; platea ex auro
pellucida ut crystallus: varietas lapi-
dum pretiosorum & margaritarum:
forma ædificii perfecta, cum optima
dimensione. Claritas DEI ipsa est quæ
visa Beatificat animam, assimilat & u-
nit ei quem videt Beato. Hinc Fluvius
voluptatis, id est, gaudium quo perfun-
dentur omnes vires animæ: & redun-
dat in Beatitudinem corporis: cui im-
mortalitas perpetuò nova, ligni vitæ
fructus, & folia sanitas. Con-regnatio
in sæcula æterna, uno æterno die. Cer-
nitur

Conclu-
sio Visi-
onum
Apoca-
lypticos.

Prohi-
betur
signare.

Secus
quam
Daniel.

nitur in Spiritu a mortalibus, in monte magno & alio: & respondebit Fidei, visio; Charitati, Amor Beatificus; Timori sancto & tristitiae sanctae, quae Spem comitantur, Fluvius voluptatis; corporali mortificationi, Immortalitas.

Conclu-
sio Visi-
onum
Apoca-
lypsaeos.

3. Pergit Angelus (v. 6. & c.) & concludit non solum Visionem de Civitate, sed etiam Apocalypsin; HÆC, inquit VERBA, id est res verbis Apocalypseos prophetatae, fidelissimè implenda SUNT, & apud homines credenda interim ut VERA, DEUS

liquidem, ille omnis prophetiae auctor & inspirator MISIT ANGELUM qui hæc ostenderet SERVIS SUI certissimè & CITO eventura. Et hoc symbolum ejus: VENIO VELOCITER: BEATUS is cui prophetia HUIUS LIBRI fuerit cordi.

Hactenus quæ AUDIVI ET VIDI EGO JOANNES. qui ad audita verba, quibus dicebatur, *Ecce venio velociter*, cecidi adoraturus latrâ: sed prohibitus sum eadem iterum ratione quâ sup. cap. 19. v. 10.

§. III.

Epilogus Apocalypseos.

Prohi-
betur
signare:

Secus
quàm
Daniel.

1. Jamque Angelus, suo perfunctus officio dictandi dicendique, verbat ab Joanne signari prophetiam LIBRI HUIUS (v. 10.) contra quam Daniel jussus fuerat signare suam prophetiam; Dan. 8. 26. *Tu ergo, ait, Visionem signa, quia post multos dies erit.* & cap. 12. v. 4. *Signa Librum, usque ad tempus statutum: plurimi pertransibunt.* & interroganti ulterius Danieli dicitur; v. 9. *Vade Daniel, quia clausi sunt signati que sermones usque ad praesinitum tempus.* Est autem contraria hinc ratio: & ideò NE SIGNAVERIS, inquit Apocalypsis, TEMPIUS ENIM PROPE EST.

Et verò, dum hoc nos post sæcula

transacta legimus aut scribimus, plerisque jam impletis, prope est ut absolvatur, ac breve admodum ante Antichristum & finem mundi super est spatium temporis. Ergo in tam brevi tempore, cuique suum est, inquit Angelus v. 11. arbitrium liberum: ut vel NOCEAT ET SORDESCAT ADHUC in sceleribus: vel cum DEI gratia, quæ offertur, crescat in adepta iustitia & sanctitate. Eccli. 15. v. 17. *ap- posuit tibi aquam & ignem: ad quod volueris, porrige manum tuam. ante hominem vita & mors, bonum & malum: quod placuerit ei, dabitur illi.*

2. His dictis utitur per prosopopœiam verbis Christi admonentis: Equidem

quidem (v. 12.) VENIO CITO; adventus meus ad Judicium erit celer: ET MERCES UNICUIQUE SECUNDUM OPERA SUA. De celeritate Adventus ultimi S. Augustinus ep. 80. ad Hefychium: *Quanto magis nunc dicendum est propinquare Domini adventum, quando tantus est ad finem factus accessus!* Continuat Joannes profopopœiam cœptam: EGO

A & D.

SUM α à quo cœpit hæc Scriptura Apocalypseos, ET ejusdem omniumque Scripturarum α: PRINCIPIUM Beatitudinis per gratiam, ET FINIS per gloriam. BEATI QUI, dum tempus est, LAVANT STOLAS SUAS & emundant IN SANGUINE AGNI: Eodem recidit, quod habet græcum autographum: *μακάριοι οἱ ποιοῦντες τὰς ἐντολάς αὐτοῦ*, hoc est, *Beati qui faciunt mandata ejus: ut illis jus SIT ad Lignum VITÆ, & introitus Civitatis PER PORTAS*; Apostolos qui exhibent lavacrum Christi & exigunt observantiam mandatorum ejus. Nam venientibus in veste illota & non nuptiali, vel iis qui neglexerunt mandata ejus non competit hujuscemodi jus. CANES certè, hi qui vel infideles (Matth.

Beati ci-
yes.Foris ca-
res.

15. v. 26. vel qui è Christianis revertuntur *ad vomitum suum* (2. Pet. 2. v. 22. ex Prov. 26. v. 11.) & quicunque alii scelerati, ET OMNIS hypocrita, is est enim QUI AMAT ET FACIT MENDACIUM; arcebuntur Regno DEI & FORIS ringentur: illos nec honestissimus quisque mortalium adnumeret suis dome-

sticis, nedum Deus inter suos cooptet! EGO JESUS per ANGE- LUM à me missum testificor vobis HÆC Episcopis, & ECCLESIIS vestris: qui SUM RADIX simul ET GENUS DAVID; radix ut Dominus, progenies ut filius David Matth. 22. v. 45. & STELLA MATUTINA, omnium prima stellarum, id est Episcoporum, unde omnis splendor Ecclesis.

Et radix
est &
proge-
nies.

3. Cætera (v. 17. & seqq.) sunt Joannis exhortantis: qui tria præstat. Primum suggerit ac præit verba desiderii super adventu, & super sitienda hauriendæque gratuito aquæ vitæ beatæ. SPIRITUS, inquit, sanctus cum gemitibus inenarrabilibus quibus postulat, Rom. 8. v. 26. ET SPONSA Christi Ecclesia illo prædita Spiritu, DICUNT VENI. ET QUI illum & hanc AUDIT, DICAT; VENI: similem se monstret hominibus expectantibus cum desiderio Dominum suum venturum; à quo satietur cum apparuerit gloria ejus & potetur torrente voluptatis æternæ. Hunc QUI SITIT (fontem aquæ vitæ; Joan. 4. v. 14. & Joan. 7. v. 34.) VENIAT etiam ipe in occursum advenientis: ET QUI VULT, hoc est enim sitire quod ardentè velle, ACCIPIAT AQUAM VITÆ GRATIS.

Votum
adven-
tus Do-
mini.Vox ca-
lta est,
veni.

Deinde contestatur, cum comminatione, ut ne quisquam addat aut demat huic Libro ab se scripto, delendus DE LIBRO VITÆ cujus hîc facta est mentio, & de Civitate hac sanctâ,

Conte-
statio de
Libro.

Gratia.

sancta, illiusve consortio. Ita DICIT QUI TESTIMONIUM PERHIBET ISTORUM, Joannes qui ut dicebatur initio Apocalypseos v. 2. *testimonium perhibuit*, qui & vidit ista : & quia is accepit sibi ostensa per Angelum missum à Christo, idè simul est, ut ibidem addebatur, *testimonium Jesu Christi*.

Denique ratificationem Christi adducit, id quod contestatus fuerat Joannes, approbantis per voculam, ETIAM : & asseverationi additæ, VENIO CITO, respondet; AMEN, VENI. Multum huic contraria est vox animæ adulteræ, ne veniat : castæ enim & fidelis animæ est ne tardet venire. Juxta similitudinem quam affert S. Augustinus in psal. 127. *Pone, ait, aliquam feminam castam; timentem virum; a-*

liam pone adulteram; & ipsa timet virum. Casta timet, ne discedat vir: adultera, ne veniat. Quid si ambo absentes sum? Illa ne veniat: illa ne tardet. Applicat adventui Christi: Absens est quodammodo cui desponsati sumus: absens est qui nobis arrham dedit Spiritum sanctum: absens est qui nos redemit sanguine suo: Sponsus est ille quo nihil est pulchrius: Pulcher est ille & absens est. Interroget se sponsa si casta est: Interroga conscientiam tuam: vis ut veniat, an adhuc vis ut tardet? Quam multi si dicatur illis, Ecce iam Christus, cras dies Judicii, non dicunt, utinam veniat! qui enim dicunt, multum amant; timent ne tardet: Castus ergo timor, fratres mei, hoc habet, quia venit & amore. Hæc Augustinus.


Vale pie Lector : in hoc amore & in hac voce (cui, quæso te, assuescamus) tota nostra posita est salus à Judice : Veniat Dominus JESUS & inveniat nos amantes ac dicentes sibi, VENI : etenim cum immarcescibili corona, quam reddet *iis qui diligunt adventum ejus* (2. Tim. 4. v. 8.)

Gratia. Omnibus Joannes peractis, ut unde duxerat initium scribendi Apoc. i. v. 4. inde eodémque voto terminet (v. 22.) precatur iis quibus scripsit *gratiam ejusdem*. Precemur à DEO *omnis gratia*
Pars II. X (1. Pet.)

162 PROPHETIÆ APOCAL. CAPUT XXII.

(1. Pet. 5. v. 10.) etiam nos qui hæc legimus, & a-
nimo: & sit hoc votum nostrum in terris; ac fi-
nis legendi: GRATIA, quod est semen Beatitu-
dinis & gloriæ, DOMINI NOSTRI JE-
SU CHRISTI sit CUM OM-
NIBUS *nobis.*
AMEN.

FINIS APOCALYPSEOS.



C A T A-

CATALOGUS RERUM ECCLESIASTICARUM.

Q U Æ

In Libro Revelationum ad Ecclesias
ac nominatim eas quæ sunt Asiæ,
maximè omnium memorabiles, id est, præ cæteris com-
memorandæ fuerunt:

Pars jam facta, dilucidè, usque in sæculum 17. Christia-
num: Pars facienda superest, ante finem mundi.
quarum proinde rerum

prædictio hieroglyphica Lectori Apocalypseos & ex-
plicatori fuit eruenda.

IN PRIMA PARTE APOCALYPSEOS.
REFERUNTUR OMNIA AD AGNUM SPONSUM.

Primò PROPHEANTUR ea quæ jam facta sunt, (dum
hæc scribimus) maximè celebria: pertinentia ad
Ecclesias agni.

OPpugnatio prædicationis Christianæ per { Judæos:
Hæreticos:
Gentiles.

MOrs pretiosa martyrum, statim ab initio persecutio-
num istarum. cui contraria est mors persecutorum
pessima & Judicium durissimum,

X 2

EX-

EXtraordinarius decennis conatus Imperatorum Occidentalis & Orientalis conspirantium ad everendum Christianismum: qui turbo latissimè omnium concussit Ecclesiam à quatuor ventis:

PAlmæ martyrum & Confessorum, qui innumera-
biles.

QUIes repentina & pax ab ethnicis; medioque hoc tem-
pore dilatatio Ecclesiæ & cultus Christiani.

PER hoc spatium quietis medium, insurgere ac terre-
re alia mala invicem succedentia. Ad quæ propul-
sanda signum dari per tubas Ecclesiæ: id est per Con-
cilia illius universalia: per & Doctores ejusdem;
per & fundationes Ordinum contrà docentium ver-
bo & exemplo.

MAla illa sunt hæc ordine:

Archihæreses capitales; quarum duæ præcipuè inva-
luerunt in Oriente, & ambæ tertiam partem U-
niversalis Ecclesiæ corruerunt: videlicet,

ARianismus in materia TRINITATIS:

NEstorii cum Eutychete conflictus in materia per-
sonæ & naturarum CHRISTI.

SChisma Orientale cœptum Constantinopoli: &
propagatum in cæteros patriarchatus Orien-
tis.

PRolapsus & defectio Ecclesiarum Orientis in erro-
res à Fide.

VA-

VAcillatio interea Imperii Christiani, quod est
Væ Orientalis Aquilæ trepidantis.

SUccessio Turcarum in Sedem & Imperium Chri-
stianum: simul doctrinæ Mahometicæ domina-
tus: captivitas & jugum Christianorum, con-
junctum cum periculo animarum & jactura Ec-
clesiarum.

Secundò, Futura impendentia hæc prophetantur:

SOLutio & potestas novissima Daemonum, cœptu-
ra ab Euphrate: & introductura Imperium anti-
christianum:

De hoc Imperio deglutiuntur, id est ruditer com-
memorantur in fine hujus partis Apocalypseos
(ac differuntur in secundam partem in qua iterum
de his prophetetur & latius:)

ANGustia Ecclesiæ illorum temporum per $\frac{7}{2}$ annos.

DUorum Testium ad Judæos prædicatio miraculo-
sa: Clades Antichristianorum.

JUDæorum conversio.

POst quæ imminet Tuba novissima Judicii extremi.

IN SECUNDA PARTE APOCALYPSEOS.

REFERUNTUR OMNIA AD MULIEREM SPONSAM.

PROPHETANTUR ITERUM, ET À CAPITE:

INimicitia inter antiquum Serpentem; ac mulie-
rem Ecclesiam Christi teneram, parturientem:

PArturitio hæc est Gentium Christianorum : & partus masculus.

Oppositio Draconis & prælium : in quo clades Draconis & angelorum ejus sub præsidio S. Michaëlis ; & victoria martyrum in persecutionibus.

Trepidantis Ecclesiæ mira exaltatio ; & Imperium utrumque cum Occidentis tum Orientis penes Christianos : conversis utrobique Gentilibus passim.

Flumen Hæresum, quarum vis præcipua emoritur & consepelitur cum suis Hæresiarchis & fautoribus potentioribus.

Bestia prior, Imperium Turcarum ; quod præparat adventum posteriori Imperio Antichristi usurpaturi & aucturi potestatem prioris, cum Imagine & prodigiis mendacibus : ipsum erit bestia posterior.

NON defunt Ecclesiæ , qui præluceant in ea cæteris ; Status tres eximii : Virgines : Doctores : Martyres. quorum Virginibus suus honos non se inquinasse cum mulieribus, & prærogativa sequendi agnum & canendi : Doctoribus præcellentia angelorum ; etenim horum fuit obiisse munus angelicum , evangelizando evangelium æternum ; ruinam aabylonis ; & damnationem adoratorum bestię : MARTYRIBUS sua eminentia Beatitudinis commorientium Domino,

mino , & illicò ad Beatam requiem assumptorum.

INveteratio malorum , quæ suprà cœperant proclamari rubis. 1. Adhuc enim vulnus Arianismi recruduit in mediterraneis. 2. Et adhuc contaminatione Nestorio-Eutychianâ infecti sunt maritimi populi. 3. Schisma pertinax : signum justæ vindictæ profectæ ab Altari. 4. Solis , id est doctrinæ orthodoxæ , intemperies maligna : æstuatio Ecclesiarum Orientalium in erroribus de divinitate quæ blasphematur. 5. Regnum bestiae in tenebris : & dolore quem infert. 6. Ab Euphrate via Antichristo cum suis : apparatus communis ad bellum & congregatio adversus Ecclesiam , ipsimet Antichristo fatalis.

Clines Civitatis Imperatoriae apostatricis : & combustio æterna secutura. Planctus super eam habitatorum terræ : at exultatio cœlestium.

EXPECTatio nuptiarum agni , & adornatio Nuptæ.

CHRISTI & exercitus ei militantis victoria : plenâque reductio gentis Judæorum ad fidem Christi.

DAmnatio amborum Bestiae & Antichristi ad stagnum ardens : Quò mittetur & Draco , is qui post mille

mille annos religionis fuerat solutus & supremus
auctor omnis seductionis.

Simul & consummatio mundi (quanto post anti-
christum intervallo temporis, latet) ac Judicium
mortuorum: his qui ad mortem secundam, vel qui
in Libro Vitæ.

MUtatio Cœli & terræ in formam novam, antiquâ
pereunte.

DEscriptio Civitatis Beatæ, quæ eadem est Uxor A-
gni. Et in ea Civitate cohabitatio DEI cum ho-
minibus. Introitus gentium in illam honorabi-
lium, nec ullius inquinati. Sedes DEI & Agni.
& servi ejus una omnes Reges in sæcula sæcu-
lorum.



INI-

INITIUM S. EVANGELII
SECUNDUM JOANNEM.
CUM SUCCINCTO COMMENTARIOLO;
DIVISO IN TRES SECTIONS,
SIVE IN NOVEM PARAGRAPHOS.

PRÆFATIUNCULA.

O Portet ut hoc Initium Evangelii sit præcipue
Mysteriis refertum cum sancta Ecclesia illud
prælegat passim; nec desint Fideles qui pie appendant
illud collo, aut secum gestent. Aperiat nobis Deus
sensum: Domine, DAMIHI INTELLECTUM.

SECTIO I.

De Mysteriis Personarum Divinarum.

Patere te rapi omni procul terrenâ cogitatione in ady-
ta SS. TRINITATIS, quæ tibi referat fides hujus initii
Evangelii.

§. I.

Descriptio VERBI.

In Principio erat VERBUM: & VERBUM erat apud
DEUM: & DEUS erat VERBUM.

Inest vocibus singulis suum pondus.

ERAT productum ab æter-
no; ita ut de illo sit perpetuò
dicere, Erat, & immutabili-
ter, ante sæcula.

Pars II.

Actiōe immanente IN suo PRIN-
CIPIO à quo producitur: non sicut
alia quæ ad extra efficiuntur.

Admirabili, Generatione: purissi-
mâ

mā enim tanquā VERBI quod sibi intus generat qui dicit; consimillimum cogitationi progenerantis seu proferentis.

2. ERAT APUD DEUM. Persona distincta à Generante: correlata ad eundem: inseparabilis ab illo: æqualis illi: subsistens juxta & æquē atque ille.

Nam in creatis quidem Verbum, quod formant in mente, est accidens vitale: sed in DEO, in quo nequit esse accidens ullum, est Substantia & consubsistens loquenti, ipsumque audiens. Quæ est præminētia VERBI divini editi perfectissimā locutione vitali.

3. DEUS ERAT VERBUM. Naturā seu Deitate eādem. Hæc enim etiam est præminētia Generationis DEI solius, quod qui generatur Alter quidem sit à Patre, sed de cætero totus unum naturā & attributis, qui acceperit ipsummet Esse & vivere quod habet is qui generavit.

Quæ ecce est Generatio exactissima: quoniam omnis generatio viventis tendit ad alterum se producendum, communicando ei naturam quantum generans potest eandem: quod si, ut in creatis, non possit eandem individuum, saltem specie dat e-

andem. Nulla proinde alia generatio univoca est ei qua gignitur hoc VERBUM: nulla æquē naturalis, neque tam propriē dicta generatio, Filii naturalissimi omnium; utpote quæ à principio vitæ conjuncto in similitudinem sit omnium summam.

Et quidem sicut generatum omni est interno verbo commune, similitudinem esse intus expressam à dicente: Imagini quoque hoc commune, ut exhibeat ac repræsentet prototypum: Filio ut referat Patrem tanquā alter ipse: Ita oportet ut perfectissimi sit VERBI, esse similitudinem omnimodis expressam: Imaginis perfectissimæ, repræsentare usquequaque suum Prototypum: Filii perfectissimè generati, sic prorsus referre Patrem, ut, præterquā quod sit alter & genitus, sit ipse omnino unum & id quod est Generans. Adeoque necessariò terminus divinæ Generationis est, quā excellentissimè, simul VERBUM Patris, Imago Patris, & Filius.

Summa hujus paragraphi.
Ecce quid erat VERBUM æternè:
Productum Generatione ut VERBUM immanens:
Distinctum Personalitate:
Idem Divinitate.

§. II.

Mentio TRINITATIS.

, Hoc erat in Principio apud DEVM.

1. **A**bsit ut repetitio sit otiosa, cum dicitur: APUD DEUM. Sensus enim esto: Hæ duæ Personæ, HOC arcanum VERBUM IN

suo intimo PRINCIPIO, ERANT ab æterno simul cum alia & APUD aliam tertiam, quæ etiam ipsa DEUS confors amborum Patris & Filii.

Ita

Ita ut tres Personæ unus Deus sint ab æterno & ad invicem referantur sibi quæ correspondeant & convivant, inexplicabili distinctione simul & unitate.

Atque hoc erat consortium Trini & Unius ab æternitate: Patris, qui est Origo & producat perenniter; Filii, qui & productus & coævus; Utriusque horum Spiritus, qui & procedens ab ambobus & coæternus.

2. Quarum Personarum TRIUM (quod est Omnium, ut habet Philosophus: & est contubernium plenum, ut habent Canones) una est connaturalis Beatitudo, Majestas, æqualitas, amplexus trium & circuminfectio seu inhabitatio singularum in singulis, ac familiaritas intima: incomprehensibilis humanis personis, digaa Divinis: tota ad intra, ineffabilis ad extra:

3. Et varietas mutua (citra omnem mutationem:) dum Alia producendo exultat, videns se Patrem, id est, qui habeat Filium: Alia producit & exultat æqualem se Patri: Ambobus, Pater & Filius, conspirantes, ita ut

qui spirant sint Deus, & qui spiratur sit Deus.

Ineffabili unitate communionis, & differentia Proprietatum. Pater innascibilis loquitur Filio, id est, communicat intelligentiam rerum omnium Filio nascenti & audienti. Filius simul & locutione progignitur, & est Persona quæ loquentem audit: Spiritus sanctus procedit internus velut motus amborum & impulsus sempiternus, at consubstantialis ambobus. Unaquæque Persona distincta ab Aliis; & Unaquæque in Aliâ, nusquam enim magis quàm ubi est sua essentia, quæ est eadem in tribus: & quælibet Persona postulat atque in se certo modo continet Alias Personas tantum perfectiones & complementa sibi debita.

Ego inquit Filius, in Patre, ut Verbum in dicente: & Pater in me est, ut loquens in consubstante VERBO: similiter & Spiritus sanctus ut amor in amante; & immanenter amans Pater ac Filius in consubstante amore.

Quæ sunt ineffabilia, & soli Deo experta.

§. III.

Commemoratio actionis in divinis.

Hoc erat, inquit, in Principio apud DEUM.

1. **A**sertio est, ut diximus, de illo consortio Personarum. Simul & Responsio ad Questionem: quid ab æterno agebat Deus.
- Respondetur enim: Divinæ Personæ agebant in & erga invicem. Pater per Intellectum, unde Filius: Ambobus Pater & Filius per Voluntatem, unde Spiritus sanctus. Pater ideo per Intellectum: quia quod producitur

Y 2 est

est Verbum mentis paternæ; cuius pro-
generatio est actio Intellectus. Ambo
illi per Voluntatem: quia qui pro-
ducitur est Spiritus, id est, impulsus
vitalis; cuius productio est actio Vo-
luntatis.

Ergo Pater æternum generans &
loquens:

VERBUM nascens æternum & au-
diens & repræsentans:

Persona tertia duorum intimam
propensionem & conjunctionem
exprimens æternum.

Pater suâ locutione semel pronuntians
omnia:

Istud repræsentatione suâ enuntians
simul omnia:

Illa de utriusque Spiratione accipiens
& consentiens & condelectans
ob communia omnia.

2. Quærebatur, quid ageret Deus.
Respondetur: actione actuosissimâ,
immutabili, necessariâ; quæ est eadem
ante sæcula & in sæcula: æternæ du-
rationis, æterni fructus, & æternæ
complacentiæ trium Personarum,

Generat, & Generatur:

Spirant, & Spiratur:

Locutio perpetua est, quæ propria
est Patris:

Auditio perpetua est, quæ propria
est Filii:

Utriusque inter se amoris est ex-
pressio perpetua, quæ propria est
Spiritus sancti.

Divinè omnia & singula: perfectè
omnia: & condignè, hoc est, adæqua-
tè ipsi Principio à quo proceditur.
nam & is qui producit, verè Deus;
& VERBUM quod pronuntiando
producit, verus Deus; & ambo-
rum pondus inclinationis, seu Spiritus,
Deus sicut ambo.

3. Hæc intra se TRINITAS opero-
sissima, & inter se jucundissimè con-
versans: sufficientissimâ sibi consocia-
tione, ac super-beatâ, & perfectissimâ
utpote trium:

Patris erga Filium;

Filii erga Patrem:

Utriusque erga Spiritum sui am-
borum.

Pater dans Filio & imprimens:

Filius è sinu Patris excipiens & ex-
primens:

Spiritus sanctus possidens ab utro-
que, & utrumque connectens &
conglutinans indissolubili con-
junctione agentium & nexu in-
ter se ac secum ipso.

AFFECTUS PIUS.

U^m hæc recitas verbis S. Joan-
nis: adora mysterium: submitte
intellectum, gaude super incompre-

hensibilitate DEI; & eâ, quæ græcè
dicitur *ἀνάμνησις*, id est, quod sibi suf-
ficientissimus sit ab æterno.

SECTIO II.

De opere Creationis & Redemptionis.

S. I.

§. I.

Creatio & lapsus Naturæ.

Omnia per ipsum facta sunt: & sine Ipso factum est nihil, quod factum est.

1. OMNIA PER VERBUM, eaque bona valdè & benè FACTA SUNT: atque imprimis rationalis creatura omnis, Angeli & Homines; qui etiam conditi in statu supernaturalis gratiæ.

2. DEUS VERBUM factor est omnium: excepto peccato; quod non est inter illa omnia. quia propriè est nihil: & redegit facientes creaturas in nihilum supernaturalis gratiæ acce-

ptæ; partem Angelicæ naturæ, & Humanam totam.

3. Cæterum cum sit NIHIL, illud tamen est ejusmodi QUOD etiam ipsum, quamvis nihilum, suo modo & verè (prò dolor) FACTUM EST: non per VERBUM, sed contra & SINE VERBO; puta, talis effectus qui sit defectus & culpa cujus non est auctor Deus sed vetitor & vindex.

§. II.

Reparatio futura.

In Ipso Vita erat: & Vita erat Lux hominum: & Lux in tenebris lucet: & tenebræ eam non comprehenderunt.

1. VERUM IN IPSO VERBO solo Vita erat æterna, & potestas suscitandi ab interitu sempiterno id quod ceciderat.

ET ea VITA solum Lux HOMINUM: ac, relictis Angelis peccatoribus in caligine perpetua, effulgens super genus humanum radius & decretum ac promissio instaurationis in VERBO!

Jamque IN TENEBRIS, quæ se expanderant super universam terram, cœperat per LUCERE illa LUX, inter figuras & umbram veteris Legis; cum Naturæ lumine, rùm scripti.

3. At TENEBRÆ NON COMPREHENDERUNT Lucem, quia tantæ erant ut nollent eam capere: etenim dilexerunt homines magis tenebras quàm Lucem.

§. III.

Missio Præcursoris.

Fuit homo missus à DEO, cui nomen erat Joannes: hic venit

T 3

in

, in testimonium, ut testimonium perhiberet de lumine; ut omnes
, crederent per illum. Non erat ille Lux, sed ut testimonium per-
, hiberet de lumine.

1. QUæ Lux ut ne diutius lateret
sub umbris; ideo, præfinito
tempore, palam MISSUS FUIT
HOMO A DEO, CUI NOMEN
ERAT JOANNES, id est, Gratiæ
ut ipso nomine testaretur advenisse
tempus non jam Naturæ tantum,
neque Legis quæ per Moysen data est,
sed Gratiæ Dei.

2. HIC VENIT IN eum finem,
ut TESTIMONIUM ferret DE
adventu Lucis manifesto, quæ suo LU-

AFFECT

Inter recitandum subde te Creatori:
Eidem qui & ex nihilo peccati eruit

MINE ab se diffuso dispultura esset
tenebras mundi humani; UT O-
MNES CREDERENT PER IL-
LUM:

3. At non in illum tamen (homi-
nem Joannem:) qui error signifi-
cantly est coarguendus Judæorum,
quia NON ILLE LUX, prout ele-
gerant errare, SED UT TESTIMO-
NIUM PERHIBERET DE LU-
MINE alterius in quem intendebat
jam exortum & præsentem.

US PIUS.

te: abjice opera tenebrarum, & am-
bula in lumine Gratiæ ejus.

SECTIO III.

De Persona divine Incarnatione.

§. I.

Adventus in Mundum.

, Erat Lux vera quæ illuminat omnem hominem venientem
, in hunc mundum. In mundo erat; & mundus per ipsum factus
, est: & mundus eum non cognovit. In propria venit: & sui
, eum non receperunt.

1. ERAT LUX VERA QUÆ
ILLUMINAT OMNEM
HOMINEM VENIENTEM IN
HUNC MUNDUM. Venit enim
unusquisque cum sua propria caligi-
ne cui originaliter involvitur, ita ut
omni homini opus sit illuminari.

2. Utique IN MUNDO ERAT
ut DEUS; ET MUNDO PER
IPSUM FACTUS EST: ut meri-
tò debuerit ex iis quæ facta sunt co-
gnosci Creator, Deitate suâ & Crea-
tione. Sed enim MUNDUS EUM
NON COGNOVIT.

3. Insu-

3. Insuper etiam VENIT ut Homo, atque IN sua PROPRIA, in terram & ad populum cui propriè & primò fuerat promissus & expectatus Redemptor seu Instaurator. ET ecce illi quamvis SUI EUM, cum advenisset ac testimonium ei tale perhiberetur, NON RECEPERUNT!

§. II.

Receptio in Mundo.

Quotquot autem receperunt eum, dedit eis potestatem filios DEI fieri; his qui credunt in nomine ejus. qui non ex sanguinibus, neque ex voluntate carnis, neque ex voluntate viri, sed ex DEO nati sunt.

1. QUOTQUOT AUTEM, seu ex paucis reliquiis Judæorum, seu ex Gentilibus longè latèque, RECEPERUNT EUM, DEDIT EIS POTESTATEM FILIOS DEI FIERI; HIS QUI verè CREDUNT IN NOMINE EJUS, eà fide quæ per charitatem operatur.

2. Porro hæc professio fidei, & adoptio filiorum, donum DEI est. NON enim hi filii procreati EX SANGUI-

NIBUS, peccato in quo nati sumus totinos & cui obnoxii: NEQUE EX VOLUNTATE CARNIS, quæ corrupta est in sua propagine ac propensa ad malum concupiscendum: NEQUE EX VOLUNTATE VIRI, quæ impos & liberum arbitrium insufficiens:

3. SED EX DEO NATI SUNT, novâ per Christum & gratuitâ prorsus regeneratione; vi cujus nominantur Filii DEI & sunt.

§. III.

Tota Oeconomia VERBI Incarnati.

Et VERBUM caro factum est: & habitavit in nobis. Et vidimus gloriam ejus, gloriam quasi Unigeniti à Patre; plenum gratiæ & veritatis.

1. ETC Ecce unde consequatur potestas, de qua dictum est, Filiorum DEI. ET enim ex quo Filius DEI DEUS factus est homo, consequens est ut homines fiant Filii DEI. debemus hoc acceptum ferre VERBO quod CARO FACTUM EST; per factam videlicet assumptionem, id est,

hypostaticam unionem, Naturæ humanæ ad Personalitatem VERBI. ET HABITAVIT IN NOBIS; homo propter nos, his nobiscum in terris visus & conversatus: docendo nos magna: patiendo inter nos mira: patiendo pro nobis ardua; similis nobis mortalis.

2. ET

176 *Explicatio Evangelii, In Principio erat Verbum.*

2. ET nos sumus qui VIDIMUS GLORIAM EJUS: non soli tunc discipuli qui primi annuntiaverunt; sed & nos posteri quibus annuntiatum est, qui vidimus deinceps majora. gloriam quæ decebat UNIGENITUM naturalem A PATRE: clarificante eum per sua miracula olim & prædicationem; per exaltationem in Cruce & copiosam Redemptionem; per & Resurrectionem talem & Ascensio-

nem; quæ viderunt isti: per & sequentia Signa & conversionem orbis, quam nos videmus & applaudimus.

3. PLENUM, nam ab ejus plenitudine manat in mundum redemptum seu instauratum, GRATIÆ ET VERITATIS: Gratiae quidem, quæ omnibus ecce offertur: Veritatis, quæ omnibus annuntiatur in universo mundo.

AFFECTUS PIUS.

QUI hæc recitas, compatere ingrato Mundo: exardescere zelo filiorum DEI ac desiderio adoptionis quam plurimorum: profundissime te

inclina & immerge in abyssum contemplationis & amoris Incarnati VERBI, & exurgens exulta de gloria illius.

COROLLARIUM.

Quod est instar Indiculi.

Continentur in hoc Initio Evangelii.

- | | | | |
|-----|--|-------|---------------------|
| 1. | Mysterium Personarum divinarum. | _____ | In Principio &c. |
| 2. | Creatio, | _____ | Omnia per Ipsum &c. |
| | & lapsus naturæ creatæ. | _____ | Sine Ipso &c. |
| 3. | Placitum reparationis humanæ. | _____ | In Ipso Vita &c. |
| 4. | Tempus vetus umbrarum. | _____ | Lux in tenebris &c. |
| 5. | Tempus novum gratiæ, | _____ | Fuit homo &c. |
| | Et officium Præcursoris. | _____ | Hic venit &c. |
| 6. | Judæorum ad horam exultatio vana. | _____ | |
| | Et error in persona Præcursoris. | _____ | Non erat ille &c. |
| 7. | In promptu salus omnibus hominibus. | _____ | Erat Lux vera &c. |
| 8. | Quem Creatorem suum Mundus non agnoscit, | _____ | In Mundo erat &c. |
| | Illum nec Redemptorem Judæi voluerunt. | _____ | In propria &c. |
| 9. | Recipientibus adoptio in filios DEI, | _____ | Quotquot autem &c. |
| | Per fidem in eum | _____ | His qui credunt &c. |
| | Et regenerationem ex DEO gratis. | _____ | Qui non ex &c. |
| 10. | Incarnatio VERBI. | _____ | |
| | Et Conversatio in terris. | _____ | Et VERBUM caro &c. |
| 11. | Gloria ejus manifesta oculis omnium. | _____ | Et vidimus &c. |
| 12. | Fructus ejus abundantia gratiæ, | _____ | |
| | Et propagatio veritatis. | _____ | Plenum &c. |

F I N I S.

